


ღიღია მებრელია

სახსოვარი

საბავშვო და ახალგაზრდობის ლიტერატურის
სახელმწიფო გამომცემლობა
თბილისი
1958



ჩვენი დროშა

ჩვენი დროშა აღისფერი
წმინდის სხივებით ნაფერია,
ფერად-ფერად პირმოხატულს
ზედ მშვიდობა აწერია.

ეს თავთავი ლალად შლილი
ნაყოფია ძმური შრომის,
ეს ჩაქუჩი, ეს ნამგალი
მეგობრობა ხალხთა შორის.

მიტომ მიყვარს მე ეს დროშა,
მიტომ მიყვარს ასე მტკიცედ:—
მე სამშობლოს ერთგულემა
ამ დროშაზე დაეიფიცე.

ი ა

აი, შეხე, ბუჩქის ძირას
ილიმება ია...
ეშხით მწვავს და
სუნით მათრობს,
ტურფა, ლამაზია!
გაზაფხულის მახარობელს
გული გაუღია,
თვისკენ იწვევს ხმატკბილ სტუმრებს,
ქება გაუგია.
სიო დარდით გარს ევლება
თვალნაბია ლამაზს,
ხან ჩამალავს მწვანე მოლში,
ხან ცრემლებით ნამავს.
იცით რატომ? სიო ხედავს
მოსწყვეტენ და მორჩა...
სიო ნაპრალს მოეფარა,
ია აღარ მოჩანს.

გ ა ზ ა ფ ხ უ ღ ი

მიყვარს, მიყვარს გაზაფხული,
ველი ტურფად მოქარგული,
რა ნაზია,
რა ლამაზი

ყვავილების თაიგული!
მწვანე ველზე მიყვარს რბენა,
იქ პეპელამ იცის ფრენა,
როს ვიპერ მათ
ხტუნვით, ლალად,
ფრთას შლის გულის აღმაფრენა.

მიყვარს მდელო, ბუჩქთი, ლელო,
რბილი მოლი უნდა ვქელო,
რა კარგი ხარ,
რა ლამაზი,
გაზაფხულო საყვარელო!

ია და ბავშვი

ნუ შემახებ პაწია ხელს,
ნუ, ნუ-მეთქი, ჩემო კარგო,
ის არა სჯობს, გავიფურჩქნო
და ბაღნარი მოგიქარგო?

მეც შენსავით პატარა ვარ,
გამახარებს შენი ცქერა.
ახლოს დაჯექ, გამაგონე
მხიარული შენი მღერა.

გ ა ნ თ ი ა დ ი

მოციმციმებს ცის ნათელი,
მოქრის, მოქრის თეთრი რაშით,
არემარე გულგახსნილი
ეგებება ცეკვით, ტაშით.

ია ფოთოლს უჩურჩულებს,
სიო ბუჩქნარს არხევს ნელა,
ვარდი ბალნარს აშუქფერებს,
კლდის კალთებში კრთის ენძელა.

ქრიამულობს ფრინველთ გუნდი,
შარიშურობს ტყის ნაპირი,
დიად განცდას მისცემია
ღედამიწის ზედაპირი.

მ ე რ. ც ხ ა ღ ი

მერცხალი ვარ, ვჭიკჭიკებ,
მიყვარს შრომა ხალისით,
მიყვარს თეთრი ლაქვარდი,
ვარდისფერი აისი.

მოვალ, მომაქვს სიცილი
უდარდელი, ბავშვური,
შენს ფანჯარას ვესტუმრე,
შენკენ გამონაშური.

მიყვარს ბუდე ნამყოფი,
მთის ჩანჩქერი ანკარა,
სადაც დედა ალერსით
დამაფრენდა პატარას.

გ ა ნ თ ი ა ღ ზ ე

ხტის და კისკისებს პატარა თინა,
იქნებ არ იცით, რამ შოალხინა?
დღეს განთიადის თეთრი სიცილი
ისე იაშა, აღარ სურს ძილი,
მერცხლის კიკვიკმა მოსტაცა სმენა,
ზურმუხტ მდგლოზე მასაც სურს რბენა.
ბევრს დაკრეფს თინა ფერად ყვავილებს.
დედას მოუტანს, დედას აამებს,
და გაზაფხულის პირველ სიხარულს
მოჰყენს ოთახს და ოჯახს მზიარულს.

მოციმციმდა გაზაფხული

მოციმციმდა გაზაფხული
ია-გიაცინტებით.
ფერად-ფერად მოკაზმული,
მოჭიკჭიკე ჩიტებით.

აედევნა ოქროს სხივებს
ქრელფრთიანი პეპელა,
და ფოთლებზე ბროლის მძივებს
სიო არხევს ნელ-ნელა.

ხტუნავს ნუკრი მთის კალთებზე,
სიხარულით დამთვრალი,
ნაკადულის ცელქ თვალბში
ჩაიძირა ზამთარი.

ქიკ-ქიკ, ჩემო მერცხლებო

ქიკ-ქიკ, ქიკ-ქიკ, მერცხლებო,
კუდრაქებო, ცელქებო,
საიდან მოფრენილხართ
ასე დილაადრიან,
მთებისა და ზღვებს იქით
გიგულვებდით დარდიანს.
სამშობლოში მოფრენამ
გაგინათათ თვალები?
აი, ფართე მინდვრები,
აი, მწვანე ქალები,
ლურჯი ცა და ჩანჩქერი,
მიწა ოქროს მზიანი...
თქვენთვის მუდამ მზადა მაქვს
სიტყვა აღერსიანი.
ქიკ-ქიკ, ქიკ-ქიკ, მერცხლებო,
კუდრაქებო, ცელქებო.

გივის ჩიტი

რა კარგია გივის ჩიტი,
შუკერი და ვერ მიხედები;
ასე გაჩნდა, თუ მხატვრის ხელს
დაუხატავს მისი ფრთები.

ყველას მოსწონს გივის სახლში
ეს კოპწია, ეს პატარა,
და ზამთარი გივის ჩიტმა
სულ ალერსში გაატარა.

დადნა თოვლი და ბუჩქებში
გაიშალა ლურჯი ია,
აყვავილდა ბალები და
გაიფურჩქნა ვაშლი, ბია.

მოფრთხილდნენ ჩიტები და
რუმ ქალები აამლერა,
ნაზამთრ ველზე ყვავილები
აბიბინდნენ ათასფერად.

დილით გივიმ ჩიტუნიას
საკენკი რომ დაუყარა,
ჩიტუნიაშ არც ერთ მარცვალს
ნისკარტი არ მიაკარა.

მინდვრებისკენ მობუზული
გაჰყურებდა ხეთა გუნდებს,
სადაც მისი მეგობრები
იკეთებდნენ ახალ ბუდეს.

შეებრაღა გივის ჩიტი
და მოჰხვია ფრთხილად ხელი,
სთქვა: ჩემსავით გიყვარს, ალბათ,
შენც ეს ტურფა მთა და ველი.

შენც ჩემსავით გიძგერს, ალბათ,
ეგ პაწია ნორჩი გული,
ჰა, გაფრინდი, გაიხარე
ამ ბედნიერ გაზაფხულით!

დიდა მტკვრის სანაპიროზე

ფრთა ფრთას შემოჰკრა ნიაგმა,
გადმონაქროლმა მთიდან,
ჩიორა ეფილ-ხევილით
ფრთხიალებს, ბუდეს იღვამს.

გავარდისფერდა ცისკარი,
ცას მარგალიტი ცვივა...
ლაქვარდის ცისფერ ნათელში
თვალს აციმციმებს ია.

იღვიძებს მტკვრის ნაპირები,
სიციციხლე რა კარგია!..
მოგესალმები, თვალღურჯა,
ჩემო პატარა იავ!

რა ყვავიღებია?

მოველ, მომაქვს
ბროლ-ალმასით
მოქედლი ვერცხლის თასი,
სურნელება ნაზზე ნაზი...
ვინ ვიქნები თქვენი აზრით?

კლდეზე ობლად აღვიზარდე,
მშობლიურ მზით მიძგერს გული,
ვინც მე მნახავს, შვევით იტყვის:
„უცვე დადგა გაზაფხული“.

გაზაფხული სოფლად

თუთას დაუსხამს კვირტები,
ჩქარა ფოთლებსაც გაშლის,
აღუჩა აყვავებულა,
აკოკრებულა ვაშლი.
ატმის ყვავილის მტევნები
გადმოკიდულან ქინდრად,
ბაიას ოქროს თვალები
ამოუქარგავს შინდვრად.
იებს გულეები ნაზამთრი
გადაუშლიათ შვებით,
უნძელა, კენტად ნაზარდი,
მზეზე კეკლუტობს ქებით.
რამდენი გაზაფხულია,
რამდენ ასეულ წლების...
ახლა სხვა სინარულია,—
ცხოვრების განახლების.
მზე დაკაშკაშებს გარემოს,
გვატკბობს პირნაზი მთვარე,
ვიშ, რა კარგი ხარ, სოფელო,
მიწის დოვლათის მხარე!

ღღეს ესტუმრა სამშობლოს

ამ დილით მოფრენილა
ჩემი გიჟი მერცხალი;
და ქიკვიკებს, ქიკვიკებს
მზიურ შუქით დამთვრალი.

თავს ევლება ალერსით
მწვანედ ფოთლილ არესა,
და შეჭხარის კისკასით
მშობელ ტურფა მხარესა.

მას უსმენენ ყვავილნი
ტუჩებლია, ნარნარი,
გულში იკრავს მის ტკბილ ხმას
ველ-შინდორი, ბალნარი.

და ბორიო ნელ-ნელა
ფრთებს შლის, მოქრის ფშეენითა,
ილიმება ენძელა
ზეციური ლხენითა.

მზის კაშკაშა სხივები
ველს ეფრქვევა ცქრიალით,
იწვის ბროლის მძივები
მისი კოცნა-ტრფიალით.

ჩემი გიჟი მერცხალიც
ალარ დგება სიამით,
კვლავ ევლება მიდამოს
შურდულღივით, სრიალით.

კვლავ კიკვიკებს, კიკვიკებს
ეს კუდრაქა პატარა.
დღეს ესტუმრა სამშობლოს,
აი რამ გაახარა.

მ მ ა რ ტ ი

დღეს ქალების ზეიშია,
მეგობრებო, ტაში... ვაშა...
აი, შეხეთ, პარაშუტით
როგორ ხტება ჩვენი პაშა!

ირას დედა პილოტია,
ვარსკვლავებში დაქრის ცაზე,
თინას დედა—კაპიტანი,
დააცურებს გემებს ზღვაზე.

ცუცას დედა—კოლმეურნე,
განთქმულია ვაშლით, მსხალით...
უპ, ვინ მოთვლის, რამდენი ჰყავს
ჩვენს სამშობლოს გმირი ქალი.

ჩემო პატარავ

აპრილის მზე რომ შემოანათებს,
აბრკუყვიალდება მდელოზე ბროლი,
სხივები ქალებს თეთრად აანთებს
ათასი ჯაქვის ათასი რგოლით.

შენ თან აჰყვები პირველ ბორიოს,
შეებით ამართავ პატარა ხელებს,
მარდად გადიბრბენ სერებს გორიანს
და კრიმანქულით მთარღვევ ველებს.

იქ გელოდება სკოლა და სწავლა,
სინათლის სხივი ჰფენია სოფლებს,—
ისე გიხდება ამ გზაზე გავლა,
ვით ნამის თქორი დასიცხულ ფოთლებს.

წინ გეფინება ხმაური ხალხის
და სურნელება ია და ვარდის,
მოხვალ და მოგაქვს შუქი სიახლის,
როგორც გაზაფხულს ყვავილი ატმის.

დ რ ო შ ე ბ ი

დროშები წითელი მაისის
მოეფინოთ ველ-მინდვრებს, ვახაროთ:
— გმირობით, სწავლით და ხალისით
მოედივართ, სამშობლოვ ახალო!

მაისის დიღა

გულს ამღერებს ამ მაისის ელვარება,
ეს ფუსფუსა ნიაფ-ქარი ამ დიღის...
სილამაზევ, ისევ დგახარ ჩემს კარებთან
გაზაფხულის მოოქროვილ მანდილით.

ქართულ მიწის სიხარული მომაქვს კალთით,
მომაქვს გულით სიხარული ჩემი ხალხის...
სილამაზევ, შენს წინაშე კრძალვით თავს ვხრი:
მე სამშობლო მეხატება შენი სახით.

მ ა ი ს ი

სიცილით, კისკისით
მოვიდა მაისი,
იეზი, იეზი,
რამდენი სოსანი!

ქუჩებში დაცურავს
წკრიალა ხალისი,
ბალები აივსო
ვერცხლისფერ შროშანით.

სიმღერა პირველ მაისზე

სად არის ქვეყნად მაისი,
ხალხს ასე სად უმღერია!
ქუჩაც ყვავილობს, ბაღებიც,
ვარდებიც ლალისფერია.

ცა—რძისფერ ატლასბროლება,
მიწა—ოქროს ტბა მღელვარე,—
ეს არის ჩემი სამშობლო,
კომუნის დროშით ეღვარე.

ქალაქი—სასახლეებით,
ლხინით, გუგუნით, გრიალით...
სოფელი ფართე ყანებით...
მიყვარს მე მათი შრიალი.

ჩაჰკონებია ხელი ხელს
ყველა ცოცხალი ძალისა,
შეხეთ კლდეებში ნაკვერჩხლებს,
მთებიც ამღვარან ხალისად.

სად არის ქვეყნად მაისი
ასე ლალი და ნარნარი!—
ეს არის ჩემი სამშობლო
შრომით და ბრძოლით გამთბარი.

გამარჯვების მაისი

გოგოვ, გოგოვ,
თვალეუენა, პირმთვარევ,
ნოციმციმდი,
მოდი, გამომიდარე,
ეგ ვარდები
თვალეზში მომაყარე,
გამარჯვების
გაზაფხული მახარე.
ცელქო, ტუჩზე
ყაყაჩო რომ გიელაეს,
მამას ელი,
გწლი შიტომ გილელაეს?
დახატულო,
ყვაფილების ფერებით,
ყვაფილებით
მამას მოეფერები!
ლაფუსფუსებ,
სულ მზადებას უნდები,
გინარია:
მამა დაგიბრუნდება.
ეგ ვარდები
თვალეზში მომაყარე,
გამარჯვების
გაზაფხული მახარე.

თეთრო პეპელა

თეთრო პეპელა, ნაზო პეპელა,
მიყვარს მე შენი სითეთრე მინდვრად.
ამ მზიან დღეში,
ამ ლაქვარდ ფერში
შენთან ფრენა და ფარფატი მინდა.

შენი ღაია—ია-ბაია
და მეც შენსავეით მაქვს გული წმინდა.
ამ მზიან დღეში,
ამ ლაქვარდ ფერში,
შენთან ფრენა და ფარფატი მინდა.

შავი ზღვა

მიყვარს, როცა ყურს ვუგდებ,
შენს სიმღერას. შენს შრიალს...
იაგუნდის კალთები
მზისკენ გადმოგიშლია.

ვინ თქვა შენზე, შავია,
შავ ფერს შენთან რა უნდა!
თავზე დაგცქრიალებენ
ვარსკვლავები გუნდ-გუნდად.

შენი ლალი ტალღები
მშობლიურ ცის ფერია,
საქართველოს სიტუროფე
გულში ჩაგიფენია.

სალამი და მშვიდობა
შენს ნაპირებს მთვარიანს...
ქალაქში რომ დამცხება
შენთან მონიხარია.

ჩამოღდი ჩვენთან

წერილი ქალაქელ მეგობარს

დადგა ივნისი, დაყვითლდა მსხლეები,
ბალი აივსო იაგუნდებით.
ჩამოიყურსა მწვანე ფოთლებში
ტკბილი თუთები და ალუბლები.

თხილმა კაქლები გამოამზევა,
ოქროცერცვებმაც დაისხეს პარკი,
ჩვენმა ლამაზამ ფური მოიგო,
გაგეხარდება, ისეთი კარგი.

ვთოხნით ბაღებს და ეწმენდთ მავნე ბალახს,
და სიხარული უფრო დიდდება...
ჩვენს შრომას მზე და სიცოცხლე ახლავს,
ჩვენთან ცხოვრება არ მოგწყინდება.

ციცო პირველად ხედავს ზღვას

აქ შეჩერდნენ, თეთრ ნიშანზე
შეაჩერეს თვალი.

დღეს პირველად ჩამოსულა
ეს პატარა ქალი.

ჩაჰფრენია დედის კალთას,
ატუზვია წინა.

«ციცო, გოგოვ, ამ ზღვამ ასე
როგორ შეგაშინა?»

აკი ამბობ, თითქოს გინდა
გახდე კაპიტანი...

ზღვიდან ზღვამდე ნავარდობდე,
როგორც ნიაფ-ქარი...

ახლა?

შენი გულადობა,

გოგოვ, სადღა არი?»

ციცოს უცებ შერცხვა დედის,

ხელი უშვა კალთას,

და ზღვას ისე ეპარება,

როგორც მელა ქათამს;

კვლავ შედგება, კვლავ გახედავს,

ლურჯად ნავგირისტებს,

ლურჯ ატლასზე გადმობნეულს

ციურ მარგალიტებს...

«ეს რა ბურთი ამოგორდა,

ცეცხლია თუ მთვარე?»

— გოგოვ, ციცო, ეს მზე ჩადის
დასავლეთის მხარეს.

ქ ვ ი შ ხ ე თ ს

ქვიშხეთო, ტურფავ, მზიანო,
სურნელნაფრქვევო მთიდან,
არ მინდა დავიგვიანო,
ჩქარა გეახლო მინდა.
შენკენ მოქრის და მოფრინავს
ჩემი გული და აზრი.
წუხელ მესიზმრა შენს მკერდზე
მტევნებდასხმული ვაზი.
ფიქვნარში შაშვი კახკახებს,
სადღაც ტოროლა მღერის...
მინდვრად ყვავილი ეუუუნებს
ათასნაირი ფერის.
ტაშისკარში დგას ბანაკი
ძველი კლარჯეთის გზაზე,
წითელი დროშა ფრიალებს
ჩვენი ბანაკის თავზე.
მტკვარი დუღუნით ჩაუქრის
და მე შორიდან მესმის:
ტალღას ტალღაზე გადააქვს
ახალ-ახალი ლექსი.
სიხარულია ბანაკში,
სიმღერა, ჟრიამული...
მეც მათთან მომიხარია,
აღარ მიდგება გული!
ქვიშხეთო, ტურფავ, მზიანო,
სურნელნაფრქვევო მთიდან,
არ მინდა დავიგვიანო,
ჩქარა გეახლო მინდა.

საღამო ჩემს დედოკოს

(სანატორიუმიდან)

მე დღეს კარგად ვარ,
აღარა მღლის
ცელქობა ბევრი;
დავდეგ პეპელებს,
ჩემს ტოლებში
ვცეკვავ და ვძღერო;
ვიქერ კალიებს,
ვკრეფ მარწყვებს და
ემსჯელობ ეოლოზე, —
ეოლოც ხომ ჩქარა
დანწიფდება
მინდვრის ბოლოზე!
შენის აგარაკს
ქანჭური და
შავი ქლიავი
და ეს ყანები,
როცა თაველს
არხევს ნიავი.
დედიკო, აქ მზეც
სხვანაირად
ანათებს არეს,
და ვერ აგიწერ,
რა კარგია
წალვერში მთვარე!
მე დღეს კარგად ვარ,
გავჯანსაღდი
და მოვიკეთე,
ზუსტად ვასრულებ

ექიმების
ყოველ განაწესს.
მივლიან კარგად,
არ მაკლებენ
ზრუნვას, სიყვარულს...
გიგზაენი კოცნას,
დედიკონა,
და ბევრ სიხარულს!

ქ ვ ი შ ხ ე თ ი

კვლავ ქვიშხეთი, წყარო, მზე და მწვანე მთები,
მტკვრის საამო შარიშური ტაშისკართან,
კარ-მიდამო დახატული ვარსკვლავებით,
ბალების და საშხირების კრელი კალთა.
ირიერაეებს დილა ლურჯი, სამაისო,
დაუქროლებს მინდვრებს სიო გათენების,
გაკვირდებით, იტყვით: ნეტავ, სად არისო
ამდენ ხმაზე მოკიკიკე ჩიტუნები?
ნაძვ-ფიკენარში, სახლებში თუ ეზოებში
ქლურტულებენ, ვით მერცხლები ბუდის გარეთ.
განა მართლა ჩიტებია?— ბავშვებია,
ჩიტებივით ხმატბილი და მოცქრიალე.
ყოველ მხრიდან, ჩვენი ქვეყნის ყოველ მხრიდან
მოფრენილან ეს ცელქები ცეკვით, ტაშით,
მიტომ არის აგარაკი ასე კარგი
ზაფხულობით ქვიშხეთში და ტაშისკარში.
ირიერაეებს დილა ლურჯი, სამაისო,
დაუქროლებს მინდვრებს სიო გათენებას,
გაკვირვებით იტყვით: ნეტავ, სად არისო
ამდენ ხმაზე მოკიკიკე ჩიტუნები?

სიმღერა ყანაზე

(ხალხურ კილოზე)

მოვიდა წვიმა შხაპუნა,
ყანაო, გაიხარეო,
შენს საალერსოდ პირს იბანს
დღისით მზე, ღამით მთვარეო.

როცა გადილებს ამინდი,
თავთავი გადმოხარეო,
აბიბინდი და აბრწყინდი,
ააზღვაურე არეო.

ჩემო ყანავ

მოქრის, მოცურავს ნელი ზეფირი,
მოქრის და არხევს აქოჩრილ ყანას,
სხივით ნაფენი ღელავს ნაპირი,
მას არემარე უმღერის ნანას.
ო, ჩემო ყანავ, შენს მსუყე ნაყოფს
გარს რაოდენი თვალი უცქერის...
ვინ ლექსებს გითხზავს, აქებს შენს სამყოფს,
ვინ საოცნებო ზღაპრებს გიმღერის...
დამწიფდი ჩქარა, მზიურ თავთავში
ქარვის მარცვლები აჩხრიალდება
და მაგ ოქროსფრად გაშლილ კალთებში
ელვის ნამგალი აპრიალდება.
ყველას თვალები გაუბრწყინდება,
მათ მიწის მაღლი მოჭფენს სიხარულს
და სამუდამოდ გულს ჩაისახავს
შრომის დიდებას, შრომის სიყვარულს.

ლომის საკრეფად

დამწიფდა ლომის თავთავი,
საკრეფად ემზადებიან,
ბავშვები სიცილ-ხარხარით
ერთმანეთს ეჯიბრებიან.

ა, ეს კალათა ჩემია,
ეს მოკლე დანა ჩემიო,
აქ იდვას, არვინ გაბედოს,
არავინ ახლოს ხელიო,—

თქვა თინამ, მარღად გაიქცა,
დაკეტა სახლის კარები,
ნიკომ უღელში შეაბა
ლამაზი ნიშა ხარები.

დასხდნენ ბავშვები, წავიდნენ
სიმღერა-კრიმანქულითა.
დედაც თან მისდევს მეურმეს
აღსავსე სიხარულითა.

რა კარგია შემოდგომა

რა კარგია შემოდგომა,
ქარის ნელი სრიალი,
სიმინდების კალოები,
ხმელი ჩალის შრიალი.

შხიარული განთიადის
სილაქვარდე თვალებში,
„პარალო“ და „რაშორერო“
კოლექტივის ყანებში.

ნაპირების გაჩალვა და
შელამება ზვინებთან,
ნამგალივიით მთვარის შუქი,
დამსხვრეული მინებად.

ტაროების რბილ ფუჩქში
მასპინძლობა კვახებით,
მაქარი და ცხელი ნკაუდი
პარმადიან სახლებში.

რა კარგია შემოდგომა,
ქარის ნელი თარეში,
კალოებზე ჩაძინება
მოსადაფულ ღამეში!

შ ე მ ო დ გ ო მ ა

დაშაქრდა თეთრი მტევნები,
ნახეთ, რა გემრიელია.
ქირიმე შენი, ქირიმე,
რა სიხარულის რთველია!

ნიგოზი ბევრი მოსულა,
ვაშლი და კომში ბლომაა.
ქირიმე, შენი ქირიმე,
რა კარგი შემოდგომაა!

ოქტომბრის სიმღერა

ცეკვით. ტაშით, კისკისით,
ერიაშულით, წკრიალით,
მოედევართ, მოვიმღერით
წითელ დროშის ფრიალით.

გამარჯობა ოქტომბერს,
ლამაზს, ლაღებინასა,
ვარსკვლავებით მოქედილს,
მოკაშკაშეს, მზიანსა!

პატარა პიონერები

ჩვენ გვიყვარს დროშები
წითელი მაისის,
მომავლის მუშები
სავსე ვართ ხალისით.

ჩვენ, პიონერებმა,
არ ვიცით მოწყენა,
გვეძახის ცხოვრება,
შრომა და მოღვაწეობა.

ქეთოს მერცხადი

გაფრინდა ქეთოს მერცხალი,
ალარ კიკვიკებს ბანზედა,
ქეთო მოწყენით გაჰყურებს,
ცრემლი უბრწყინავს თვალზედა.

და ასე ამბობს: ნეტავი,
მეც რად არა მაქვს ფრთებიო,
რომ მისებრ გადავიქროლო
ცადაბჯენილი მთებიო.

ბავშვი და ბილია

ახ, ვერ გაგატან შემოდგომის ქარს,
რა ვქნა, მიყვარხარ, ჩემო ბილია!
ვერ დავივიწყებ მაისის სიზმარს.
თვალწინ მებატვის ვარდების დილა.
და თუ დაჰქროლებს ნოემბრის ქარი,
ნაპრალებს იქით გადაგაცილებს,
მაშინ მე, როგორც შორი სიზმარი,
ჩემს წიგნში ჩავდებ შენს სათუთ ლილებს.

სალამო ციტრუსებში

ბილიკზე აცურდა
ნიაფი ფრიალით,
სიმლერით შიფუებით
ფოთლების შრიალს,
მზე თითქოს დაიხრჩო,
სხივების ციალი
კანკალით ჩაეკრა
ზვირთების ჩხრიალს.
ქვიშა ჰგავს ჩუქურთმის
ბრკყვილა ქალღღმს,
ლაქვარდში ვარსკვლავნი
კრთიან და ელავენ.
ზღვა შორს მიაქროლებს
მხიარულ ხომალდებს,
ჩვენი ციტრუსებიც
ზღვასავით ლელავენ.
რამდენი ფერია,
ნაზი და პრიალა,
ბილიკებს გავივლით
დინჯი ნაბიჯებით,
კიდიდან კიდემდე
ლიმონ-ფორთოხლები...
ოქროს ზოდებივით
დგანან ნარინჯები.
სალამო ციტრუსებში
მეტად ლამაზია,
ჩვენ ისევე ვუცქერით
ზვირთების ჩხრიალს,

მთვარე გადმოხედავს
ბალებს თავაზიანს,
სიმღერით მიეყვებით
ფოთლების შრიალს...

ბამთარი სოფელში

ბამთარია, თოვს,
თეთრ ფანტელებს ყრის,
ზუ·უ, ზუ·უ, ზუ...
უპ, რა ქარი ქრის.

შაშვი სუროს კენკს,
სცივა საწყალ ჩხიჯს,
მოუფუყავს ფრთა
ყელწითელა ჩიტს.

მამაჩემი „ჩახ“,
შეშებს მარდად სკრის,
ზუ·უ, ზუ უ... ზუ...
უპ, რა ქარი ქრის.

თ ო ვ ღ ი

თოვლი მოდის, უჰ, რა თოვლი —
თეთრი, თეთრი, ნარნარი,
თეთრად ბრწყინავს ეზოები,
თეთრად ელავს მთა-ბარი.
ლიას, გიას როდი ახსოვთ
ამიხთანა ზამთარი.

დადგეს თოვლის ბაბუები,
კოშკი ცამდე მალალი,
კოშკის გვერდით ააშენეს
სახლი ახალთახალი.
გია კარგი ხურო არის,
ლია კარგი მხატვარი.

გუნდაობენ, ყირაობენ,
თინაც, რეზოც აქ არის,
სხვა ბავშვებიც აქ მოსულან,
აგერ მოდის თამარიც...
ნეტავ მუდამ იქნებოდეს
ამისთანა ზამთარი.

თეთრად ბრწყინავს ყველაფერი

თეთრი ფთილა ტყეს და ქედებს
თეთრი ფარჩით ბურავს,
ხეებს თეთრად ნახევრდებს
თეთრი ქული ხურავს.
ალარა ჩანს არსად მდგლო,
ლობე, ყორე, სერი...
თეთრად ბრწყინავს ყველაფერი,
ყველგან თეთრი ფერი...
მშიერ ჩიტებს, ნობუზულებს,
დაუშვიათ ფრთები,
დათვებივით დაკუზულან
თოვლიანი მთები.
აგერ, ქალი მოდის წყალზე,
მხარზე კოკა უდევს,
გიგლა მოსდევს ფეხის კვალზე,
უშენს თოვლის გუნდებს.
მოუხედავს, გაულიმებს
ემხიანი ქალი,
გულზე შავი კაბის ღილებს
აზის თეთრი ნალი.
— ეხ, შე ცელქო, ცუგრუმელავ,—
ახლა ქალიც მღერის,—
მაშ გამოდით ერთად ყველა,
ჰერი, ჰერი, ჰერი!
გუნდაობენ, გორაობენ,
უმკლავდება ქალი,
კოკა ხრამში გადაგორდა,
ველარ ნახავს თვალი.

ბოლოს კოკა მოიკითხეს,
ყველგან ძეზნეს ბევრი...
თოელმა ფეხი მოიკიდა,
ჰერი, ჰერი, ჰერი!

ნაძვის ხე

დგას ტყის პირად ტანაყრილი
ნორჩი, პაწაწინა.
ხან ნიავე უაღერსებს,
ხან შხაპუნა წვიმა.

დღით მზე უელის, სხივებს აქსოვს,
ღამით ვარსკვლავები,
სირმის ქსელით მოუქარგავს
კობტა ნაწნავები.

მასთან ხშირი სტუმარია
ციყვი, ცელქი, თეთრი,
ხშირად ჩიტიც დაჭურენს თავზე,
ფრთხილებს და ეტრფის.

დგას პაწია ნორჩი ნაძვი,
თავს იწონებს ტყეში,
მუდამ მწვანე თბილ დარშიც და
ცივ თოვლიან დღეშიც.

რა ღამაში ხარ, ნაძვის ხევ

რა ღამაში ხარ, ნაძვის ხევ,
კეკლუცო, სირმის თმინო,
დარბაზის უცხო სტუმარო,
პირმომცინარევ, მზიანო.

ვარსკვლავის თვლებით მორთული,
შემოქარგული ელვითა,—
მიყვარს მე შენი ქათიბი,
ნაქსოვი ჩემის ხელითა.

მოხვალ და გვამხიარულებ,
ღამაზო, ტკბილოხმინო...
დარბაზის უცხო სტუმარო,
პირმომცინარევ, მზიანო!

სალამი ნაძვის ხეს

სალამი ნაძვის ხეს
ჩვენს ტურფა პირიმზეს,
რა თეთრი მანდილით
მორთულა ამ დილით!
კაბა აჭეს ატლასის,
ლილეები აღმასის,
თვალეების ციმციმით
გვიმზერს და გვიცინის.

ვ ი გ უ ნ ღ ა ო თ!

ვიშ, ეს თოვლი, ვიშ, ეს თოვლი,
მოფარფატებს ბარდნის ეზოს.
მოთამაშებს თეთრი ბროლი...
გაიხარე, ბიჭო, რეზო!

გამო გარეთ, ვიგუნდაოთ,
ვისრიალოთ მარხილებით.
შევეჯიბროთ, ვიბურთაოთ,
მერე დავდგათ თეთრი მთები.

ციხე-კოშკი ავაშენოთ
თეთრ ცქრიალა ჩუქურთმებით.
კარ-მიდამო დავამშვენოთ
მოლივლივე გედის ფრთებით.

წინ დარაჯად გამოვსახოთ
თოფ-ჩანჩახით თეთრი ძია,
აბა ნახოს, შტერმა ნახოს,
შემობრძანდეს, თუ ბიკია!

და რეზომაც ყური ცქვიტა:
ნიკოს ხმაზე გარბის გარეთ,
ორთავენი ხტიან ცქვიტად,
ახმაურდა არემარე.

საჩხერის საბავშვო სახლის ბავშვებს

დღეს ობლები აღარა ხართ,
აღარ გაეხართ ქუჩის ბავშვებს,
ახალ ყოფის მზე და მთვარე
თქვენს თვალებში მოკაშკაშებს.

ეს ლამაზი მინდორ-ველი
თქვენ სალხენად მოგიმზადეთ,
მოიმაგრეთ ნორჩი წელი,
იხარეთ და დაიზარდეთ.

და მეც მეტი სიხარულით
მოგწერთ ლექსებს შარბათნარეგს.
სალამი და გამარჯვება
ჩემს პაწია კომუნარებს!

ჯერ პატარაა.

ჯერ პატარაა, აკვანში სძინავს
და ძილში ხშირად გაეცინება,
ხან თავს გაანძრევს და ისევ ისე
ტკბილი ღიმილით ჩაეძინება.

გეყოფა ძილი, ჩემო პატარავ,
გამოიღვიძე. გენაცვალები,
თავისუფლების წმინდა ნათელში
ალამაზდება შენი თვალები!

თავისუფალი ბავშვი

განთიადია, ლურჯთვალობს დილა,
ბროლ-მარგალიტით მორთულა ველი,
მინდერად ყვავილი ეშხით გაშლილა,
მღერის, მუსიკობს ირგვლივ ყოველი.

დილავე, ლამაზო, შენთან მეც ვხარობ:
თავისუფალი შვილი ვარ ერის,
ხალხმა მაჩუქა სულის სინაზე
სასიხარულო ახალ სიმღერის.

მიედივარ მზისკენ... ჩემს წინ იშლება
ლალმოელვარე გზა სიხარულის,
მუსიკობს სული, ნათლდება გული,
დღეს ჩემი ხმაა ხმა სიყვარულის.

ნანა, ღამაზო, ნანა

ნანა, ღამაზო, ნანა,
ნანა, გენაცვალედი,
დაიძინე, იზარდე,
მზე გიბრწყინავს თვალებში.
მზე გიბრწყინავს თვალებში...
ნანა, ღამაზო, ნანა...

ყვავილების სურნელი
მოგაფინა ნიაგმა,
გაზაფხული გახარა
თვალეუეუენა იამა...
თვალეუეუენა იამა...
ნანა, ღამაზო, ნანა...

გაიზარდე, იხარე
შენს ბედნიერ მხარეში,
თავისუფალ სამშობლოს
მზე გიბრწყინავს თვალებში...
მზე გიბრწყინავს თვალებში...
ნანა, ღამაზო, ნანა...

ქართლის ველი

(პატარა მოგზაურის დღიურიდან)

თქვენ გინახავთ ქართლის ველი
გადაშლილი მცხეთის იქით?
იქით მიქრის ჩემი ფიქრი,
ავტობუსიც იქით მიქრის...
რა ველია, რა მინდვრები—
ოქროს ფარჩა დარხეული,
დახატული, დაქარგული,
ბროლ-ალმასად დაფრქვეული.
გიმზერ, გიმზერ, ქართლის ველო,
მოიღვარევე ათას ფერად.
როგორ მინდა შენს კალაებში
გადავიქცე მთლად სიმღერად.
თაეს მოვეელო შენს ვენახებს,
შენს ბალ-ბოსტანს, შენს ყვავილებს,
შენს ყანებში, ჩემს ტოლებთან
მეც მივდეველე კომბაინებს.

თინას ტურფა

დღეს ტკბილეულს ჩემმა ტურფამ
პირი არ დააკარა.
ავადა მყავს, ვერ დავტოვებ,
მოვლა უნდა პატარას.
ცალთვალაა ჩემი ტურფა,
მაინც მიყვარს, გენაცვათ!
სძინავს... სანამ გაიღვიძებს
კოტა, კოტა დამაცათ!
ვერ დავფარავ, რბენა, ხტომა
გულით მინდა ძალიან.
მაგრამ თქვენთან სათამაშოდ,
რა ვქნა, ჯერ არ მცალია!

ჩემი სუმბუდი

ხუკუქ თაეებს
ათავთაეებს,
ელიმება ირგვლივ ყველას,
თავს მამრალებს,
ნაბავს თვალებს:
„არ მომწყვიტო, შენსა ლხენას!“
ჩემს ბალჩაში,
ვით ლურჯ ტბაში,
იხატება მისი სახე,
დილის მკრთალი მთვარის შუქი
მის ტუჩზე თვლემს... მოდით, ნახეთ!

უქმად ხეტიალში

დგახარ, დასცქერ ორიანებს,
გემნელება მისელა სახლში:
ცა პირქუშად გერვენება
და ცის რისხვად—მზის კაშკაში.

უნიკო ხარ? არა, ვიცი
ნიკიც გაქვს და დროც გაქვს დიდი,
მხოლოდ უქმად ხეტიალში
დაგიკარგავს სკოლის რიდი.

ო, სირცხვილო, წელს გამოცდებს
როგორ შეხვდი, ბიკო, ასე?
მასწავლებლის დარიგება
რა უკულმა დააფასე.

ბავშვები მთვარიან ღამეში

შრიანებს ფოთლები, ხმაურობს მიდამო,
მიმოქრის ნიაეი წყნარი და საამო,
ნარნარებს მთვარე და ვარსკვლავთა ციმციმი...
ბავშვები დარბიან კისკისით, სიცილით.
მღერიან ტკბილ ლექსებს, მწყობრსა და მხიარულს.
არა აქვს საზღვარი მათ დიად სიხარულს.
იმღერეთ, გენაცვათ, ერთხელ კვლავ ნასმინეთ
ეს შვების ჰანგები, იმღერეთ, მალხინეთ...
იმღერეთ, გეთაყვა, თქვენი ხმის წკრიალი
ამ სოფლის ღბინია და ყოფნის ტრფიალი.

გოგონა კოღჩიღის ბაღში

მახსოვს, იყავ პაწაწინა
კატის კნუტისხელა,
ძველ ფაცხაში გქონდა ბინა,
საბნად—ნაქრის ძველა.

მამაშენი ღორს მწყემსავდა,
სხვისი იყო ყველა,
დედაშენი კილსა სწნავდა,
ფაცხის დასაგველად.

ფეხქვეშ გედგა სველი მიწა,
ქარი გლეჯდა ჩინარს.
დედა წუხდა—რით შეგმოსოს,
რატომ გაგაჩინა.

დღეს გაზრდილხარ ამოდენა
გოგო—სოფლის თვალი,
მოგდგამს შნო და სიამაყე
კოლხიდელი ქალის.

ფორთოხლებით აგვისია
განიერი კალთა,
შენს თვალებში მინდვრის ჩიტებს
ლხინი გაუმართავს.

დედაშენი კოლექტივში
პირველობას ჩემობს,

ნაფაცხარზე მანდარინებს
გაუშლიათ ჩერო.

მამაშენი მებაღეა,
შრომის ჯილდოს ელის,
დღეს შენს გულში ზღვაც ღელავს და
ნარინჯების ველიც.

ცაცას წერილი სვანის გოგო ღამარასთან

კიდევ მოვალ, კიდევ ვნახავ
მთის ქიუხებს, ნაქარგს ნამით,
ვიცი, თათებს შემინახავ,
შენთან დამრჩა იგი ღამით.
მახსოვს: ერთხელ ლერწამს ვთლიდი
ჩაცუტული კოშკის კართან.
ქორამახვშის გრძელ ჩიბუხზე
რომ გავკარი უცებ კალთა.
შევეკრთი, შემრცხვა ღრმა მოხუცის,
შევედექ, ხელი მოვიფშენი,
თითქო მითხრა: „ქალიშვილო,
თავხედობა არ შეგშენის!“
წამოველ და თან წამომყვა
ეს შემთხვევა გულის მწველი,
თუ ბოდიშით დააჯერო,
გთხოვ, მომწერო, პასუხს ველი.
აღბათ ახლა ცა-ფირუზი
შუქს მოაფრქვევს ხევს და ღელეს,
ჩენი ზაზა ირემს უზის,
ან დარაჯობს დათვის ბელებს;
ან კერასთან ჩამომგდარი
ქორამახვშის სიტყვას ელის:
როგორ უნდა ინადიროს,
როგორ უნდა მოჰკლას მგელი.
ხან გახედავს პაეროპლანს
არწივივით მოსრიალეს,
უკვირს: ბიჭი ახალგაზრდა
უშბას როგორ დაფრიალებს.

**კიდევ შოვალ, კიდევ ვნახავ
მთის კიუხებს, მთის ჩანჩქერებს,
და თქვენს ლამაზ სევანურ შაირს
ჩემს ჩონგურზე დავამღერებ.**

შოთას ხეივანში

წინ მიძევს წიგნი ძვირფას ჩარჩოში,
გული შეჭხარის მის ყოველ მარცვალს.
მამის სახლიდან დედამ ქალიშვილს
ეს წიგნი მომცა მზითვეის ნაცვლად.

გადავშლი ფურცლებს, ცის მნათობები
თითქოს თითებში დაირხევიან.
რამდენიც სიტყვა—იმდენივე მზე
აქვიდებია ლექსთა ხეივანს.

ბრწყინავს მინდვრები—ნაფირუხები,
ცა ლაქვარდებად ფანტავს აღმასებს,
ლალ-იაგუნდით ფეთქს აუზები,
კრთის მინანქრები პირმოკასკასე.

ფრთა გაუშლია აქ ფარშავანგებს—
პეპლებს კალთები ფერად მიივებად,
შოთას ვარდებზე იადონები
შესტრფიან დილის გამოღვიძებას.

ფიქალ კლდეებში თვლემენ ლომები,
რაშები ჰქრიან ლელიან ველზე.
აგერ ისკუბა ვეფხვმა ტორებით
და შეტორტმანდა დაქრილი მზეზე.

ჩემო სამშობლოვ, შენც ვეფხვის ბედით
მოგქონდა წიგნი გენიის მთქმელი.
გმირთა თაობებს დაისრულ მკერდით
უტარებიათ შოთას სახელი.

ხელოვან ქალებს ოქროს ყაითნით
გამოუკვეთავთ შოთას თითები—
ბატის ფრთის კალმით რომ უწერია
ნესტანის თვალთა ხრიზოლიტები.

მაგრამ დღეს სხვაა ხალხის ზეიმი,
შოთას სიმებიც სხვარივ მღერიან:
დღეს მშრომელ ხალხის დიად სიხარულს
შერითმებია მგოსნის გენია.

წინ მიძევს წიგნი ძვირფას ჩარჩოში,
გული შეჭხარის მის ყოველ მარცვალს.
აღბათ, ხვალ ამ წიგნს მე ჩემს ქალიშვილს
კრძალვით მივართმევ მზითვეის ნაცვლად.

ძია შიოს ხსოვნას

ზამთრის სუსხმა დაგვისუსხა
მოამაგე მგონის გული.
ალარ გვათბობს ძია შიოს
უნაზესი სიყვარული.
გაითოშა, ეზო, სახლი,
ყველგან თოვს და ყველგან ცივა...
ჩვენ უშენოდ ვზივართ თალხით,
მწუხარების ცრემლი გვცვივა.
შენ გიყვარდა თეთრი ზეარი,
შენ გიყვარდა თოვლის მოსვლა.
შენი ლექსის თეთრი პწკარი
დღეს შავეებით შეიმოსა.
ეს ზამთარიც წავა ნელა,
მალე მოვა გაზაფხული,
გაიშლება მინდორ-ველად
სიმღერები სიხარულის...
და შენ, ძია, ამ სიმღერის
ბევრი ია-ვარდი თესე...
— დაიხსომე: შიოს შერცხალს
ქვებს ნუ ესვრი, ბიჭო სესე!

გურამიშვილის საფლავი

გაზაფხულს მოჰყვა ფერთა სიმწვანე,
უკრაინაში მზე და ლხინია.
ალბათ ნახადი გზის პირას ყანებს,
პოლტავისაკენ თუ გაგივლია.
იქ სოროჩინცის ნაზ თაიგულებს,—
ნახადი ბალებს ოქროსფერ სხივით,
ველს ყვავილებით პირმოხატულებს
უკრაინული სარაფანივით.
აქ ჩაქრობია მგოსანს ვარსკვლავი,
შესცვლია ფერი მთვარეს მოვერცხლილს...
აი აქ თბება წმინდა საფლავი
ქართული სიტყვის დაუმრეტ ცეცხლით.
ისევ გაივლი შენ პოლტავის გზით,
ფიქრებს მოგახვევს ლექსი ქართული—
გაბრწყინებული უკრაინის მზით,
პოეტის ძეგლზე ამოქარგული.

გოჩას ღურჯა

თქვენ გინახავთ გოჩას ღურჯა?
რა კონტაა და რა მარდი!
ზურგზე აზის ვაეკაცივით
ერთი ციდა დარდიმანდი.

ღეზებს ჰკრავს და მიაქროლებს,
მხედარია მეტად ფიცხი.
ღურჯა მიქრის, მიფრუტუნებს,
თოხარიკიც კარგი იცის.

გოჩა მღერის: „გასწი, ღურჯავ,
გადავთელოთ მთები, გზები,
შეხე, როგორ გადაშლილან,
ეს ქალები, ეს მინდვრები!

გასწი, გასწი, გამაქანე,
ჩვენ ორნი ვართ გულით ერთი,
ჩვენი ტურფა სამშობლოა
საყვარელი საბჭოეთი!

გამაქროლე, გამაფრინე,
ავადინოთ გზებს, ქვებს მტვერი...
დედას ვფიცავ, ჩემს მამულში
თუ შევნიშნე სადმე მტერი,—

ომს ავუტეხ ისეთს, ისეთს,
დაუდგება ორთავ თვალი...
დე, გაიგონ: რომ შენს მხედარს
სააკაძის უპრის ხმალი.

ფისოს თათზე ბრკყაღები აქვს

ფისო, ფისო, ფისუნია
ცუგოს ეთამაშება,
მაგრამ ფისო ყოველთვის
გალახული დარჩება.

იმიტომ, რომ ფისუნის
თათზე ბრკყალი ჰქონია,
ცუგოს თვალს რომ უკაწრავს
თამაშობა ჰგონია.

ღუღუ მქვია

პატარა ვარ, ნაზი ვარ,
შავთვალა და ცქრიალა,
მოქიქვიკე ჩიტი ვარ,
ენატკბილი, წკრიალა.

მამის გულის ლხინი ვარ,
დედის თვალის აღმასი,
ბებიკოს რომ ვუყვარვარ,
ამიტომ ვარ ლამაზი.

კურდღელი და ბავშვები

კურდღელო, ცანცალა,
ნუ გარბი, ნუ,
აქ დარჩი, გენაცვა,
ვიხტუნოთ, „სკუპ“!

დაგიდგამთ ოქროს ტახტს,
მაგიდას, სკამს,
დაქყიტე თვალეები,
ყურები—„წიკაპ“...

მოგართმევთ რძის ფაფას,
შებურიპე, „ხაპ“,
ბევრს გაქმევთ კომბოსტოს,
კბილეები—„კნაპ“...

ნუ ცმუკავ, ჰირიმე,
ნუ ტირი, სუ...
ჩვენ ერთად მეგობრად
დავრჩებით სულ.

ხტუნია და პაწია

გიგამ ბოსტანში ნახა
კურდღლის ორი ბაჭია,
ერთს დაარქვა ხტუნია,
მეორეს კი—პაწია.

თქვა: „ორივეს დავიქერ,
ბოსტნის კუთხეც აქვეა,
ძმა ძმას რომ დაგაშორო,
რა საქები საქმეა.“

მაგრამ ახლა ვუყუროთ
გიგას გაწამაწიას:
აქეთ გარბის ხტუნია,
იქით გარბის პაწია...

გიგამ ბევრი იღარდა,
გიგამ ბევრი იტირა.
ორი კურდღლის მღევარმა
ერთივე ვერ დაიჭირა.

ჩვენი ნანა

კარგი არის ჩვენი ნანა,
კევიანი და ნაზი,
უყვარს მდელო, ბაღია, ყანა,
ვენახი და ვაზი.
ახლაც აგერ დაფუსფუსებს,
რწყავს მარწყვსა და ხენდროს.
ხან საკენკით კალთასავსე
გადასძახის ეზოს:
— წია, წია, წიწილებო,
აქ მოგროვდით ყველა,
ვარიებო, ყვინჩილებო,
თეთრო, გულყვითელა!
მოგცემთ საკენკს, დაგაბუღებთ,
დაიძინეთ მშვიდად,
მზე გადასცდა ოდის სარკმელს
მთები დაიბინდა.
შენ კი, ჩემო თეთრო ბატო,
ლელეს რომ მიჰყვები,
სად მიდიხარ ასე მარტო,
სად არიან სხვები?
ამოირბენს ნანა სახლში,
ჰგვის და უელის ოჯახს.
ხან ხბო მოჰყავს, ხანაც ბატი
გოგოს ხუთ-ექვს გოჯახს,
შემდეგ წიგნებს ჩაუჯდება
გაშლის კაბის კალთებს...
ამისთანა შვილის ღედას
სიხარული მართებს.

ა ღ ე რ ს ი

მე ისე მიყვარს ჩემი ციციუნა,
ვით ღედა ნუნუს, მკლავით ვატარებ,
ნურგინ შეხედავს შურიან თვალით,
როცა რძეს და პურს ვაჭმევ, ვახარებ.

ლექსებსაც ვეტყვი, ზღაპრებსაც ბევრსა,
წერა-კითხვასაც ვასწავლი თანა,
ბალში წავიყვან... ჩემს ციციუნას
გასეირნება არ უნდა, განა?

მეუბნებიან „მახინჯიაო,“
მე კი მის თვალებს ვარსკვლავს ვადარებ...
რა ვქნა, რომ ასე მიყვარს ციციუნა,
ვით ღედა ნუნუს, მკლავით ვატარებ.

ჩემო ციკუნა

ნანა, ჩემო ციკუნა,
ნანა, გენაცვალე,
დაიძინე, გეთაყვა,
ნუ დაკუთვთვალე.

როცა დაგეძინება,
ნახავ სიზმარს მშვენიერს:
მოგიმზადებ რძის ფაფას,
შაქრით ნამცხვრებს გემრიელს;

როცა გამოიღვიძებ,
ჩაგიტკბილებ ენასა...
ახლა კი დაიძინე,
ნანა, შენსა ლხენასა.

ტუცას ძაღლი

მოდით, ნახეთ ჩემი მურა,
ქუდი კოხტად რომ ახურავს.
— გამარჯობა, კაცო, შენი!
ვაპ, ვაპ, ვაპ, ვაპ, როგორ ჰშვენის!
ახლა ნახეთ ეს ბარათი,
ეს ფუთა და ეს კალათი
როგორ მიაქვს ხეივანში
ავსებული კომშით, ვაშლით.
მთელი ხალხი უმზერს მურას,
ქუდი კოხტად რომ ახურავს,
— გამარჯობა, კაცო, შენი!
ვაპ, ვაპ, ვაპ, ვაპ, როგორ ჰშვენის;

ბრიყვი ყურწყაპუნა

კურდღელს ჰყავდა ერთი შვილი,
მძიმე შრომით გამოზრდილი.

დედის გულის მოსალხენად,
რიკო ერქვა მას სახელად.

ცელქი იყო ეს პატარა,
გულთეთრი და კაფანდარა.

თუ დედიკო შინ არ იყო,
არ დგებოდა სახლში რიკო.

გაგულისდა ერთ დღეს დედა,
რიკოს კარი ჩაუკეტა.

და დაადგა შორს გზას მშვიდად
სანოვაგის მოსაზიდად.

რა ჰქნას რიკომ, რა იღონოს?
რამე უნდა მოიგონოს.

და ჰა, დაჰკრა თათი წინა,
ჩაამტვრია სარკმლის მინა.

მირბის ჟრცხვი, პაწაწინა,
შორს დატოვა დედის ბინა.

დაეკარგა გზა და კვალი,
ამოევსო ცრემლით თვალი.

სად იყო და სად არ იყო,
წინ შემოხვდა მელა რიკოს.

მოეფერა ცელქს, პაწიას,
თითქოს იყო მისი „ძია“.

„ნუ, ნუ სტირი, გენაცვალე,
შემაჯექი ზურგზე მალე!“

კარგად ვიცნობ შენს დედიკოს,
სწორედ გუშინ ჩემთან იყო“.

მეტისმეტი სიხარულით
აუფეთქდა რიკოს გული.

შემოახტა ზურგზე მელას,
დედიკოსთან წასასვლელად.

მაგრამ ბრიყვი ყურწყაპუნა
მელამ ხერელში შეახტუნა.

და მას აქეთ რიკოს დედა
კარზე ზის და ცრემლად დნება.

თ ვ ი თ მ ფ რ ი ნ ა ვ ი

დედამ გვითხრა:—პატარებო,
ხვალ მე გავფრინდები,
მოდით, ნახეთ ჩემი ჩიტო,
რა დიდი აქვს ფრთები.

„შრრ-შრრ... შრრ-შრრ“ —
იციციდება ნელა,
„გრრ-გრრ... გრრ-გრრ“ —
გაფრინდება ხელად.

ჩვენც ამ ჩიტის ბარტყები ვართ,
დედი, შენსა ლხენას.
წაგვიყვანე, შენთან ერთად
ჩვენც ვისწავლით ფრენას.

„შრრ-შრრ... შრრ-შრრ“ —
ავციციდებით ნელა,
„გრრ-გრრ... გრრ-გრრ“ —
გაეფრინდებით ყველა.

ჩემი ბურთი

დიდი არის ჩემი ბურთი,
დიდი, ვებერთელა,
ოთხი ციდა მუცელი აქვს,
ჩემი მკლავის ხელა.
ხელს დაგკრავ და ავარდება,
გაგორდება,—

როგორ?

გუშინ თავი გაუტეხა
მეფხოვის გოგოს.
ამაგლიჯეს ჩემი ბურთი,
დაახალეს მიწას,
მაგრამ იცით, როგორც გიჟი
წამოვარდა იმწამს.
გადმოგორდა, დაეძგერა,
დიდი ფანჯრის მინას
და ზედ ცხვირზე დაასკუპდა
ჩემს ბებიკოს მძინარს.
წამოვარდა ჩემი ბებო:
„ქურდი, ქურდი, ქურდი...“
ქურდის ნაცვლად ხელში შერჩა
ჩემი კობტა ბურთი.

ნუნუს სათამაშოები

დაიჩემა: „უნდა გავხდე
ქალი—ჯარის სარდალი,
ჩემს სამშობლოს ვდარაჯობდე,
არეინ მყავდეს ბადალი!“

დაიჩემა და შეუღდა
ჯარისკაცთა შეკრებას,
რაც რაბ ჰქონდა სათამაშო,
მოაგროვა უკლებლად:

ცუგები და ბაქიები,
იხეები და ბატები,
ჩიტუნები, ფისუნები,
ხატაველა კატები.

დარაზმა და დაამწკრივა,
სანახავი ღიღია,
თოფის ნაცვლად ნუნუს გმირებს
მშვილდ-ისარი ჰკიდია.

წინ ბეკეკა მიუძღვებათ,
უკან ყურშა დიდყურა.
მამალი და მამლაყინწა
გაჰყვიან მაყრულად.

მამლაყინწებს სპილო მისდევს,
სპილოს დათვი—ბაჯბაჯით;
აგერ ლომი იბღვირება,
როგორც ციხის დარაჯი.

ნუნუ ლაშქარს დასტრიალებს,
სანახაეი დიღია,
თოფის ნაცულად ამ „ვეტკაცებს“
მშვილდ-ისარი ჰკიდია.

დაიჩემა: „უნდა გაეხდე
ქალი—ჯარის სარდალი!“
ერთი შეხეთ ამ კუდრაქას,
მართლაც, ვინ ჰყავს ბადალი!

გამოცანი

ვის უმღერის დედა ტკბილ ჰანგს,
ტკილ ნანინას, ძილისპირსა?
ვის უცქერის ნეტარებით,
ვისით ელის შეება-ლხინსა?

ვინ შეადგენს მის თაიგულს,
ერთად დაწნულ ია-ვარდსა,
ვინ ახარებს მარად მის გულს,
ვისით იქრობს სევდას, დარდსა?

ნ ა ნ ა

დედის თვალო, დედის ნატვრავ,
ვარდფოთოლო ცვარნანაშა,
მზე შენს ტუჩზე ცისკარს ხატავს;
ნანა, შვილო, ნანა, ნანა...

დილის ბროლი, მინდორ ველი
გაგფენია ფიანდაზად,
მყუდროა და უღარდელი
შენი ძილი, შენი გაზრდა.

მარგალიტის მძივი ვთესე,
შენთვის ექარგე ოქროს ყანა,
გული შენთვის ვაალმასე,
ნანა, შვილო, ნანა, ნანა...

ადრე შენი ჯერიც მოვა...
ყური მიგდე, გეტყვი მართალს:
ჩენი ტურთა სამშობლოა
საბჭოეთის ფართო კალთა.

ბრძოლის ცეცხლით მკერდგამთბარი,
ვარდ-ზამბახით მოქარგული,
სადაც მზეა თანაბარი
და სიამით ფეთქავს გული.

სადაც შრომა სხივდანათოვ
სიხარულის დროშად იქცა,
აქ სიკვდილიც ვერ შემაკრთობს,
შენს თავსა და შენს მზეს ვფიცავ.

გაიზარდე, ნატერაჲ დედის,
გაზდი ქვეყნის სასახელო.
საბჰოეთის დიად ბედით
ხარობს ჩენი საქართველო.

მარგალიტის მძივი ვთესე,
შენთვის ვქარგე ოქროს ყანა,
გული შენთვის ვაალმასე—
ნანა, შვილო, ნანა, ნანა...

მზია და ფისო

(პოემა)

ყველამ მინდვრებს მიაშურა,
შეჭხარიან დილას მზიანს,
მხოლოდ სახლში ჯერაც ისევ
მარტოდმარტო სძინავს მზიას.

ძილში თითქოს ეცინება,
ვეფინება ღიმი მთვარის:
აღბათ, დედამ თუ აკოცა
და ძილს უფრთხობს ეს სიზმარი.

მაგრამ როცა გაიღვიძა,
ნახა მასთან არეინ არის:
არც დედიკო, არც ბებიკო
მოალერსე-მომღიმარი.

ლოგინიდან გადმოხონდა,
დაითრია ძირს ზეწარი...
„უჰ, რა უთხრა ჩემს ბებიკოს,
ჩაუკეტავს ოღის კარი!“

მიიხედა, მოიხედა,
აღარ, იცის რა ქნას ახლა,
აგერ უცებ ტახტის ქვევით
ფისუნია დაინახა.

—ფისო, ფისო, იქნებ იცი,
სად წავიდა ჩემი დედა?
—მიაგ, ვიცი: კოლექტივში
ჩაის ბუჩქზე ფოთოლს კრეფდა.

—ფისო, ფისო, იქნებ იცი,
სად წავიდა ჩემი ბებო?
—მიავ, ვიცი: ბადრიჯანს რგავს,
ბოსტანი აქვს სანაქებო.

გარეთ დღეა, გარეთ მზეა
წითლად, ყვითლად მოკისკასე,
იქ—თუთები ტკბილი, ტკბილი,
ალუბლები სავსე, სავსე!

გარეთ დღეა, გარეთ მზეა,
ფართო ეზო, ფართო შარა.
შეხეთ, შეხეთ, ქრელ პეპელებს
მთელი ბალი დაუფარავთ!

გარეთ მზეა... და ყვავილებს
მოუქარგავთ ტყის ნაპირი,
მზია ღია ფანჯარასთან
დგას და „ზეე“—ტირის, ტირის.

„მიავ. მიავ, მიავ, მიავ...
გამიგონე, მეგობარო,
იქ, ბუხარში, ქოთნით რძეა,
შევესელიპოთ და გავიხაროთ.

ვიხტუნოთ და ვიკუნტრუშოთ,
არას გვარგებს თვალზე ცრემლი...
აგერ ჯორკო, აგერ სკამი.
დავსხდეთ, ქოთანს ვტაცოთ ხელი!“

კარგი არის, კარგი რჩევა,
სიტყვა ტკბილი, მეგობრული.
ვის არ უყვარს, ვის არ მოსწონს
კარგი ენა, კარგი გული.

და როდესაც მზიამ ფრთხილად
გადახადა ქოთანს ჯამი,
იმ მსუნაგმა ფისუნამ
არ აცალა ერთი წამი.

ჩაყო თავი ქოთანში და
სულ შესანსლა რძე და ერბო
და გოგონას იმ ტკბილი რძის
ერთი წვეთიც აღარ ერგო.

„ეს რა ქენი, ფისუნია?!—
გაიფოფხა ბრაზით მზია,—
შე ტუტუცო, შე მსუნაგო,
მეგობრობა ამას ჰქვია?“

მაშ გაჩვენებ ისეთ სეირს,
თავზე მიწა დაგაყარო!“
დასწედა ფისოს, მაგრამ ფისო
შემოახტა ბუხრის თაროს.

სკამი სკამზე, სკამი სკამზე,
და სულ ზევით მზია-ქალი
ფისო ზის და იბუზება,
ჩამოსტირის თითქოს თვალი.

კრუსუნებს და სალაქუცოდ,
აქნევს გრძელ კუდს, ფართიფურობს...
ამ უმსგავსო საქციელმა
გააცხარა მზია უფრო.

„შე ფლიდო, შე არამზადა,
დამაცადე, რა დაგმართო!“—
წასწედა კუდზე, მაგრამ უცებ
საქმე მოხდა სახიფათო:

გადმოვარდა დიდი ლამპა,
„ბრაახ“—დაიმსხვრა ბროლი, მინა,
ფისომ „სკუბ“ და მაგიდიდან
უსირცხვილოდ შემოსცინა.

პაკი-პუკი,— ხის ქოშებით
უყვარს ბებოს სიარული,
კალთით მოაქვს კიტრები და
გულით ტკბილი სიხარული.

პაკი-პუკი, პაკი-პუკი,—
შემოალო ოდის კარი.
„ვაი, ვაი, ჩემი ბრალი,
ეს რა მოხდა, ეს რა არის?!“

სკამი სკამზე, სკამი სკამზე—
და სულ ზევით მზია-ქალი,
ცალკე გდია ლამპის ფეხი,
ალარც რძეა ერთი ცვარი,

დამსხვრეული ბროლი, მინა,
ძირს ბალიში, ძირს ზეწარი,
და ბალიშზე ფისუნია
ტუჩს ილოკავს პირმცინარი.

ამ ამბავმა სალამოზე
სახლში ყველა გააცინა.
„არ გრცხვენია, ფისუნია,
გოგოვ, როგორ შეგაცდინა?!“

ჟალერსებს მამა მზიას
და უკონის მზისფერ თვალებს,
ხან ყურს უწევს, თითქოს წყრება,
თან ტუქსავეს და თან ხარხარებს.

ასე მოხდა ეს ამბავი
ამ გაზაფხულს ლაქვარდმზიანს.
იმის შემდეგ სახლში მარტო
ალარ რჩება ჩვენი მზია.

ყოველ დღით მიჰყავთ ბაღში
ეს კუდრაქა, მუზმუზელა,
შენ კი, ფისო, ეგდე სახლში,
მსუნაგო და ღორმუცელა!

უ მ ა მ ო ღ

(პოემა)

1

როგორ უყვარს მზეთამზისას,
როგორ უყვარს მამა!
ეს წითელი დიდი ბურთი
მამამ მოუტანა.
მაგრამ ახლა რახანია
მამა აღარ მოდის.
„სად წავიდა, ნეტა მამა?
როდის მოვა, რო-დ-ი-ს?
წითელ ვაშლებს, ფორთოხლებს და
რას მომიტანს კიდევ?“
და გახედავს მზეთამზისა
ქუჩებს კიდით-კიდე.
„—აღბათ, სულ რომ დაღამდება,
მამა მაშინ მოვა“...
ქარი ქრის და ქადრის ფოთლებს
მიაქროლებს გროვად.
გარეთ ცივა, ყვავილნარებს
სცივათ ხეივანში.
ხეს ფოთლები ცვივა, ცვივა,
მოშრიალებს ქარში.
ლევიანიკა ჩანთით მხარზე
შემოირბენს მარდი.
„დედა კიდევ არ მოსულა?“
ბებო ჯოხით დადის.
რა ჰქნას ბებომ, მოხუცია,
მასაც უნდა შეეღა,

დარეჯანი როგორ გასწვდეს,
როგორ გასწვდეს ყველას.

II

„დაიკონა, გამიგონე,
მამა აღარ მოვა,
შებე, თოვლმა აივანზე
როგორ შემოთოვა!“
ლევიანიკას უყვარს დაი
და უყვება ამბავს,
ხან თმას უწინავს, ხან ღილს უბნევს,
ხან უსწორებს კაბას.
ბებო ისევე ჯობზე ბჯენით
გამოაღებს კარებს,
გაულიმებს აივანზე
ფიფქებს მოკაძკამეს.
„მოდო, შეილო, თეთრი ფიფქი
მონიტანე ჯამით,
შემდეგ ხანთარს ვინ მიაღწევს,
აღარა მაქვს ჯანი.“

ლევიანიკამ სულ დატენა
თეთრი თოვლით ჯამი,
მზეთამზისას დაავიწყდა
ახლა მამის ჯავრა.

აივანზე ისევე თოვს და
ფიფქი თეთრად ბრწყინავს.
რას დააკლებს ამ კუდრაკებს
თოვლი, ქარი, ყინვა.
გუნდაობენ, ბურთაობენ,
კისკისებენ, რბიან.
„დედა, აღბათ, კრებაზეა“...
„დედა მოვა გვიან“.

III

ბებო თვლემს და სასთუმალთან
უზის დიდი კატა,
მზეთამზისას ჩაეძინა,
ლევიანიკა ხატავს.
ხატავს, ხატავს და დახატა

მზეთამზისას ცხვირი.
თვალიც ისე გაუკეთა,
გეგონებდათ, ტირის.
„მერე რაა? მე ამ ნახატს
გაგუგზავნი მამას.
წერილს მივწერ ისეთს, ისეთს,
რომ მოვიდეს ჩქარა“,—
გაიფიქრა ლევანიკამ
და შეუდგა წერას:
„ჩემო მამა, ველარ ვუძღებ
სულ ქუჩისკენ ცქერას,
ფიქრობ: აბა, ახლა მოვა,
აბა, ახლა, ახლა...
მამიკონა, ხომ არ ხუმრობ,
როდის მოხვალ მართლა?
აი შეხე, როგორ ტირის
მზეთამზისა-ქალი,
სულ კარისკენ მოუღრიცავს
ცრემლიანი თვალი.
ამბობს: „სულ რომ დაღამდება,
მამა მაშინ მოვა...“
დაღამდა და აივანზე
თოვლმა შემოთოვა.“
მორჩა წერას ლევანიკა,
მაგრამ ეს ბარათი
სად წაიღოს, რომ არ იცის
მამის მისამართი?
ფიქრობს, ფიქრობს ლევანიკა,
ფიქრი ოთახს ავსებს,
და ბოლოს თქვა: „ასე ჯობსო,
ასე დავწერ, ასე:
ვინც ამ წერილს წაიკითხავს,
ვინც ამ ბარათს ნახავს,
თუ იცნობდეს, ვთხოვ გადასცეს
გობეჩია ბახას.“
ჩაირბინა სწრაფად კიბე
და ჩაუშვა ყუთში.
„რა ვქნა, დედამ არ ნახოსო,“
გაუელვა გულში.

ძლივს აასწრო კიბეზე და
გული აუფეთქდა:
აჰა, დედაც შემოვიდა
გაფიფქული თეთრად.

ლევანიკას წერილს გუშინ
კითხულობდა ყველა,
„კომუნისტმა“ თურმე იგი
გადაბეჭდა ხელად.

დარეჯანმა ეს გაზეთი
სალამოზე ნახა:

„ლევანიკას მინაწერი
გობეჩია ბახას.“

წაიკითხა, გაიღიმა,
გულში ჩასწვდა დედას
და თვალებში აუგორდა
მოგონების სევდა.

ეხუტება დედა შვილებს
და წამწამებს ნამავს.

„რა ექნა, ბარემ მეც მინდოდა,
რომ გყოლოდათ მამა“.

გარეთ თოვს და ფიფქი ბრწყინავს,
თეთრი, ნაზი, წმინდა.

რამოდენა ბამბის ფთილი
მოფარფატებს ციდან!

გაზაფხულის სიხარული

(სცენა წარმოადგენს მინდორს. მოჩანს ბუჩქები, ტყე, ყველაფერი ამწვანებულია. სცენის გარეთ ისმის ბავშვების კისკისი, ყრიაშული).

ბავშვები—(შემოდიან სიძლიერით)
მიყვარს, მიყვარს გაზაფხული,
ველი ტურთად მოქარგული...
რა ნაზია,
ლამაზია
ყვავილების თაიგული.

პირველი ბავშვი—ია არა ჩანს...

მეორე ბავშვი—ეს რა ყვავილია? შეხედეთ, როგორ ამოდის!

(ბავშვები შემოეხვევიან ყვავილს)

მეორე —გამარჯობათ!.. ენძელა ვარ
ჩემთვის კენტად ამოსული.
ვინც შე მნახავს, შვებით იტყვის:
—აჰა, დადგა გაზაფხული...

პირველი ბავშვი—(აღერსით)

ვიშ, რა კარგი ხარ, ენძელავ,
გამხარებელი გულისა...

მეორე ბავშვი—ნუ შიშობ, ჩვენ ხელს არ გახლებთ,
მეგზურო გაზაფხულისა...

მესამე ბავშვი—(გაირბენს, ჩახედავს ბუჩქებს და დაიყვირებს)
ია... ია...

(ბავშვები ყრიაშულით შემოეხვევიან ბუჩქებს.
ერთი მათგანი წაიწივს მოსაწყვეტად, მაგრამ შეჩერდება.
თა მიმართავს მას):

თა—ნუ შემახებ პაწია ხელს,
ნუ, ნუ-მეთქი, ჩემო კარგო,
ის არა სჯობს, გავიზარდო
და ბაღნარი მოგიქარგო?

მე პატარა ყვავილი ვარ,
გამახარებს შენი ცქერა.
ახლოს დაჯექ, გამაგონე
შხიარული შენი მღერა!

ბავშვები—(ჩამოეცლებიან იას და მღერაინ:)
ამ სიმწვანეში მოვსულვართ,
სიცოცხლე რა კარგია...
მოგესალმები, თვალლურჯა,
ჩემო პატარა ია!

(ამ დროს პეპლები შემოფრინდებიან. დანახავენ ბავშვები
და ასტეხენ ყვირილს:)

პეპლები... პეპლები...

(და აედევნებიან დასაკერად. პეპლები ასწრებენ კარებში გაფრენას.
ბავშვები მისდევენ ვაი-უიით და ღრიალით. სცენის მეორე კარებიდან
შემოჰყავთ დაპერილი პეპლები).

პირველი პაეა — ორი დღე ეცოცხლობ, დამაცათ,

სანამდღე ჩემი ჯერია...

ვინც საწყალს ღონით დაჩაგრავს,

თავისუფლების მტერია...

ორივე პაეა ერთად — ვინც საწყალს ღონით დაჩაგრავს,

თავისუფლების მტერია...

ბავშვები — (აღერსით) არა, არა, პეპლებო,

ჩვენ არ გვინდა თქვენი წყენა,

მხოლოდ ერთხელ აეფრიალდეთ

ამ მდელოზე ერთად ყველა!...

(ია მორბის. ენძელავ მორბის და შკრავენ წრეს, ტრიალებენ
და მღერაინ).

ჰველანი — ჩვენ სიცოცხლის მომხრე ვართ,

გვიყვარს ლაქვარდი წმინდა...

მზეო, მოგვფინე შუქი,

ჩვენ სხიარული გვინდა...

(შეე მოეფინებათ... გაისმის ტყიდან ჩიტების
ტიკტიკი. ერთი ბავშვი გამოეყვარა სხეებს)

ერთი ბავშვი — ჩვენი ხმით ტყე შხიარულობს,


იქ ჩიტუნები მღერაინ...


მშვიდობა ვუთხრათ სამშობლოს,

მშვიდობა ყველაფერია...

ყველანი—(სიბღერით იმეორებენ)
ჩვენი ხმით ტყე მხიარულობს,
იქ ჩიტუნები მღერიან...
მშვიდობა ვუთხრათ სამშობლოს,
მშვიდობა ყველაფერია...







გიგა და მერცხალი

— კიკ... კიკ... კიკ... კიკ, კიკ, კიკ...—ჩამოსკიკიკია ფანჯრიდან მერცხალმა.

გიგას ძილში ჩაესმა საამური ხმა, შეიშმუშნა და თვალები გაახილა. თენდებოდა. ის-ის იყო მზე ამოსვლას აპირებდა, გიგამ თავი წამოსწია და აქეთ-იქით ცქერა დაიწყო.

«ვინ გამაღვიძა, ნეტავი?»—ფიქრობდა გიგა.

ოთახში არავინ იყო. დედას ფანჯარა გაეღო და გარეთ გამოსულიყო.

— ვისი ხმა იყო ის, ნეტავი?—თვლების ფშვინტით წარმოთქვა გიგამ.

— კიკ, კიკ, კიკ...—კვლავ ჩამოსძახა მერცხალმა,—კიკ, კიკ, კიკ... გამარჯობა, ჩემო ბიჭუნა! რა მიხარია, რომ ამოდენა გაზრდილხარ. შარშან პატარა იყავი. წელს ლაპარაკიც გისწავლია. გაზრდილხარ.

გიგა ლოგინზე დაჯდა. თვალები ფანჯარას მიაპყრო და შესძახა:

— საიდან მოფრინდი, საყვარელო ჩიტუნია... დიდი ხანია არ მინახიხარ. სად იყავი ამდენ ხანს? რა კარგად ვალობ!..

— ცოტა დავიგვიანე. დაიცა, ყველაფერს გიამბობ. აქ მე ბუდე მქონდა...

— ის ერთმა ბიჭმა ჩამოშალა. მითხარი, საიდან მოფრინდი?

— შემოდგომაზე თბილ ქვეყნებში გავემგზავრე... აქ გამყინავდა ცივ ზამთარში. კია-ლუებიც დაიძინებდნენ და საქმელს ველარ ვიშოვიდი.

— მე შექარს ვაქმევდი...

— ჩვენ კია-ლუებით ვცხოვრობთ, — მხიარული კიკიკით უპასუხა მერცხალმა გიგას. — ინდოეთში ზამთარი არ იცის. იქ მუდამ თბილა და საქმელიც ბლომად მოიპოვება. ზაფხულში კი იქ ძალიან ცხელა; ხშირი წვიმებიც; აქ სასიამოვნო ჰაერია. შრომა უფრო გვიადვილდება, ბუდეს ავაგებთ, ბარტყებს გამოვჩქვით და დავზრდით.

— შორს არის თბილი ქვეყნები?

— შორს, შორს, დიდ მთებსა და თვალგადაუწვდენ ზღვებს იქით.

— უჰ, რა შორს გიმგზავრია!—გაკვირვებით შენიშნა გიგამ.—მერე როგორ გადმოიფრინე ზღვები და მთები?

— ძალიან მოვიქანცე, ჩემო მეგობარო, ძლივს მოვალწიე, მაგრამ მიხაროდა სამშობლოში დაბრუნება... მე ხომ აქ გამოვიჩეკე, პირველად ამ ფანჯრიდან შევხედე მზეს.

გიგა ლოგინიდან ფანჯრის მოაჯირზე შეხტა, რომ ახლოს შეეხედა მეგობრისათვის.

— ჩემო ლამაზო, როგორ გამახარე შენი მოსვლით. რა პატარა და მსუბუქი ტანი გაქვს. პაწაწინა ნისკარტით ამდენს როგორ ჭიკჭიკებ?

— ჰა, ჰა, ჰა... ნუთუ ვერ შეამჩნიე ამოდენა, განიერი პირი რომ მაქვს, აქეთ-იქით ბუტია ლაყუჩები? ამიტომაც ვმღერი ასე ტკბილად ჰ... ჰ... ჰ... ბოლო გრძელი და ფრთები მაგარი მაქვს, შურდულივით დავსრიალებ ჰაერში, ერთ წუთში მიდამოს მოვივლი.

— ოჰ, რა ბედნიერი ხარ... ნეტავი მეც შემეძლოს შენსავით ფრენა, ნავარდი... აგერ, მზეც ამოვიდა.

— და მე კი დავიგვიანე...

— მოიცა, მოიცა, გენაცვალე, სადაც რას ნახავ, მერე მოდი და მიაბე ყველაფერი: რას აკეთებენ სოფლის ბავშვები, როგორ ცელქობენ მინდვრებში პეპლები, მომიკითხე მთის ნაკადულები და გაიგე, სად ერთობიან პატარა მწყემსები, სად აძოვებენ ცხვრებს. ნახე ყაყაჩო თუ აყვავილებულა: მიაბე ყველაფერი.

— ყველაფერს გიამბობ, ყველაფერს. აქ შენი ფანჯრის ზევით გავაკეთებ ბუდეს,—თქვა მერცხალმა, დასჭიკჭიკა და გაქროლდა ჰაერში.

შემოდგომა ჩემს სოფელში

ირიყრათა თუ არა, ზეცამ ლურჯი თვალებით ჩამოხედა დედამიწას. ცელქმა სიომ ფრთები შეათამაშა და მხიარული შრიალით დაურბინა სოფელს.

აგერ მზე აღანძული ბურთივით გადმოგორდა მწვერვალზე, შემოკვართული კალთები გაშალა და ოქროს სხივები გადმომაყარა თავზე. ოქროს ყუნწებით დაიყურსა ჩემი სოფელი. ხის ტოტებს ოქროს ბიბილოები ჩამოეკიდა. მწვანე ხავერდი—მდელო ოქროს ყაითნებით მოიქარგა. ტყე ფერად ქსოვილებში გაეხვია. ყანები ქარვებში ჩაიძირა. და აი საგანთიადოდ მოფხიზლებული შარა შეიშმუშნა.

რა თბილი და სასიამოვნოა წელს შემოდგომის დღეები!

ჩემი სოფელი, რომელიც რამდენიმე კილომეტრის მანძილზეა გადაქიმული შავი ზღვის ნაპირიდან აზიდულ მალღობზე, არაჩვეულებრივად ლამაზია. ქალი თუ კაცი, მოხუცი თუ ახალგაზრდა, ყველა ერთი გულით შეჰპარის მზის აბრეშუმებში გახვეულ მომხიბლავ გარემოს.

შორიდან მოჩანს ცის კიდემდე მედიდურად გაშლილი შავი ზღვა. ლურჯად მოელვარე ლაქვარდს თავისი ფერი მოუფენია ზღვისთვის. თავზე სომლიის ქალარა მწვერვალი დაჰყურებს.

რა თბილი და სასიამოვნოა წელს შენოდგომა ჩემს სოფელში!

— მოსასწრებია, ყველაფერი, მოსასწრები,—ამბობენ ქალები.

მართლაც მოსასწრებია ზამთრის მოლოდინში შემოდგომის დოვლათის მოწვევა და დალაგება. ამიტომაც ასე დაულაღავად ფუსფუსებს ხალხი: ზოგი ყურძენს ჰკრეფს, ზოგი სიმინდს ტეხს, ზოგი საზამთრო შეშას ჩეხს, გოგობიჭები პანტა მსხალს ჰკრეფენ და კალათებით ქურში ჰყრიან. მაგალო ვაშლს ოდის ქერში აგროებენ. მოხუცებულები ჩელტებზე ახალ ღომს ზელავენ და ბელელში ინახავენ. ღომის თაველში თეთრ კვახებს აწყობენ ფაფუკად. ღობიოს ჰკრეფენ და არჩევენ.

მწიფე მსხლით და ნედლი სიმინდით დანაყრებული ღორები დინჯად უვლიან ფიცრულს და მძიმედ ღრუტუნებენ, ნაჩაღეში ძროხები ბლავიან, სათიბში ხბოები კუნტრუშებენ, გულმომსუყებული ქათმები კაკანით მიფრინავენ სუროიან ხეზე, დილით მხიარულად შლიან ფრთებს და სასიმინდესაკენ მიცანცალებენ. ძაღლები წკმუტუნით მისდევენ პატრონებს. ისინი ურმისგვერდით იწვნენ მთელი დღე და ღრინავდნენ. ცხელი მკადით და კვინტი ყველით სავსე კალათს უთვალთვალებენ, დიასახლისს შესცქერიან.

შრომაში და ფუსჟუსში ღამდება.

მთვარის შუქზე ზანტად მიზოზინებს, მძიმედ მიკრიალებს სიმინდის ტარობებით და ჩალით დატვირთული ურმები, მიგუგუნებს სატვირთო მანქანები—ესენი კოლექტივის ყანებიდან გამოვალნი არიან. კოლექტივის ბელელში მიაქვთ სიმდიდრე—მიწის დოვლათი. გათენებამდის ისმის გზაზე ნელი, მომხიბლავი „დელი-ოდელა“, „რაშო-ჩერო“ და ტკბილი, მხიარული შეძახილი...

რა თბილი და სასიამოვნოა წელს შემოდგომა ჩემს სოფელში!

მოულოდნელი შეხვედრა

დილიდანვე ემზადებოდნენ ბავშვები თეატრში წასასვლელად.

— დაგვაგვიანდა, მასწავლებლო, — ამბობდა ერთი.

— მასწავლებლო, საუზმეს მერე ვქამთ, — გაიძახოდა მეორე.

— სულ არ გვინდა საუზმე, არ გვშია, — ბუზლუნებდა მესამე.

რუსულ საბავშვო თეატრში დღეს ქონდრისკაცები გამოდიოდნენ და ამიტომ ეჩქარებოდათ ბავშვებს თეატრში წასვლა. ვერ ისვენებდნენ ცელქები. სიცილითა და ქრიაშულით აყრუებდნენ საბავშვო ბაღს. მათ მხიარულებაში არ ერეოდა მხოლოდ ბორია, ის ჯერ კიდევ ვერ შეჩვეოდა ახალ ამხანაგებს. საბავშვო ბაღის წესებსაც არ იყო შეჩვეული. თავისთვის იჯდა და კუბიკებით პატარა კოხტა სახლს აშენებდა. ერთ ფანჯარას გვერდით უკეთებდა, მეორეს წინ, სახლის გარშემო პატარა ეზოს ფარგლავდა, შუა ეზოში, პატარა ხესთან სკამს დგამდა. მერე დაშლიდა და ისევ შეუდგებოდა შენებას. ერთდღეს მარო მასწავლებელმა შენიშნა, რომ ბავშვი ყოველთვის ერთი აღნაგობის სახლს აშენებდა, არც აკლებდა რაიმეს და არც უმატებდა. ეზოსაც ყოველთვის სახლის წინ აკეთებდა. ხეც და სკამიც ერთდამავე აღგილას იდგა.

— მოდი, ბიჭუნი, ახლა ორსართულიანი სახლი ავაშენოთ, — დაყვავებით უთხრა მასწავლებელმა და ახალი კუბიკებით სავსე ყუთი დაუდგა წინ. ბორიამ ოდნავი წყენით ახედა მასწავლებელს, მერე თავი ჩალუნა და ნალვლიანად თქვა:

— ეს ჩემი სახლია, ჩემი ეზო... იქ, შორს... ჩემ დედიკოსთან რომ ვიყავი...

მასწავლებელი გაჩუმდა. მიხვდა, რომ ბავშვი მშობლიურ სახლ-კარს იგონებდა. ბორია ხან იღიმებოდა, ხან თავისთვის რალაცას ბუტბუტებდა. ეტყობოდა, ეს მოგონება მას სიამოვნებას ჰკვირდა.

დღესაც ბორია ტალანის კუთხეში მუხლებზე ჩაჩოქილი ჩვეულებრივად გულმოდგინედ აშენებდა „თავის სახლს“.

— ბორია, ბორია!— დაუძახა მასწავლებელმა და ბავშვები ყვირილ-ხივილით გავიდნენ ქუჩაზე, მწყობრად და წესიერად ჩამწყვიდნენ ხეივანში.

— შენ, ბიჭიკო, როდის ისწავლი სწორი ნაბიჯით სიარულს?— მიუალერსა მასწავლებელმა ბორიას და გვერდით ამოიყენა. ბორიას მართლაც არ ეხერხებოდა ზომიერი ნაბიჯით სიარული. ბორია არ იყო სხვა ბავშვებივით მხიარული. მას ხშირად აგონდებოდა დედისა და დის დალუპვის ამბავი. თუ როგორ ააფეთქა მტრის ყუმბარამ მათი თეთრი სახლი, იმ დროს, როცა დედამისი პატარა დას აძინებდა ოთახში.

და აი, უცებ დაიგრიალა მტრის ყუმბარამ და ბორიას ლამაზი სახლი მტერად იქცა. ახლა მწყკრივეში მიმავალ თეთრთმიან ცუგრუმელა გოგონას უცქეროდა ბიჭუნა და დაიკო აგონდებოდა. ამიტომაც იყო, რომ მწყობრის წესიერ სვლას არ ემორჩილებოდა ბავშვის ფეხები, ბორია ხან უკან რჩებოდა, ხან განზე გარბოდა.

ბავშვები მხიარულად მიდიოდნენ მზიან პროსპექტზე.

სტეფანე კოტლოვი შედგა, სიყვარულით გააყოლა ბავშვებს თვალი. დაქრილი არმიელი ორი დღეა გამოეწერა ჰოსპიტლიდან. განკურნების შემდეგ ბრძანება მიიღო: ფრონტზე უნდა დაბრუნებულიყო. მას მესამედ უხდებოდა ფრონტზე გამგზავრება.

სტეფანესათვის ფრონტზე წასვლა ჩვეულებრივი მოვლენა იყო.

სალამოს მატარებელს უნდა გაჰყოლოდა სტეფანე. გასტრონომიული მაღაზიიდან გამოვიდა. ილიაში ათიოდე ფუნთუშა ამოედო ქალაქში შეხვეული. ბავშვების ყრიაშულმა გაიტაცა კოტლოვი. მოაგონდა ოჯახი; ცოლი, შვილი. ხარკოვთან ბრძოლის შემდეგ წერილი აღარ მიეღო.

სტეფანემ ჩქარი ნაბიჯით გასწია წინ. ბავშვების მწყკრივს რომ ჩაუარა, კოტლოვს შეუმჩნეველად დაუვარდა ერთი ფუნთუშა. ბორია უცებ მოსცილდა მასწავლებელს გვერდიდან, წინ გადახტა და ფუნთუშა აიღო. თუმცა არ შიოდა, მაგრამ ძალიან მოუნდა რბილი და ტკბილი ფუნთუშის შექმა. პირი გააღო საკბეჩად და უცებ გზაზე მიმავალ არმიელს გახედა. ბავშვს არმიელი მამა მოაგონდა. გაახსენდა, დედა როგორ აგროვებდა საჩუქრებს და უგზავნიდა მამასა და მის ამხანაგებს ფრონტზე. იმ საჩუქრებში ფუნთუშებიც იყო, ბორიას სულ დაავიწყდა ბავშვების მწყკრივი და მარო მასწავლებელიც. შურდულივით გაქანდა წინ, დაეწია არმიელს და დაუყვირა:

— ფუნთუშა დაგივარდა, ბიძია, ფუნთუშა!

კოტლოვი შეკრთა, თითქოს ბავშვის ხმა ეცნაურა. მოიხედა და მისკენ ფუნთუშით ხელგაწვილ ბიჭუნას ჩააცქერდა. გაფითრდა სტეფანე, თვალში ჭელი ამოისვა და ისეე ჩახედა სახეში ბავშვს.

— ბორია, ბორია, ჩემო ბიჭო!..

ბორიამ იცნო მამა, ფუნთუშა გააგდო, ფინია ძალღვივით შეახტა გულზე და კისერზე შემოეხვია.

— მამა!.. მამილო!..

მასწავლებელმა ბავშვები შეაჩერა. დაინახა, არმიელს როგორ დაუცვივდა ფუნთუშები მიწაზე. არმიელი ბავშვით იდგა ქანდაკებასავით, მერე თავი გადაუწია ბავშვს და ათრთოლებული ხმით ჰკითხა:

— დედა დაიღუპა? პატარა მუსიაც?

ბორიამ პასუხის მაგიერ საშინელი ბლავილი მორთო. ქუჩაზე მიმავალი ხალხი შეგროვდა. მასწავლებელი მივიდა არმიელთან, ფუნთუშები აკრიფა და მშვიდად ჰკითხა:

— თქვენ რა ხართ ამ ბავშვის?

კოტლოვი გამოერკვა.

— მითხარით, საიდან გაჩნდა თქვენთან ჩემი შვილი?

— ეს ბავშვი უკრაინიდან ჩამოიყვანა ერთმა ქართველმა ოფიცერმა. შვილივით მოგებარა.

— უპატრონო იყო უთუოდ... სიკეთე მისკეს ძმობის მადლმა, კაცი ისე ყოფილა...— თქვა არმიელმა და ორი ცრემლი ყინულივით შეაცივდა თვალებზე.

მადონა არავინ დამიშლის

დილაადრიან მოფრინდებიან ჩემი სტუმრები და თოვლით მოფენილ აივნის მოაჯირზე შემოსხდებიან.

ქიკიკებენ და მიცდიან.

როცა გავახელ თვალს, პირველად სასთუმალთან მიკრულ ჩიტუნების სურათს შევხედავ. ეს მე დავხატე. სურათი მომაგონებს, რომ გარეთ მიცდიან მშვიერი ჩიტუნები—ისინი ჩემი სტუმრები არიან.

სწრაფად წამოვიკრები ლოგინიდან, გადავწევი ფანჯარაზე ფარდას და მხნარულად მივესალმები.

— გამარჯობათ, ჩემო ჩიტუნებო, როგორა ხართ? ხომ არ გცივათ?

ნიშნად სიხარულისა ჩიტუნები შეიფრთხილებენ, აფრინდებიან ზევით და ისევ შემოსხდებიან მოაჯირზე. ზოგი ხის ტოტებზე შესკუპდება.

აივანი გადათეთრებულია. თეთრად ბრწყინავს ქუჩები, სახლების სახურავები, ჩემი პატარა ხეც თეთრად მოკაზმულა და თეთრი მკლავები აუშლია ცისკენ.

ვიშ, რა ლამაზია გარეთ ყველაფერი: თეთრია ეზო, თეთრია ხე, თეთრია ქუჩები... ყველგან სითეთრე პირნაზობს.

შორიდან მოისმის ბავშვების ყრიაშული, ალბათ გუნდაობენ. ჩქარა ჩავეცვამ, მივდივარ კარებთან, მაგრამ დედა დამეწევა და არ მიშვებს.

— გარეთ ცუდი ამინდია, გაცივდები;—მეუბნება.

— აბა რა არის ცუდი? ბუმბულა ფანტელები ისე მოცეკვაობენ, მოიჩქარიან ზეციდან, თითქოს მე დავპატიეფე ისინი. აბა რა არის ცუდი?!

— სიცივეა.

— დედოკო, გამიშვი, გენაცვალე, გარეთ მშვიერი ჩიტუნები მელოდებიან. გუშინ მათთვის დავამზადე საკენკი.

— მაშ მოიხვიე თავზე და ჩქარა შემოდი.

— ახლავე, ჩემო კარგო დედა!

გახარებული ვშლი ქალაქის სუურას და მიმაქვს. ყველაფერია: ფეტვი, ხორბალი, ღომის მარცვალი, პურის ნამცეცები... მობრძანდით, რაღას უტლით!..

ისინი სულ ნაძვის ტოტებზე ხტიან და იქიდან მითვალთვლებენ. მე მიყვარს პაწია ჩიტუნები. მამამ მითხრა: კარგად გამოკვებე ჩიტუნები, არ დაიხოცონ ზამთარში, თორემ ზაფხულში ბუზები შეგვკვამს; ჩიტუნები სპობენ მათგან მწერებსო. ამიტომ ყოველდღე ვაქმევ საკენკს. ჩიტუნები მაინც ფრთხიან და შორიდან მითვალთვლებენ, სანამ არ მოეშორდები მოაჯირს.

— ოო, რა ავეები ხართ!..

მეც გავებუტე და დავბრუნდი უკან. ოთახში ჩუმაღ მივდივარ ფანჯარასთან.

— აა, თქვე ეშმაკებო...

ისე მიესივნენ საკენკს, რომ ერთმანეთს ეცილებიან,—აბა რომელმა მეტი შეკამოს. ხარბებო... გაუმძღრებო. როგორ მინდა მეც გავერიო ჩიტუნებში. დედამ კარი გადაკეტა.

— გამიშვი, დედიკო!—დავიყვირე.

დედა გამიჯაერდა ჯიუტობისათვის, მერე მომიღერსა და მითხრა:— დაწყნარდი, შვილო, ჯერ პატარა ხარ. გაიზრდები და..

— მერე თავისუფლად ვირბენ თოვლში?

— ჰო, აგრე იქნება...

— გივისხელა რომ ვიქნები?

მივდივარ ისევ ფანჯარასთან იმ იმედით, რომ გავიზრდები და თავისუფლად ვირბენ.

მაგრამ... ახლა, ჩიტუნებო,
რარიგ მინდა თქვენთან ფრენა!
დამაცადეთ, ლამაზებო,
გავიზრდები გივისხელა,
მაშინ არეინ არ დამიშლის.
გუნდაობას, თქვენთან ლხენას.

ზ ა ზ უ ლ ი

მადიკოს ზაზული პატარა ბიჭუნა იყო და არასოდეს არ ენახა ხილის ბალი, მინდვრები და არც ის ქარხანა, სადაც მისი დედა შუშაობდა. არასოდეს შუაგულ ქალაქს არ გაშორებია. ან ვის ეცალა მისთვის: დედა დილაადრიანად სამუშაოზე მიიჩქაროდა, საღამოს კი ოჯახის წვრილმან საქმეს უნდებოდა. ზაზული მთელი დღე ეზოში ბავშვებთან თამაშობდა, ხან დაკეტილი ოთახის კართან იჯდა, დედის დაბრუნებას ელოდებოდა, ლურჯ ცას უმზერდა და ასე ფიქრობდა:—რა არის, ნეტავი, იქ ასეთი ლამაზი, ასეთი მოკრიალე, ასეთი მშვენიერი, ბრწყინვალე ქოლგად რომ გაშლილა ჩვენს თავზე?! ან იქ, იმ გორებს იქით რა ქვეყანაა?

— ახ, ჩემო საყვარელო მერცხალო!—აღტაცებით შესძახა ერთ დღეს ზაზულემ გაზაფხულის პირველ მახარობელს.

— ბრარ... ბრარარ...—მოულოდნელად დაიგრიალა ჰაერში ამ დროს თვითმფრინავმა. პირველს მეორე აედევნა, მეორეს მესამე და გაჩაღდა თვითმფრინავების შეჯიბრება.

— ახ, გენაცვალეთ... გენაცვალეთ...—ყვიროდა ზაზული და ხელებს ზევით აპოტივებდა.

თვითმფრინავები ღრუბლის თეთრ ქულებს შეუერთდნენ და გაქრნენ. ახლა ზაზულის ახალი საფიქრალი გაუჩნდა: ძალიან მოეწონა ფრენა.

— მომშორდით, დამანებეთ თავი!—ებუტებოდა ეზოს ამხანაგებს.—მე თვითმფრინავი უნდა ავაშენო და მთვარეზე გავფრინდე. უსათუოდ მთვარეზე უნდა გავფრინდე.

ყოველ დილით, დედა წავიდოდა თუ არა სახლიდან, ზაზული შეუდგებოდა მუყაოდან თვითმფრინავის კეთებას. გააკეთა ერთი, მეორე, მესამე, მაგრამ ვერც ერთი ვერ ააფრინა: რაღაცა მანძი დააკლდა.

დაღონებული ჩამოჯდა ალაყაფის კარზე. უქმაყოფილოდ უყურებდა

გამველელ-გამომველელთ. უცებ გამოუთქმელი სიხარული იგრძნო: მასავით პატარა ბავშვები დამწკრივებული მიდიოდნენ ფეხების ბაკუნით და სიმღერით. წინ მასწავლებელი მიუძღოდათ. ზაზულის ბევრი აღარ უფიქრია, გაძვრა და შეუშინველად შეუერთდა ბავშვების მწკრივს. ხმებს ხმა ააყოლა და თვითონაც დაიწყო მხიარული სიმღერა.

ბავშვები მღეროდნენ:

ერთი... ორი... გასწით მწყობრად,
გადავაბათ ხელზე ხელი...
დილის მზე გვყავს დღეს მეგობრად,
მასპინძლად კი მინდორ-ველი.
ყვავილების თეთრი გროვა
გადაგვიშლის ფერად თვალებს,
პეპელებო, თქვენთან მოვალთ,
დაგიკოცნით ლამაზ ხალებს.

მადიკო სამუშაოდან დაბრუნდა, ბავში სახლში არ დაუხედა. შეშინდა. მეზობლები შემოირბინა, ქუჩები დაათვალიერა, ნაცნობებთან მიიქრა, მაგრამ ზაზულის კვალი ვერსად აღმოაჩინა. მთელი დღე ნამუშევარი, დაღლილი ალყაფის კარებთან ვიგდო. არც სადილი მოგონებია, არც შიმშილი უგრძნია.

— ნუ გეშინია, ქალო, ბავში არ დაიკარგება, — ანუგეშებდა მეზობელი დედაკაცი. — დღეს აქ ჯამბაზები დადიოდნენ, არღანს აქიქუნებდნენ. ალბათ იმათ აედევნებოდა, მოსალამოვდება და ისიც გამოჩნდება.

დღეა არ მშვიდდებოდა.

აი, მოსალამოვდა კიდევ. ნზე გორებს გადაღმა გადაწვა. ქუჩებს ისევ მოეფინა ბავშვების აურზაური და მხიარული ჟრიამული. მადიკოს წინ ჩამოუარეს რიგრიგობით დამწკრივებულმა ბავშვებმა. აგერ ზაზული გამოხტა მწკრივიდან და გაფართქალებული ჩაუეარდა დედას კალთაში.

მადიკო სიხარულით კინალამ დამუნჯდა. უსიტყვოდ ჰკოცნიდა ბავშვს და იხუტებდა გულში.

ზაზულიმ აღტაცებით უამბო დედას, სად იყო და რა ნახა. ერთხელაც არ დაფიქრებულა თავის დანაშაულზე...

— დედიკო, გენაცვალე, რა კარგი იყო მწვანე მინდვრები, მწვანე ყანები... წითელი ყაყაჩოები... პეპლები. უჰ!.. უჰ!.. გზა-გზა ვხედავდით ბალებს, საიდანაც მოჩანდა შეწითლებული აღუბლები... და კიდევ... უუჰ... რამდენი რამი!..

— დედა, რა გვიქირს, ჩვენც წავიდეთ სადმე შორს, სოფელში, სადაც იმისთანა მინდვრები და ბალებია, სადაც ყველაფერი ლამაზია.

მადიკო გარინდებული უსმენდა ზაზულის ტიტინს. უნდოდა ეკითხა:

დედის უნებურად რად გაიპარა სახლადან, რად ჩაიღინა ასეთი დანაშაული, მაგრამ მაღიკო ვერ უძლებდა ბავშვის სიხარულს და თავისთვის ბუტბუტებდა:

— მე ვარ დამნაშავე, შვილო, თავის დროზე რომ ვერ მიგიყვანე საბავშვო ბაღში, მე ვარ დამნაშავე...

გულკეთილ დედას თავის თავზე გადმოჰქონდა შვილის დანაშაული.

დამშვიდების შემდეგ ზაზულამ კიდევ უამბო დედას ერთი ახალი ამბავი: როგორ მოეფერა მასწავლებელი და როგორ დაჰპირდა, სექტემბერში უსათუოდ მიგიღებ სკოლაშიო.

მეორე დღეს მაღიკომ ქარხანაში წაიყვანა ზაზული. ზაზული კალთაზე მიეკრა დედას და თვალდაჭყეტილი მიაშტერდა კბილებდარენილი ბორბლების გაქანებულ ღრიალს. ვეებერთელა მანქანა ღრინავდა და გაბრაზებული აღებდა ხახას. მაღალ ანძებზე გადმოკიდებული ღვედები მძიმედ ტრიალებდნენ. ბორბლები გრიალებდნენ, ღრიალებდნენ, გუგუნებდნენ...

გამურული მემანქანე ძრავს უტრიალებდა. სხვა ოთახებშიაც გადიოდა მანქანის ფოლადიანი მკლავები, სადაც თითოეულ საქმეს მუშების თითო ჯგუფი განაგებდა: ერთი დაქრილ თამბაქოს მიათრევდა დიდი ყუთით, მეორე გამზადებულ პაპიროსებს ალაგებდა პატარა კოლოფებში, მესამე გილზებს უთვალთვალებდა და ქალაღის ბურბუშელებს აგროვებდა.

— დედა, გენაცვალე, — კრძალვით წარმოთქვა ზაზულამ, — ვინ გააკეთა ეს მანქანა, რა ძალა უტრიალებს იმ ბორბლებს? როგორ აღიან და ჩამოდიან ღვედები? როგორ კეთდება პაპიროსები? საიდან მისრიალებენ გილზები?

მაგრამ აგერ ახალშემოსულმა ხნიერმა კაცმა მიიპყრო მუშების ყურადღება. ის რალაცას ამბობდა მანქანის შესახებ. ზაზულამ დედას წასჩურჩულა:

— დედა, ვინ არის ის კაცი?

— ის ინჟინერია, რომელმაც ეს ქარხანა ააშენა.

ამ ღროს საყვირის ხმა გაისმა და მუშები ჩოჩქოლით გამოვიდნენ ქარხნიდან.

ახალი სანახაობით მოხიბლული ზაზული მხარდამხარ მისდევდა დედას შინისაკენ და ამბობდა:

— დედილო, მე უთუოდ ინჟინერი უნდა გამოვიდე. მე ისეთ მანქანას გამოვიგონებ, რომ ქვეყანას გადაკვირვებ... მე იმ ინჟინერს უნდა ვაჯობო. აბა ნახავ, თუ მართალს არ ვამბობ, ნახავ...

მაღიკო ხშირად მოუთხრობს თანამგზავრ მუშებს მისი პატარა ბიჭუნას ასეთი დიდი ფიქრების შესახებ და სიამოვნებით იღიმება.

ს ა ხ ს ო ვ ა რ ი

ნელი მთელი საღამო ენჯადებოდა დილით სკოლაში წასასვლელად. განსაკუთრებული სასიხარულო ამბავი ზოხდა მის ცხოვრებაში: გუშინ ნელი კომკავშირში მიიღეს. ბავშვობის წლები უკან რჩებოდა. კომკავშირელის სახელწოდება საპასუხისმგებლო მოვალეობას აკისრებდა ნელის, ბავშვობიდან სიყრმის წლებში დგამდა ნაბიჯს. მას პიონერის ყელსახვევი უნდა მოეხსნა და კომკავშირელის ნიშანი მიეზნია მკერდზე. ნელის დღეს სასკოლო ფორმაც შეუკერა დედამ. ნელი იღვა მაგიდასთან და გულმოდგინედ აუთოებდა ყავისფერ, ნაოჭიან კაბას, შავ წინსათარს და თეთრ საყელოს.

ხვალ ის ნამდვილი კომკავშირელი იქნება. სკოლაში მისი ამხანაგებიც ახალი იერით მოვლენ. „ღიახ, ალისფერი ყელსახვევის მაგიერ ყველას თეთრი საყელო ექნება გაკეთებული“,—გაიფიქრა ნელიმ და გაიღიმა... რა გაუხარდა იმ წამს, რომ გეკითხათ, ვერაფერს გიპასუხებდათ, აღფრთოვანებული იყო იმით, რომ ის უკვე კომკავშირელი იყო...

— მერე ალისფერ ყელსახვევს ვის აჩუქებ, ნელი?—მზიარულა, ალერსიანი ხმით ჰკითხა ბებია მადუმ, რომელიც ღუმელთან იჯდა დაბალ სკამზე და ნელის ხელთათმანზე უკანასკნელ თვლებს აქსოვდა. ბებია მადუ ჩქარობდა ხელთათმანის დამთავრებას. ხვალ ყველაფერი ახალი უნდა ჩაეცვა ნელის. ფეხსაცმელიც ახალი მოუტანა მამამ... მართლაც ახალი ცხოვრება იწყებოდა ნელისათვის.

ნელიმ სკამის საზურგეზე გადადო გაუთოებული ყელსახვევი და ბებია მადუს უპასუხა:

— მე ეს ყელსახვევი ძალიან მიყვარს, არ ვფიქრობ, ვინმეს ვაჩუქო.

ბებია მადუს თვალები გაუბრწყინდა.

— მეც ეს მინდოდა გეტყვა, ჩემო გოგონავ, რომ შენ გიყვარს შენი

ბავშვობა. რაკი ასეა, აილე ჩემი მაგიდიდან ის კაკლის ხის სკიერი, შენ ძალიან მოგწონს, ვიცი. ოლონდ გაუფრთხილდი, ნელი, არასოდეს არ გააჩუქო, თუ ბები გიყვარს. ძვირფასი ჩუქურთმებია ზედ ამოქრილი... რაც რამ გიყვარს შენი ბავშვობის, შიგ ჩაკეტე და შეინახე.

ნელი სიხარულით გადაეხვია ბებია მადუს ძვირფასი საჩუქრისათვის, გახსნა სკიერი და პირველად აღისფერი ყელსახვევი ჩაღო შიგ.

— ჩემო ბები, — ბავშვური ალტაცებით წარმოთქვა ნელიმ, — თავსავით მეყვარება ეს ორი ნივთი, რომელიც მუდამ მომაგონებს ჩემს ბების და ჩემს ბავშვობას.

ძვირფასი სახელი

1949 წლის 21 დეკემბერს, დილით, ბრაზილიის დედაქალაქის — რიო-დე-ჟანეიროს ქუჩებში საშინელი ყვირილი და განგაში ატყდა. პოლიციელები ქუდმოგლეჯილი დარბოდნენ აქეთ-იქით. არ იცოდნენ სად მოენახათ დამნაშავე. პოლიციის უფროსი ყვიროდა, ფეხებს აბაკუნებდა, ღებებს აქლარუნებდა და მათრახით ემუქრებოდა ყველას.

ქალაქის მესვეურთ თმები ყალყზე დასდგომოდათ, ხელები იმ მთისაკენ გაეშვირათ, რომელზედაც საოცრად გაკეთებულ წარწერას ხედავდნენ.

ხალხს ზეცისკენ მიიპყრო თვალები და ყბების ცახცახით ამბობდნენ:— სასწაულია სწორედ... კაცი იყო თუ ჩიტი ამის მოქმედი?! ჩიტიც კი ვერ მოიკიდებს ფეხს ამ კლდოვან მთაზე! ვინ მოახერხა ეს?

რიო-დე-ჟანეიროს მახლობლად ზღვაში სამგზავრო გემი მოცურავდა. კაპიტანმა „ორი ძმის“ მთაზე მსხვილი ასობით დაწერილ სიტყვას მოჰკრა თვალი, რომელიც თეთრად ბრწყინავდა. სახეზე კითხვა გამოეხატა. თვალი იქვე, გემის მოაჯირთან მდგომ შავკანიან ბიჭზე შეაჩერა. ყმაწვილს სიხარულით უბრწყინავდა თვალები, მაგრამ ახლა სერიოზული სახე მიიღო და სანამ კაპიტანი ღურბინდს მოიმარჯვებდა, მოკრძალებით დაუკრა თავი და აჩქარებით მოახსენა: „ბატონო კაპიტანო, იქ წერია „სტალინი“. გულში უსაზღვროდ უხაროდა, რომ საშუალება მიეცა საყვარელი ადამიანის სახელი ხმამაღლა წარმოეთქვა.

ახლა კაპიტანიც კარგად ხედავდა მომარჯვებული ღურბინდიდან საოცარ წარწერას: მან შუბლი შეიკრა, გაბრაზდა, ქორივით დაეძგერა ყმაწვილს. ხელი წაავლო და გემის ქვედა სართულში ჩაუძახა.

— საზიზღარო! არ გაბედო მანდედან ამოსვლა!

ნავსადგურის მუშები კი ღიმილით გასცქეროდნენ ქალაქის გვერდით ამართულ კაცთმიუვალ კლდოვან მწვერვალს, სადაც თეთრი, დიდრონი ასობით გამოსახული იყო ძვირფასი სახელი—„სტალინი“. ვინ იცის, იქნებ ახლა მათ შორისაც იდგა ის გმირი, რომელმაც ქვეყნის სამაგალითოდ გაწირა თავი.

ქარბი ამხანაბი

დარაჯმა ქალმა სკოლის კარებში შეაჩერა პატარა ბიჭი ყაყიტა და ჩვეულებრივი ღიმილით ჰკითხა:

- რამ მოგიყვანა, ბიჭუნო, ასე ადრე?
- დაგვიანებას ადრე მოსვლა არა სჯობს, დეიდა?
- რა თქმა უნდა, მაგრამ... ქუდი სად დაკარგე?
- ქუდი...

ყაყიტამ ხელი მოისვა თავზე და დარცხენილი 'შევიდა სკოლის დერეფანში.

დარაჯ ქალს ხშირად უნახავს ყაყიტა კარის უკან ატუხული. რისთვის, არ იკითხავთ? ხან წიგნი ავიწყდება სახლში, ხან კალმისტარი, ხან ფანქარი და ასე...

მთელი დღე ყირამალა გადადის ეზოში. საღამოს ძლივს მოასწრებს ხელ-პირის დაბანას და თვალები მოეხუჭება. დილით შეშფოთებული წამოხტება ლოგინიდან. დედას არც კი აცლის საუზმის მომზადებას, საჩქაროდ ჩაულაპავს საუზმეს და ჩანთას წამოაველებს ხელს. ქუდი იშვიათად ახურავს. არ ახსოვს, სად დააგდო, სად ეძებოს. „შვილო, ხომ არაფერი გავიწყდება?“ — ხმას დააწევს დედა, მაგრამ ყაყიტა უკან აღარ იხედება. ყაყიტას დედაც ჩქარა გამოკეტს სახლის კარს და სამუშაოზე მიიჩქარის.

გუშინ კლასში პირველი წერის გაკვეთილი ჰქონდა. დიდხანს აფათურა ყაყიტამ ხელი ჩანთაში, მაგრამ კალმისტარი ვერ ნახა და გაკვეთილი ვერ დაწერა. ყაყიტას დღიურში შენიშვნა ჩასწერა მასწავლებელმა. გუშინწინ ლექსი არ იცოდა, იმიტომ, რომ მთელი დღე ველოსიპედით ისრიალა. ამ რამდენიმე დღის წინ ანგარიში ვერ გამოიყვანა, ბურთის სათამაშოდ მიეჩქარებოდა. დღეს სახატავი ფერადი ფანქარი დაავიწყდა, ხატვის გაკვეთილზე სხვის რეულში აცეცებდა თვალს.

კუდი ნიშნებით აივსო ყაყიტას დღიური.

— როდის მოვლება, ბიჭო, შენს სიზარმაცეს ბოლო?—ჰკითხა ერთ დღეს კლასის დანრიგებელმა და ნაგრიდაზე დადგულ კალენდარს ფურცლები აახია,—იცი, დღეს რა რიცხვია?

ყაყიტამ კალენდარს დახედა და დალონდა: სასწავლო წლის პირველი მეოთხედი მთავრდებოდა.

მასწავლებელმა იცოდა, რომ ყაყიტას დედა მთელი დღე მუშაობდა და სახლში ბავშვს მეთვალყურე არავინ ჰყავდა.

„რა ვუყოთ ამ ბავშვს?—ფიქრობდა მასწავლებელი,—უნიჭო არ არის. როგორ გამოვასწორო ეგ უწესო?“—წუხდა მასწავლებელი და უცებ მოაგონდა რალატი.

— გოგი, გოგი!—გადასძახა უკანა მერხზე მჯდომ ბავშვს.

მერხიდან წამოდგა მოხდენილი, კკვიანი განომეტყველების ბიჭი. მაგრამ... მასწავლებელს კარგა ხანს ჰქონდა მაგრიდაზე თავი ჩაკიდებული და ფიქრობდა.

— აქ გახლავართ, მასწავლებელო.

— ვიცი, აქა ხარ!—ღიმილი განოხებატა მასწავლებელს ბაგეზე და კეთილი თვალი ფეხზე მდგომ მოწაფეს მიაპყრო,—გოგი, იცი, რა უნდა გთხოვო?! ბავშვებმა განცვიფრებით შეხედეს გოგის.

— გისმენ, მასწავლებელო!

— ამ ბავშვის მეზობლად ცხოვრობ მგონი?—ყაყიტაზე მიუთითა მასწავლებელმა.

— დიახ, მასწავლებელო!

— შე გთხოვ, გოგი, ეგ ბიჭი მიაჩნია წესიერებას, ბეჯით სწავლას. მთელი დღე ღირსა. არავინ ჰყავს მეთვალყურე. შენ ხომ კარგი ბიჭი ხარ. მოწინავეები უნდა დაეხმარონ ჩამორჩენილებს... უწესოები უნდა გამოასწოროთ წესიერებმა... გაიგე, გოგი?

— გაიგე, მასწავლებელო!—მკვირცხლად უპასუხა გოგიმ,—შევასრულებ დავალებას...—გაკვეთილის შემდეგ თვალეგაბარწყინებულ გოგის ხელიხელჩაკიდებული მიყავდა ყაყიტა შინ.

— დღეს ფერადი ფანქარი დაგრაჩა სახლში?—აღერსით ეკითხებოდა გოგი.

— ჰოო...

— ქუდი სად გადააგდე?

— არ ვი-ცი.

— დღეს გაკვეთილები ერთად ვისწავლოთ. შემდეგ ყველაფერი ჩანთაში ჩავალაგოთ. ჩანთა და ქუდი ერთად დავეიდოთ. მერე ვითამაშოთ, ვივახშმოთ და დავიძინოთ, ხომ?

— ხო-ო...

— ხვალ დილით უჩემოდ არ წახვიდე სკოლაში. მე გამოგივლი და ერთად წავიდეთ. გესმის?

— მეს-მის...—ლულლულებს ყაყიტა.

— მაშ ახლა ისადილე, მოისვენე და შემდეგ მოდი ჩემთან. წიგნები წამოიღე, არ დაგავიწყდეს.

თანხმობის ნიშნად ყაყიტამ ფართე თვალები სიყვარულით მიანათა მეგობარს.

საგაზაფხულო გამოცდებამდე ყაყიტა გამოსწორდა კარგი ამხანაგის წყალობით. ახლა გოგისთან ერთად ყაყიტაც წესიერი და კარგი მოწაფეა. თუმცა არც ისე ადვილად დაუჯდა გოგის მეგობრის გამოსწორება. ბევრი აღერსი, შრომა და სიყვარული დასდო გოგიმ და ხალისით შეასრულა მასწავლებლის დავალება.

ამაზე იტყვიან: „კარგი ამხანაგი, კარგი ძმის ტოლიაო“.

პეკლები და დედოფლები

ზამთრის დღე იყო. გარეთ თოვდა.

ბაბუა ჯობა ცეცხლთან იჯდა და თამბაქოს აბოლებდა. ბუხრის მეორე მხარეს გივის პატარა ძალი, უკანა ფეხებზე დასკუპებული, ბაბუას უცქეროდა. თინა დაკეტილ ფანჯრიდან უმზერდა უფროს ძმებს—გივისა და ნიკას. ისინი მეზობლის ბავშვებთან ერთად თოვლში გუნდაობდნენ.

— ბაბუ, ბაბუ!—სიხარულით წამოიძახა თინამ,—ნახე, რა კარგია თოვლის ფარვანები! უი, როგორ ცეკვავენ... ჩემკენ მოფრინავენ... ნახე, ბაბუ, რა ლამაზია ეს თეთრი ქულები. შეხედე, ხეებმაც თეთრი კაბა ჩაიცვეს. ეზოც გალამაზდა. ყველგან სითეთრე... ჰო, ყველგან სითეთრე,—გაიმეორა თინამ.—იქ თოვლი, აქ ბაბუა ჯობას წვერები...—და გადაიკისკისა.

ამ დროს ოთახში შემოვიდნენ გივი და ნიკა. მათ თოვლით გაფუთფულუ-ლი, ხელებდაწითლებული მეზობლის ბავშვებიც შემოჰყენენ, გაღვივებულ ცეცხლს მიაშურეს, გათბენ და იქვე ბუხართან ჩამოსხდნენ.

გარეთ სალამოს ბინდი ეშვებოდა.

ოთახში სიჩუმე იდგა.

— ბაბუა ჯობა,—თქვა ნიკამ,—ჩვენ დავილაღეთ თამაშით და ახლა ზღაპარი მოგვიყევი.

ბაბუამ ჩიბუხი გამოიღო პირიდან—მას უხაროდა, როდესაც პატარებს ზღაპარს უყვებოდა.

— რომელი ზღაპარი გინდათ?

— ციკანი, — დაიძახა ნიკამ.

— კურდღელი, — უთხრა მეორემ.

— ბაბუა! პეკლები და ტყის დედოფლები, — წამოიტტირა თინამ.

— პეკლები და ტყის დედოფლები? ჰო, კარგი, — თქვა ბაბუამ და დაიწყო:

— იყო და არა იყო რა, იყო ერთი ლარიზი კაცი. ბევრი შვილები ჰყავდა.

ზოგს წალები არ ჰქონდა, ზოგს კაბა, ზოგს პერანგი. დადგა ზამთარი. ბავშვები მოგროვდნენ ცეცხლის პირას, მონახეს ძველი წინდები, ქალამნები, დააკერეს, ჩაიცვეს და წავიდნენ თოვლში საგუნდაოდ. კიკა და სარა შინ დარჩნენ. იმათ არ ჰქონდათ ფეხსაცმელები, დასხდნენ ცეცხლის პირას და დაიწყეს სიმღერა:

თოვლო, თოვლო, თეთრთვალაო,
მამამ შემოგითვალაო,
არ გეგონოს ხუმრობაო,
გვეყო შენი სტუმრობაო.
თოვლო, თოვლო, თეთრთვალაო,
დედამ შემოგითვალაო,
სცივა კიკას, სცივა სარას,
გაგვეცალე, წადი ჩქარა!
გაიღვიძებს გაზაფხული,
გაიხარებს ჩენი გული.

თოვლმა გაიგონა კიკას და სარას თხოვნა, დახუჭა თვალები, გაწყალდა და გაქრა.

გამობრწყინდა გაზაფხული.

კიკამ და სარამ ჩაიცვეს კრელი პერანგები და მინდორში პეპლების დასაქერად გაიქცნენ.

— აგერ ყვითელფრთებია!— დაიყვირა გახარებულმა კიკამ.

ყვითელფრთებია ჩაიმალა ყვავილებში და ბავშვებს დაუძახა:

— პატარებო, გენაცვალეთ! მე ახლა გავიღვიძე. ჯერ მზეზე არ გავმთბარვარ, მინდორში არ მიფრენია, ყვავილების სურნელებით არ დაემტკებარვარ... წადით ცოტა ქვევით, კრელ-კრელას ნახავთ და დაიჭირეთ, ის ჩემზე ლამაზია.

ბავშვები წავიდნენ. ნახეს კრელ-კრელა ყვავილებზე იჯდა. მიეპარნენ და დაიჭირეს. კრელ-კრელამ უთხრა:

— ბავშვებო, გამიშვით და ისეთ ლამაზ პეპელას გასწავლით, რომელიც მთელ მინდორს ხატავს. წითელლენტა ჰქვია. აი, იქ წევს. სანამ მიხვალთ, ისიც გაიღვიძებს.

ბავშვები გაიქცნენ. ნახეს წითელლენტა თეთრ ყვავილებზე ელავდა.

წითელლენტამ უთხრა:

— ბავშვებო, პაწაწინებო, ნეტავი თქვენსა მზერასა!.. რა ლამაზები ხართ, ოქროსთმიანებო! მე ახლა გავიღვიძე ზამთრის ძილისაგან. ჯერ თავისუფლად არ ამომისუნთქავს. დარჩით დღეს ჩემთან, წავიდეთ, გავფრინდეთ, ვნახოთ მთები, ქალები, მინდვრები. იქ ტყის დედოფლები სუფრას გაგვიშლიან, ვიცეკვით და მოვილხინოთ.

ბავშვებს მოეწონათ წითელლენტას სიტყვა, გამოუარეს კრელ-კრელას, ყვითელფრთხობას, დამეგობრდნენ და წაივინდნენ ყველანი ტყის დედოფლებთან სტუმრად.

გადაირბინეს მინდვრები, ქალები, ბროლ-მარგალიტებით მოქარგული კორდები და მივიდნენ ერთ მორაკრაკე რუსთან; დასხდნენ და წყალი დალიეს, რუ ქვიდან ქვაზე ხტოდა და მღეროდა. ბავშვებმა უთხრეს:

— რუ, მორაკრაკე, გვითხარი რამე:

ლამით ვინ ხატავს შენს გულში მთვარეს?
დილით ვინ მღერის შენს ნაპირებთან?
ტყის დედოფლები მოდიან შენთან?

— ტყის დედოფლები? ახლაც აქ არიან,—თქვა რუმ რაკრაკით.—ავერ ენძელა ვერცხლის თმებჩამოშლილი, ავერ დაუვიწყარა ცისფერი თვალებით, ავერ ანწლი გიშრისფერ მძივებით. აი იები, გულლები, ლურჯი ფერებით-ხატავენ მდელოს და სხვა მრავალი ყვავილები არიან ტყის დედოფლები. გა-ზაფხულზე მოდიან აქ სტუმრად. ჩემს ნაპირზე ცხოვრობენ და იგრილებენ ფოთლებს ჩემი შხეფებით.

— ჩვენ მათთან მოვედით სტუმრად,—თქვეს პეპლებმა ფრთების წკაპ-წყუპით. რუ ახმაურდა და გააგებინა ყვავილებს უცხო სტუმრების მოსვლა.. ყვავილებმა ერთმანეთს გადახედეს. მოგროვდნენ და გაშალეს კრელი სუფრა. ზოგს მარწყვი მოჰქონდა, ზოგს პანტა, ზოგს შეინდი, ზოგს კურკანტელა... „ყველაფერს მოგართმევთ, ოღონდ ჩვენ ნუ გვახლებთ ხელსაო“,—ფიქრობდნენ ყვავილები.

მართლაც სანამ ბავშვები ტყეში მივიდნენ, ყველაფერი დამწიფებულიყო—

— მობრძანდით, მობრძანდით!..—მზიარული კისკისით მიიპატივეს ყვავი-ლებმა სტუმრები.

— თქვენ ვინ ბრძანდებით?—ჰკითხა ყვითელ პეპელას ენძელამ.

— მე ყვითელფრთხობა მქვია,—შენ?

— მე—ენძელა.

— ძალიან კარგი, მე დღეს შენთან დავრჩები. ძალიან მომწონხარ.

— შენ ვინლა ხარ?—ჰკითხა დაუვიწყარამ კრელ პეპელას.

— მე კრელ-კრელას მეძახიან... რა ლამაზი თვალები გაქვს. მე შენთან ყოფნა მინდა.

— დარჩი,—მზიარულად უპასუხა დაუვიწყარამ.

— შენი სახელი?—ჰკითხა იამ წითელ პეპელას.

— ჩემი სახელია წითელლენტა,—შენ რა გქვია?

— მე—ია.

— ია... გაზიგონია სადღაც შენი ქება. მართლაც საქები ყოფილხარ: ლურჯი თვალები, ღია გული და მშვენიერი სურნელება...

იას გაეხარდა ქება, სტუმარი მიიპატიჟა.

კიკა და სარა მივიდნენ ანწლთან. დაათვალიერეს და დაიწყეს ჩურჩული. ანწლმა შესძახა:

— ვინ ხართ თქვენ, პრელპერანგიანებო? რისთვის მოსულხართ?

— ჩვენ აღამიანები ვართ. სტუმრად მოვედით.

— ჰოო, თუ სტუმრად მოხვედით, მასპინძლობა შეგვიძლია. — სუფრა გაშლილი იყო. მიუსხდნენ და დაიწყეს ნადიმი, სიმღერა, ცეკვა...

მოსალამურდა. ბავშვებმა მიიხედ-მოიხედეს, პეპლები აღარსად ჩანდნენ. მწვანე მდელოში ჩაიმაღნენ და დაიძინეს. ბავშვები დაღონდნენ.

შინ დაბრუნების დრო იყო. ყვავილები გამოსათხოვრად მოემზადნენ.

— არა, არ გეთხოვებით, თქვენ ჩვენთან უნდა წამოხვიდეთ.

— როგორ!.. — გაკვირვებით წამოიძახეს ყვავილებმა.

— ისე, — უთხრეს ბავშვებმა.

ყვავილები შეწუხდნენ... თვალი მოავლეს გარემოს.

— მშვიდობით, საყვარელო მინდვრებო, ძვირფასო კორდებო, მოქიქკიე ჩიტუნებო, მოლივლივე ნაკადულებო! მშვიდობით! — ამოიკვნესეს ყვავილებმა.

ანწლი ამ დროს მედიდურად იყურებოდა.

— ჩემთან ვინ მოხედავს, — ფიქრობდა ის, — ყველამ იცის, რომ მე მწარე ვარ.

ბავშვებმა ბოლოს ანწლსაც წაავლეს ხელი.

— ჩემთან რა გინდათ? — გაიკვირვა ანწლმა, — მე მწარე ვარ და თუ მომწყვეტთ, უფრო გაემწარდები.

— არა გიშავს! — გადაიხარხარეს კიკამ და სარამ, — შენგან მელანს გავაკეთებთ და დღევანდელ ჩვენს გასეირნებას ავწერთ. თუ ძალიან გამწარდები, ქებაში ჩაგდებთ და არაყად გაქცევთ.

ბავშვებმა ბლომად დაკრიფეს ანწლი და ყვავილებთან ერთად მხიარულად წავიდნენ შინ.

მეორე დღით პეპლებმა რომ გაიღვიძეს, ყვავილების ცრემლები მდელოზე ციმციმებდნენ. მერე ის ცრემლები მზის სხივებმა ასწურეს. ასე დასრულდა ეს ამბავი. ტყის დედოფლები დამარცხდნენ. ანწლსაც არ უშველა სიმწარემ. მხოლოდ ეშმაკმა პეპლებმა ერთი დღის სიცოცხლე ძალად მოიპრავს.

— რამდენ დღეს ცოცხლობენ, ბაბუა ჯობა, პეპლები? — იკითხა ნიკამ.

— სულ ორ დღეს...

დაამთავრა ბაბუა ჯობამ ზღაპარი.

გარეთ ისევ თოვდა და თოვდა.

ჩემი კლასის დამრიგებელი

ახლა ათი წლისა ვარ და ყველაფერი მახსოვს ჩემი პატარაობისა. ცელქი ბიჭუნა ვიყავი, მოუსვენარი. ჩემს სახლში ყველანი მიჯავრდებოდნენ.

— დაწყნარდი, ბიჭო...

— რა გიზის მაგ ფეხებში?..

— ერთი წუთი მოგვასვენე...

— ბავშვი ხარ თუ... გაგლახავ, გივიკო, იცოდე!—დამემუქრებოდა დედა. ყველაზე ბოლოს ბებიჩემი მეტყუოდა თავისი ღმობიერი და მოსიყვარულე ხმით:

— არ გრცხენია, გივი? ნუ აჯავრებ დედას. ჩემთან მოდი, ბები გენაცვალოს, შენ ხომ ჩემი ბიჭი ხარ!..

ამის შემდეგ ერთ-ორ სკამს კიდევ წავექცევდი და ჩქარა შევსკუპდებოდი ბებიკოს მუხლებზე. ბებიია იყო ჩემი მფარველი, როცა სხვები მიწყურებოდნენ.

მახსოვს, დედას სკოლაში რომ მიეყავდი, მაშინაც ამბობდა:

— ვინ დააყენებს ამ გიეს სკოლაში..

მამაჩემს არც თუ ძალიან აწუხებდა ჩემი ცელქობა. ის მხოლოდ იღიმებოდა ჩემს საქციელზე. როცა ჩანთა გადავიკიდე მხარზე და სკოლის ქუდი დავიხურე, ხელი ჩაეიქნე და ამაყად ვთქვი:

— ვის არ დააყენებენ სკოლაში, მე? ვინ მოგახსენათ? აღარ ვიცელებდედას გაუხარდა, „აღარ ვიცელებ“ რომ გაიგონა.

მამამ თავზე ხელი გადამისვა და ღიმილით მითხრა:

— გივიკო, თუ კვიანად იქნები სკოლაში, პიონერი რომ გახდები, ველოსიპედს გიყიდი, ორთელიან ველოსიპედს.

სკოლაში მეორე შერხზე დამსვენეს. ჩემს წინ ჩემსავით პატარა ბიჭუნები

ისხდნენ. გვერდით ერთი ისეთი ჩასუქებული ბიჭი მომისვეს, რომ გაკვეთილის დროს ფეხზე წამოდგომა ეზარებოდა. რამდენჯერ მითქვამს:

— ზეიად, ცოცხლად ადექი, ბიჭო, ავად ხომ არ ხარ?

მასწავლებელი რომ თვალს მოაცილებდა, ზეიადი ან კარგად გაიზმობოდა ან დაამთქნარებდა. მე ვერ ვიტანდი ამხანაგის ასეთ საკციელს. ყოველ თავისუფალ დროს ჩემი მასწავლებელი—კლასის დამრიგებელი საინტერესო ამბებს მოგვიყვებოდა, ან ახალი წიგნიდან საინტერესო მოთხრობას წაგვიკითხავდა.

ერთ დღეს თავისუფალ გაკვეთილზე მასწავლებელი შემოვიდა, ახალი წიგნი მოიტანა და გვითხრა:

— ბავშვებო, გინდათ კარგი წიგნი წაგიკითხოთ?

— გვინდა, მასწავლებელო!

— აბა, ყური დამიგდეთ. მე წაგიკითხავთ „რა უნდა იცოდეს პიონერმა“, მაგრამ,—მასწავლებელი შეჩერდა და თვალი მოავლო ბავშვებს,—ჯერ ეს მითხარით, იცით თუ არა, რას ნიშნავს სიტყვა „პიონერი“?

მე მინდოდა მეპასუხნა და უცებ უკანა მერხიდან დამასწრო ვილატამ:

— პიონერი ნიშნავს პირველს.

მასწავლებელმა გაიღიმა.

— დიახ, პიონერი ნიშნავს პირველ ადამიანს, მოწინავეს, რომელიც მაგალითი უნდა იყოს სხვებისათვის. პიონერები ძველ დროში—პირველი მეზღვაურები იყვნენ. პიონერი ერქვა იმ გემს, რომელმაც პირველად გადასერა ოკეანე. ახლა პიონერები არიან ჩვენი მოწინავე ბავშვები.

ამ მაისში მესამე კლასში უნდა გადავიდე. პიონერხელმძღვანელმა გამოგვიცხადა: ბავშვებო, ვინც მესამე კლასში ფრიალებით გადახვალთ, პიონერები გახდებითო.

— მაშ მე ჩქარა პიონერი გავხდები?—სიხარულით წამოვიძახე და უცებ გამახსენდა ის ორი „ეშმაკობა“, რომელიც სასწავლო წლის უკანასკნელ მეოთხედში ჩავიდინე. მასწავლებელს შევხედე. მე მაშინვე ვიგრძენი, რომ მასწავლებელმა ორივე ეშმაკობაზე შემასწრო თვალი. დიახ, ახლაც ვგრძნობ ამას და ისიც ვიცი, რომ მოთმინებასაც ბოლო აქვს... თუმცა არც ისე დიდი დანაშაული ჩამიდენია. ერთხელ წინა მერხზე მჯდომმა ბიჭუნამ სულ უბრალო ამოცანაზე ვერ უპასუხა. იმწამსვე მეორე უფრო ადვილი ამოცანა ჰკითხა მასწავლებელმა, რომელიც პირველ ამოცანასთან იყო დაკავშირებული. რაღაც იმ დღეს, უგუნებობის გამო, ვერც მეორე ამოცანაზე უპასუხა. მაშინ მე სწრაფად მოვიმარჯვე საჩვენებელი თითი და ზურგზე მოვუხაზე ბიჭუნას—81. სიხარულით აღფრთოვანებულმა ბიჭუნამ წამოიყვირა:

— 81! მასწავლებელო, გამოვიყვანე!—ეს იყო ჩემი პირველი ეშმაკობა სკოლაში. მეორეჯერ მასწავლებელი გაზეთებიდან ამოკრებილ ამბებს გვიყვებოდა. რო-

გორ აწვალებდნენ ამერიკელი დამპყრობლები კორეულ ბავშვებს. მთელი კლასი დაძაბული ყურადღებით ვისმენდით.

„საზიზღარები... საზიზღარები...“ გაისმოდა აქა-იქ ბავშვების წამოძახილი. გული შურისძიებით მეფესობდა. ამ დროს ჩემს გვერდით ზანტი ზვიადი ისე თვლემდა, თავით მერხს ებჯინებოდა. ველარ მოვითმინე, გავაცოცე ხელი და ისე მაგრად ვუჩქმიტე გვერდში, რომ „უი“-ო შესძახა და ერთ მტკაველზე აფარდა მერხიდან. კლასში მოულოდნელი შემთხვევით გამოწვეული სიცილი გაისმა. მე გატყრენილი ვიჯექი... დაფას მივჩერებოდი, რომელზედაც ცარცით წერდა მასწავლებელი კორეის ქალაქების სახელს—„სინიიჯუ... ხამსინი ვონსან...“

მასწავლებელმა ჩემზე შეაჩერა თვალი, მერე მთელ კლასს გადახედა და ისევე განაგრძო საუბარი.

განა არ დამინახა?

მეორე დღეს ზვიადი ჩემთან აღარ იჯდა. მივიხედე და სულ უკანა სკამზე დავინახე. შემებრალა, თავი ჩავლუნე. გაკვეთილის შემდეგ მივედი ზვიადთან და ბოდიში მოვიხადე. ზვიადმა ისე გამიღიმა, როგორც ილიმებიან საერთოდ გულკეთილი ბავშვები. მისმა ღიმილმა დამარწმუნა, ზვიადი სამაგიეროს გადახდას ჩემთვის არ აპირებდა. გული სარკესავით გამიხდა. აზხანაგურად მოეხვიე ხელი და ვუთხარი:

— ბიჭო, ზვიად, მოდი, ერთად ვისწავლოთ გაკვეთილები. ერთმანეთს ვემეგობროთ. ჩვენ ხომ მეზობლად ვცხოვრობთ... ერთად ვითამაშოთ...

სადილის შემდეგ ზვიადი მართლაც მოვიდა ჩემთან, გამეხარდა, რაც შემეძლო, დავებმარე. როცა მოვრჩით გაკვეთილებს, ეზოში გავედით სათამაშოდ. „ახლა კი იმდენს ვახტუნებ, ჩემო ზვიად, შენს სიზარმაცეს დაგატოვებინებ,“—გავიფიქრე გულში. მართლაც ისეთი თამაში მოვიგონე, ერთი საათი სულ ვხტოდი და დავრბოდი. ამის შემდეგ ყოველდღე მოდიოდა ზვიადი ჩემთან. მე გადავწყვიტე: როგორმე, სხვების შეუმჩნეველად, უხმაუროდ, ეს გულკეთილი აზხანაგი გამომეყვანა სიზარმაციდან. ასეც მოხდა. მიდიოდა დღეები. ზვიადი ჩემთან ერთად აზხანებდა გაკვეთილებს. შემდეგ ეზოში ნიშანი დავდეთ. ორმოცდაათი მეტრი ყოველდღე უნდა გავგვრბინა. მე ხანდახან ვანგებ ჩამოვრჩებოდი მის წასაქეზებლად. მერე თოკზე ხტომა მოვიგონე და, ამრიგად, მთელი დღე ყირაზე გადავდიოდი ეზოში.

ზვიადს სიცოცხლის ნიშანწყალი დაეტყო. უმოძრაო კუნთები რამოდენიმედ ელასტიური გაუხდა. ფიჭულტურის ხელმძღვანელს უკვირდა კიდევ, როგორ გამოიცვალა ეგ ბიჭიო. ჩემი კლასის დამრიგებელი აღტაცებით ამბობდა:

— ზვიადმა გუშინ ოთხი მიიღო.

მართლაც ზვიადმა ყველა ორიანი ოთხებზე გადაასწორა. მიხარია: ჩემმა

შრომამ ნაყოფი გამოიღო. უფრო მსიამოვნებს ის, რომ ასე შეუმჩნევლად ზვიადი კარგი მოწაფის სახელით მიიწვევს წინ. მე სულ ხუთიანები ჩავამწკრივე.

მამაჩემმა დაპირება შეასრულა. წინასწარ მიყიდა ორთვლიანი ველოსიპედი. ჩემს სიხარულს საზღვარი არა აქვს. ვვარჯიშობ ველოსიპედზე. ზვიადიც ჩემთან არის, ეზოს ბიჭებიც. ხან იმათაც ვუთმობ ველოსიპედს და კმაყოფილი ვარ, რომ ამხანაგები ერთად ვმხიარულობთ.

მაგრამ აი, მოახლოვდა ჩემი პიონერორგანიზაციაში მიღების დღე. ხვალედან პიონერი უნდა გავხდე. ეს ჩემთვის დიდად საპატიო საქმეა. პიონერის სახელი მავალეებს ვიყო მართალი და პატიოსანი. გულზე კი ლაქად მაჩნია ის ორი ეშმაკობა, რომელიც ჩავიდინე სკოლაში. ამის შესახებ მამამ და დედამ არაფერი არ იციან. ჩემმა მასწავლებელმა კი იცის და არაფერს ამბობს. მე ეს უფრო მაწუხებს, რომ არაფერს ამბობს. ჩემი მასწავლებელი დიდი მოთმინების ადამიანია. განა შეიძლება ასეთი აღმზრდელის წინაშე პირმიბრუნებული იდგე?

მთელი ღამე არ მიძინია. ფანჯარასთან ვწევარ. ბადრი მთვარე ამოვიღა. დავაკვირდი. რა წმინდა და კაშკაშა იქნებოდა სავსე მთვარე, ის ჩრდილი რომ ოდნავ არ ახლდეს. ჩემს გულსაც მთვარის ჩრდილივით აჩნია ის ორი ეშმაკობა. არა, არ შემიძლია... პიონერის ყელსახვევქვეშ მინდა წმინდა გული შექონდეს. ვეტყვი მასწავლებელს...

ფიქრს ალარ დაეუბრუნდი. ამ გადაწყვეტილებით ჩამეძინა. დილით აღრე ავდექი.

მზემ სხივების კაშკაშით გამიცინა. ჩქარა გავქანდი სკოლისაკენ. სკოლის კარებში პირველი ჩემი კლასის მასწავლებელი შემხვდა.

— პატივცემულო მასწავლებელო, — ხმის კანკალით მივმართე, — თქვენ ორი ეშმაკობა მაპატიეთ... მე ეს არასოდეს დამავიწყდება... დღეს პიონერი უნდა გავხდე...

აქ ხმა გამიწყდა. მასწავლებელი შედგა, რალაც უხერხულად მოისრისაშუბლი და მერე უცებ გაიღიმა.

— გახსოვდეს, გივიკო, იყავი მუდამ პატიოსანი და შენი საქმის ერთგული! — მითხრა და ჩქარა გამშორდა. ვიღებ პიონერის ყელსახვევს და ვიძლევი სიტყვას:

— ვიქნები მუდამ პატიოსანი და ჩემი დიადი სამშობლოს ერთგული.

ჩინურ ფანჯაში

ეს იყო წინათ

პატარა ჩინურ ფანჯაში უცნაურად გამხდარი, დანაღვლიანებული ვეი-ჩენი სუფრასთან იჯდა ცოლით და მცირეწლოვანი სამი შვილით და ბრინჯს შეექცეოდა.

ფანჯაში ნახევრად ბნელოდა და ნესტის მყრალი სუნი იდგა. ვეი-ჩენმა მწუხარედ გადახედა ცოლს და ამოოხერით წარმოთქვა:

— ჩემო ფუ-სი, ჩენი მიწა კარგია, მაგრამ ისე პატარაა, მთელი მოსავალა ნახევარ წელიწადსაც არ გვეყოფა. რა უნდა ვქნათ?.. უნებლიეთ მოგვიხდება ბავშვების გაბარება სამუშაოდ.

სიტყვა გაახანგრძლივა ვეი-ჩენმა და ბავშვებს გადახედა. ისინი გაძვალტყავებულნი, ყბებჩავეარდნილნი, სამარიდან ამომძვრალი ჩონჩხივით მისჩერებოდნენ მამას.

შეშინებულმა ფუ-სიმ მოაელო ბავშვებს თვალი, შემდეგ აიყვანა ყველაზე უმცროსი ბიჭი ჩენი და მაგრად მიიკრა მკერდზე.

— მხოლოდ ეს დარჩეს. ჩემთან, მარტო ეს!—მშობლიური გრძნობით წამოიძახა მან.

— ამას ვინ წაიყვანს! ჯერ თავივით პატარაა და სუსტი, — თქვა ვეი-ჩენმა და თან დაუმატა, — სატირალი არათერია, იქ საქმელს მაინც აკმევენ, აქ კი, შიმშილით სიკვდილი მოელის ყველას.

* * *

ვენკაი-შისა და უცხოელ მისტერ სტრომს ფეხსაცმლის დიდი ფაბრიკა აქვთ იმ სოფლის მახლობელ ქალაქში, სადაც ვეი-ჩენი ცხოვრობს. ფაბრიკაში მუშაობა კარგად მიმდინარეობს და კარგ შემოსავალსაც იძლევა: მუშები იათად

9. ლ. მეგრელიძე

მუშაობენ, თითქმის სულ გროშის ფასად. მაგრამ უცხოელი მისტერ სტრომი და ჩინელი ვენ-კაი-ში მაინც ცდილობდნენ მოეგროვებინათ ვალატაკებული ოჯახებიდან გასაქირავებლად გამოყვანილი მცირეწლოვანი მუშები და სულ მუქიად ემუშავებინათ.

ვაქირებულნი ბევრნი არიან, ომმა ყველანი გაალატაკა. მაგრამ ვენ-კაი-ში და მისტერ სტრომი მაინც არ ქირაობენ მოზრდილ მუშებს, ბავშვების მუშაობას ამჯობინებენ. „ბავშვები მომთმენნი არიან, მათ ფული არ უნდათ. საქმელს რომ ვაქმევთ ისიც დიდია მათთვის“.

ასე შეთანხმებულად მსჯელობდნენ ჩინელი და უცხოელი ჩეუბარიკენი. მხოლოდ საქირო იყო მოეძებნათ ქუჩებში ისეთი ლატაკი ბავშვები, რომლებიც რამდენიმე წლით გასაქირავებლად გამოჰყავდათ მშობლებს.

ვენ-კაი-ში ყოველდღე გამოდიოდა ქალაქში. გვეგონებოდათ სეირნობსო, ისე ზღაზვნით ზიადგამდა ფეხს. ამავე ღროს ყოველ კუთხეს და ყოველ კუნ-ქულს ათვლიერებდა, აგროვებდა სიკვდილის კარზე მიღწეულ ბავშვებს და მიჰყავდა სამუშაოდ. ერთ დღეს ვენ-კაი-ში ჩვეულებრივად გამოვიდა ქალაქში სასეირნოდ, გაიარ-გამოიარა მოედანზე, დაკვირვებით მიმოავლო ირგვლივ თვალი და გაიღიმა, კუთხეში იდგა ნახევრად ტიტველი, ჩამომხმარი ჩინელი. მას გვერდით მიჰკვროდნენ მთლად ტიტველი ბავშვები—ქალი და ვაჟი.

ვენ-კაი-ში მიუახლოვდა მათ დინჯად და განაგრძო გზა, თითქოს სრულიად არ ამჩნევდა ამ უბედურ ხალხს.

— ოხ, ბატონო,—მორცხვად მიმართა ვეი-ჩენმა ღიპიან მეფაბარიკეს,— მოიღეთ მოწყალება.

ვენ-კაი-შიმ აღმატერად გადახედა ჩინელს.

— რა გინდათ?—ჰკითხა მან.

— დიდო ბატონო, იქნებ პატარები გინდათ?

— არა, არ მინდა!—ტბიერი ღიმილით მიუგო ვენ-კაი-შიმ და უფრო ზღაზვნით გადადგა ნაბიჯი.

— დიდო ბატონო,—წაიბუტბუტა ჩინელმა,—მე ცოტას გთხოვ.

— სულელო ადამიანო, ჩვენს ლაპარაკს გაიგებენ, ჩუმად ილაპარაკე. წამოდი ჩენთან ეზოში... მაგრამ არა, ჯერ სთქვი: როგორ მომაქირავებ ბიჭს?

— ოხ, ბატონო, მხოლოდ ხუთი დოლარი...

— ხუთი...

— ქალი კი ორი დოლარი ეღირება.

ვენ-კაი-შიმ ისევ აღმატერად მოიხედა და ორკოფულად თქვა:

— თუ გინდა ხუთი დოლარი ორივეში და ხუთი წლით ხელშეკრულება... ხმა აღარ გამაგონო... წამოდი იქ ეზოში... კანტორაში დაგიწერ პირობას. და ვენ-კაი-ში უკანმიუხედავად გაუდგა გზას.

ფეხსაცმლის ფაბრიკის კანტორაში მისტერ სტრომი დიდხანს სინჯავდა

ბიქს, ბოლოს მიუბრუნდა ამხანაგს და ცივად თქვა:

— არა უშავს, ბიქი გამოდგება, გოგო კი არ არის საჭირო.

— მერე რა, გოგო ხომ უფასოდ გრჩება?— შეუტია ვენ-კაი-შიმ ვეი-ჩენი-სათვის გაუგებარ ენაზე.

— სულ ერთია, ის რამდენსაც შექამს, იმდენს ვერ გააკეთებს.

— მაშ, კარგი, გოგოს მე წაფიყვან, სულ ერთია, ის მაინც მუქთად მოდის. ჩემს ძალზე მეტს ხომ მაინც ვერ შექამს.

პირობას ხელი მოაწერეს. ვეი-ჩენმა მიიღო სრული ანგარიში, უსიტყვოდ მოეხვია ბიქს, გოგოს თავზე ხელი გადაუსვა და გამოვიდა კანტორიდან.

საწყალი ფუ-სი თვალკრემლიანი იდგა ფანჯის კარებთან და მოუთმენლად მოელოდა ვეი-ჩენის დაბრუნებას.

ხარატიის უვილი

ცელქი ბიქია ზურიკო სკოლაში ისე იქერს თავს, თითქოს ამხანაგებში ყველაზე დინჯი ის იყოს. შინ რომ ბრუნდება, ყველაფერს იკლებს.

— რა ამბავია, ზურიკო, გეყოფა ცელქობა! ახლა მეტი კეკუა გმართებს. ხვალ-ზეგ უკვე თორმეტი წლისა გახდები, — ამ სიტყვებით მიმართა დედამ ფანჯარასთან მდგომ ზურიკოს, რომელიც თითებს დაუწყენარებლად აკაქუნებდა რაფაზე, დედასაც აწუხებდა და მეზობლებსაც.

ლამდებოდა. თოვდა. ეზო თეთრად იმოსებოდა.

ზურიკოს მამა — ჯუმბერი ჯერ არ დაბრუნებულყო ქარხნიდან. ხვალ ქარხანაში კრება გვაქვსო, — ამბობდა გუშინ. ზურიკო არასოდეს დაინტერესებულა მამის სამუშაოთი, არ ყოფილა ქარხანაში და არ უნახავს, თუ ხისი მამა რას აკეთებს იქ. ამის მიზეზი ალბათ ისიც იქნებოდა; რომ ქარხანა ძლიერ შორს იყო ზურიკოს ბინიდან. სკოლაში კარგა ხანია ემზადებოდნენ მოსწავლეები ქარხანაში წასასვლელად. აი მოაღწია კიდევ დანიშნულმა დღემ.

— კიროვის სახელობის ქარხანაში ვაპირებთ წასვლას, პატივცემულო მასწავლებელო? — ჰკითხა ზურიკომ მასწავლებელს ამ დილით.

— დიახ, სწორედ იქ მივიღივართ, ძალიან საინტერესო ქარხანაა.

ზურიკო ახლა სწორედ ხვალინდელ ექსკურსიაზე ფიქრობდა. ყმაწვილი უხერხულობას გრძნობდა იმის გამო, რომ მასწავლებელი და მოსწავლეები ქარხანაში ნახავდნენ მამას მაშუთით, ნახშირით და რკინის ქანგიით მოსვრილს, სწორედ ისეთს, როგორიც მუშაობის შემდეგ ბრუნდება ხარატი შინ. ზურიკოს უნდოდა კვირადღეს გასცნობოდნენ ამხანაგები ახალ კოსტიუმში გამოწყობილ მამას, პროსპექტზე ზურიკოსთან ერთად. მაშინ სულ არ ჰგავს მამა დაზგაზე მომუშავე ხარატს. კულტურაზე და ხელოვნებაზე ბაასობენ, თეატრის აფიშებს ათჟალიერებენ...

«არა, ხვალ არ წავალ ექსკურსიაზე, — გაიფიქრა ზურიკომ, — უჩემოდ ვინ იცნობს მამას». ზურიკოს აზრით მამა უხერხულ მდგომარეობაში ჩადგე-

ბოლა მასწავლებლის და მოსწავლეების წინაშე, სპექტანისამოსით, ჟანგიანი ხელებით.

ამ ფიქრებში იყო ზურიკო, ახლა თითებს უხმაუროდ და რიტმულად ათამაშებდა.

— წადი, ზურიკო, აბაზანას ცეცხლი შეუქეთე, სადაცაა მამაშენიც მოვა, — უთხრა დედამ ალერსიანი ხმით და ელექტრონის უთო ჩართო. ზურიკომ უკმაყოფილოდ შეხედა დედას, ზანტად მოშორდა ფანჯარას. ძალიან ეზარებოდა, როცა დედა აბაზანის გასათბობად გზავნიდა.

ქარხანას, სადაც ჯუჭბერი ნუშაობს, საკუთარი აბანო აქვს, ყველა საამქროს თავისი შხაპი აქვს. მაგრამ ჯუჭბერმა სახლში გაიქეთა აბაზანა, სახლში ურჩევნია მშვიდად გამოიცივლოს თეთრეული. ქარხნის ქუჩყით მოსვრილ ხარატს მუშაობის შემდეგ შეჩვეული აქვს სხეული თბილ წყალში ბანაობას. ბანაობის შემდეგ თავს მსუბუქად გრძნობს, სიყვარულით ულიმის ცოლ-შვილს, ენერჯია ემატება.

„ვეტყვი მამას, ხვალ ახალი კოსტიუმით წავიდეს ქარხანაში. არ შეიძლება, თაქიზად იმუშაოს? დიახ, შეიძლება!“ — გაიფიქრა ზურიკომ და აბაზანას ცეცხლი შეუქეთა. ამ აბაზანამაც ძალიან მოაბეზრა თავი. არც ის სპექტანისამოსი მოსწონს, რომელსაც მამა სალამოობით შუშაბანდში ჰკიდებს. სიამოვნებს, როცა ბანაობის შემდეგ ოთახში სუფთა, ზოლებიანი პეჩამოთი შემოდის. „რაღა მაინცდამაინც ქარხანაში მუშაობს მამაჩემი?“ — წაბუტბუტა ზურიკომ თავისთვის და დედას შეხედა: — დედა, მამამ რომ სხვაგან იმუშაოს სადმე არ შეიძლება?

— სად უნდა იმუშაოს, შვილო? მამაშენი ხარატია, ხარატმა ქარხანაში უნდა იმუშაოს... რაო, არ მოგწონს მამაშენი?!

ზურიკოს შერცხვა, თავი დახარა.

— მე ეს არ მითქვამს... მე მინდა მამაც ყოველთვის სუფთად იყოს ჩაცმული, ისე, როგორც ჩემი მასწავლებელია, პატივცემული დავითი. ან ისე, როგორც უქმე დღეებში თვითონ იცვამს, როცა ჩვენ ყველანი კინოში მივდივართ, ან სტუმრად ბიძია ნიკოსთან. ხელებიც ისე რბილი... მამას მაგარი ხელები აქვს. ცოდვია.

— ჰოო, ეს გინდოდა გეთქვა? მაგარ ხელებს რა უშავს, იმიტომაც მაგარ საქმეს აკეთებს.

ამ დროს ზურიკოს მამამ შემოალო კარი, ჩვეულებრივად მოაელო თვალი სახლობას.

— თოვლი ფეხს იკიდებს... — სიცილით თქვა მან.

* * *

საამო სანახავია ქალაქის გარეუბანი. თოვლით გადაბარდნილა პატარა სახლები, ეზოები, ბაღები. სხვა პიონერებთან ერთად ზურიკოც მი-

ქრის ქარხნისაკენ ავტობუსით. უახლოვდება ზურიკო ქარხანას და გული უცემს. არ იცის ზურიკომ, რა პირობებში ნახავს მამას სამუშაოზე, ისიც ამდენ ხალხში. უფროსი კლასებიდანაც არიან მოსწავლეები ექსკურსიაზე. მანქანა ქარხნის კარებთან შეჩერდა. ბავშვები ერთმანეთით გადმოვიდნენ. ბავშვებს მასწავლებელი მიუძღვის წინ. ყველას ფანქარი და რვეული უჭირავს ხელში, ზოგი მოხსენებისათვის აგროვებს მასალას, ზოგი კედლის განეთისათვის, ზოგი ქარხნის დახატვას აპირებს გამოფენისათვის.

აი წინამძღოლიც მოვიდა.

— ყმაწვილებო, — მიმართა მან ბავშვებს მისალმების შემდეგ, — ჩვენი ქარხანა დიდ დახმარებას უწევს კომუნისმის დიად მშენებლობას. სად არ იგზავნება ჩვენი დაზგები, ვოლგა-დონზე, შუა აზიის არხის მშენებლობაზე, წარმოიდგინეთ — ჩინეთშიც!

— ჩინეთშიც?! — წამოიძახეს გაკვირვებით ბავშვებმა.

— ბევრი ადგილებიდან ვიღებთ მალღობის წერილებს კარგი ხარისხის დაზგებისათვის. ამას წინათ სწორედ ჩინეთიდან მივიღეთ ასეთი წერილი, — თქვა წინამძღოლმა და ყველანი შენობისაკენ გაემართნენ. ზურიკო ყოველ მხარეს იცქირებოდა გაფაციცებით, მაგრამ მამას ვერსად მოჰკრა თვალი. „იქნებ დღეს სხვაგან წავიდა მამა?“ — გაიფიქრა ზურიკომ და ჩქარა უფრო დიდმა ამბებმა მიიტკია ზურიკოს ყურადღება: ფოლადის სადნობ ქურიდან უშველებელი ცეცხლის ენები ამოდიოდა. გახურებულ რკინას მკედელი უროს ურტყამდა. იქით უამრავი დაზგები მიგრიალებდნენ. მაგიდებზე სხვადასხვა ფორმის დეტალები დაგროვილიყო. დაზგების წინ გუნდად დახვეული ბრწყინვალე ბურბუშელები მოქუჩრებულიყო, მუშები დაძაბული იდგნენ დაზგებთან. ზურიკომ თვალი ვერ გადააწვდინა შენობის კიდეგანს. „აქ ვინ ნახავს მამას“, ჩააქნია ხელი და მშვიდად მიჰყვა ამხანაგებს.

მეორე შენობაში შესვლისთანავე პირველ დაზგასთან შეჩერდა წინამძღოლი, ბავშვებიც ამ დაზგას შემოეხვივნენ.

— ეს ხარატი, — ხმაშემა წარმოთქვა წინამძღოლმა, — ორ დაზგაზე მუშაობს. — შეხედა ზურიკომ დაზგასთან მდგომ ფართოსათვალეებიან კაცს, შეკრთა, სახე აენთო, — სწორედ ეს ხარატია ზურიკოს მამა. ჯუმბერმა ბავშვებში თავისი ბიჭუნა შენიშნა, გაუხარდა. — ზურიკო, შენც აქა ხარ? — გაუცინა შორიდან შეილს და თვალეები ისევ დაზგაზე დახარა. არ სცალია სტუმრებისათვის ჯუმბერს. მხოლოდ ხანდახან გამოხედავს. ხან წინ გადადგამს ნაბიჯს მეორე დაზგისაკენ. იმავე წამს პირველს უბრუნდება, თვალთ სინჯავს ორივე დაზგის ნამზად დეტალს. წინამძღოლი უხსნის ბავშვებს თუ რა არის სიტყვა „კონვეიერული“, ან რას ნიშნავს „განუწყვეტელი დენი“...

— ეს ხარატი ახლა ორმოცდახუთმეტი წლის ანგარიშში მუშაობს. სამი წლის ნორმა გამოიმუშავა.

ბავშვებმა ტაშით და „ვაშას“ ძახილით დააჯილდოვეს ზურიკოს მამა

და ქარხნიდან ჟრიამულით გამომიშალნენ ქუჩაში. ყველას მიჰქონდა სამახსოვროდ რკინის ანასხლეტი ბრკვეიალა ბურბუშელები.

* * *

ექსკურსიის შემდეგ ზურიკო გვიან დაბრუნდა შინ. ლამაზი ბურბუშელა თავის სამუშაო მაგიდაზე დადო და ლიმილით დააქკერდა.

ზურიკო არასოდეს დაივიწყებს იმ ქარხანას, სადაც მამა მუშაობს. ის არ ჰგავს მის მყუდრო ბინას, არც სკოლას. სულ სხვაა ქარხანა. ზურიკოს გაახსენდა როგორი ტაშის გრიალით დააჯილდოვეს მისმა ამხანაგებმა მამა, როგორი სიყვარულით შესცქეროდა მასწავლებელი მამას, როცა ხელს ართმევდა.

საათმა ექვსი დარეკა. ზურიკო მარდად წამოხტა. გაახსენდა, აბაზანა უნდა გაეთბო. ახლა თვითონ ვასძახა:

— დედა, აბაზანა გავათბო?

როგორ გაუხარდა დედას, რომ მისმა ბიჭმა თვითონ მოინდომა აბაზანის გათბობა. აგერ მამაც მოვიდა. ძლიერ მოქანცულია. ზურიკომ სწრაფად მოუშადა მამას საბანაო ნივთები, სპეცტანისამოსიც თვითონ დაჰკიდა შუშაბანდში.

დღეს პირველად შეიგნო ხარატის შეილმა, თუ რა საპატიო მოვალეობა აწევს სამშობლოს წინაშე მამა ჯუმბერს. „თუჯში და ფოლადში იქედება ჩვენი ქვეყნის მშვიდობაო“, — კიდევ გაახსენდა მასწავლებლის სიტყვა.

სალამოს ზურიკომ დიდხანს იფიქრა, თუ როგორ შეედგინა დღის განაწესი, როგორ განაწილებინა საათები, და ამ ფიქრში ჩაეძინა. დილით ადგა, დღის განაწესი ჩამოწერა და თავის მაგიდასთან დაკიდა.

როცა ზურიკო სკოლაში წავიდა, დედამ თვალი გადაავლო განაწესს და სახე გაუბრწყინდა. კარგად იყო შედგენილი განაწესი. რამდენიმე ახალი მუხლი შეეტანა ზურიკოს, მათ შორის ერთი ასეთი: „ნ საათზე აბაზანის გათბობა“...

ბუბა და ლელა

ბრძელი ზამთრის შემდეგ

ჩამოთავდება ზეაფი, ჩამოიშრიტება ნამქერი და ვარდობის თვიდან დაიწყება მთებში გაზაფხული.

გრძელი ზამთრის შემდეგ უხარიათ ბავშვებს თბილი და სასიამოვნო დღეები.

ქედებს ჯანლი გადასცლოდა.

მოკრიალებულ ცისქვეშ სარკესავით ბზინავდა აქოჩრილი კორდები და ნამიანი ბილიკები.

ბექობების ქვევით ისმოდა მწყემსი გოგონების მხიარული ტკარცალი, ერთმანეთს დასდევდნენ და რბილ მღვლოზე გორაობდნენ. ხელსაქმე დაეყარათ, პეპლებს იქერდნენ და ნემსივით მახვილი ბალახით ქადრის ფოთოლზე ამაგრებდნენ, ხან ბუჩქებში დაძვებოდნენ და სალამოს შინ წასაღებად ხმელ წიწკარს აგროვებდნენ.

მხოლოდ ბუბა არ იღებდა მონაწილეობას ამხანაგების მხიარულებაში, განმარტობით იჯდა და მისჩერებოდა პიტალო კლდეს. ბუბას აბრაზებდა ამხანაგების დაუსრულებელი რიალი. დღეს მის თვალში ყველაფერს დაჰკარგოდა წინანდებური ამოზიდველობა. მზითა და ყვავილებით ახავერდებული მინდვრები ველარ ათბობდნენ ბუბას გულს, გუშინდელი საყვარელი ბეკეკებიც კი სძულდა დღეს.

ამ დღით, რიერაკზე, სამი თვითმფრინავი გადაფრინდა ბუბას თავზე, კავკასიონის მწვერვალი გადალახეს და გაჰქროლეს. ეს არ იყო არწივის ფრთების შრიალი. არ ჰგავდა არც ფურირემის ბლავილს, არც ბებერი „კინდოლის“¹ დმუილს, არა. ეს სხვა იყო, ბუბასათვის მიუწვდომელი. მხოლოდ აპარეკას წიგნში ნახა ბუბამ დახატული. ზღაპარი ეგონა, აპარეკამ წაუკითხა, რომ

¹ კინდოლი ბებერი ფოცხვერია ზვესურულად.

ფრთხიანი თვითმფრინავით კაცები დაფრინავენ. არა თუ კაცები, თურმე ქალიც კი დაფრინავენ.

სამი დღის წინ მასწავლებელი ქალი კვლავ ამოვიდა სკოლიდან მწყემს გოგონებთან, მზიანი დღე იყო. დიდხანს იჯდა ბუბასთან. თან გაზეთები ამოიტანა. ლენინის სურათი აჩვენა ბუბას. გაზეთში მფრინავი ქალის სურათიც იყო დახატული. სამი დღეა ბუბას თვალისა და ყურისა არ შორდება იმ ქალის სახე. სახელი? „ნინო... ნინო...“ — წაიჩურჩულა ბუბამ და ცას შეაშტერა თვალები.

ოცნებამ გაიტაცა: საცაა მოფრინდება ნინო, ჩამისვამს თვითმფრინავში და გამაფრენსო, — ფიქრობდა გოგონა. მაგრამ ჩქარა ისევ მასწავლებელი მოაგონდა. რამდენი კარგი რამ უამბო მასწავლებელმა, რამდენი, უჰ, რამდენი.

რა კარგი ქალია, ნეტავ მართლა გაგზავნიდეს ბუბასა და ლელას თელავში! ახლა თელავზე ფიქრმა გაიტაცა და რაც ქალაქების სახელი გაუგონია ქვეყანაზე, ყველაზე ულამაზეს ქალაქად წარმოიდგინა იგი.

ბუბა კარგა მოხრდილი გოგონაა. ის თოთხმეტი წლისაა, მაგრამ ჯერ მთებს არ გასცილებია. მის თვალებში მუდამ მყინვარქედებია ამართული, თექაწამოსხმული გორებია აყუდებული, ატლასივით ლამაზი სერებია გაშლილი, დაბლა ღვივითა და პირიმზუებით ამოქარგული არაგვის წარმტაცი ნაპირებია გაფენილი.

ამაზე ულამაზესი რა უნდა ნახოს თვალმა გაზაფხულზე!

გრძელი ზამთრის შემდეგ ტყუილად კი არ იტყვიან ხევსურები: „გაზაფხული ყვოდეს და ქალს რა აწუხებდესო.“ აიღე საგზალი და გარეკე ცხვრები, ძროხები, ბეკეები, ხბოები და იგორე მოლზე, ქსოვე წინდები და უმზირე მხეს. მართლაც, ბუბა და ლელა ყოველდღე მირეკავენ ცხვრებსა და ძროხებს მთაში.

— ჰაუუ... ჰო-ჰო-ჰო! — გასძახის სერიდან სერს ბუბა და მხარზე დიდი კომბალი აქვს გადებული! უკან რუხი მგელია მისდევს.

— ჰაუუ... ჰო-ჰო-ჰო! გამოცხმაურება ეხოსავით ლელა მეორე მხრიდან. მაგრამ მთებში მარტო მზე როდი აფრქვევს ზაფხულობით სხივებს. უცრად გაიელვებს, დაიქუხებს, დაიქექებს — და წამოვა წვიმის თქეში. მაშინ ყვავებივით გაწუწული ბუბა და ლელა მოიბუზებიან რომელიმე ხის ძირში. სხვა ცხოვრება ჯერ არ უნახავთ, სხვა ცხოვრება მხოლოდ წიგნებში სწერია, რომლებიც აპარეკას დააქვს სკოლაში ჩანთით.

აი, ახლაც ამაზე ფიქრობს ბუბა!

ბუბა ისევ გარინდებული გაიყურებოდა სადღაც. საწყალი გოგონა! აბა რა იცოდა „მამილა“¹ ჯოყოლამ, რამდენი ოცნება ტრიალებდა ბუბას თავში. კიდევ კარგი, რომ არ იცოდა, თორემ თანაგრძნობის ნაცვლად, ორივე ყურს აუწვევდა და ჩქარა გამოაფხიზლებდა. „წიწკარი აგროვე, წიწკარი!“ — დაუგუგუნებდა ყურებთან.

¹ „მამილა“, „დედილა“, ასე ეძახიან შობილებს ბავშვები მოფრინებით.

ხვეის გაღმა კუს ზურგივით მოჩანდა პატარ-პატარა სახლები. ეს ბუბასა და ლელას სოფელი იყო. იქ ცხოვრობდა „მამილა“ ჯოყოლა და „ღედლა“ ხორა.

ბოსლის წინ მგლის ტყავზე მოკეცილიყო და მზეზე თბებოდა ოთხმოცი წლის ბებია სანათა. აპარეკას ჯერ არ ამოივლო სკოლიდან, ლელა წყაროზე ჩასულიყო, ღვიას ფოთლებს აკოწიწებდა. თავზე იფხატავდა და წყაროში იხედებოდა. ლელას არაფრის დარდი არ აწუხებდა. მისთვის ჩვეულებრივი იყო ყველაფერი, რასაც ირგვლივ ხედავდა. ის ჯერ პატარაა—თერთმეტი წლისა, გამზდარი, ნაზი და მეტად მოსიყვარულე: ლელას უყვარს ყველაფერი, რასაც ამ გაზაფხულის მზეზე ხედავს. ასე აქვს წარმოდგენილი, თითქოს იმ ბატკნებთან დაიბადა, იმ ყვავილებთან გაიშალა, იმ ფოთლებთან გაიფურჩქნა. ეს პატარა ნიავი რომ დასისინებს აგერ და ბალახებს არხევს, ეს მისი გულიდან ამოფართქალბს. იქ ჩიტები რომ ქიკიკებენ—ეს ლელას სიმღერაა. ეს ქადარიც იმიტომ გაზრდილა ამოდენა, რომ ლელას მოუჩრდილოს: მამა ჯოყოლა იმიტომ არის მრისხანე, რომ ოჯახის უფროსია. ბებია სანათა იმიტომ ზის მუდამ, რომ ბებერია. ეს სალამური იმიტომ უყვარს ლელას, რომ თითქოს მისი გულიდან არის ამოქრილი. ეს ყველაფერი ასე უნდა იყოს, სხვანაირად არ შეიძლება, მაგრამ იმავე დროს ლელა ძალიან მშიშარაა: როცა თვითმფრინავების გრიალი შემოესმა, ბუჩქებში შეძვრა და მიწაზე გაერთხო.

ბუბას ეს ამბავი გაახსენდა და გაეცინა, ლელას გადახედა და გადასძახა:
— ლელა, ამოდი, რამე უნდა გითხრა!

ლელა ამოვიდა და დას მათარით წყაროს წყალი ამოუტანა. ბუბამ გვერდით მოისვა და სიყვარულით დააშტერდა. ბუბას ყოველთვის უყვარდა ლელა, მაგრამ ახლა ეს სიყვარული ერთიორად იზრდებოდა მის გულში.

— ლელა, რაღაც უნდა გითხრა და, იცოდე, პირი არ გამიტეხო.

— პირი რა არის? დანა ხომ არ დაგეკარგა?

ლელას გულტბრყვილობით ბუბამ უნებლიეთ გადაიხარხარა.

— არა, დანა არ დამკარგვია. დაიფიცე, რომ არ გამამხელ!

— ჩემი სალამური გამიტყდეს და აპარეკა მომიკედეს, თუ გაგამხილო.

— მაშ, გეტყვი. ლელა! მე თელავში მივდივარ სასწავლებლად. უნდა გავიპარო. შენ რას იტყვი? შენ არ გინდა სწავლა?

— რას ამბობ, ბუბა?!—შეჰყვირა ლელამ.— ხომ მოგკლავს მამა ჯოყოლა?! არა, არა, არ წახვიდე, ბუბა, არა! — დაიღრიჯა ლელა და შეშინებულმა მოაგლო თვალი ყოველ მხარეს, არავის ესმოდეს ჩვენი საუბარიო. საუბარს ვინ გაიგონებდა, მათ ირგვლივ მარტო მთები იყო აყუდებული.

მზე შუბის ტარზე იდგა.

ფრინველები ჭივივობდნენ და დასაბუდებლად ემზადებოდნენ. ბუბას არ გაუგია, როგორ დალამდა დღევანდელი დღე. მზეს შეხედა—უკვე გვიანი იყო.

— ჰაუუ, ჰო-ჰო-ჰო, თქვე მგლის კერძბო!—ბრაზით შეუტია ბუბამ

ცხერებს. კომბალს ხელი წამოავლო და რაც ძალი და ღონე ჰქონდა გაჯიუტებულ დეკეულს მოარტყა გაეაზე. ლელა გატერუნული უმზერდა ბუბას. არასოდეს ასეთი ანჩხლი არ ენახა დაიხ: ყოველთვის მშვიდი, გონიერი და მუყაითი, ახლა მაკე დეკეულს ურტყამდა. ლელას უკვირდა დის ასეთი საქციელი და ჩუმად მოაბოტებდა.

მგელიასაც ისე წაელესა თვალები, თითქოს ამ ყურცქვიტა ქოფაკსაც ესმოდა ბუბას გულისწყრომა.

— პაუუუ... ჰო-ჰო-ჰო!—გასძახოდა ბუბა სერიდან სერს.

ჯოყოლას ოჯახი

ბებია სანათა ისევ მოკეცილი იჯდა გარეთ და ხარბად იყნოსავდა გრილ პაერს, როცა ძროხები და ცხვრები ბლავილითა და პეტელით შეგგუფდნენ ბოსლის წინ.

ნამგალა მთვარე მზიარულად დასცქეროდა ჯოყოლას ოჯახს. ჯოყოლა ბანზე იჯდა და მშვიდად აბოლებდა გრძელტარიან ჩიბუხს. ისვენებდა. მან შორიდან დაინახა მომავალი ბუბა და ლელა. გოგონები ხელცარიელი ბრუნდებოდნენ შინ, დღეს ერთი მკლავი წიწკარაც არ მოეგროვებინათ. დღეს ბუბას სრულიად არ უფიქრია წიწკარის მოგროვებაზე. ლელა პეპლების ქერას მოუნდა და სულ დაავიწყდა მისი მოვალეობა.

— ჰეი, თქვე ლეკვებო! რამდენი კონა წიწკარი მოაგროვეთ დღეს?—განგებ შეეკითხა ჯოყოლა ბავშვებს, თუმცა კარგად ხედავდა, არც ერთი ღერი წიწკარი არ მოჰქონდათ. მუყაით ჯოყოლას შეშა ყოველთვის საქმაოდ ჰქონდა ოჯახში, მაგრამ მისი აზრით, ბავშვები უნდა შეჩვეოდნენ შრომას და ზრუნვას.

ლელამ დედას მიაშურა, რომელსაც ამ დროს ბაენები გამოჰქონდა სახლიდან და ძროხის და ცხვრების მოსაწველად ემზადებოდა. ბუბამ ისე ამაყად შეუბრუნა ზურგი ჯოყოლას, თითქოს მამის სიტყვა არ გაუგიაო.

„უყურეთ ამ ყოტს, პასუხსაც არ მაძლევს!“—გაკვირვებით გაიფიქრა დინჯმა ბევსურმა. ეუცხოვა „ქალას“ ასეთი საქციელი, მაგრამ, სანამ შემდეგ სიტყვას მოიფიქრებდა ჯოყოლა, ბუბა უკვე წყაროზე იყო ჩასული. გაპირვებით მოათრევდა მხარზე შედგმულ კოკას და გულამოვარდნილი ამოდოდა აღმართზე. უკანასკნელი ჩაკიბული ბილიკი უნდა ამოეველო, უცებ ფეხი დაუსხლტა და ყირამალა გადაგორდა დაღმართში, თეძო ქვას დაჰკრა და საშინლად ეტკინა. როცა წამოდგა, ბრაზით დაარტყა ფეხი გატეხილ კოკას და ხმამალა წაიჩურჩულა.

— გატყდი! გატიალდი!

ჯოყოლა უცქეროდა ამ სურათს და მშვიდიად აბოლებდა ჩიბუხს, თან ფიქრობდა: ასეთი დიდი დანაშაულისათვის კარგად გაეჯორა ვახშობის დროს.

ვახშმოზის დროს ბუბა ბებიას კალთას ეფარებოდა. ბუბას უყვარდა ბებია სანათას კალთა: ის ხშირად იფარავდა ბავშვებს, როცა ჯოყოლა ჯავრობდა. ლელა მობუზული იჯდა და გულით იზიარებდა დის დანაშაულს.

ჯოყოლამ და აპარეკამ დროზე ივახშმეს და კერხოში ავიდნენ დასაძინებლად. კერხოს დაბლა სართულში—საკვამურში ქალები ვახშმობდნენ. ჯოყოლას ცოლი ხორა, ქმრის მორჩილი და ოჯახის ერთგული დედაკაცი, მოკრძალებით უსხამდა წვნიან შეკამანდს ოთხმოცი წლის ბებია სანათას და მწუხარებას გამოთქვამდა ბუბას დანაშაულის გამო. ხორა ამბობდა, კოკა ძალიან შორიდან ჰქონდა ჯოყოლას მოტანილიო. ლელა კი ახლა გაბედულად ჰყვებოდა, თუ რამდენი პეპელა დაიჭირა დღეს და რამდენ კალიას მოსწყვიტა ფეხები, რამდენჯერ დაუკრა სალამური გორაკზე და რა ლამაზები იყვნენ დღეს მათი ბატკნები, როცა ხარბად სძოვდნენ ქორთა ბალახს.

ნავახშმევს ბუბამ შეამჩნია, ხორა უნაგირს სწმენდდა და კრელ ხურჯინში რალაცეებს აწყობდა. გოგონას გული აუტოკდა. მან გაიგო, ჯოყოლა დუშეთში აპირებს წასვლას და ერთ კვირას არ დაბრუნდებაო. ამაზე უკეთესი დრო როდისღა უნდა ვნახო?—გაიფიქრა ბუბამ.

როცა ხორა საქმეს მორჩა და დასაძინებლად მოემზადა, ლელას უკვე ეძინა. ბებია სანათა საბანში ეხეოდა. ბუბა ლელას გვერდით იჯდა გარინდული. პატარა თუნუქის კრაქი ბეუტავდა და ეს მიბეუტული სინათლე ყვითლად ლიცილიცებდა. ბუბა ყველაფერს დაკვირვებით უცქეროდა. არც სიყვარული და არც სიძულვილი არ წვადა ახლა მის გულს. ის ცდილობდა სახლის წვრილმანიც კი არ დაეიწყებოდა წასვლის შემდეგ. ბუბას რომ წერა სცოდნოდა, აიღებდა ფანქარს და ასე ასწერდა: გრძელი და განიერი საცხოვრებელი საკვამი, ერთ მხარეს კედელზე მიშენებული განიერი ფიცრის საწოლი, ზედ დაფენილი ბებია სანათას ხელით მოქსოვილი გახუნებული ზოლებიანი ფარდაგი; სახლის შუა კვარტლიან ოჯინჯალაზე დაკიდებული ჯაჭვი, კერაზე დაყრილი ნამწვავი მუგუზლები. კერის გარშემო დაბალფეხებიანი ფიცრის სკამები, ცოტა მოშორებით—ზაბუასეული საკარცხლური, რომელიც ახლა ოჯახის საპატოო საჯლომად არის მიჩნეული; საკარცხლურის წინ გაფენილი რუხი მგლის ტყავი და ოთხკუთხი დაბალი სუფრა-მაგიდა. ზევით, კუთხეში ქსელია გაბმული. იქვე ბატყული და საჩეჩელი. კედელზე მიკრული შინაური და გარეული თხის დიდრონი, ლამაზი, მოგრებილი რქები, ირმის ვეებერთელა ჯიღები, ჯიხვის თაყები და დათვის ტყავეები, კერასთან—სპილენძის თუნგი და ჯაქვზე დაკიდებული ქვაბი. აი, ასე ჩამოთვლიდა ბუბა ყველაფერს (დააკლდებოდა მხოლოდ კოკა). არა თუ დაწერდა, რომ შეძლებოდა, დახატავდა კიდევ. არ დაივიწყებდა არც ოთხმოცი წლის ბებია სანათას. მისი ხელსაქმის კალათით—მურგვითა და საქსოვი წინდებით, მაგრამ რაკი წერა არ იცოდა, გულში იწერდა ყველაფერს.

ბებია სანათამ ერთი პირი ძილი მოითავა; უცებ თვალები გაახილა და გაუკვირდა: ბუბა ისევ დაკუზული იჯდა და კრაქი ისევ ლიცლიცებდა.

— ავად ხომ არა ხარ.— შეშინებული შეეკითხა მოხუცი ბუბას. ბუბას ახლა მოაგონდა, კრაქის ჩაქრობა იყო საკირო.

* * *

ჯოყოლას ოჯახის სიმდიდრე მარტო საკვამში როდი იყო: ოჯახის საპატრიონივითები სახლის მეორე სართულში—ქერხოში ელაგა ხევსურთა ჩვეულებისამებრ: ფარდაგები, ქეჩები, ნაბღები, ჩოხის შალეები, სპილენძის ქურქელი, ძველი და ახალი იარაღები,—შუბი და ჩაჩქანი, უნავირი და ლაგამ-აბჯარი, და მთელი წლის სარჩო ხორბალი. ყველაფერს, რაც შეადგენდა ჯოყოლას ოჯახის საცხოვრებელს, ქერხოში ინახავდა ხორა, უფრთხილდებოდა თითოეულ ნივთს. ყველაფერი ეს ხორასა და სანათას ხელით შექმნილი სიმდიდრე იყო.

ჯოყოლა სამ-ოთხ წელიწადში ერთხელ ჩავიდოდა დუშეთში, სწორედ მაშინ, როცა ოჯახში ცხვარი მოუგარდებოდა, რაძენიძე ცხვარს წაიყვანდა გასაყიდად.

მას დუშეთიდან მოჰქონდა მისი საყვარელი სამუშაო იარაღები: თოხი, ბარი, ცული, ლომი, წერაქვი და ცხენის ნალები, ჯაქვები და ტყვია-წამალი. რითაც მთიელები ებრძვიან მკაცრ ბუნებას.

ჯოყოლას შეილებს დაბადებიდანვე შალის უხეში პერანგები აცვიათ, ჩოხა და ქუქუმოები; თავზე პატარა ქუდი, ფეხზე—ქალამნები და შალის წინდები. როცა ამ უხეშ ტანისამოზე მასწავლებელმა აბრეშუმის მსგავსი სატინის ყელსახვევი გაუკეთა აპარეკას, ის არ ჰგავდა ჩვეულებრივად ჩაცმულ პიონერს. მაგრამ ლელას მაინც ძალიან მოეწონა წითელი ყელსახვევი.

— მაძე, ბიჭო, ერთ წუთს გავისინჯო!—ემუდარებოდა მთელი დღე ლელა.

— თავიდან მამწყდი... მამშორდი...—უჩაჩხანებდა აპარეკა. კეთილ ლელას ჩქარა დაავიწყდა ძმის ასეთი საქციელი, ხოლო ბუბას ახლაც ძილში მიჰყვებოდა ეს ამბავი. ბუბას ყველაფერი წვრილმანის მოგონება აღიზიანებდა ამაღამ. გული სწყდებოდა გოგონას, რომ ბევრი უხეშად გამოთქმული სიტყვა მიაცილებდა ოჯახიდან. დღეს „მამილა“ ჯოყოლა თითქოს მრისხანე ეჩვენებოდა ქალიშვილს.

დილით ადრე გარეკეს ცხვრები და ძროხები ბუბამ და ლელამ. ჯოყოლამ ცხენს მათრახი მოუქნია და ბავშვებს მიაძახა: „ყოველდღე თითო კონა წიწკარი მიაგროვეთ“, და გაეშურა გზას.

— მიაგროვეთ... მიაგროვეთ...—გააჯავრა ბუბამ სერიდან. ლელა მეზობლის გოგონებთან დატოვა მთაში და ჩიტივით გაფრინდა მასწავლებელთან.

მასწავლებელი აღფრთოვანებით შეხედა ბუბას გადაწყვეტილებას, ბედნიერად თვლიდა ამ წუთში თავს. ის ხედავდა თავისი პროპაგანდის ნაყოფს.

„აი, რა შეუძლია აღმზრდელობით სიტყვას“, — ფიქრობდა მასწავლებელი და ჩასცქეროდა ბავშვის გაბრწყინებულ თვალებს.

— უსათუოდ გადაწყვეტეთ წასვლა? — კიდეც დაბეჯითებით ჰკითხა მასწავლებელმა.

— უსათუოდ! — გადაქრით უპასუხა ბუბამ.

— მაშ ნურაფერზე სწუხხარ, ხვალ დილით თიანეთამდე წახვალთ მართო, ხომ არ შეგეშინდებთ გზაზე? საშიში რა არის! ღამეს თიანეთში გაათევთ, იქიდან კი სკოლის დარაჯი ქალი წაგიყვანთ ახმეტაში. ახმეტიდან აეტომობილით წახვალთ თელავში.

ბუბას სიხარული გამოუთქმელი იყო. მაგრამ ის მაინც დინჯად იდგა მასწავლებლის წინ და ფიქრობდა: „ეს ის გზა ხომ არ იქნება, ჯოყოლა რომ წავიდა?“

— რად დაფიქრებულხარ? წადი და მოემზადე.

— მასწავლებლო, დუშეთის გზაზე უნდა წავიდეთ? დუშეთში მამა წავიდა.

— არა, ივრის ხეობით წახვალთ. ივრის ხეობიდან საცალფეხო გზა მიდის თიანეთში. ორწყალს, მერე მალაროს კარს გაივლით და თიანეთში ჩახვალთ. თუ შემოგალამდებათ, მალაროს კარშიაც გაათევთ ღამეს. თიანეთიდან ახმეტაში მიხვალთ.

ბუბა ჩქარა დაბრუნდა ლელასთან.

— ჩვენი საქმე კარგადაა, ლელა! ყველაფერი ისე ეწყობა, როგორც ჩვენ გვინდა!

ბუბამ სიყვარულით სტაცა ხელი დაიას და სწრაფად ჩამოაშორა გოგონებს. დიდხანს ისხდნენ განმარტოებით დები. ბუბა მრავალფერად უხატავდა ლელას განზრახულ მგზავრობას.

— ლელა, იცი? ახმეტიდან აეტომობილით წავალთ. აპარეკას წიგნში რომ აეტომობილია დახატული, ისეთი აეტომობილით. ჩვენც გვექნება წიგნები, ფერადი ფანქრები, ვისწავლით, ბედნიერი ვიქნებით, — გულით ჰყვებოდა ბუბა მასწავლებლის ნაამბობს, თითქოს ყველაფერი წინასწარ იცოდა, რაც მოელოდა.

— მეც მედივარ, — ძლივს წარმოთქვა ლელამ. ბუბამ დაია გულში ჩაიკრა და ალტაცებისგან კინალამ ატირდა. ბუბასაც უნდოდა ლელა მასთან წასულიყო. ბუბაზე უფრო ბედნიერი არავინ იყო ქვეყანაზე.

ახლა მხოლოდ გეგმებს აწყობდნენ — სახლიდან როგორ წასულიყვნენ.

— მაიფიქრე! — წამოიყვირა ლელამ: — ჩავიდეთ სახლში თუ არა, მამიდასთან წასვლა ავიჩემოთ.

— კარგი მოფიქრებაა! — წამოიძახა ბუბამ და უფრო მაგრად ჩაიკრა დაია გულში.

გამარჯვებას კიდეც გამარჯვება მოჰყვა: ღელა ხორა დაეთანხმა ბავშვებს

ორი დღით წასულიყვნენ მამიდასთან მეორე სოფელში, რაკი ჯოყოლა შინ არ იმყოფებოდა.

აპარეკისაც ძალიან უხაროდა ბუბასა და ლელას მამიდასთან წასვლა: თეთრი ლეკვი უნდა გამოგზავნა მამიდას მისთვის. ძნელი ასაწერია, თუ რა ალტაცებით ელოდა აპარეკა ამ ლეკვს.

დილისთვის ყველაფერი მოიმზადეს: ახალი პერანგები, რუხი წინდები, ახალი ქალამნები, მოსასხამი, ქულები. ბუბამ ძაფზე ასხმული ფლარაფულები ყელზე შეუტკრა ლელას. ისეთი მზიარული იყო ანწამს ლელა, რომ აღარ იცოდა — აპარეკას წითელი ყელსახვევი სჯობდა თუ ეს ფლარაფულები.

— არა, წითელი ყელსახვევი უფრო მამწონს, — წაუჩურჩულა ლელამ ბუბას ყურთან.

ვახშმის შემდეგ, ძილის წინ უკანასკნელად სთხოვა ბუბამ ბებია სანათას ეამბნა „შანშეს ქალის ლელა ბაჩლითას“ საგმირო ამბავი. ბუბას და ლელას პატარა გულები გმირული სურვილებით ევსებოდათ, „ნეტა მე ვყოფილიყავი ბაჩლითაი“,¹ — ფიქრობდა ბუბა. ბუბას აღელვებდა ბაჩლითას ცხენი და მისი გაქროლება კახეთის ველზე. არანაკლებ აღელვებდა ოთხმოცი წლის ბებია სანათასაც ჯიშინი ცხენის მოგონება.

მთელი თავისი ხანგრძლივი ცხოვრების მანძილზე ჰკლავდა სანათას ცხენზე შეჯდომის სურვილი და ეს სურვილი ახლაც აკრთობდა ძვლებად გადაქცეულ დედაბერს. ბუბა ისევ „ლელა ბაჩლითას“ ცხენის ნატურფალზე ფიქრობდა, გოგონა იმ ღამის სინამდვილეში თითქოს განიცდიდა ბებია სანათას ნამბობს.

— მაჰკლეს... მაჰკლეს... „ბაჩლითაი“, — წაიჩურჩულა ბუბამ, თითქოს ასე უნდა მომხდარიყო.

— მაჰკლეს, მაჰკლეს... ყეენის ციხის კარებში მაჰკლეს... ჩვენი ჯარის გამარჯვებისათვის გასწირა თავი... ამიტომ დარჩა უკვდავი სახელი... — ჩიფჩიფებდა ბებია სანათა და ამ ჩიფჩიფში ჩაეძინა.

ბუბას დღევანდელ სიხარულს მხოლოდ დედა ხორას მშობლიური სიტყვა აკლდა. წასვლის წინ ეს გრძნობა სწვაედა ქალიშვილის გულს. ბუბას უნდოდა ყველაფერი გაეგზილა დედისათვის და მისგან მიეღო მშობლიური დარიგება, მაგრამ ეს გულახდილობა არ გამოადგებოდა. დედა ხორაც მამა ჯოყოლას აზრისა იყო. ბუბა მთელი საათი განაბული უსმენდა მძინარე დედის მშვიდ სუნთქვას და ხვალინდელ მგზავრობაზე ფიქრობდა.

პატარა ქალიშვილს დიდი ადამიანივით აწუხებდა სინდისი და მშობლების სიყვარულის გრძნობა.

„დედა ძალიან მიყვარს, ასე ფარულად როგორ გავცილდე?“ — ფიქ-

¹ ბაჩლი — სოფლის სახელია და ბაჩლითა ნიშნავს ბაჩლეს.

რობდა ბუბა. მაგრამ როცა მამალმა გათენების იყივლა, ბუბას ეს ფიქრები-სულ დაეთანტა: ახლა კი გაბედული ნაბიჯი უნდა გადაედგა.

ბ ზ ა

მთებს გადაღმიდან ცეცხლად ანთებული მზე ამოდის. შორს გაშვებულ ქიმებს იქით მოჩანს სოფლის საცაღფეხო გზა, რომელიც გადადის სოფლი-დან-სოფელზე და ჩადის ივრის ხეობაში, აქ ის უერთდება თიანეთისაკენ მიმავალ გზას. ციცაბო კლდეზე სირბილით დაქანცულნი კორდზე ჩამოსხდნენ ბუბა და ლელა. ლელამ ნაღვლიანი თვალებით გახედა ცამდის აყუღებულ მთებს.

მოაგონდა საყვარელი ბატენები როგორ პეტელობდნენ ამ დილით, რო-ცა ბუნება დიდებულად იღვიძებდა, ფოთლები შარიშურობდნენ და ბოსლის-ლაფაროში მერცხლები კიკიკებდნენ.

— ბუბა, ახლა ვინ გარეკავს ჩვენს ცხვრებს მთებში? დედას ხომ ფეხი-სტკივა?!—მზრუნველობით წარმოთქვა ლელამ.

— აპარეკამ გარეკოს, —ცივად უპასუხა ბუბამ.

ბუბას ორი პური ჰქონდა ილიაში ამოდებული, ნამალევედ წამოიღო-სახლიდან. ერთი გამოიღო და მეტნაკლებად გატეხა. უფრო დიდი ნაქერი ლელას მიაწოდა.

— აპარეკა ხომ ჩვენი ძმაა, ბუბა! ის სკოლაში დადის, მას ჰშვენის წი-თელი ყელსახვევი.

— კარგი, გეყოფა, ლელა, შენც კარგად მოგიხდება წითელი ყელსახვევი.

— აპარეკასათვის ხომ თვითონ მასწავლებელმა შეაკერინა წითელი ყელსახვევი.

— შენ მზა შეკერილს შემოგახვევენ. გავწიოთ, ვიჩქაროთ. ჯერ კიდევ გზა დიდი გვაქვს გასავლელი.

— ხვალ საღამოს რომ არ დაებრუნდებით შინ, რას იფიქრებენ?

— იფიქრებენ, მეორე ღამესაც მამიდასთან დარჩნენო.

— მესამე ღამეს რომ აღარ მივალთ?

— კარგი, ნულარ იგონებ, ახლა დაღმართზე უნდა ვირბინოთ და ვიჩ-ქაროთ—გზაში არ დაგვალამდეს. დღეს ღამე თიანეთში უნდა გავათიოთ.

— აპარეკა ხვალ მთელი დღე წყაროსთან დაგველოდება: მამიდა თეთრ ლეკვს დაჰპირდა, გუშინ მთელი დღე აჯავრებდა: „ამ... ამ... ამ...“ ასე დაიყუფებს ჩემი ლეკვიო. საწყალი ბიჭი, ხვალ არავინ არ მიუყვანს ლეკვს, ლოდინით დაებრიცება თვალეები.

— დედამ რომ იმდენი ამბავი დაგვაბარა მამიდასთან?

— არც ერთი სიტყვა არ მახსოვს, რას მეუბნებოდა დედა: თვალი გზის-კენ მექირა.

— უჰ, რა ამბავს დააწევს მამა! მეშინია, არ გავვირისხდეს!

— ლელა, გაჩუმდი, ახლა უკან დაბრუნება სიოცხვილია, ხმა აღარ გა-
მაგონო, ჩვენ სწავლა გადავწყვიტეთ და უნდა შევასრულოთ!— ლელა გაჩუმდა
და ნაბიჯს აუჩქარა. ბუბას ერთი ფეხის გადადგმა ლელას ორ ნაბიჯს უდ-
რიდა. ბუბა ძელმაგარი, ჯმუხი გოგოა. თავი ჯერიანივით მიაქვს და მხნედ
მიაბიჯებს. თითქოს ბუჩქებიც მის სიმამაცეზე ჩურჩულებენ, ხეები ტოტებს
უხრიან და ჩანჩქერებიც მის სიმღერას მღერიან: „მთაო, გადმიშვი...
გადმიშვი...“

— ჰა, მამყევი, ლელა, ვიმღეროთ, ვიმზიაროთ. ჩვენ ხომ დღეიდან
სხევანაირი ცხოვრება უნდა დავიწყოთ. წითელი ყელსახვევები უნდა გავიცე-
თოთ. ჩვენი ადათ-წესები უნდა დავივიწყოთ.

— რა ადათ-წესები, ბუბა?

— რა ადათ-წესები და, შე სულელო, ხომ გახსოვს, სოფელში სკოლა
რომ გახსნეს, მამაჩემმა აპარკეა შეიყვანა სკოლაში. მასწავლებელმა რომ უთხ-
რა, ქალიშვილებიც შემოიყვანო, მამაჩემმა ხანჯალზე დაიკრა ხელი და
შეპყვირა:

„ქალას რად უნდა სწავლაი. ქალამ ცხვარი უნდა მომწყესოს, შალი
უნდა მოქსოვოს, წიწკარი უნდა მოზიდოს. ბოსელს უნდა მოუაროს!.. ვის გაუ-
გონია ქალას სწავლაი?!“— აი, ჩემო დაიკო, ეს ადათ-წესები უნდა მივატო-
ვოთ. ამიტომ გაგვაგზავნა მასწავლებელმა თელავში და არა ბარისახოში. ბა-
რისახოში ისევე მთიელთა წეს-ჩვევებია. ბარისახოდან ყურით ამომიყვანდა
მამა ჯოყოლა სახლში. თელავში კარგი დაძველები გვეყოლება. ასე მითხრა
მასწავლებელმა.

— ჰა, მამყევი, ვიმღეროთ: მთაო, გადმიშვი...

— გადმიშვი...— მზიარულად შეაკაკანა ლელამაც და მოსიყვარულე დები
ხელგადახვეულნი დაეშენენ დაღმართზე თიანეთისაკენ.

სულმოუთქმელად მიბრბოდნენ.

ლამდებოდა. მთელი დღე სირბილით მოქანცულ ლელას მუხლები ეკე-
ცებოდა. ბუბა კვლავ მედგრად გაპყურებდა გზას. სადაცაა გამოჩნდება
თიანეთიო,— ფიქრობდა ბუბა. შარაზე ჩქამი არ ისმოდა. მხოლოდ ხანგამო-
შვებით ჩიტების შეფრთხილება არღვევდა დუმილს. ტყე დიდი ხანია უკან
დარჩა და ახლა ოღოროზოლო გორებს და წამოშვერილ ქიმებს უტრიალებდა
შარა, უკანასკნელი შუქიც ქრებოდა და ბუბას გულშიც უნებლიეთ ეონავდა
შიშის ერუანტელი. მარჯვენა ხელი მაგრად შემოაქდო ლელას წელზე და ნა-
ხევრად აყვანილი მიჰყავდა დაია. ლელა ისე იყო დაღლილი და გაბრუნებული,
რომ ხმის ამოღება ეძნელებოდა, მთელი სხეულით მინდობოდა ბუბას.

უცებ შეკრთნენ, გული საშინლად აუფართქალდათ, ყური დაუგდეს ცხე-
ნის ფლოქვების თქარათქურს: ეგონათ მღვეარი მოადედათ. ცხენს კი ხაბ-
დინი ფშაველი მოაქვნიდა. მგზავრს არ შეუნიშნავს ბავშვები. სწრაფად შე-
მოურბინა ქიძს და გაქპოოლა. პატარა მგზავრებმაც ჩქარა შემოურბინეს დიდ
ქიძს და შვებით ამოისუნთქეს:

— თიანეთი, თიანეთი, ლელა! — წამოიძახა ბუბამ და ლელამაც მხიარულად დააქყიტა თვალები.

გამოჩნდა მსუბუქ ბურუსში გახვეული სახლები, ვიწრო სარკმლებიდან ციმციმებდა მიბეუტული შუქი, შარაგზის ახლოს მწყემსებს ცხვრები მიერეკაობ და მინდორზე აგოგმანებდნენ, „პე-ე... პე-ე...“ — საამურად გაისმოდა ბატყნების პეტელი. „ა-ამ... ა-ამ...“ — დინჯად ჰყეფდნენ ქოფაკი ძაღლები... ლელას თმები აებუძგა ძაღლების შიშით და მთლად მოიკუნტა.

— ჰაი, შე მხდალა! — მხიარულად და დინჯად წარმოთქვა ბუბამ, — მწყემსი ძაღლები გზაზე არ გამოდიან, ცხვრებს დარაჯობენ. გაიმართე, ჰა, მივედით!

სინათლე ძლიერ ახლოს მოჩანდა, მაგრამ მიხვეულ-მოხვეული გზა გაგრძელდა. დალამდა.

ჩვენი მგზავრები საკმაოდ დაიქანცნენ. ბუბამ წინასწარ იცოდა, თუ სად უნდა გაეთითა ღამე. თან მოჰქონდა ბარათი, რომელიც მასწავლებელმა გამოატანა თიანეთის სკოლის დარაჯ თალაშასთან. სკოლის შენობაც იცოდა და არ უგრძენია შემოღამების შიში, პირდაპირ მივიდა სკოლის გვერდით, სადაც დარაჯი ქალი ცხოვრობდა და გაბედულად დააკაუნა კარებზე. როცა ბარათი გადასცა დარაჯ ქალს, ისიც უთხრა ვინ უგზავნიდა. დარაჯმა კითხვა არ იცოდა. ბუბამ და ლელამაც არ იცოდნენ კითხვა. მასპინძელმა ბარათი გაშალა, სინათლესთან მიიტანა და დახედა. სულ რამდენიმე სტრიქონი იყო.

ბუბამ აუხსნა წერილის შინაარსი.

— ახმეტამდე როგორ გაგაცილოთ, შვილებო? — შეწუხდა თალაშა. თალაშას ფეხი ეღრჩო ამ კვირაში და სტკიოდა, შეხვეული ჰქონდა ნაბდის ნაჭრებით და ღანძლამობით მრავალძარღვას მოშუშულ ფოთოლს იღებდა ფეხზე. თალაშამ სიამოვნებით გაუღო უცხო გოგონებს სკოლის კარი, სინათლით შეუძღვა შიგ და რალაც ძველი ფარდაგისმაგვარი და ქუჩკიანი მუთაქაც შესთავაზა სტუმრებს. ლელა მეტად დაქანცული იყო და ჩქარა ჩაეძინა, ბუბა კი ფიქრობდა, რადგან თალაშას ფეხი სტკივა, დილით ჩვენ თვითონ წავალთ ახმეტაშიო. ასე გადაწყვიტა კიდევ, ხელნათური აიღო, ახლოს მიიტანა მძინარე დაისთან და სახეზე დაანათა. გული შეეკუმშა: ლელას წარბები მოელუშა და პატარა მოკუმწულ ტუჩებზე უსიამოვნო ღიმილი გადაჰკეროდა. ბუბამ ხელნათური დაბლა დადგა, თავი დახარა და ფრთხილად აკოცა მძინარეს. ბუბას ამ წამს დანაშაულად მოეჩვენა, რომ უმცროსი და ოჯახს მოწყვიტა და გვერდით ამოიყენა ამ უცნაურსა და უცხო გზაზე, მაგრამ სხვანაირად არ შეეძლო მოქცეულიყო. პური ამოიღო, ლუკმა მოტეხა და ისევ ჩადო ჩანთაში: ხვალ კიდევ დიდი გზა ჰქონდათ გასავლელი, შეეშინდა, ლელას პუ-

რი არ დააკლდესო. სინათლე ჩააქრო, მაგრამ ძილი მაინც არ ეკარებოდა, არც დაღლილობა ეტყობოდა მის ჯანსაღ სხეულს. ახლა თავში რაიკომის უცნობი მდივანი უტრიალებდა. არ იცოდა როგორ დაბოლოვდებოდა ეს მგზავრობა. ექვი ებადებოდა: „ვღი, რომ არ მიმიღონ, მაშინ რა ექნა, რა ვუ-ყო ლელას“. შეშფოთებული და გაბრუებული დიდხანს იდგა სარკმელთან.

სახლების ქუქურუტანებიდან სინათლე აღარ ბეჭუტავდა. მხოლოდ მოკრია-ლებული მთვარის შუქი ადგა თიანეთის მიდამოს.

შუალამე გადასულიყო. ჰა, მამლებმაც იყიელეს გათენებისა. ბუბამ ცას გახედა. ცა მტრედისფერი იყო.

ვარსკვლავები წარმტაცად კრთოდნენ და ციმციმებდნენ.

— ნეტავი ჩქარა გათენდეს,— წაილულულა ბუბამ და ლელას გვერდით მოიკუნტა. ძილი მოერიო. საშინელი სიზმარი ნახა: მდევერები გამოდგომოდნენ, მოსდევდნენ, ემუქრებოდნენ, ხანჯლებს მზეზე აპრიალებდნენ.

აჰა, ერთი მათგანი დაეწია, ხანჯალი მოუქნია და... ბუბამ შეკვივლა, შეკვივლებაზე ლელამაც გაახილა თვალები.

სარკმელში რიჟრაჟის შუქი შემოკრილიყო. ბუბა და ლელა საჩქაროდ წამოდგნენ. ქულები გაისწორეს თავზე და ის იყო სირბილით უნდა დადგომოდნენ გზას, რომ ამ დროს თალაშა შემოეგება ბავშვებს. ორი ერბო-წასმული ქადა შემოუტანა პატარა სტუმრებს.

— ახლა რომელი გზით უნდა წავიდეთ, დეიდა?— ჰკითხა ბუბამ თა-ლაშას.

თალაშას ამ დილით უფრო სტკიოდა ფეხი. ის წუხდა, რომ ვერ ასრუ-ლებდა მასწავლებლის თხოვნას. სინდისი ქენჯნიდა, ბავშვებს მართო რომ უშვებდა შორ გზაზე.

— გზა ერთია, შეიღებო,— თქვა თალაშამ,— მხოლოდ ნურც ერთ ბი-ლიკზე ნუ გადაუხევეთ. მაგრამ...— თალაშა შეჩერდა. უცებ მოაგონდა: აღდა-მანს, სასაუზმე დუქანში, მისი მოკეთე ილო მუშაობდა.

— აღდამანი...— გაიმეორა ბუბამ.

— ჰო, შეილო, ახმეტამდე შეგზვდებათ აღდამანი. იქ სასაუზმეა და შემოღამებული მგზავრებისათვის ღამის გასათევიც არის. იქ მუშაობს ჩემი კარგი მოკეთე ილო. მოხუცი კაცია. ამაღამ იმასთან დარჩებით და ხეალ დი-ლით ის პირდაპირ გაგაგზავნით თელავში. აღდამანს ყოველდღე დადის თელავიდან ლინეიკები, ეტლები, ურმები და ათასი მგზავრი. ნუ გეში-ნიათ, არ ირბინოთ გზაზე, აღდამანს სულ ადრე ჩახვალთ.

თალაშა ისევ შებრუნდა ზინაში, ორი ქადა კიდევ გამოიტანა და უთხ-რა გოგონებს:

— ეს ორი ქადა, შეიღებო, ილოს მიუტანეთ და უთხარით, თალაშამ გამო-

გვატანა-თქო, გასწით ახლა, დარდი ნუ გაქვთ, ხვალ სალამოს თელავში იქნებით.

გოგონებმა მადლობა გადაუხადეს და მხიარულად გაუდგნენ გზას. თიანეთის მცხოვრებნი ჯერ კიდევ არ იყვნენ კარგად გამოფხიზლებულნი. მხოლოდ აქ-იქ მუყაითი დედაკაცები აღებდნენ კარს და ქათმები კაქანებდნენ.

დილიდან სამხრობამდე გზაში იყვნენ ბუბა და ლელა. გაღირბინეს მწვანე მინდვრები და დაადგნენ ხშირი ტყით დაბურულ გზას. ბევრი მგზავრი შემოხვდათ ბუბასა და ლელას, ბევრიც წამოეწია და გაუსწრო კიდევც.

მშვენიერი დარი იდგა. ოქროსფერი მზე ალამაზებდა ფერადი ყვავილებითა და ქორფა მცენარეებით დახატულ ალდამანის ტყეს. ფოთლებში ჩამოფანტული სხივებით იქარგებოდა არემარე. ჭყიოდნენ და ეიფივებდნენ ჩიტები.

ხის ტოტზე დაცოცავდა ციყვი.

ნიაფი არხევდა ფოთლებს. გეგონებოდათ უამრავი შავი და ყვითელი პეპელა დახვევია ალდამანის მიდამოსო. მაგრამ ჩენი პატარა მგზავრები ვერ ტკებოდნენ ლამაზი ბუნების მშვენიერებით: ყოველი მგზავრი მღვევარი ეგონათ და გულისფანცქალით მირბოდნენ და მირბოდნენ.

დალაღვას ვერ გრძნობდნენ. ოლონდ ჩავიდეთ თელავში და მერე თუნდაც ათი მღვევარი გამოგვიდგესო,—არ კარგავდა იმედს ბუბა, რადგან უძნელესი გზები გაიარეს.

ტუის პირას გამოჩნდა ნაცრისფერი დუქანი, ძველისძველი ციხის ნანგრევები. შორიდან მოესმათ რაღაც სიმღერისმაგვარი ხროხინი. უსმენდნენ საკვირველ სიმღერას, მაგრამ ადამიანის ხმას არ ჰგავდა. როცა ახლოს მივიდნენ, გაოცდნენ: ეს სიმღერისმაგვარი ხროხინი პატარა ყუთზე მობმული წითელი თუნუქის პირფართო მილიდან ამოდიოდა. დანჯღრეული გრამოფონი ხრიხინებდა ხრინწიანი ხვით. დუქნის წინ იდგნენ მტვერში ამოგანგლული ეტლები და ლინეიკები. კვირადღე იყო. ექსკურსანტები ხმაურობდნენ დუქანში. ხეების ჩრდილშიაც გაეშალათ სუფრა და გულიანად მხიარულობდნენ.

მგზავრი გლესებიც ბლომად შემოიკრიბნენ. ზოგი მათგანი მთებიდან მოდიოდა ბარში,—ზოგი ბარიდან მთაში. ორი მთიელი ბიჭი ბუბასა და ლელასავით გაკვირვებულნი იდგა გრამოფონთან შორიახლოს.

კახურით შეზარხოშებული მეეტლები თიანეთში მიმავალ ექსკურსანტებს სტოვებდნენ და ახმეტაში მიმავალი მთიელებით ტვირთავდნენ ეტლებს.

ყველას ყურადღება მიიქციეს პატარა გოგონებმა, ყველა ეკითხებოდა მათ:

— სადაურები ხართ?

— საიდან მოდიხართ?

— საით მიდიხართ?

ბუბას არავისთან გასაუბრებდა არ უნდოდა, გაფაცოცებით ეძებდა ილოს.

პა, ნახა კიდეც. პატარა ტანის ქალკა კაცი, თინელილა ლოყებით, სამზარეულოს უკან დიდ ქეახს ხეხავდა. თალაშას სახელის ხსენებაზე გაიბადრა ილო. განსაკუთრებით ეამა ერბოწასმული ქადები.

— ნუ გეშინიათ, — უთხრა ბავშვებს ილომ. — ხვალ მანქანები მოვა და პირდაპირ გაგიშვებთ თელავში, ანმეტაში აღარ დაგპირდებათ დაცდა.

მართლაც, მეორე დღეს, საღამოს, ჩვენი პატარა გმირები უკვე თელავში იყვნენ და მშვიდად საუბრობდნენ რაიკომის მდივანთან.

რაიკომის მდივანთან

— თქვენი სახელი, გოგონებო? — შეეკითხა რაიკომის მდივანი ბავშვებს.

— ბუბა და ლელა.

— ბუბა და ლელა... კარგი სახელებია, — მოეწონა მას. — მარტია, — გასძახა მეორე ოთახში თანამშრომელს, — ეს ხეგსური გოგონები დააბინავე ამაღამ საღამე. ჩვენ უნდა ვუპატრონოთ ამათ. მთიდან გამოქცეულები არიან. ჰო, მარტია, სამი დღეა ბავშვები გზაში მოდიან, თბილი შექამანდი აქამე, ჩაიც დაალევიან, სასადილოში წაიყვანე! — კიდეც მიაძახა მდივანმა კარებში, — დილით ფოტოგრაფთან წაიყვანე და სურათი გადააღებინე, ასე, როგორც არიან ჩაცმულნი და დახურულნი.

კარებში რომ გავიდნენ, ბუბა უცებ შედგა, შემობრუნდა და შეეკითხა მდივანს.

— მართლა, ჩვენს თავს არ დაანებებთ მამაჩვენს?

— ნუ გეშინიათ, წადით, დამშვიდდით, არავის არ დავანებებთ თქვენს თავს.

— არც გაამხელთ, რომ წერილი მასწავლებელმა გამოგიგზავნათ? ეს რომ გაიგონ, მასწავლებელი ხიფათში ჩაგარდება და მეც პირის გამტეხს და მიძახებენ.

— არა, არავინ გაიგებს ამ წერილის შესახებ, ნუ სწუხხართ, — კვლავ მოეფერა მდივანი ბუბას.

გოგონები მშვიდად აედევნენ მარტიას და გაფაციცებით იცქირებოდნენ ყოველ მხარეს.

უმთვარო ღამე იყო. ვარსკვლავებით მოქედილი ცა ოქროსფერი ყვავილებით მოქარგული, ვეებერთელა მუქ ქოლგასავით ეხურა თავზე კახეთს. ქუჩებში გამწკრივებული ელნათურები უცნაურად ბზინავდა და ლიცლიცებდა. მარტია ეუბნება ლელას:

— გოგონავ, ამდენი ოქროს ნათურა გინახავს ერთად?

— ცაზე ბევრი ვარსკვლავია, მაგრამ ასე ვერ გვინათებს გზას. მერმე მთვარე ამოვა და ყველაფერი გაბრწყინდება.

— ძია, აქ იცის მთვარემ ამოსვლა?

— მთვარე, ბიძია, ყველა ქვეყანაში ერთნაირად ამოდის.

ბუბას არ მოეწონა ლელას სულელური შეკითხვა და ყურში უჩურჩულა: — გაჩუმდი, სირცხვილია.

ლელა გაჩუმდა.

მარტიამ სასტუმროში დააბინავა პატარა მთიელი ქალები. თბილი და მსუბუქი ვახშმის შემდეგ მშვიდად ჩაეძინათ სუფთა ლოჯინში. ახლა აღარ ესიზმრებოდა ბუბას მდეგრები, გათენებამდე ერთ მხარეზე ეძინათ. დილით მშვიდად გამოიღვიძეს.

ფანჯრებს ბრწყინვალე მზე შემოსდგომოდა და ფართო მინები წითლად ბრკვეიალებდა.

— ხედავ, ბუბა? მზე აქაც ლამაზი ყოფილა, — სიხარულით წამოიძახა ლელამ. კიდევ უფრო გაოცდა, როცა თვალები ამოისრისა და ფანჯარაში გაიხედა: მთელი ქალაქი ყვავილებში ჩამალულიყო. ყველა ეზო სავესე იყო ხეხილით, ვაზებით, ათასნაირი ვარდით, ალუბლებით, თხილნარით, ვაშლებით.

ქუჩებში ხალხი მოძრაობდა. სკოლებში მოწაფეების კისკისი ისმოდა, დარაბებში ხელოსნები მუშაობდნენ, სამქედლოში მქედლები ქედდნენ და რკინის ქახაქუხი მთელ კუთხეს აყრუებდა, სამკერვალოში საკერავი მანქანები ხრიალებდა. იქით კოლმეურნეთა ბაზარი ხმაურობდა და ყველგან სიცოცხლით ამოძრავებულ ქალაქში სიხარულს გამოეჩინა ქათქათა კბილები.

ლელა ბავშვური გარინდებით უცქეროდა ყველაფერს. უხაროდა და მოსწონდა ყველაფერი. მაგრამ მაინც აგონდებოდა მთებში გარეკილი ბატკნების პეტელი „პე-ე-პე-ე-ს“ რომ გასძახოდნენ ცხვირჩამონგრეულ კლდეებს.

ბუბა უფრო დინჯად უმზერდა თელავის ცხოვრებას. ის არ ჰგავდა მთების გამოქვაბულებს, არწივის ბუდეებივით მიკრულებს ქედებზე, მიწით გაღესილ ბანებს და აბეუტებულ კრაქებს. მოსწონდა ბუბას ახალი, ლამაზი შენობები ლა ეს ცხოვრება, სადაც გოგო-ბიჭები ერთად შრომობდნენ, ერთად სწავლობდნენ, ერთად მხიარულობდნენ. წუხელ ერთად ივანშემეს მარტიასთან ერთ სუფრაზე და ამან უფრო გაახარა ბუბა. მოაგონდა: ქალები ხევესურეთში უცხო მამაკაცებთან ერთად არ სხდებიან სუფრაზე და არ სკამზე პურს.

— ლელა, დღეიდან ჩვენც ასე ვიცხოვრებთ. ხომ მოგწონს?

— აპარეკაც რომ აქ იყოს, მაშინ უკეთესი იქნებოდა, — ნალვლიანი ხმით წარმოთქვა ლელამ.

— ახლა ცხვრებიც ხომ არ გინდა მოგიჩვენო? მერმე ძაღლები მოგინდება, მერმე კატები, მერმე სანათა მატყლით და საჩეჩელით... — აკისკისდა ბუბა.

— ჩემი სალამური? — იყვირა ლელამ, ახლა მოაგონდა საბრალო გოგონას, რომ სალამური სასთუმალქვეშ დარჩა.

ატირდა ლელა. მან თითქოს გადაწყვიტა ცხვრებსაც მოშორებოდა, აპარეკასაც, მინდვრებსაც, მაგრამ სალამური... მისი პატარა გულის მესაიდუმლე სალამური რომ დაავიწყდა?

ჩუმად სლუკუნებდა ლელა.

მესამე დღეს თელავის მცხოვრებნი, დიდი და პატარა, ყველანი ბუბასა

და ლელაზე ლაპარაკობდნენ. თელავის გაზეთში დაბეჭდილი იყო ბუბასა და ლელას სურათი. სურათის ქვევით აღნიშნული იყო მშობლების საყურადღებოდ, რომ ბუბა და ლელა თელავის რაიკომში იყვნენ და რაიკომი აღზრდიდა მათ. იქვე მოყვანილი იყო უფროსი დის—ბუბას საუბარი გაზეთის რედაქტორთან:

— რად გამოიპარეთ მშობლები ოჯახიდან? ცუდად გეპყრობოდათ დედ-მამა?

— არა, ცუდად არ გეეპყრობოდნენ. ჩვენ სწავლა გვინდა.

— ხომ გაიხსნა თქვენს სოფელში სკოლა?

— იქ ჩემი ძმა აპარეკა შეიყვანეს.

— რამ გამოიწვია თქვენში სწავლის სურვილი?

— სოფელში სკოლის გახსნამ. ჩვენც გვინდოდა სკოლაში შესვლა, მაგრამ ვის გაუგონია ქალის სწავლაო, გაწყარნენ სახლში. ჩვენი სოფლიდან მხოლოდ სამი ბიჭი დადის სკოლაში.

— კითხვა იცით?

— არა.

— რამდენი წელიწადი გინდათ ისწავლოთ?

— სანამ არ შევძლებთ სხვებსაც ვასწავლოთ...

— შემდეგ?

— მთებში დაებრუნდებით და ქალიშვილებს ვასწავლით იმას, რასაც ჩვენ ვისწავლით. არ მოგეწონს მთებში ქალების წესი.

— ვინ ჩაგაგონათ ეგ?

ბუბა გაჩერდა, რაიკომის მდივანს შეხედა და თავი დახარა.

— ეს თქვენ არ გეხებათ,—უპასუხა ოღნავი დუმილის შემდეგ ბუბამ და სახე წამოუწითლდა.

— შენი პატარა და ლელაც შენი აზრისა არის?

— ჩემი აზრის არის. ლელას ძალიან მოსწონს წითელი ყელსახვევი.

ბუბა და ლელა თელავის საბავშვო სახლში მოათავსეს. იმდღევე მიუტანეს ქიშმირის კაბები, კობტა თუხსაცმელები და ლიაფერის წინდები, თბილსა და სასიამოვნო აბანოში აბანავეს და პერანგები ჩააცვეს.

— ახლა თქვენ ხევსურის ქალებს აღარა ჰგეეხართ,—გაიცინა მასწავლებელმა, როცა წითელ ყელსახვევს ახვევდა ბავშვებს ყელზე.

ხარობს და ლალობს ბუბა ამხანაგებში. თვლებში მზე უბრწყინავს და გულში ჩიტები უფრთხიალებს. სწავლობს წერას, კითხვას.

— მასწავლებლო, როდის მეცოდინება კარგი კითხვა?

— მალე, სულ მალე,—უპასუხებს მასწავლებელი.

— მასწავლებლო, ამ დიდ წიგნებში რა სწერია?—ეკითხება ბუბა მასწავლებელს.

მასწავლებელი იცინის.

— ეგ წიგნები ძია ლენინმა დაწერა. ძია ლენინი ჩვენი დიდი მასწავლებელია. ამ წიგნებში წერია, როგორ უნდა ავაშენოთ ახალი სოციალისტური ქვეყანა, ამ წიგნებში წერია, ბუბა, ყველაფერი, რაც ეხება ადამიანის ყოფაცხოვრებას, და იგი ყველამ უნდა ვიცოდეთ—მე, შენ და ყველა შენმა ამხანაგმა. გაიზრდები და ისწავლი...

— მერმე მთებში წავალ და ჩვენი სოფლის ქალიშვილებს ვასწავლი! —სიხარულით ამბობს ბუბა და უნდა ერთი გაკვეთილის მაგიერ ხუთი გაკვეთილი ერთად ისწავლოს.

ლელა ხშირად ჩამოჯდება განმარტოებით რომელიმე ხის ძირში და ნაღვლიანი თვალებით გასკქერის მთებს.

დაბლა ალაზნის ველია გაშლილი, მალა — კავკასიონის ქედები ცამდის მიბჯენილი, ბევრი სილამაზე და ბევრი ოცნება... და როცა ლელას ოცნება გაიტაცებს მთებისკენ, პირველ ყოვლისა, პატარა გულში ერთი დიდი სურვილი აისხამს ფრთებს: თითქოს ლელა გაკრიალებულ ავტომობილში ზის და მიქრის, მიქრის და მის წინ იშლება მშვენიერი შარა, რომელიც პირდაპირ ბარისახოში მიდის, მაგრამ უცებ ბუბა მოირბნის, ხელს წაავლებს ლელას,—და მშვენიერი ოცნება გაქრება. თვალწინ გამოეხატება მიკიბულ-მოკიბული საცალფეხო ბილიკები, რომელსაც ყოველწლიურად რამდენჯერმე წალღავს ზეავი და მეწყერი.

ბუბასა და ლელას სოფელი ბარისახოსთან ახლოს მდებარეობს. ბარისახოში აღმასკომია, ამბულატორია და სკოლა. მაგრამ არ არის ავტომობილები: ნეტა ჩვენს სოფელში არასოდეს არ მივა ავტომობილი?—ფიქრობს ლელა. და განა მართო ლელა? ბუბაც ხშირად ფიქრობს ხევისურეთის უგზოობაზე. ხანდახან კიდევ წამოსცდება ბუბას თავის ტოლ-ამხანაგებთან: ინენიერი უნდა გავხდეთ და ეს გზა უნდა მივიყვანო მამაჩემის ქერხომდეო.

ახლა ბუბას ოცნება „ხევისურეთის გზის“ შესახებ კარგა ხანია განხორციელებულია — ბარისახოში მიდის მშვენიერი გზატკეცილი.

ქახეთის ცა

მთელი ორი კვირა მზიანი დარები იდგა კახეთში. ალაზნის ველზე ახალგათხრილ არხებში გომბეშოები ბუდობდნენ. ზუზუნებდნენ კოლოები და განწარებულნი იკბინებოდნენ. გლეხები არხებს თხრიდნენ და სახე პირბადეებით დაეფარათ.

იხგრეოდა კოლოების საბუდარი.

კამეჩები ძლივს მიათრევენ ლაფში ჩაფლულ ურმებს, ბუზები მისეოდნენ და მოსვენებას არ აძლევდნენ მსხვილტანიან დინჯ პირუტყვებს. გლეხები თხრიდნენ არხებს და მძიმე ოხშივარი ასდიოდა ალაზნის ველს. მდინარე ალაზნის ნაპირებზე რამი შრიალებდა, ალაგ-ალაგ მოუხვნელ მიწაზე, ბალახებში მწყერჩიტები ფრთხილებდნენ.

ორმოებში ჩამდგარ მღერიე პატარა ტბებს მზე ახურებდა. გადახედავდით თელავიდან—და გეგონებოდათ უძრავად დგას იისფერი ზღვაო. ოზშივარი მსუბუქი ორთქლად აღიოდა ზევით, ჰაერში იფანტებოდა, და კახეთის ლურჯ ცაზე ჩნდებოდნენ თეთრი, ბამბასავით თეთრი ქულები, რომელნიც ცის გუმბათში იყინებოდნენ და წყლადქცეულნი ეშვებოდნენ დაბლა. წვიმა ეონავდა და მსუბუქი თქორით იედინებოდა ჰაერი, მდელოზეც ცვივოდა წერილი მარგალიტები.

კვამლისფერ ნისლს დაებურა გომბორის მთები და ცივი მთაც მშვიდად გახევილიყო ნისლში.

მუქი ფარდები ჩამოეშვა კავკასიონის ქედებს, გეგონებოდათ, რუხი გაცრეცილი ნარმა შემოხვევიაო თელავს.

ბავშვებს უხაროდათ ზაფხულის თქორი, ტიტველი ფეხებით დასრიანლებდნენ მდელოზე და მღეროდნენ:

„ეუფუნა წვიმა მოვიდა,
მთელი მინდორი დანამა...
დანამა, დანამა, დანამა...
ალაზნის ველი დანამა...“

მღეროდნენ და ცელქობდნენ ბავშვები. ბუბა დათვის ბელსავით დაძუნძულებდა ჩია ბავშვებში. მისი სიარული არ ჰგავდა სხვა ბავშვების სიარულს: ჯერ კიდევ ვერ შესჩვეოდა ბუბა ბარში სიარულს, მისი ფეხები თითქოს მუდამ მთების ხრამებსა და ღრანტეებს ებრძოდა. ბუბა რომ დაძუნძულებდა ბავშვებში, მასწავლებელი ხარხარებდა, საბავშვო სახლის ექიმი ქალიც გულიანად იცინოდა, ხოლო რაიკომის მდივანს უხაროდა ბუბას სირბილის ცქერა, მისი მძლავრი მუხლების მოძრაობა...—ბუბამ მთის სიმამაცე ჩამოცტანა ჩვენს ბავშვებშიო,—ამბობდა ის.

ყველას უყვარდა ბუბა.

* * *

ლელა ფანჯრის რაფაზე დაბჯენილი უმზერდა კავკასიონის დაშვებულ კალთებს. მას ისევე მთებისკენ იტაცებდა ოცნება. წვიმიანი დღე აგონებდა მთებში ნიაღვრის გრიალს და აღიდებული არაგვის ტალღების ღრიალს, ზვინისოდენა ქვებს რომ მოაგორებს ხანდახან. ბევრჯერ უნახავს არაგვი აღიდებული, წისქვილების წალეკილი სათავეები და დანგრეული ხიდები პატარა ნაკადებზე. ლელას ისე უყვარს მოლულლულე ღვარში ტიტველი ფეხებით ტყაპუნი, ქექა და ქუხილი, როგორც მზიანი მდელი და არწივის ფრთების საამური შრიალი. დღეს განსაკუთრებით აგონდებოდა ლელას მამის სახლკარი, პაწია ძმა და ბებია სანათა.

„ნეტა რატომ არ მომიკითხეს?“—უკვირდა ლელას და ბოლოს ასე დაასკვნა:—„ალბათ ჯერ ჯოყოლა არ დაბრუნებულა დუშეთიდან“. დედაც მოი-

გონა ლელამ და ბოლოს მიძესავით ორი წვეთი ცრემლი შეაცვივდა გრძელ წამწამებზე.

წვიმამ გადაიღო და ალუჩის ყვაილებივით აიფეთქა კახეთის ცა. ისევ გამოჩნდა ლურჯი გუმბათი ჩამავალი მზის სხივებში.

ლურჯი კოშკივით მოჩანდა გომბორი.

წვიმით გადარეცხილ სუფთა ქედებზე შარიშურობდა მსუბუქი ნიავი, შრიალებდნენ სველი ფოთლები და ფოთლებზე შერჩენილი წვიმის წვეთები მარგალიტებივით ცვიოდნენ მდელოზე.

ფანჯრის რაფაზე დაბჯენილი ლელა კვლავ გარინდებული ტკბებოდა ბუნების სილამაზით. ქუჩას გახედა და განცვიფრდა: შორს, ქუჩის ბოლოს თვალის მოჰკრა შუახნის ხევსურს, დინჯად მომავალს და უნებლიეთ წამოიძახა: „მამა ჯოყოლა“, მაგრამ თვალს არ უჯეროდა, სანამ ჯოყოლამ ახლოს არ ჩაუარა ფანჯარას. ახლა კი დარწმუნდა, რომ ის ხევსური მართლაც „მამა ჯოყოლა“ იყო. წინ ჯოყოლა მოდიოდა, ხევსურთა ჩვეულებისამებრ, ორი ნაბიჯით უკან მოსდევდა ცოლი. ლელა ამრეზილი და აკანკალებული გავარდა დერეფანში ბუბასთან, ხელი მოჰკიდა, გააცალკევა ამხანაგებისაგან და ყურში ჩაუჩურჩულა:

— ბუბა, მამა ჯოყოლა და დედა ხორა ჩამოვიდნენ. რა უნდა ვქნათ ახლა? ხომ მოგვეკლავს მამა! ბუბა, შევეხვეწოთ, გვაპატიონ დანაშაული... შევეხვეწოთ...

— არა, ტყუილად ფიქრობ, ლელა, მე უკან აღარ დავბრუნდები; შენც ნუ დაბრუნდები, ჩემო დაიკო, ნუ დაბრუნდები... ლელა, ორივემ მტკიცედ ვთქვათ, რომ არ გვინდა მთებში დაბრუნება. შენ ხომ ჩემი დაია ხარ! მე მინდა შენც ისწავლო ჩემთან ერთად და ნასწაველი ქალები გავხდეთ. ხომ გაიგე გუშინ რომ წაგვიკითხა მასწავლებელმა ძია ლენინის სიტყვები: „სწავლა, სწავლა და სწავლა“. შენ კი უსწავლელი დარჩები მთებში.

— არა, არ დავბრუნდები... — გაბზარული ხმით წარმოთქვა ლელამ, ისევ ფანჯრის რაფაზე გადაეყუდა და გაფითრებულმა გახედა გზას.

ხორა დიდხანს იდგა გაქვავებული რაიკომის კარებთან, ფეხზე სველი ქალამნები ეცვა თასმით შემოჰკერილი. თავსაკრავი ჩამოწოწული და მხრები სველი. კოპებშეკრული მისჩერებოდა კარებს, საიდანაც ჯოყოლა უნდა გამოსულიყო. ჯოყოლა ოთახში იდგა მაგიდასთან და რაიკომის მდივანს ელოდებოდა. ქუდსა და მხრებზე ორთქლი ასდიოდა.

მეორე ოთახიდან მარტია გამოვიდა. კარებთან უცხო ქალი რომ შენიშნა, ჰკითხა:

— თქვენ ვინა ბრძანდებით? ფშავიდან ჩამოხვედით?

— არა, —ამაყად უპასუხა ხორამ, —თუ ქართველი ხარ, უნდა იცოდეს ფშავ ვარ, თუშ, თუ ხევსური!

მარტია მიხედა: ასეთი პასუხი მხოლოდ ხევსურმა ქალებმა იციან.

— რისთვის ჩამოსულხარათ? — შეეკითხა ბოლოს მარტია.

— ჩემი შვილები უნდა წავიყვანო.

მარტია მიხვდა: ეს ქალი ბუბასა და ლელას დედა იქნებაო.

— შემობრძანდით, შემობრძანდით, მოვილაპარაკოთ, თქვენი შვილები ჩვენთან არიან.

— დიახ, ჩემი შვილები...—დინჯად წარმოთქვა ხორამ და აღარ დაფიქრებულა, გაბედული ნაბიჯით შეველა ოთახში. ჯოყოლა მაგიდასთან იჯდა. ხორა თავს წაადგა ჯოყოლას და ორი ნაბიჯით უკან გაჩერდა.

— ახლავე მოვიყვანთ თქვენს შვილებს,—ლიმილით უთხრა რაიკომის მდივანმა.

ამ დროს კარებში მარტიამ შემოალაჯა: მას ბუბა და ლელა შემოჰყვნენ, აგრეთვე მასწავლებელი და განათლების განყოფილების გამგე. ჯოყოლას ბრაზი მოერია, ფეხზე წამოიქრა და უნებლიეთ უშველებელ ხანჯალზე დაიკრა ხელი, რომელიც ფართო ღვედის ქამარზე ეკიდა და არწივივით აწურა მხრები.

— მავკლავ მაგ ლეკვებს, მავკლავ! ქალამ როგორ უნდა გაბედოს ამისთანა ამბები?—აყვირდა ჯოყოლა, ხორა მოთმინებით უმზერდა სახეგაფითრებულ ბავშვებს.

— მოკვლის ნებას არ მოგცემთ, ამხანაგო,—მტკიცედ უპასუხა მდივანმა.—ეს ბავშვები ჩვენთან მოვიდნენ და დღეს ჩვენ ვართ ამათი პატრონი. ჯოყოლა უფრო გააცეცხლდა.

— როგორ? თქვენ... მე...—დაიბნა ჯოყოლა... აღარ იცოდა ამ წამს ვის ეკუთვნოდა მისი შვილები.

— დიახ, ჩვენ,—განაგრძო განათლების განყოფილების გამგემ,—ჩვენ გავზრდით ბავშვებს, ვასწავლით და ნასწავლს დაგიბრუნებთ. ახლა წაბრძანდით შინ და მოისვენეთ, ბავშვებს ვერ გაგატანთ.

ჯოყოლას თითქოს სახეზე ცეცხლი წაეკიდაო, თვალები აუწითლდა.

— როგორ? მაშ, მე არ ვყოფილვარ ჩემი შვილების პატრონი? რად უნდა ქალას სწავლა? ცხვარი ვინ მომწყესოს, შალი ვინ მოქსოვოს, ბოსელს ვინ მოუაროს... ქალამ უნდა იმუშაოს, მზითვეი მოამზადოს, ვაეი აიჩიოს... ქალა სახლში უნდა იჯდეს. ქალამ როგორ უნდა! გაბედოს ამისთანა ამბავი? მავკლავ მაგ ლეკვებს!—თავისას გაიძახოდა ჯოყოლა და ღრიალებდა.—მავკლავ, მავკლავო.“

ბავშვები გაფითრებული მისჩერებოდნენ მშობლებს. ბუბა ცდილობდა არ დაბნეულიყო. ლელა შიშისაგან თრთოდა. ამრეზილი იდგა და ვერ გადაეწყვიტა ბუბას ჩასქიდებოდა მკლავში, თუ დედისაკენ გაეშვირა ხელი. ამ წუთში უცნაური გრძნობა ბობოქრობდა ლელას გულში. ჯოყოლას მრისხანე შეძახილი ხომ თავბრუს ახვევდა გოგონას.

— დაწყნარდი, ამხანაგო, მოვილაპარაკოთ,—მშვიდად მიმართა რაიკომის მდივანმა.

ახლა ხორა წამოდგა.

— მოლაპარაკება რა საჭიროა: ჩემი შვილები მთას უნდა წავიდნენ. ერთი ვეჯი გვყავს და ის სწავლობს. ქალას საღ სცალია სწავლისათვის, მთებში ბევრი საქმე გვაქვს გასაკეთებელი. ქალას რა უნდა სხვაგან, სახლი ხომ არ დაგვწვია!

— ეს სულ ბუბა არის დამნაშავე!— იყვირა ჯოყოლამ და ნაბიჯი გადადგა ბუბასაკენ, ყელში მომდგარი ბრაზისაგან აირია, უცებ გადაავიწყდა, რომ იგი რაიკომის მდივნის წინაშე იდგა, მაგრამ მსწრაფლ წამოვარდა ხორა და წინ გადაუდგა გაათრებულ ქმარს. ჯოყოლა დაწყნარდა და დაჯდა. ბუბას და ლელას ხუთი დამცველი ადგა თავზე და ჯოყოლა დარწმუნდა, რომ ყვირილით ვერაფერს გახდებოდა.

— დაწყნარდით, ამხანაგო!— კვლავ მიმართა რაიკომის მდივანმა ხეცსურს, — დაწყნარდით და ვკითხოთ ბუბასა და ლელას. თუ უნდათ, წამოვიდნენ თქვენთან, თუ არა და აქ დარჩებიან. აბა გოგონებო, თქვენ გადაწყვიტეთ, როგორ გირჩევიან.

— ჩვენ მაშინ გადავწყვიტეთ, როცა წამოვედით სახლიდან. ახლა უსწავლელი არ დავბრუნდებით მთებში. ჩვენ სწავლა გვინდა. მამა ჯოყოლა, სწავლა... ახლა შენ თქვი, ლელა, შენც ხომ გინდა სწავლა?

— ჰო, მეც მინდა სწავლა, — წამოილულულა ლელამ და დედას ისე მიიპყრო თვალები, თითქოს გული კვლავ მთებისკენ ეწეოდა.

— მაშ, მშობლების სიტყვა აღარ არის თქვენთვის სავალდებულო? — შეუტია ბოლოს ხორამ შვილებს.

ბუბამ ხელი სტაცა ლელას და დარცხვენილმა უსიტყვოდ შეუბრუნა ზურგი მშობლებს. ხორა გაოგნებული დააშტერდა შვილებს, — ეუცხოვა „ქალას“ ასეთი მოქცევა მამის წინაშე, წამოდგა, ორივე ხელი მიუშვია ბუბას და აღელვებულმა წარმოთქვა:

— წყეული იყავ, შე გომბეშოვ, და შენც, ლელა! არასოდეს აღარ ამოხვიდეთ მთას.

შებრუნდა ხორა კარებისაკენ და ჯოყოლაც უძლურად ხელებდაშვებული გაჰყვა ცოლს.

გარეთ უკვე ღამე იყო, წვიმის შემდეგ მოწმენდილ კრიალა ცაზე ვარსკვლავები ელავდნენ, ქუჩებში ელნათურები ლიცილიცებდნენ.

ხორა ბაღში შევიდა და გულშეწუხებული ჩამოჯდა დიდი ცაცხვის ძირში. ჯოყოლა მგზავრების მოსაძებნად წავიდა. მგზავრები თიანეთიდან იყვნენ: ჯოყოლასთან ერთად ჩამოსულიყვნენ თელავში და ამაღამ ბრუნდებოდნენ თიანეთში.

ხორა დიდხანს იჯდა გარინდებული, ლელავდა და იკრუნჩხებოდა დედის გული, შვილებს დაკარგულად თვლიდა. სოფელში თვალის გახელა რცხვენოდა. მშობლები იტყოდნენ: ქალიშვილები გაექცა სახლიდანაო. შფოთავდა ხორა. ცალკე შვილების დაკარგვას ტიროდა, ცალკე სირცხვილს ჩიოდა. ხორამ გუ-

ლი თითებით მოისრისა და უცებ ლელას სალამური მოხვდა ხელში. სალამური ლელასათვის წამოელო: იმდენად ჟუჟარდა ლელას სალამური, რომ დედასაც ვერ წარმოედგინა ლელა უსალამუროდ. გული აუდუღდა, ამოიღო სალამური და ცრემლიანი თვალებით დააშტერდა. „ეს მაინც დამეგდო ლელასათვის“, გაიფიქრა გულშემოყრილმა დედამ.

საბავშვო სახლში ბავშვების ერთიად იდგა. მხიარულობდნენ ბავშვები და ვახშისათვის ემზადებოდნენ. მხოლოდ ბუბა და ლელა იყვნენ მოწყენილნი. ბუბა დერეფანში მიმალულიყო კარის უკან, ჩუმად ტიროდა, რომ ლელას არ დაენახა. ბუბასაც უდუღდა გულში მშობლების სიყვარული. მეტად ეძნელებოდა უხმო განშორება საყვარელ დედასთან. ებრალებოდა შვილისაგან შეურაცხყოფილი მამა, მაგრამ ბუბა ხომ არ იყო დამნაშავე? „მამა ჯოყოლა, მე სწავლა მინდა...“ ახლაც ეხვეწებოდა თავის გულში მამას და ჩუმად იწმენდდა ცრემლებს. ლელა ისევ ფანჯრის რაფაზე ეყუდა და გარინდებული გაჟურება გზას, რომელზედაც ჯოყოლას და ხორას უნდა გაეგლოთ. ცრემლები დაბალუპით ჩამოსდიოდა ფერმკრთალ დაწვებზე და კანკალით მოელოდა ჯოყოლას და ხორას გამოჩენას, „მამა ქუჩაშიც ხომ არ იქნება, ნეტა, მრისხანე. იქნება დედა მადგეს ფანჯარასთან და მაშეფეროს?...“ — ფიქრობდა ლელა და დაქედლივით იდგა. უცებ შეკრთა გოგონა, პატარა გული ჩიტივით აუფრთხილდა, თავისი სალამური შოგონდა!

ლელა სალამურზე ხშირად ოცნებობდა. მისი სალამური ვერცხლის რგოლით იყო შემოსალტული. ეს ბებიას სანათამ აჩუქა. ბებიას კი მზითვეში მოჰყვა, როგორც მწყემსი ქალის უძვირფასესი ნივთი. ეს სალამური მთელ თავის სიცოცხლეში დაკეტილ სკივრში ჰქონდა ბებიას სანათას შენახული. გათხოვების შემდეგ მწყემსობას თავი დაანება და მის თითებში სალამურის მაგიერ წინდისჩხირები იყო მუდამ განხიროლი. ორი წლის წინათ გახსნა ბებიას სანათამ თავისი საიდუმლო სკივრი, სადაც სხვა ნივთებიც ჰქონდა შენახული — ხევსურთა უძველესი ცხოვრების სახსოვარი. მან ამოიღო სკივრიდან თავისი ბავშვობის საყვარელი სალამური და უთხრა ლელას:

— შენთვის მიჩუქნია ეს სალამური, ლელა, რადგან ამქვეყნად უფრო შენ მიყვარხარ.

ამ ფიქრში იყო გართული, რომ უცებ თვალი მოჰკრა ხორას, რომელიც ბაღში იჯდა და ელექტრონის შუქი უნათებდა დაღონებულ სახეს. მთელი არსებით ათრთოლდა ლელა. რაღაც საშინელმა ციემა ქრუანტელმა დაურბინა მთელ სხეულში.

თითქოს ვილაცამ ხელი წაავლო, აიწია და ფანჯარაში გადახტა, ბაღის კარები გაირბინა და დიდი ხისკენ გაიქცა.

— დედა! — შეჰკივლა ლელამ და გულში ჩაეკრა.

მთვარე ფოთლებში ამოიფერცხლა.

ლელა, ხორა და ჯოყოლა მგზავრებთან ერთად გაუდგნენ გზას მთისაკენ. ხორა ჩუმად ბუტბუტებდა ლოცვის სიტყვებს. ვილაცამს მადლობას უძღვ.

ნადა, რომ ერთი შვილი მაინც დაუბრუნა ოჯახს. ვარსკვლავით კაშკაშებდა ლელას თვალები. პატარა მკერდით აწვებოდა აღმართს და გული სიხარულით ევსებოდა, რომ ხვალ ნახავდა აპარეკას, ბებია სანათას და თავის ქორთა ბატკნებს. დედა ცხვარს ზურგზე შეახტებოდა და აპყვებოდა მწყემსი გოგონების რიალს. მხოლოდ ერთი რამ აწუხებდა ახლა. მისი ფოლაქებიანი ქუქუმოები, შალის პერანგი, წინდები და ახალი ქალამნები რომ დარჩა თელავში და ახლა მთებისათვის უჩვეულო ტანისამოსით ბრუნდებოდა შინ—ქიშმირის კაბით, ფეხსაცმლით და წითელი ყელსახვევით. კიდევ კარგი, რომ წითელი ყელსახვევის ქვეშ ფლარაფულები მაინც შერჩა კისერზე.

ახლა აღარ აწუხებდა ლელას ნატვრა,—ამ გზაზე პრიალა ავტომობილით გამოეგლო. სრულიად აღარ ფიქრობდა თელაველ ამხანაგებზე. აღიოდა ზევით, ზევით, ციკაბო კლდეებზე და ჩიტივით მსუბუქი და თავისუფალი ხდებოდა ლელას გული.

ბუბა დაღვრემილი იდგა იმავე ფანჯარასთან, საიდანაც ლელა გადმოხტა, ბუბას დარდი უდაგავდა გულს. ახლა იმაზე წუხდა, რომ მასწავლებელი არ გაეცა „შერცხენილ“ ლელას და არ გაემხილა წერილის ამბავი.

ლელას წერილი ბუბას

ჩქარა გაიარა ზაფხულმა მთებში. ფერი ეცვალა მინდვრებს. დამუქდა ქალები. არაგვი დაიწმინდა, დაპატარავდა, ბროლივით გამჟვირვალე გახდა და მეორე მთვარე გამოჩნდა მის ფსკერზე.

აქა-იქ ქერის ნაყანევი ყვითელი ატლასივით ეფრინა სერებს.

მზეს სითბო აკლდებოდა და ქადრის ყვითელ ფოთლებს ნაპრალებისაკენ მიაქროლებდა ქარი. ტყეებს ყვითელი ფარჩა შემოსწევოდა და კუნელებზე შერჩენილი ფოთლები ოდნავ ირხეოდნენ. ციკაბო კლდეებზე ფრთებდაშვებული ისხდნენ არწივები და ცეცხლივით თვალებს აბრიალებდნენ ჩამავალ მზეზე.

ჯოყოლა კვირიდან კვირამდე აღარ ჩანდა სახლში, მონადირეებს მიჰყვებოდა, ჯიხესა და არჩვზე ნადირობდა. ხანდახან მგელსაც მოჰკლავდნენ მონადირეები, ირემსაც წააწყდებოდნენ, დაბობლავდნენ მიუვალ კლდეებში, ნაპრალებში, დაეხეტებოდნენ ორწოხებში.

მოხუცი სანათა ლოცულობდა სანადიროდ წასული შვილისათვის, რომ მშვიდობით დაბრუნებოდა შვილი, ბლომად მოეტანა ჯიხვის მარილიანი ხორცი და მელიების ძვირფასი ბეწვეული. ხორა ზამთრისათვის ემზადებოდა, ქერის ძნებს ზვინავდა, ნაყანევი ხმელ ბალახს აგროვებდა და ზამთრისათვის ინახავდა, ტყის ხილს ეძებდა. შინდისა და მოცვისათვის დაეხეტებოდა ათი კილომეტრის სიშორეზე მეზობლის ქალებთან ერთად. მცენარეების ფოთლებს, ტყის ყვავილებსა და ძირტკბილას აგროვებდა წამლისათვის. მრავალძარღვას კრეფდა დამწვარი ფეხისათვის ან ხელისათვის.

გრძელი ზამთრისათვის ემზადებოდა ჯოყოლას ოჯახი. აპარეკა სკოლაში

დადიოდა... ახლა მარტო ლელა მწყემსავედა ცხვრებსა და ძროხებს. ახლა ბუბას საქმეც ლელას აწვა კისერზე. ლელას ხასიათი გამოეცვალა. აღარ მზიარულობდა, წინანდებურად აღარ თამაშობდა გოგონებში. ვერ ივიწყებდა საყვარელ დაიას—ბუბას და წყაროსავით ჩამოსდიოდა თვალბეჭე ცრემლები. მაგრამ ოჯახში ვერ ახსენებდა ბუბას სახელს. ბუბას უკვე ამორიცხულად თელიდნენ ჯოყოლას ოჯახიდან. ლელა როცა ცხვრებსა და ძროხებს გარეკავდა საბალახოზე, ჩამოჯდებოდა ხის ძირში და ხანდახან მთელი დღე აკენესებდა სალამურს, სალამური ტიროდა ისე, როგორც ლელას პატარა გული. სალამურის კენესაში მუდამ ბუბას სახელი მოისმოდა: „ბუბა... ბუ-ბა-ა“... და კეთილი გოგონა ხშირად წარმოიდგენდა, თითქოს ბუბას ესმოდა მისი სალამურის ტკბილი ძახილი, და ჰა, ბუბა მოჰყვებოდა-ციცაბო კლდეების ბილიკს, ამოდიოდა ხეებიდან ზევით, ზევით და უახლოვდებოდა ლელას. ენატრებოდა დაია, სიტყვებს აწყობდა ლელა და იზეპირებდა. ეხვეწებოდა აპარეკას: ჩუმიად დაეწერა წერილი და მიეცა მასწავლებლისათვის ბუბასთან გასაგზავნად.

ბუბას ტყუილად ეგონა ლელა გასცემდა მასწავლებელს. ლელამაც გამოიჩინა ხევისური ქალის სიმტკიცე და მასწავლებლის შესახებ ერთი სიტყვაც არ უთქვამს. დიდი ხეწნის შემდეგ აპარეკა დაეთანხმა ლელას და როცა ხორა ქსელს მიუჯდა, ბავშვები ჩამოსხდნენ გრძელ ტახტზე და შეუდგნენ წერილის წერას.

აპარეკა წერდა წერილს.

ლელა უკარნახებდა:

„წერილსა მაგწერ ბუბასა,
ჩიტს გამოვებამ ფრთასაო,
მაგიკითხავ და გაკოცებ
ჩემს საყვარელსა დასაო.
უშენოდ ყოფნა ნაწყინდა,
აღარ ვახტები ცხვარსაო,
მთას შემოდგომა აყვითლდა,
ფოთლები მიიქვს ქარსაო.
ნეტა შინ ამახვილოდე,
გაგიხსნი გულის კარსაო...
ბუბა, დაია, მამწერე,
რა ნახე კარგი ბარსაო.“

ბუბას პასუხი ლელას

ბუბა ჯერ კიდევ არ იყო გამორკვეული ზაფხულის სანახაობიდან. მის მუხსიერებაში მიგრიალებდნენ მატარებლები, მიკიოდნენ ორთქლმავლები, მიბ-

ლაოდნენ ავტომობილები, მისრიალებდნენ ტრამვაის ვაგონები, რეკდნენ სად-
გურები... იშლებოდა თბილისის ქუჩები ათასნაირი ხალხით, ათასნაირი ვიტ-
რინით, თეატრებით, კინოებით, კლუბებით, ესტრადებით, ორკესტრებით, ქარ-
ხნებით, სამკერვალოებით, ფართო ქუჩებით... და ვინ მოთვლის კიდევ რამ-
დენი რამ აგონდებოდა ბუბას. განსაკუთრებით მოეწონა ბორჯომის შუშის ქარ-
ხანა. ზღაპრული სილამაზით ეხატებოდა ცუროს სიმსხო გრძელ სასულე რკი-
ნებზე წამოცმული ცეცხლის პატარა ბუშტები, უცებ რომ იბერებოდნენ, ცეცხ-
ლის ბოთლებად მიქროდნენ ხელიდან ხელში. მრავალ სანახავზე ფიქრობდა
ბუბა. როცა ლელას წერილი მიიღო, სიხარულის ცრემლებით დაენამა ბუ-
ბას წამწამები. ყველა ამხანაგს წაუკითხა წერილი. მასწავლებელსაც წააკითხა
და გულში ჩაიკრა. ყოველ საღამოს ძილის წინ გაშლის ბუბა აპარეკას რვე-
ულიდან ამოფხრეწილ ქალაღზე დაწერილ წერილს და კითხულობს:

„ბუბა, დაია, მამწერე,
რა ნახე კარგი ბარსაო.“

გული დაწყდა ბუბას, მისმა საყვარელმა დაიამ ვერ ნახა ის, რაც თვი-
თონ ნახა ზაფხულის ექსკურსიებზე. და უფრო აუჩუყდა გული: მიხვდა, რომ
წერილი აპარეკას ხელით იყო ნაწერი. „ლელას ვინ მოაკლის სწავლისათვის“, —
გაიფიქრა და დიდი ხნის ღუმელის შემდეგ დაჯდა და დაწერა საპასუხო წერილი:

„მივიღე ლელას წერილი,
გულმა დამიწყო ძგერაო.
მე ამ წერილში მამესმა
ნაკადულების ჩქერაო.
მამესმა ირმის ბლავილი,
ბარად ჩამოაქვს ზეავსაო...
ნეტავი შენი ტკბილი ხმა
ჩემკენ მაჰქონდეს ქარსაო,
გისურვებ ახალ ცხოვრებას,
მთაც გაუღებდეს კარსაო.
გნახავდე სკოლის დაფასთან
პირმცინარს ლელა-ქალსაო.
იმღერე პიონერულად,
გვერდს მისევამდე ძმასაო,
ერთოდე ლექსებს ტკბილხმიანს:
მთები გაძლევედეს ბანსაო,
გოგო-ბიჭები მწყემსაედეთ
კოლექტივების ცხვარსაო!“

ბუბასაგან წერილის მიღების შემდეგ დღე და დამ ფიქრობდა ლელა სკოლაში შესვლაზე და ელოდებოდა — როდის გადირეკდა ნისლს და ბურუსს ჯოჯოლას თვალები. ევედრებოდა დედას, „ლელასაც უნდა სწავლაიო“.

სალამოს, როცა უფროსები ოჯახში შეიკრიბებიან, ლელა განმარტოვდება ბანზე და სევდიანად არაკრავებს საყვარელ სალამურს, უმზერს მთვარეს და უხარია ცაზე ხომლის დანახვა, მეგობრებსავეთ რომ ზის ერთად შვიდი ვარსკვლავი. თვალებზე მსუბუქი რული ეკიდება და სიზმარში ხედავს ბუბას, რომელიც წინანდებურად ჩაცმული, მხარზე დიდი კომბლით, უახლოვდება სახლს, სიცილით გადმოიღებს მხრიდან კომბალს, ესერის ლელას და ლელა შეხტება...

სიზმარი გაქრება.

ღედა ხორა დადგომია თავზე და აღვიძებს: შემოდი, ლოგინზე დაიძინეო. ლელა დაბარბაცებული წამოდგება, თვალებს ამოიფშენეტს... ისევ მთვარე და ვარსკვლავები დაჰქაბათებებს ქვეყანას.

* * *

„აი, რა შეძლებია ბოლშევიკურ შეუპოვრობას,“ — ფიქრობდა მასწავლებელი, როცა მოწინავე ხევისურები თავისით ჰკიდებდნენ წითელ დროშებს სკოლისა და საექიმო პუნქტის კარებზე და თავის ხელით აკრავდნენ ახალ ლოზუნგებს კედლებზე:

„სინათლე... სინათლე... სინათლე...“ — რეკდა სკოლის წკრიალა ზარი, დერეფნის კერში ჩამოკიდებული.

„ტრა-ტა-ტა-ტა“! — გასძახოდა პიონერების განგაში უდაბურ მთაგორებს.

მესამე სასწავლო წელი იწყებოდა.

აგერ სკოლის წინ ხევისურები მოგროვილან. მსჯელობენ და მასლაათობენ მორიგ საქმეებზე: ყაზბეგში ანდუზიტის აღმოჩენაზე, ნარზანის სარგებლიანობაზე, კოლექტიურ მესაქონლეობაზე... ექიმი თავისას ლაპარაკობს, ის აცნობს საზოგადოებას, ჩქარა დამთავრდება საავადმყოფოო. აგერ ახალგაზრდა ხევისურმა განაცხადა, დღუშეთის გზა ერთი კილომეტრის მანძილზე გვიახლოვდებაო. სკოლის დირექტორი ლაპარაკობს, თუ რამდენი ფული გადადო მთავრობამ მთებში კულტურული ცხოვრების მოსაწყობად.

საკითხია დასმული:

გოგონებმაც უნდა ისწავლონ სკოლაშიო.

რამდენიმე დაინტერესებული ქალიც მოსულა კრებაზე და შორიდან უგდებს ყურს მამაკაცების მსჯელობას. აგერ მოშორებით ხორაც ატუხულა კედელთან.

— რაო, რას ბრძანებთ თქვენ, მამუკა? — ეკითხება მასწავლებელი მოხუც ხევისურს.

— იმას მოგახსენებდით, ოჯახი დაგვენგრევა-მეთქი, თქვენმა მზემ, თუ ყველა ქალამ მოინდომა სწავლაი, ოჯახში აღარაფერ გერჩება. მამილას მზემ. მოხუცებულებს მუხლები გელალატობს და ვინლა მიხედავს-მეთქი საქონელს.

— ჰა, მეც ამას ვამბობდი, სხვას არაფერს,—განაგრძო მამუქას სიტყვა აღუდამ, ქვაზე ჩამოგდარმა, გამოიღო ჩიბუხი პირიდან და ხელისგულზე დაიბერტყა.

საკვირველია, ზოგიერთი ხევსური წინანდებურად აღარ ცხარობდა, ახლა უფრო შეგნებულად მსჯელობდნენ ქალიშვილების სწავლაზე. ზოგიერთებს ვაგებიც არ შეეყვანათ სკოლაში, სულ თორმეტი ბიჭი სწავლობდა და თორმეტივეს წითელი ყელსახვევი ჰქონდა. ახლა სკოლის ზევით გორაზე ასულიყვნენ და იქიდან ტეხდნენ განგაშს—კრებაზე ეძახდნენ დიდს და პატარას—ყველას... ყველას...

— მეც შამომყავს ჩემი მზია სკოლაში, მასწავლებლო,—განაცხადა ჯოყოლას ბიძაშვილმა გულჯამ, რომელიც დღეს თავისი ხელით აკრავდა ახალ ლოზუნგებს კედლებზე.

უფროსი ექიმი ლეო სიამოვნებით უმზერდა შეგროვილ ხევსურებს, რომლებიც ახალგაზრდობის სწავლის აუცილებლობის შესახებ საუბრობდნენ.

მასწავლებელი განაგრძობდა შეკითხვებს.

ჯოყოლამ თვალები მოიფშენიბა, წამწამებზე შემოღამებული ნისლი ჩამოიბერტყა და ერთ წამს თავი ჩალუნა.

— აბა, ბრძანე, ჯოყოლა, რა აზრისა ხარ, ბრძანე, შენი ქალიშვილი შემოგყავს სკოლაში თუ არა?—უკანასკნელად შეეკითხა მასწავლებელი ჯოყოლას.

ჯოყოლამ ცალი თვალი გადაჰკრა მეზობლებს და ყველასათვის მოულოდნელად წარმოთქვა:

— შამომყავს, მასწავლებლო, რა ვქნა, ქალასაც უნდა თურმე სწავლა ი, მარტო ლელაი ხომ არ დარჩება უსწავლელი?!



ბუბას სახლიდან წასვლის შემდეგ გავიდა ორი წელი. დადგა ისევ ზაფხული: ხევსურეთის ცის ქვეშ ახალი ცხოვრება გაიშალა: საავტომობილო გზატკეცილი მიაღდა ბარისახოს, საავადმყოფო გაიხსნა, ბიბლიოთეკა მოეწყო, კანოთეატრი გაიმართა, მოვიდა მედიკამენტებით, წიგნებით და კინოსურათებით დატვირთული მანქანები, გამოჩნდნენ ექიმი ქალები და ბიბლიოთეკაში მომუშავე ქალები. ხევსურები დაეწაფნენ ახალ კულტურულ ცხოვრებას.

ჯოყოლამ მიმოიხედა გარშემო, ახალი ცხოვრების შუქმა მიანათა „არწივინ ბუდეებს შორის“ მცხოვრებ ხევსურის თვალს.

მზე ჩადიოდა მთებს გადაღმა. ჯოყოლა დაფიქრებული გადაჰყურებდა ერდოდან. აგონდებოდა ბუბას შინ ყოფნის უკანასკნელი საღამო. მამა ვერ

შერიგებოდა ბუბას ოჯახიდან წასვლას. მრისხანე მთიელის გულში სათნოება დასადგურდა. „ქოყანა გამოიცვალა,—ფიქრობდა ჯოყოლა,—ბევრი ნასწავლი ქალი მოვიდა ხევისურეთში, ალბათ ჩემს საწყალ ყოტსაც სწავლაი უნდოდა!“

გასცქეროდა ჯოყოლა ჩამავალ მზეს. შეღამების მოლიბრო ბინდბუნდში თითქოს ბუბას ხმა მოესმოდა: „აუუ... ჰო-ჰო-ჰო!“ ცრემლი არ სჩვეოდა ხევისურის თვალს, მაგრამ ჯოყოლას გულში ამ საღამოს რალაც ცრემლივით ფოფინებდა. შეილის დანაშაული თითქოს თავის თავზე გადმოჰქონდა მამას. მწვავედ გრძობდა ოჯახში შექმნილ დანაკლისს. ორი წელიწადია ხორას წარბი არ უნახავს გახსნილი ჯოყოლას. მოხუცი სანათა მუნჯივით იჯდა ფეხმორთხმული და ჩერიის ბზრიალას აყოლებდა გულს, ცხვრები უნდა გაერეკა საძოვრებზე და ახლა ეგ აღონებდა მამას. იცოდა ბუბას ძლიერ უყვარდა მთების იალაღები.

იღგა ჯოყოლა ერდოზე დაფიქრებული და რალაცას სწყვეტდა თავის გულში.

* *

ჯოყოლა ჩავიდა თელავში, რაიკომში შევიდა დინჯი ხევისური, მორცხვად შედგა კარებში და მდაბლად დაუკრა თავი რაიკომის მდივანს. რაიკომის მდივანმა მაშინვე იცნო ბუბას მამა.

— უთუოდ შეილის სანახავად ჩამობრძანდებოდით მთიდან,—ლიმილით მიაგება სიტყვა მდივანმა.

ჯოყოლამ წარბები შეარხია, სახე ჩამოიწმინდა ზოლებიანი ფართო ცვირსახოციით და დინჯად თქვა: — რა ექნა, ბატონო, მამა ვარ... მამა ხან შერისხავს შეილს და ხან შეიცოდებს. ასე ყოფილა, ბატონო, მშობლის გული.

— მართალი ბრძანდებით, ამხანაგო ჯოყოლა,—სიცილით თქვა რაიკომის მდივანმა,—მაგრამ ახლა რას ფიქრობ?

— რას იფიქრებს, ბატონო, მამა, მთის იალაღები უყვარს ბუბას და საზაფხულოდ წავიყვან-მეთქი, თუ თქვენი ნება იქნება.

— მერე?

— მერე ჩამოვიყვან, თქვენმა ლხენამ, რა ექნა, ქოყანა გამოიცვალა... ამბობენ ქალასაც უნდაო სწავლაი. ახლა ცხვარი უნდა გაერეკოთ საძოვრებზე.

— ძალიან კარგად გიფიქრია, ნამდვილ მამას რომ შეფერის,—მოიწონა რაიკომის მდივანმა ჯოყოლას გადაწყვეტილებამ.

მეორე დილით სიხარულით ფრთაშესხმული მისდევდა ბუბა მამას შინისაკენ. თვალწინ ეხატებოდა მშობლიური საყვარელი ოჯახი, მთების მობიბინე იალაღები.

მარდისფერი სახლი

დილის მზემ ვარდისფერ სახლს შეინათა.

მსუბუქმა ნიავემა ყვავილები შეაერთო და მაღალი ცაცხვის ფოთლები ააშრიალა. მეორე სართულის ღია თანჯრებს ცისფერი შუქი მოეფინა.

ლურჯი დილის სილამაზეში გამოედგოდა ესმას, ლოგინზე წამოჯდა, თვლებში ხელი ამოისვა და მიმოიხედა. წუხელ ღამით მოიყვანეს აქ ეს გოგონა. ამ დილით ყველაფერს ინტერესით უცქეროდა. უმალ თანჯარაში გაიხედა. თვალი წარსტაცა მშვენიერი აგარაკის მღებარეობამ. დაბლა სართულს ჩახედა. ჯერ არავის არ ედგოდა. მხოლოდ ბორია კროტკოვი დადიოდა ყვავილებით სავსე ეზოში. ალბათ იმ დღეს ეს ბიჭი იყო მორიგე. მასზე უფრო დიდი „ბურკა“ ეპირა ხელში ჯაჭვით, დასაბმელად მიჰყავდა. ძალი მორჩილად მიჰყვებოდა პატარა პატრონს.

ესმას ოთახში კიდევ სამი საწოლი იდგა ნიკელით მოპირკეთებული და ლამაზად დაუთოვებული თეთრეულით. ერთ ლოგინზე სიმა კრივლიაკოვა იწვა, ესმაზე უფრო დიდი გოგო—ქერა, ხუკუკთმიანი, მეორეზე—სედა, ჩამკერივებული, ლოყაწითელი თექვსმეტი წლის ქალიშვილი, მესამეზე—შაეყვითელა გოგონა, ესმაზე პატარა. ისიც-მგონი ამ დღეებში მოსულიყო აქ.

ნეტავ სადაურია?—გაიფიქრა ესმამ. შაეყვითელა გოგონამ თავი წამოყო ლოგინიდან, ესმას დააკვირდა სახეზე და ჰკითხა:

— შენ წუხელ ღამე მოდი? დიდხანს დარჩები ჩვენთან?

სიმა კრივლიაკოვამ ლალად გაიზმორა და ღიმილით გადმოხედა უმცროსებს:

— შენ, აზერბაიჯანელი თაგვო, რად იღვიძებ ასე ადრე?

— მე თაგვი არა ვარ, მე ხალა ვარ,—თქვა პატარამ სიცილით და ესმას შეხედა, თითქოს ეუბნებოდა:

— ჰა, გაიგე, მე ხალა მქვია. შენ, შენ, რა გქვია სახელი!

— ესმა,—ჩუმად წაიჩურჩულა ახლადმოსულმა.

სელა ზანტად გადაბრუნდა ლოგინზე და ისევ ჩარგო თავი ბალიშში. ათი წელიწადი ამ ბალიშზე და ამ ლოგინზე ეძინა სელას. დღეს სამუდამოდ უნდა მიეტოვებინა ბავშვობის თბილი ლოგინი.

სიმა კრივლიაკოვამ ისევ ღიმილით გაუმეორა შავყვითელა გოგონას:

— ხალა, თუ ასე იხმაურებ ყოველდღე დილაადრიან, იცოდე ჩვენი ოთახიდან გაგაძევენ.

ხალა აკისკისდა. მხიარულმა გოგონამ ღია ფანჯარას მიაშვირა ხელი და წამოიძახა:

— მერცხლებმა დიდი ხანია გაიღვიძეს. ზორია კროტკოვმა დიდი „ბურკა“ დააბა, ანძაზე დროშა ასწია, აი, გაიხედეთ, დირექტორი მანქანაში ჯდება, ალბათ ქალაქში მიდის.

ბავშვები ერთ ენაზე ლაპარაკობდნენ.

ესმას ეჩქარებოდა იმ გოგონების ვაცნობა, რომლებიც მეორე ოთახში იწვნენ. პატარა ხალამ ჩამოუთვალა იმათი გვარები, არც ერთი ქართველი არ აღმოჩნდა. დალონდა ესმა, ფანჯარას აეტრუნა და გარეთ დაიწყო ცქერა.

ვარდისფერი სახლის ირგვლივ დიდი ბღია, ერთ მხარეს ჩახრამული. იქ, ანძის წინ ხაზია გაეღებულა. ის ბავშვების დასათვალისწინებელი ადგილია. ზაფხულია, დასვენების თვეა, ბავშვები მხოლოდ სადამოშობით იკრიბებიან ხაზზე. ხაზს იქით ფართო მინდორი სასპორტოდ არის განკუთვნილი. დიდრონ ბოძებზე რგოლები და საქანელები ჰკიდია. ცოტა იქით თოკებია გამართული, ბადებია გაქიმული. კიდევ ზევით ფეხბურთის სათამაშო ფართობია. ეს ყველაფერი ახალგაზრდობისათვის იწვევდა ესმას.

ახლა ესმამ მეორე ფანჯრიდან გადაიხედა. მწვანით მოხავერდებული ეზოა, მაღალი ხეებით, ქუჩის პირამდე გაწეული. ჩახრამულთან სამი პატარა ცხვარი სძოვდა ბალახს, ცხვრები კრივლიაკოვას და კროტკოვის თხოვნით მოიყვანა დირექტორმა. თივის ზვინებთან გრძელი თოკით წაბლა იყო მიბმული, მას რძით სავსე ცურები ჩამოსტიროდა. ჩქარა მწველავი უნდა მოსულყო. ხალა ცხელ რძეს ელოდებოდა საუზმეზე. სიმამ ლოგინი გაასწორა და ცხვრებთან გაიქცა. ცხვრების მოვლა სიმამ იკისრა, ძროხის—ზორიამ. გოგონამ ხელი გადაუსვა ცხვრებს, მატყლი მოსინჯა. „ხვალ გაგვრეკე ჩემს ბატკნებს,— გაიფიქრა სიმამ,—მათი გაკრეკის დრო დადგა. მატყლით ძაფს დავართავ, ხალას პატარა ფეხზე თბილ წინდებს ჩავაცმევ ზამთარში. ერთ წყვილს კროტკოვს მოვუქსოვ, ჩემთვისაც... სწავლის დაწყებამდე მოვასწრებ წინდების მოქსოვას. მოვასწრებ...“

სიმა ახლა კროტკოვთან გაიქცა. წაბლას კისერზე მოეხვია და ნაზად წარმოთქვა რუსი სოფლელი ქალების საყვარელი ლექსი: „მუუ... კორეუშკა მაია...“ სიმა კრივლიაკოვას და კროტკოვს გადაწყვეტილი აქვთ საბოლოოდ სოფელში დარჩენენ, კოლექტივში შევიდნენ და მეურნეობას მოჰკიდონ ხელი. „ბოსტანი, ყანა, ტყე და ყვავილნარი... თბილი მიწა და ლურჯი ცა“... მათი

აზრით უკეთესი ცხოვრება არსად არ მოიპოვება სოფლის გარეშე.

წელს კურსდამთავრებულები საფაბრიკო-საქარბნო სასწავლებელში აპირებდნენ შესვლას. მხოლოდ სედა უნდა გაეგზავნათ კონსერვატორიაში. ამიტომ წავიდა ამ დილით დირექტორი ქალაქში. პიონერაზმეულის ხელმძღვანელი ფედია კოვალენკო გუშინ გაგზავნეს მეზღვაურების სკოლაში.

როცა სიმა და ბორია ბაღში ძროხასთან და ცხვრებთან ტრიალებდნენ, ესმა ისევ თანჯარასთან იდგა, ხალა ბაღში დაცქრიალებდა, სარწყავი იქირა ხელში და ყვავილებს წყალს აპკურებდა.

სედამ ლოგინი გაასწორა და ესმას მიუბრუნდა:

— რად დაღონებულხარ, დაიკო, მშობლები არა გყავს? უპატრონო ხარ? არა, უპატრონო არა ხარ! ჩვენ ყველაზე კარგი პატრონი გყავს. ჩვენ მთავრობა გვზრდის. რა გაღონებს? ჩვენ ყველანი დები და ძმები ვართ... რამდენი სიხარულია ჩვენს სახლში... ამ დღეებში ექსკურსიაზე მიემგზავრებიან ბავშვები. იქნები ქვიანი და კარგი, ყველგან გზა ფართო გექნება... მე კონსერვატორიაში მგზავნიან. ჩვენზე კარგი პატრონი არავის არ ჰყავს... ეს წინდები რატომ ჩაგიცვამს. ფეხზე ტყაპუკები გეყოფა. ზაფხულია. სარაფანი არა გაქვს? ჩქარა შეგიკერავენ. რა თეთრი და უსუსური წვივები გაქვს, ჩქარა გაჯანსაღდები და ასეთი-წვივები გექნება შენც... (სედამ მზით გარუჯული სპილენძისფერი წვივები მიუშვარა ესმას)— აგარაკის ნზემ სიშავე იცის, აგარაკის თოვლია სიჯანსაღე. ამიტომ ააშენეს ჩვენი სახლი აგარაკზე, რომ სუფთაა ჰაერზე გაეზარდოთ, ჯანმრთელები გაეხდეთ. ეს ყველაფერი მთავრობამ გააკეთა ჩვენთვის. ჩვენ მთავრობა გვზრდის. *

სედამ სიმურა დაიწყო. ესმა უცებ გამხიარულდა. გოგონები მხიარულად ჩაცქრილდნენ კიბეზე. ბორია კროტკოვმა საყვირო გაანხიანა და ბავშვები ერთმანეთს მოგროვდნენ სასაუბრე დარბაზში. მარტო ხალა დადიოდა ისევ ყვავილებში სარწყავით. როცა სუფრაზე თბილი შექამანდი შემოიტანეს, ეზოდან საშინელი წივილი მოისმა. ბავშვები ჩქარა წამოხტნენ სუფრიდან და გაფარდნენ კარში. ეს ხალა წიოდა. ყვავილებიდან ბზიკი წამოფრინდა და სველი შხეფებით გაბრაზებულ ლოყაზე მივარდა ხალას. მწკავება ბზიკის ნაკბენი. ხალა ხელს ისვამდა გაწითლებულ ლოყაზე და ცრემლები ჩამოსდიოდა. სედამ ხელი მოხვია ბავშვს და საექიმო ოთახში წაიყვანა. აგერ ექიმიც მოიჩქაროდა, ესმაც თან მისდევდა ხალას, სუფთა ცხვირსახოციც ცრემლებს უწმენდდა, ეფერებოდა.

სიმა კრივლიაკოვამ უკმაყოფილოდ წაილაპარაკა:

— მაგ ცინდალს დისციპლინა არ ესმის. დროზე რომ მოსულყო საუბრეზე, ეგ არ დაემართებოდა. დისციპლინა არ არსებობს ამ თავისათვის. ბავშვები ისევ მოუსხდნენ სუფრას.

როცა ესმა და ხალა დამშვიდებული თავიანთ კერძს შეექცეოდნენ, სედამ ნივთები ჩაალაგა ჩემოდანში. მანქანა ეზოში იდგა. დირექტორი კაბინეტ-

ში რაღაცას აკეთებდა. სედა ბედნიერების გზაზე მიეშურებოდა. ბრწყინვალე მომავალი მოელოდა მომღერალ ქალიშვილს, მაგრამ... სედას ჩუმი ცრემლები უსველებდა გრძელსა და ხშირ წამწამებს. ვარდისფერი სახლის ირგვლივ ყველაფერი თბილი და ნომბლიური სახით ეხატებოდა. ახლა საბოლოოდ ტოვებდა თბილი კუთხის მშობლიურ კალთას. შორს გზაზე მიეშურებოდა. მოსკოვში მზად იყო მისთვის სტუდენტების საერთო საცხოვრებელში ბინა. კონსერვატორიის კარი ღია იყო მისთვის, დირექტორს უკვე მოეგვარებინა ყველაფერი. „იყავი კარგი და ყოველი მხრიდან მზე გაგიცინებს ჩვენს ქვეყანაში.“ მზე უცინოდა სედას. გული კი ეკუმშებოდა. მისი ტოლი ბავშვები ქალაქში მიემგზავრებოდნენ სწავლისათვის და საძუშაოდ. უმცროსები აქ რჩებოდნენ. ყველაზე პატარა ხალა იყო, რომელსაც დასაევით უვლიდა სედა, „ჩემს დედოფალს“ ეძახდა, ებრალებოდა. სიმა კრივლიაკოვა ხშირად უწყვებოდა ხალას. სედა ყოველთვის მფარველის კალთას აფარებდა მართლაც თავისოდენა გოგოს. სედას ცრემლები ჩამოუგორდა სახეზე. ამ დროს ესმა შემოვიდა ოთახში.

— ესმა, — ტკბილი ხმით მიმართა სედამ შემოსულს, — დღეიდან ხალას შენ გაბარებ. არავეინ დაუშაოს რაიმე. შენ უფროსი ხარ, უფროსმა უმცროსს უნდა მოუაროს. ხალას ჩახრამულეებში უყვარს ხეტიალი, ჭებედე, არ გადაიჩეხოს. იყავი კარგი. ნუ გეშინია, უპატრონო არა ხარ!

ესმამ თავი ჩალუნა. ხმაწაღლა ტირილი მოუხდა. დილიდანვე სედა იქცევდა მის გულისყურს და... ახლა ის უკვე მიდიოდა ვარდისფერი სახლიდან... ის არასოდეს აღარ დაბრუნდებოდა აქ.

საუზმის შემდეგ ბორია კროტკოვმა ისევ გაახშიანა საყვირი. ბავშვები ხაზზე დადგნენ. ესმა და ხალა ანძის გასწვრივ გაჩერდნენ. დროშის იქით ჯგუფად იდგნენ მასწავლებლები და აღმზრდელები. ეს შეკრება წამსვლელი ამხანაგების პატივსაცემად იყო მოწვეული.

დირექტორმა გამოსამშვიდობებელი სიტყვა უთხრა ახალგაზრდებს. თორმეტამდე ახალგაზრდა სათითაოდ კოცნიდა აღმზრდელებს და უმცროს ამხანაგებს. ეთხოვებოდნენ ვარდისფერ სახლს. სედამ უკანასკნელად ჰალარა მასწავლებელი ქალი გადაკოცნა. ახლა კი ველარ დამალა სედამ ცრემლი. იწმენდდა თვალებს, მაგრამ მაინც მოგორავდა წამწამებზე ცრემლები. ხალა ესმას მიჰკეროდა და ხმაწაღლა ტიროდა.

— სედა, გვიმღერე გამგზავრების წინ! — ღიმილით მიმართა დირექტორმა სედას. სედამ თვალები მოიწმინდა და გაისმა მომღერალი ქალიშვილის წკრიალა ხმა... სედა ნელ-ნელა დაშორდა ვარდისფერ სახლს...

კიდევ რამდენ უპატრონო ბავშვს აღზრდის ვარდისფერი სახლი და აღამიანის უფლებით შემოსილი ახალგაზრდები მადლობით შეუდგებიან ახალ ცხოვრებას.

სიხარული დაუბრუნდა

რუსუდანი მხიარულად გამოვიდა სკოლიდან, ფართო ქუჩა გამოიარა, მშვიდად ჩაისუნთქა სალამოს მსუბუქი ჰაერი და ტროლეიბუსში ჩაჯდა. ბოლო გაჩერებაზე რომ ჩამოვიდა, სიამოვნებით მოავლო თვალი მოედანს. ახლადმორწყული მოედანი ელექტრონის შუქზე მუქი ატლასივით ელავდა. ირგვლივ გაშუქებული ვიტრინები ბრკევიანებდა. რუსუდანს თვალი მოსტაცა მშვენიერმა თვალბუქუნა დედოფალამ, რომელსაც იასამნისფერი კაბა ეცვა. მაღაზია ღია რომ ყოფილიყო, შეიძლება კიდევაც ეყიდა, მაგრამ ვისთვის! უცბად გული შეეკუმშა: საყვარელი შვილი მერცხალა მოაგონდა. „ეხ, ვისთვის მინდა დედოფალა...“ ხელი ჩაიქნია რუსუდანმა და ვიტრინას მოშორდა.

ხალხი მუსაიფით და სიცილით მოსეირნობდა. ვის არ დაატკობს თბილი გაზაფხულის სალამო. რამდენი ნაზი გრძნობა შეიძლება აღმოცენდეს და გაიფურჩქნოს ადამიანის გულში ამ დროს! რუსუდანი ფიქრებში გართული გაჰყვა ერთ-ერთ ქუჩას, მოსწავლეების მშობლებმა დღეს მადლობა გადაუხადეს, როგორც კარგ აღმზრდელს. რა დიდი სიხარული განიცადა დღეს მისმა მზრუნველმა და მოსიყვარულე გულმა. სკოლა და მოსწავლეები, ეს რუსუდანის ცხოვრების შინაარსია.

მიდის რუსუდანი, ირგვლივ აკაციები შრიალებენ. მოედანი, ვიტრინები, ლამაზი დედოფალა და მოსეირნე ხალხი შორს მოიტოვა მან; მთვარემ თვალბუქუნაში მიანათა. დაილალა, შედგა, მიმოიხედა, ფიქრებში გართულს ვერ შეემჩნია, თუ როგორ გასცილებოდა რამდენიმე ნაბიჯით თავის ბინას. შემობრუნდა, მიუახლოვდა ეზოს და სწრაფად აირბინა კიბე. ოთახში შევიდა. შუქი აანთო, თვალი მოავლო ყველაფერს. ჩვეულებრივი დუმილი სუფევდა. ქუდი მოიხადა და კარგა ხანს იდგა კარადის წინ უაზროდ. ნელ-ნელა დაშორდა დღევანდელ ფიქრებს. ფართო მოედანი და მთვარიანი ღამის ლამაზი ოცნებები თვალს მოეფარა. ლოგინზე მიწვა. სასთუმალთან დაკიდებულ სურათს დააკვირდა.

„შენ გენაცვალოს დედა, ჩემო გოგონა!“—წაიჩურჩულა და ფერმკრთალ ლაწვებზე ცრემლები გადმოუვარდა. მაშინ სხვა იყო რუსუდანის ოთახი, როცა მერცხალა ცოცხალი ჰყავდა, უსაზღვრო ბედნიერება და სიხარული სუფევდა აქ. კედლებიც მხიარულობდნენ. მაგრამ უდროოდ დაიხუჭა მისი თვალები და რუსუდანის ოთახიც დადუმდა:—„ორი წელი სრულდება უკვე, ნეტავ სულ არ იყოს საჭირო ამ ოთახში შემოსვლა...“

ისევ ოთახის გარეთ გაიწია რუსუდანის გულმა. ისევ ქალაქგარეთ გააფრინა ფიქრებმა, ისევ შემოესმა ასობით წკრიალა ხმა.

რუსუდანს უყვარს სიცოცხლე, შრომა, ცხოვრება, საზოგადოებრივი საქმიანობა. მაგრამ როცა სახლში ბრუნდება, გული სევდით ევსება, ყველაფერი დაღვრემილი ეჩვენება. ორი წელიწადია პიანინოს კლავიშებს მერცხალას თითები არ შეხებია, ორი წელიწადია მერცხალას მამის, ლევანის საყვარელი ადრაკი არავის გაუხსნია. ან კი ვის რად უნდა?! პატრონი ჯარში დაეღუპა. მერცხალა კი, პატარა მერცხალა აღარ თამაშობს ფიგურებით, აღარ ჩხუბობს, აღარ კისკისებს. ახლა ჰადრაკი დადუმებული დევს მაგიდაზე, დილით დეიდა სიღო თუ გადასწმენდს მტვერს, მიალაგებს ოთახს და გავა.

რუსუდანის მეუღლე—ლევანი ომში დაიღუპა. ლევანისაგან უკანასკნელი წერილი მიიღო რუსუდანმა შორეულ საავადმყოფოდან, სადაც რამდენიმე სიტყვა ეწერა: „დავიქერი... საავადმყოფოში ვწევარ... გული არ გაიტეხოთ... მერცხალა არ მომიწყინოთ. შენი ლევ...“—აქ სიტყვა აღარ იყო დამთავრებული. „აღბათ კალმისტარი გაუვარდა ხელიდან“,—გაიფიქრა რუსუდანმა. ახლა ლევანის სურათს დახედა ლოგინის წინ მაგიდაზე დადგმულს. წამოდგა რუსუდანი, შეეცადა ფიქრები გადაეყარა გულიდან, ფანჯარა გამოაღო. ისევ ნათელი მთვარე, ისევ ფოთლების შარიშური. აკაციის ყვავილების ნახი სუნი. ქუჩაზე ხალხი ხმაურობს, რადიო მღერის... იქით, რუსუდანის ოთახის იქით ყველაფერს „სიცოცხლე“ ჰქვია. რუსუდანს რაღაცა მოაგონდა. შუშაბანდში გამოვიდა. ფანჯრიდან გადაიხედა. ეს ხომ თათიას ოთახია, მასაც ფანჯარა გამოუღია, უკვე შუალამეა, მაგრამ თათია მაინც ზის და კერავს. ნანას კი სძინავს, თეთრ ბალიშზე უდევს თავი. შავი ხუჭუქა თმები შუბლზე დაჰფენია. ბავშვი დახატულსა ჰგავს. ტურებს მოკუმავს, თითქოს ვიღაცას ებუტებაო: ნანა მართლაც ლამაზი ბავშვია. შავი, ცქრიალა თვალები და გრძელი წამწამები აქვს ნანას. თათია საბანს უსწორებს, დასცქერის, ჩუმად კოცნის, კიდევ უნდა აკოცოს, „გამოულეველია სიყვარული დედის გულში“,—გაიფიქრა რუსუდანმა.

ერთი წლისა და ორი თვისა არის ნანა. თათიამ ძვირ საბავშვო ბაგაში მიიყვანა, თვითონ კი სამკერვალოში მოეწყო. როცა რუსუდანი თათიას კარებთან ჩაიღოს, ბავშვს ეფერება და ტკბილედ აძლევს. ნანა მადლობის ნიშნად თავს აქნევს. თუ ცარიელი ხელათ მოეფერა, იმწამსვე „კაკას“ სთხოვს. „კაკა“, ელურტულებს იგი. ამიტომაც ყოველთვის აქვს რუსუდანს ჩანთაში

ტბილელნი. ამგვარმა ფიქრებმა დალაღა რუსუდანი და მოქანცულს ღრზად ჩაეძინა.

დილით ადრე გამოელეიძა რუსუდანს, ფანჯარა გამოაღო და აღმოსაგ-
ლეთს გახედა. ქალაქს ვარდისფერი შუქი გადაჰკვროდა, ცა ფირუზისფრად
გაბრწყინებულყო. „სადაცაა მზეც ამოვა. რა ლამაზია, რა წარმტაცია ყვე-
ლაფერი. დიდება შენ, მშვენიერო ბუნებავ“, — წარმოთქვა რუსუდანიმა.

საყვირის გუგუნნი გაისმა.

„შენ რალას უცდი, რუსუდანი, რას იზმორები? სული ხომ არ ჩაგქრო-
ბია?“ — შესძახა თავის თავს რუსუდანიმა, სწრაფად ჩაიცვა, ისაუზმა, ჩქარი ნა-
ბიჯით ჩაირბინა დაღმართი. ისევე ფართო და სწორი მოედანი გაიშალა მის
თვალწინ, მაგრამ ახლა რუსუდანს არ ეცალა სილამაზის საცქერად. სირბილით
მიასწრო ტროლეიბუსს. მიქრის სკოლისაკენ.

რუსუდანის კლასის რამდენიმე მოსწავლე უკვე მოსულიყო. მოუთმენ-
ლად იცქირებოდნენ ქუჩისაკენ. მასწავლებელი დაინახეს თუ არა, გამოეგმბ-
ნენ. რუსუდანიმა ყველას აღერსით გაუცინა.

— აა, ეთერი, უკვე აღექი? — თავზე ხელი გადაუსვა ერთ ფერმკრთალ
მოსწავლეს, რომელიც რამდენიმე დღეა სკოლაში არ დადიოდა ავადმყოფო-
ბის გამო.

რუსუდანი გეოგრაფიის მასწავლებელია და მეექვსე კლასის დამრიგე-
ბელი.

მასწავლებელმა და მოსწავლეებმა გრძელი დერეფანი გაიარეს; რუსუ-
დანი გეოგრაფიის კაბინეტში შევიდა, ეს ოთახი საინტერესოდ აქვს რუსუ-
დანს მოწყობილი. მარჯვენა კედელზე გაკრულია რუკები. იგი ისეა განლაგე-
ბული, რომ ყველა კლასის მოსწავლეს შეუძლია აღვილად ნახოს ის, რაც
მას აინტერესებს. მარცხნივ — გამოფენილია ბავშვების ნამუშევრები გეოგრა-
ფიაში, ნახატები, ნახაზები. იქვე დგას წითელმატერიაგადაფარებული მაგიდა,
მაგიდაზე წიგნები აწყვია. ეს წიგნები გამოჩენილი მოგზაურების თავგადასა-
ვალს მოგვითხრობენ.

რუსუდანი თავის მაგიდასთან დაჯდა, გარშემო მოსწავლეები შემოისხა.
ესენი ჩამორჩენილები არიან და დახმარება ესაძიროებათ. იგი ხან ერთს ჰკი-
თხავდა, ხან მეორეს. თუ პასუხს ვერ მიიღებდა კითხვებზე, კვლავ უხსნიდა
და შემდეგ კი ნათქვამს ამეორებიანებდა.

* * *

სკოლაში საგაზაფხულო არდადეგები დაიწყო.

შაბათი დღე იყო, მარტის მზე საამოდ ათბობდა თბილისს. რუსუდანი
სკოლის ეზოში გავიდა. აქ თავი მოეყარათ მოსწავლეებს, თან აუარებელი
ნერგები მოეტანათ: კვიპაროსები, დაფნები, ვარდები, იასამნები და ნაირნაირი

ყვავილები. ხვალ კვირაა, მოსწავლეები რუსთავში წასასვლელად ემზადებოდნენ.

მოსწავლეები ნერგებს დასტრიალებენ, ასწორებენ, რომ არც ერთი შტო არ დაზიანდეს. აგერ სკოლის დირექტორიც დინჯი ღიმილით ჩაერია საუბარში. მოიწონა მოსწავლე გოგონების მშვენიერი განზრახვა რუსთავის გამწვანებაში მონაწილეობის მიღების შესახებ.

— მაგრამ იცოდეთ, ბავშვებო, რაქი საქმე დაიწყეთ, სასახლოდ უნდა შეასრულოთ,—ღიმილით თქვა მან.

— დიახ! პატივცემულო დირექტორო, ვეცდებით, რომ ჩვენი სიტყვა და საქმე ერთი იყოს.

სკოლის კარებთან მანქანა გაჩერდა. მებაღე თომამ ყვავილებით საცხე თაბახები მოიტანა. თაბახებზე თავისივე მიწით ეწყო ლურჯთვალა იასამფერა, ეს ყვავილი გაზაფხულს პეპელასავით მოსდევს, დასხდებიან ჯგუფ-ჯგუფად კვლებში იასამფერები, აციმციმებენ მომხიბლავ თვლებს და ამშვენიებენ რუსთაველის გამზირს... ბავშვები ხმაურობდნენ, რუსთავში წასასვლელად ემზადებოდნენ.

რუსუდანნი იმ დღეს გვიან დაბრუნდა სახლში, თათიას ოთახის კარებთან შედგა, უნდოდა „კაკა“ მიეცა ნანასათვის. კარი დაკეტილი იყო. ფანჯარაში შეიხედა, ოთახში ყველაფერი უწყესრიგოდ იყო მიყრილ-მოყრილი. „რა დაემართა თათიას?“—გაიფიქრა რუსუდანმა. მალლა სართულში ავიდა, შუშაბანდში დეიდა სიღო შემოხვდა ბავშვით. ნანა ექირა ხელში.

— სად წავიდა თათია?—იკითხა რუსუდანმა,—ბავშვი ხელში აიყვანა, აკოცა და „კაკა“ მისცა.

— გულის დამბლა მოუვიდა, საავადმყოფოში წაიყვანეს.

რუსუდანნი ძლიერ შეწუხდა.

— ამ ბავშვს რა ეშველება?—გულისტკივილით თქვა სიღომ.

რუსუდანნი დაფიქრდა, სიღო უკვე მოხუცია, თვითონ მოსავლელია, „მუხლები აღარ მომდევსო“, ჩივის ხოლმე. და აბა ბავშვს როგორ მოუვლის? თათიას რომ რამე დაემართოს, რა ეშველება ნანას, მაგრამ ახლა ამის დრო არ იყო.

რუსუდანმა ბავშვი ოთახში შეიყვანა. სასწრაფოდ დატრიალდა.

ნანასთვის საქმლის მომზადება დაიწყო. ბავშვი ხალიჩაზე დასვა და ჰადრაქი გაუშალა, ბავშვმა კვები აარაჩხუნა, ხან ერთმანეთზე აწყობდა, ხან აქეთ-იქით ისროდა. ახმაურდა ოთახი.

დეიდა სიღო შემოვიდა.

— შენ ბავშვი ათამაშე, საქმელს მე მოვამზადებ,—უთხრა რუსუდანს.

რუსუდანმა პიანინო ახადა, ნანას თითები დაადებინა კლავისებზე. ნანა გაოცებული ისმენდა პიანინოს ხმას. რუსუდანს დიდი ბურთიც გაახსენდა, სკამზე შედგა, კარადიდან ჩამოიღო. მტვერი გადასწმინდა. ორი წელიწადი-

ამ ბურთისათვის ხელი არ უხლია, მაგრამ ახლა მხიარულად გამოაგორა ნა-
ნას წინ. ნანამ ბურთი დაინახა, ქადრაკის ქვებს თავი გაანება, ძლივძლიო-
ბით წამოდგა და ბურთს ბაჯბაჯით აედევნა, თან კისკისებდა, ეტყობოდა
ძლიერ მოსწონდა ბურთი. რუსუდანი უკან მისდევდა ბავშვს, ეშინოდა არ
წაქცეულიყო. ბურთი საწერი მაგიდის ქვეშ შეგორდა და თვალს მოეფარა,
ნანა შედგა, აქეთ-იქით მიიხედა; ხელები ლამაზად გადაატრიალ-გადამოატრი-
ალა და „ფაფუ“—თქვა. რუსუდანიმა სიყვარულით აიყვანა ბავშვი ხელში, მალ-
ლა შეისროლა, ნანა უფრო აკისკისდა. რუსუდანი თავის თავს არაფერს აღარ
ჰკითხავდა, ისე აკეთებდა ყველაფერს, რაც ბავშვს სიამოვნებდა. ის გრძნობდა-
რომ ამ წუთში უმწეო ბავშვი ეკირა ხელში, უმანკო არსება...

— ნანა, ქუპაქუპა გინდა?—ნანას ძლიერ უყვარდა თბილ წყალში ბა-
ნაობა. ნანამ დასტურის ნიშნად თავი დაიქნია. ჩასვეს იგი ტაშტში. ნანა ბა-
ნაობის დროს ხელებსა და ფეხებს აქყაპუნებდა, სულ მოწუწა ოთახი.

„ახლა ფაფა უნდა ნანას და მერე კი ნანა“,—ეტიკტიკებოდა რუსუდანი
ბავშვს. ნანა დეიდა სიღოს შემოტანილ ფაფას მადიანად შეექცა და მალე
დაიძინა, რადგან მთელი დღის დაღლილი იყო.

რუსუდანიმა მოქანცულობა იგრძნო. ბავშვი თავის ლოგინში ჩააწვინა
ნაშუალამევს გამოედვირა რუსუდანს, ბავშვს დახედა. „რა ტკბილად სუნთქავს,
რა უმანკო სახე აქვს...“ ბავშვი გულზე მიიკრა. ნანას ხშირი ბავშვური სუნთ-
ქვა ჰქონდა. საოცარი სითბო და სიამე იგრძნო.

გათენდა კვირა დილა. მზემ შემოიხედა ფანჯარაში, დეიდა სიღო უკვე
ამდგარიყო, ფანჯარა გაეღო, ნიავმა რუსუდანს თმები შეურხია. რუსუდანიმა
თვალები მოიფშვინტა. ნანას დახედა და სწრაფად წამოხტა ლოგინიდან.
ბავშვს ისევ ეძინა. უდარდელად და უზრუნველი სახით იღიმებოდა ძილში.

— დეიდა სიღო, ხვალ-ზეგ აღბათ თათია გამოვა, როგორმე მოვუაროთ
ბავშვს, მე რუსთავში მივიღივარ, ნერგები მიგვაქვს დასარგველად და დღესვე
დაებრუნდები,—ამ სიტყვებით გამოვიდა რუსუდანი სახლიდან.

სკოლის ეზოში ნერგებით დატვირთული მანქანა მზად იყო წასასვლე-
ლად. მეზალე თომაც მოსულიყო ბავშვების დასახმარებლად. მასწავლებელს
ელოდებოდნენ და აი, რუსუდანიც მოვიდა, ბავშვებს მიესალმა.

დაიძრნენ მანქანები რუსთავისაკენ. მანქანებს გვერდზე ეკრა წითელი
ნაქერი წარწერით: „სალამი მეტალურგიულ ქალაქს!“

საღამომდის დარჩნენ რუსთავში. რუსუდანი ღელავდა. სულ ბავშვზე და
დეიდა სიღოზე ფიქრობდა. მზე ჩასულიყო, როცა რუსუდანი რუსთავიდან
დაბრუნდა, სახლისაკენ გაეჩქარა. „დავიგვიანე, ვინ იცის, როგორ არის თა-
თია, ან სიღომ როგორ მოუარა ბავშვს“,—ფიქრობდა რუსუდანი. მალაზიების
წინ გაიარა, თვალს ისევ მშვენიერი დედოფალა მოხვდა, მალაზია ღია იყო
აღარ დაფიქრებულა, შევიდა და ნოქარს თვალხუჭია დედოფალა გადმოაღე-

ბინა. ამას წითელი ფაჩუჩები, წითელი წინდები, კაბა და ლენტი დაუმატა და სიხარულით გაემართა სახლისაკენ.

მიიჩქაროდა რუსულადანი სახლისკენ და ფიქრობდა: „რამდენი რამე შეუკრავს თათიას ჩემთვის. ერთხელ მის გულსაც გვახარებ, ყაყაჩოსფრად გამოვაწყობ ნანას, ძლიერ მოუხდება“. კეთილი ფიქრით აიბრძინა კიბე რუსულანმა. შუშაბანდიდან კარი რომ შეაღო, სახტად დაჩა. ყველგან ღუმილი სუფევდა, ოთახში შევიდა, დეიდა სიღოს პიანინოზე შალითა გადაეფარებინა, ბურთი ისევე კარადაზე შეეგდო, ჰადრაკი ჩაელაგებინა და კარი გამოეხურა. რუსულადანი შუშაბანდში გავიდა, იქიდან კი სიღოს ოთახში. სიღო ტახტზე წამოწოლილიყო და ჩასძინებოდა.

— დეიდა სიღო, დეიდა სიღო!—ჩასძახა რუსულანმა მიძინებულ ქალს. დეიდა სიღო შეკრთა და თვალები გაახილა. რუსულადანი რომ დაინახა, გულდაწყვეტით უთხრა:—თათია მოკვდა, ვაიგე?

რუსულადანი გაფითრდა. „საწყალი თათია!..“—წამოიძახა და ისევე ჩაეკითხა:

— მერე ბავშვი რა უყავი?

— რა მექნა, შვილო, ნათესაებებმა ბავშვი უღედმაშო ბავშვთა სახლში წაიყვანეს, იქ ჩვენზე კარგად მოუვლიანო.

რუსულადანს ეწყინა. თითქოს რალაც ძვირფასი მოგლიჯეს გულიდანო. ერთ წუთს დაფიქრდა, შემდეგ კი მიბრუნდა კარებისაკენ და ქუჩაში გავიდა. პირველ შეხვედრილ მანქანაში ჩაჯდა. ლელავდა რუსულადანი. ნაყიდი ნივთები ხელში ეჭირა. „დავუტოვებ... თუ არ მომცეს ბავშვი... ამას მაინც დავუტოვებ... მისთვის ვიყიდე...“—ნაწყვეტ-ნაწყვეტად ბუტბუტებდა რუსულადანი. როდესაც საბავშვო სახლის ეზოში შევიდა, შორიდან დაინახა ხეხილის ქვეშ გაფენილ ხალიჩაზე დამსხდარი ბავშვები, ნაირნაირი სათამაშოები ეწყობდნენ. ისინი ძალიან ბევრნი იყვნენ, ამიტომ რუსულანმა ნანა ვერ გააჩია.

მზე ჩასული იყო. სასიამოვნო საღამო იდგა ვაკის მიდამოებში. რუსულადანი შედგა, „იქნებ აქ ჯობდეს ნანასათვის?“—გაუფლავა ფიქრმა. ყველაფერი ლამაზი ეჩვენა—ეზო, სახლი, ბავშვები... მაგრამ გული მაინც თავისას მოიოთხოვდა: „არა, ის ჩემია, რაკი თათია აღარ არის, მე უნდა ვუპატრონო,“—გადაწყვიტა და თამამად შევიდა დირექტორის კაბინეტში. აღელვება ემჩნეოდა: „ვართუ აქ არ არის“, ფიქრობდა, გული უთრთოდა.

— პატრიცემულო დირექტორო,—მიმართა რუსულანმა,—დღეს თქვენთან ბავშვი მოიყვანეს, ნანა ჰქვია სახელად, წლისა და ორი თვისა არის, მეზობლის ბავშვია, დაობლდა. არც დედა ჰყავს და არც მამა. მიყვარს... მებრალეება...—ნაწყვეტ-ნაწყვეტად ამბობდა რუსულადანი,—მე მინდა ის ბავშვი ვიშვილო.

— თქვენ ვინა ბრძანდებიან?—ჰკითხა დირექტორმა. რუსულანმა პასპორტი ამოიღო ჩანთიდან.

— მე მასწავლებელი ვარ.

ღირექტორი დაფიქრდა და მერე უცებ მიუბრუნდა ექიმს, — რაკი ასეა, წაიყვანეთ ბავშვთან, გაუფორმეთ. — რუსუდანს კი გადაპკრით უთხრა, — დღეიდან თქვენ იქნებით იმ ბავშვზე პასუხისმგებელი, თქვენ იცით.

ექიმმა ქალმა ხელი მოჰკიდა რუსუდანს და ბავშვთან წაიყვანა. ნანა იჯდა ხალიჩის ერთ კუთხეში და თამაშობდა.

— ნანა, ნანუკა! — დაუძახა რუსუდანმა შორიდან. ნანამ თავი აიღო, რუსუდანის დანახვაზე თვალები გაუბრწყინდა, გაიცინა, წამოდგა და ბაჯბაჯით გაქანდა მისკენ.

— ნანა, ჩემო გოგო!..

რუსუდანმა ბავშვი აიყვანა და გულში ჩაიკრა. ბავშვმა ხელები შემოხვია კისერზე, ლოყა ლოყაზე მიადო და ისე მაგრად ჩაეკრა, რომ რუსუდანმა ცრემლები ველარ შეიკავა.

— ნუ გეშინია, აღარ დაგტოვებ, ნანუკა, ჩემო პატარა გოგონა, არ დაგტოვებ, არა; ჩემი შვილი ხარ! — ტიროდა რუსუდანი და ბავშვს გულში იკრავდა; ღირექტორი და ექიმი იდგნენ და ვერ ახერხებდნენ სიტყვის თქმას. ამ სურათმა მათზედაც ძლიერ იმოქმედა.

მანქანა გაჩერდა რუსუდანის სახლის კარებთან. თათიას ოთახის კარი სვედიანად გამოიუხრებოდა. „საწყალი თათია!..“ ჩაილაპარაკა რუსუდანმა და კიბეზე ხმაურით ავიდა. ხელში ბავშვი ეჭირა. ოთახის კარი რომ შეაღო, მოეჩვენა, თითქოს ლამაზ დედოფალასთან ერთად ოთახის კედლებიც იცინოდნენ. გაზაფხულის სიმწვანე და სიხარული ოთახშიაც შემოქრილიყო. ბამბის ქულებივით გათეთრებული იდგნენ აკაციები ფანჯრების იქით. რუსუდანმა ბავშვს წითელი ფაჩუჩები და წითელი კაბა ჩააცვა, თავზე წითელი ლენტე გაუკეთა. ნანა მართლაც ყაყაოს დაემსგავსა.

ახმაურდა რუსუდანის ოთახი, გაისმა პიანინოს ხმა, ჰადრაკის ფიგურების ჩხარაჩხური. ბურთი და ლამაზი დედოფალა განუწყვეტლივ იცვლიდნენ ადგილს, რუსუდანმა დიდ სარკესთან მიიყვანა ბავშვი. ნანა თავის ორეულს წაეპოტინა; კოცნა დაუპირა და გაუცინა. მერე ფანჯარაში გაახედა რუსუდანმა ბავშვი. ქუჩაში ბავშვები ხმაურობდნენ. სადღაც რადიო მზიარულ ვალსს გადმოსცემდა. რუსუდანმა ფეხი ააყოლა მუსიკას, ბავშვი დაატრიალა. ოთახში ნანას კისკისი გაისმა. ნანას ხმაზე მეზობლის ბავშვები მოგროვდნენ. რუსუდანმა ყველა ოთახში შეიპატრია.

სიცოცხლე და სიხარული დაუბრუნდა რუსუდანის მიყრუებულ ოთახს.

საბავშვო სახლი

სციოდა პატარას. დეკემბრის ქარს გაეთოშა მისთვის გამხდარი და ქუქ-
ყიანი თითები.

კენესოდა პატარა გოგონა, მაგრამ არაინ ეკითხებოდა, რა აწუხებდა
მას,—თავმოებზრებელი გამვლელები ხან პურს წაუტეხდნენ, ხან ფულს გადა-
უგდებდნენ. ზოგი სრულიად გულცივად აუვლიდა მას გვერდს.

პატარა გოგონა კი კენესოდა, არც ღედა აგონდებოდა, არც მამა. საიდან
გაჩნდა ამ ქუჩაზე, რომ გეკითხათ, ვერაფერს გიპასუხებდათ. მის გულს სიამე
არასოდეს მოჰკარებია, არც ღედის ნანა სმენია.

როცა სამხედრო მუსიკის ხმას გაიგონებდა, ველურივით გაახელდა თვა-
ლებს. დარაზმული ჯარისკაცების მწყობრი ფეხის ბრახუნის, მათი ჩამწყრივე-
ბული ხიშტიანი თოფების ცქერა კიდევ ახარებდა პატარას. მხოლოდ რის-
თვის იყო საჭირო იმდენი ხიშტიანი კაცი, ამისი არა გაეგებოდა რა. მისდევ-
და ჯარს უკან და მოქანცული მიეგდებოდა „ტრამვაის“ რომელიმე მოსახვევში.

— ქალბატონო, ღმერთი იყოს შენი შემწე... ქალბატონო! — ეს ორი
სიტყვა, დასახიჩრებულ მათხოვრებისგან განაგონი, გახეპირებული ჰქონდა
გოგონას. ამ სიტყვებით მიმართა ერთ სალამოს ჩვეულებრივად რუსთაველის
გამზირზე მოსეირნე დარბაისელ ქალს პაწია მათხოვარმა.

— ძალიან მომბებზრებელი გახდნენ ეს მათხოვრები,—ღინჯად წარ-
მოთქვა თბილ მოსახეში გამოხვეულმა ქალმა.

— უნდა მოვახსენოთ, ქალბატონო, მეც ძლიერ მძულს ეს მათხოვრები,
არასოდეს მათთვის გროში არ ამომიღია ჯიბიდან,—მიუგო მასთან მიმა-
ვალმა კაცმა და ორივემ გულგრილად გაიარა.

მათხოვარი ისევ უყურადღებოდ დარჩა.

ღამის სუსხი ქუჩებს უფრო მძლავრად ეკიდებოდა.

ქარი სისინებდა.

საშინლად იტანჯებოდა პატარა მათხოვარა გოგონა. დარბაისელი ქალი აღარ ჩანდა ქუჩაზე. გამვლელებიც კანტიკუნტად მოჩანდნენ.

— ქალბატონო, ქალბატონო!..— გაყინული ბაგიდან ძლივს ისმოდა ჩურჩული.

აგერ მოულოდნელად შედგა ჩქარი ნაბიჯით მომავალი ქალარა ქალი და გოგონას დააცქერდა.

— სადაური ხარ? — ჰკითხა მან.

— არ ვიცი... — მოისმა დასუსტებული ხმა.

— წამოდი ჩემთან!... შენისთანა უპატრონო ბავშვებს დავეძებ, წამოდი! — უთხრა ქალმა. დაავლო ხელი, ჩაისვა ეტლში და სადღაც გააქროლა.

* * *

განვლო ორმა წელმა. მაისის დღე იყო. განახლებული ცხოვრება ქუჩებს ახალისებდა. თავისუფალი ხალხის ხმა ბრწყინვალე დღის აღტაცებასთან ერთად დაქროდა და ყოველი ადამიანის გულს ესალმებოდა.

დღეს საბავშვო სახლში აღსაზრდელების ნამუშევრების გამოფენაა, — ამბობდა ხალხი და დასათვალიერებლად მიდიოდა. სტუმრები იწონებდნენ.

— ბავშვების დაწულ კალათებს, ნაქსოვებს, ნახატებს და სხვა ხელსაქმეს.

— მშვენიერი დახატულია „თაიგული ვაზაში“... — თქვა ერთმა სტუმართაგანმა და მიუბრუნდა ქალარა ქალს. ქალარა ქალი საბავშვო სახლის გამგე იყო.

— მაჩვენეთ ის ბავშვი, ვინც ეს დახატა, — სთხოვა სტუმარმა. გამგემ მაშინვე მოიხმო პატარა ცქრიალა გოგონა.

— გაგიკვირდებათ, რომ იცოდეთ ამ ბავშვის ისტორია, — თქვა საბავშვო სახლის გამგემ, — ამ ორი წლის წინათ, როცა პირველად გახსნა საბჭოთა მთავრობამ უპატრონო ბავშვთა სახლი, ეს ბავშვი ქუჩის მათხოვარა იყო. ახლა ჩვენს სახლში ბედნიერად ცხოვრობს. ნიჭიერი მოსწავლეა. — სტუმარს სახეზე სიამოვნების ღიმილმა გადაუქროლა. ბავშვს თავზე ხელი გადაუსვა და უთხრა:

— რომ გაიზრდები, ჩვენთან მოდი, — სამხატვრო აკადემიაში!

შოკრეულ სადგურზე

დიდიდანვე სადგურში გროვდებოდნენ მსუბუქად დაქრილი ჯარისკაცები ზოგს ხელი ჰქონდა შეხვეული, ზოგს ფეხი, ზოგს თავ-ყური შეეფუთნა ბამბით და თეთრი მარლით შეეკრა მაგრად. მეტი ნაწილი იმ დღეს გამოწერილიყო მახლობელი ქალაქის ჰოსპიტლიდან.

ჩვენი დიდი ქვეყნის ყოველი კუთხის შვილნი შემოკრებილიყვნენ ამ პატარა შორეულ სადგურში. სკამლოგინი აღარ ჰყოფნიდათ, ფეხზე იდგნენ. შემოდგომა მიწურულიყო. საშინელი ქარაშოტი ქროდა გარეთ, ხეებიდან გლეჯდა ფოთლებს და ჰაერში აფორიაქებდა, სადგურის თუნუქის სახურავს ახმაურებდა, მიღებში ჩასწიოდა, არ ისვენებდა, გაათორებული დაქროდა ვრცელ ტრამალზე.

სადგურს ხეივანი ეკვროდა, შემდეგ თვალუწვდენი ტრიალი მინდვრები გადაქიმულიყო.

ყოველ საათში ემატებოდნენ დარბაზს ჯარისკაცები. იატაკზე ყრიდნენ ჩანთებს და იქვე სხდებოდნენ...

ნახევრად ბნელ კუთხეში ჯარისკაცების ერთი ჯგუფი შექუჩებულიყო და საუზმობდა. ისინი მდინარე ვოლგის ნაპირების მცხოვრებნი იყვნენ, არაყს ერთ-მანეთს სთავაზობდნენ სასმისით და რომელიღაც ხალხურ ვოლგისპირულ სიმღერას მღეროდნენ.

შუალამე გადასულიყო. ყველას ეძინებოდა. ზოგნი ერთმანეთზე მიჯრით მსხდომნი მუხლებში თავჩარჯულნი უკვე ხერინავდნენ. შემოსავალთან კედელზე მიდგმულ სკამლოგინზე ერთი შუახნის შავგვრემანი ჯარისკაცი იჯდა მარტოდ. მუხლს ქვევით მარცხენა ფეხი არ ჰქონდა. ქართველი იყო, სიმონ ლოლაძე. სანდომიანი სახე ჰქონდა, ყურებთან ოდნავ შევერცხლოდა თმები.

სიმონი მძიმე ფიქრებს შეეპყრო, გული ეთანაღრებოდა: დიდი ხნის უნახავ საქართველოში სურდა დაბრუნება. ცოლ-შვილთან შერიგება ენატრებოდა.

და. „თხუთმეტი წელი ცოტა როდია,—ფიქრობდა იგი,—ჩემი ნოღარი ახლა ალბათ ფრონტზე იქნება!“

სიმონმა არ იცოდა, სად იყო მისი ვაეკაცი, რომელ ფრონტზე ებრძოდა მტერს. იქნებ კიდევ შეხვდა სადმე ჯარში, მაგრამ არ იცნობს შვილს. „სამი წლის იყო მაშინ... არა,—გამოითვალა სიმონმა,—ოთხ წელს ცოტა აკლდა“. ნოღარიც არ იცნობს მამას. ახლა მაინც რად მოენატრა ასე შვილის ნახვა? გული აუჩუყდა სიმონს. ახლა ცისმარეც ისე ახალგაზრდა წარმოიდგინა სიმონმა, როგორაც დატოვა იგი თხუთმეტი წლის წინათ, რაც იგი ფრიდას, მოცეკვავე რუს ქალიშვილს წაჰყვა მოსკოვში. ახალგაზრდა იყო მაშინ სიმონი. უზომოდ უყვარდა ცეკვა. ამან მოხიზლა და ოჯახი შიატოვებინა.

დიღხანს ცეკვავედა სიმონი ციკვის სალამოებზე ფრიდასთან ერთად, მაგრამ გავიდა დრო და ნელ-ნელა ბეზრდებოდა სიმონს ცეკვა, ბოლო ხანებში ფრიდა მარტო დადიოდა ციკვის სალამოებზე. სიმონი სინანულით გაიფურებოდა საქართველოსკენ, მძაფრად იღვიძებდა მის გრძნობებში მამის ოჯახში დაბრუნების სურვილი, ოჯახური სითბო, ცისმარე. აი, ის ცაცხვის ხე, ის კუნძი, სადაც ცისმარე იჯდა სიმონის წასვლის წინ, შავი ნაწნავები მკერდზე გადმოეწყო და პაწია ბიჭუნა გულში ჩაეკრა. ცრემლები ღაწვებზე ჩამოლვროდა ცისმარეს. ჩამავალი მზე მწუხარედ იხედებოდა მის ფართოდ გაღებულ თვალებში, მიმავალი სიმონის ზურგს რომ მისჩერებოდა. ქიშკრიდან რომ მოიხედა სიმონმა უკანასკნელად, ეს სურათი ჩარჩა ხსოვნაში. თხუთმეტი წლის შემდეგ ისევ გაცოცხლდა ეს სურათი სიმონ ლოლაძის ხსოვნაში. იგი კიდევ უფრო შორს წავიდა თავისი მოგონებებით. ცისმარე უფრო პატარა წამოდგა მის წინ, თორმეტი წლის, ფეხშიშველა, შავთვალწარბა გოგონა. ფარვანასავით ეტრფოდა იგი სინათლეს. ზაფხულის ლიბრ ღამეში დასდევდა ციციანათელებს. არასოდეს მზის ამოსვლას მძინარე არ შეხვდებოდა. მთელი დღე დობილოში ხბობს აძოვებდა, ანაბანას იზეპირებდა. გავიდა დრო, სასწავლებელი დაამთავრა ცისმარემ, დავაეკაცდა სიმონი.

მერე სიმონი დაქორწინდა ცისმარეზე... და შემდეგ მოსკოვში გაატარა თხუთმეტი წელი ფრიდასთან. ახლა ფრიდა თანდათან შორდებოდა გულადან. უკანასკნელ ხანებში ხშირად ფაქროზდა ლოლაქე საქართველოში დაბრუნებაზე, პირველ ცოლ-შვილზე. ამ დროს ომი გამოცხადდა. ომის პირველ დღიდანვე სიმონ ლოლაძე ფრონტზე წავიდა. ვაეკაცურად იბრძოდა სამშობლოს დასაცავად. ვაეკაცობისათვის მედალიც კი მიიღო, მაგრამ მარცხენა ფეხი დაკარგა ფრონტზე.

პოსპიტალში ყოფნის დროს სიმონს მაინც უზომოდ მოენატრა საქართველო, იმერეთის მოხიზლავი მიდამოები, თავისი ეზო და ის ცაცხვის ხეც კი, რომლის ჩრდილში დატოვა ცისმარე. ახლაც, ამ შორეულ სადგურზე მყოფ სიმონს, საქართველოსკენ მიუწყებს გული. ტკბილად აგონდება ცისმარესთან გატარებული მშვიდი დღეები; მაშინ პატარა ნოღარი ახლა ცხრა-

შეტი წლის ვაჟკაცი იქნება, მაგრამ თხუთმეტი წელი ჩატეხილი ხიდივით ძვეს სიმონსა და მის ოჯახს შორის. შეუნდობს ცისმარე ამდენი ხნის გულცივობას? ნოდარი მიიღებს მამას?

ეს კითხვები აწვალებს სიმონს. საკვირველია, რამდენი მიძინებული გრძობა გამოაღვიძა სამამულო ომმა. სხვა პირობებში შეიძლება ამდენი არ ეფიქრა სიმონს საქართველოში დაბრუნებაზე. ახლა შვილის ამბავი უწინწინდა გულს. უნდა გაიგოს—სადაა მისი ვაჟკაცი, რომელ ფრონტზე ებრძვის მტერს? ან ცისმარემ თუ დაიმსახურა სამამულო ომში გმირი დედის სახელი? ან რას ფიქრობენ სიმონზე ნათესავები? ღეე, გაიგოს ყველამ, რომ მან წმინდად მოიხადა სამშობლოს ვალი!

ფიქრებში წასული სიმონი ორ მატარებელს ელოდება—თბილისს მიმავალს და მოსკოვს მიმავალსაც. ვერ გადაუწყვეტია, რომელს გაჰყვეს. ან ფრიდას რად უნდა ახლა სიმონი და ან ცისმარეს. მაგრამ სიმონს მაინც ჰგონია, ცისმარე აპატიებს დანაშაულს... გარეთ ისევ ქრის ქარი და ხმაურობს თუნუქის სახურავი.

დარბაზში მთელემარე კატის თვალეზივით ბეუტავდა ფარნები.

სიმღერა მიწყდა. ჯარისკაცებს ძილი დაეუფლა. სადგურის უკანა კარებთან ავტომანქანამ დაიგუგუნა. დარბაზში შემოვიდა ახალგაზრდა ლეიტენანტი. მკერდზე მედალი უბრწყინავდა. მარცხენა ხელი თაბაშირში ჰქონდა და თეთრი მარლით გულზე ეკიდა. ახალგაზრდა ლეიტენანტი მაინც მზიარულად გამოიყურებოდა. მალალსა და მხრებგაშლილს, შავგვრემანი სახე და მოციინარი თვალეზი ჰქონდა. კარებში ვილაცას გაესაუბრა. მერე კუთხეში ჩამომსხდარათ გადასძახა:

— კრაფჩენკო, კოტლოვ!

ეს ბიჭები მისი თანამებრძოლნი უნდა ყოფილიყვნენ, მძინარე ჯარისკაცებს გადმოაბიჯეს და ლეიტენანტს გადაეხვივნენ.

შუა დარბაზში ვილაც ბრგე ჯარისკაცი ყვინთავდა. გაიგონა თუ არა ნაცნობი ხმა, გამოცოცხლდა და ახალშემოსულს შესძახა:

— ლეიტენანტო, ძმაო...

ლეიტენანტმა იქით მიიხედა. იცნო მისი ნაწილის სერეანტი ოლენკო. გაუხარდა. ოლენკო მოსული ვაჟკაცი იყო, ღონიერი, ბრძოლის კარგი ოსტატი. გაახსენდა ლეიტენანტს მისი გმირული ბრძოლა ფრონტზე. ოლენკო ფეხში იყო დაქრილი.

— ამხანაგო ოლენკო, შინისკენ აპირებ, არა?—ჰკითხა მისალმების შემდეგ მოსულმა.

— თუ ცოლმა არ გამომაგდო,—გადაიხარხარა ოლენკომ და მერე სერიოზულად თქვა:

— ჩემი ცოლი პატრიოტი ქალია, ამხანაგო ლეიტენანტო. ჰოსპიტალში

ყოფნის დროს წერილი მივიღე. მწერდა, პარტიზანი გავხდით, სიკვდილამდე შენად მიგულეო, ოღონდ გამარჯვებული დამიბრუნდი და ფეხმა შენი კიოი წაილოსო. და აი, გამარჯვებული ვბრუნდები. ჩვენი ჯარები, ამხანაგო ლეიტენანტო, ყოველდღე მიერეკებიან მტერს—ჩვენი მიწა თავისუფლდება... თქვენ საით აპირებთ?—ჰკითხა ბოლოს ოლენკომ და თაბაშირში ჩადებულ მკლავზე შეხედა.

— საქართველოში მივდივარ დედასთან. მკლავი დამიზიანდა. გავჯანსაღდები და მერე ისევ ფრონტზე დაებრუნდები.

— კარგია!—გაიღიმა ოლენკომ.

ლეიტენანტს კიდევ უნდოდა რაღაც ეთქვა ოლენკოსათვის, მაგრამ მახლობელი სკამლოგინიდან ქართული სიტყვა შემოესმა. „ოხ, დედა!“

ეს ხმა სიმონ ლოლაძის ამონაკენესი იყო. ლეიტენანტმა ოლენკოსთან საუბარი შეწყვიტა, მიუახლოვდა უცნობ ქართველს, იქვე ჩამოჯდა და დაყუავებით ჰკითხა:

— რა გაწუხებს, ბიძია, მოკვეთილი ფეხი ხომ არ გტკივა? იქნებ სახლიდან მიიღე ცუდი ამბავი?

სიმონმა ცხვირსახოცი თვალები მოიწმინდა, ყავარჯენზე დაებჯინა, იატაკზე ფეხმორთხმულ ჯარისკაცს გადასწვდა და პაპიროსს მოუკიდა. შემდეგ მოსაუბრეს ჩააშტერდა თვალებში. მოაგონდა თავისი ბიქუნას მერცხალივით თვალები.

— დიდი ხანია ქართული სიტყვა არ მსმენია, მემამა, რომ შეგხვდით... რა გვარი ხარ?

— ლოლაძე გახლავარ.

— სახელი?

— ნოდარი.

— ლოლაძეებს ვიცნობ, მამაშენი რა კაცია?

— არ ვიცი... მამა არ მახსოვს.

— ადრე გარდაცვალა?!

— არა... შეიძლება ცოცხალია.

სიმონი დაფიქრდა. გულში რაღაც ტკივილი იგრძნო.

— მაშ, მიგატოვია?!—მღელვარებით და ჩურჩულით წარმოთქვა უკანასკნელი სიტყვა სიმონმა.

— მგონი აგრეთა...

სიმონს ნაძალადევად გაეღიმა.

— ცოცხალი რომ იყოს და შინ დაბრუნდეს, არ მიიღებ?

— არასოდეს!—მწყრალად წამოიძახა ნოდარმა,—მამა, რომელიც უსუსურ შეილს მიატოვებს, რა მამაა იგი.

— ჰო, მართალი ხარ!—ჩაიბუტბუტა სიმონმა თავისთვის და უიმედოდ

ჩაპკიდა თავი. თხუთმეტი წელი ისევ ჩატეხილი ხიდივით გაიშალა მის წინ. დუმდა სიმონი. შორს გაფრენილიყო იგი ოცნებით, ცისმარეს შესტკე-როდა სათნო თვალებში. „ნეტა ცისმარე რომ იყოს ახლა აქ, რას იტყვოდა? ცისმარე უთუოდ აპატიებდა დანაშაულს. ცისმარე ალერსით გაათბობდა შვილსა და დაკარგულ მეუღლეს“.

გაქვეყნებული იჯდა სიმონი. იატაკზე დაბჯენილ ცალ ფეხს დასცქერო-და. გვერდით ყავარჯენი ედო.

ნოდარმა თაბაშირში ჩადებული მკლავი გაისწორა და სკამლოგინს მია-წვა ზურგით.

— ძალიან გამახარე, ბიძია, ამდენ ჯარისკაცებში ფასკუნჯის კვერცხი-ვით რომ გამოერიგე ერთი ქართველი და ქართული სიტყვა გამაგონე. ეს ბი-ჭები მოსკოვის მატარებელს გაჰყვებიან. კარგები არიან, ძმებივით მიყვარს ყველანი, მაგრამ ქართული სიტყვა სხვანაირად ემსკვალება გულს, ბიძია. მი-ხარია, როცა ქართველ მებრძოლს შევხვდები.

— საქართველოში მიდიხარ, არა?—ჰკითხა ნოდარმა.

— არა, ვერ წავეალ... ჩემი შვილი...—ასლუკუნდა სიმონი.

ლეიტენანტი გააკვირვა სიმონის მოულოდნელმა ცრემლმა.

— რად სტირი, ბიძია, რა შეემთხვა შენს შვილს?

— ნუ მკითხავ!—ისეთი ხმით წამოიძახა სიმონმა, რომ ნოდარს შეებრადა.

— საქართველოში რატომ არ წამოხვალ?

— არაეინ მყავს.

ნოდარი გაყუჩდა, ერთხანს ჩაფიქრდა და მერე დაბალი ხმით თქვა:

— ჩემთან წამოდი, ბიძია, სტუმრად. დედაჩემი კეთილი ქალია, სათნო და სტუმართმოყვარე. გადაგახალისებს მშობლიური მხარე.

— მერე, შენ მაძლევ სიტყვას, რომ დედაშენი შემირიდებო?

ნოდარი შეკრთა, ფეხზე წამოიჭრა, დაქრილ ჯარისკაცს თვალებში ჩა-აშტერდა.

— თქვენ იცნობთ დედაჩემს?

— ვიცნობ,—ლულულულით თქვა სიმონმა,—ი კეთილ ქალს ცისმარე ჰქვია.

ნოდარს თითქოს ალმური მოეკიდა, ჯარისკაცს მისწვდა მარჯვენა ხე-ლით და მძაფრი ჩურჩულით უთხრა:

— ნუ გამაგიჟე, სთქვი ჩქარა, ვინა ხარ?

სიმონს ნოდარის ხელის შეხება ეამა. არ შეშფოთებულა, მშვიდად ამო-ილო სამხედრო ბილეთი უბიდან და ლეიტენანტს გაუწოდა.

სანამ ნოდარი სამხედრო ბილეთს ათვალეირებდა მბეჭუტავი ფარნის შუქ-ზე, სიმონი იჯდა თავჩალუნული. არც ცრემლი მოეპოვებოდა ამწამს სიმონს და არც სიტყვა!

ნოდარმა სიმონის პროფილს გახედა, გულში მშობლიური სახე შეეპრა, მოაგონდა მამის სურათი, დედის სასთუმალთან რომ ეკიდა. სიმონი საგრძნობლად ჰვავედა იმ სურათს.

ნოდარს ხელი აუქანკალდა, გული აუთრთოლდა.
მამის თვალებიდან გამომკრთალი სითბო იგრძნო.

უეცრად რალაც, ჯერ არგანცდილი გრძნობა დაეფულა ვაეკაცს. უნდოდა, მოხვეოდა მამას, მაგრამ შეჩერდა. თითქო უკანიდან „ვილაცის“ ხელმა მოსწია. ეს „ვილაცა“ მამისაგან მიტოვებული ბავშვის შელახული გრძნობა იყო, რომელიც დღემდე არ შორდებოდა ნოდარს გულიდან. საბუთები უკანვე დაუბრუნა და მკაცრად შეტრიალდა.

— მე მამა არ მყავს...—წაიჩურჩულა სიმონის გასაგონად და ბაქანზე გავიდა. ცრემლები გადმოცვივდა ნოდარს. გული ამოუჯდა, მეომარი ვაეკაცი უეცრად ბავშვივით აქვითინდა. ამ დროს სიბნელეში გაისმა ზარის წყარუნი. მალე სადგურში თბილისისაკენ მიმავალი მატარებელი უნდა ჩამომდგარიყო. ბაქანზე სადგურის უფროსი გაცხვივდა. ფარანი ეჭირა ხელში. ნახევრად მძინარე დარბაზი ახმაურდა. უნდოდათ, თუ არ უნდოდათ, ყველა კარებს მიაწყდა.

ნოდარმა თვალები მოიწმინდა. ორმა გრძნობამ გაუელვა გულში: დატოვოს მამა თუ წაიყვანოს? ერთ-ერთი უნდა გადაწყვიტოს. დრო აღარ ითმენს. ნოდარმა ხელი ჩააქნია ვაეკატურად. „დე, ნუ იქნება მამა... ქართველი მებრძოლია... ვალდებული ვარ!..“ ნოდარი მიტრიალდა, ბაქანი გაირბინა და დარბაზში შევარდა, მამასთან მიიჭრა და ყურთან წასჩურჩულა:

— მამავ, წავიდეთ... ჩქარა წავიდეთ... თბილისის მატარებელი მოვიდა.—სიმონი არ იძვროდა, გაშტერებული იჯდა და უაზროდ ჩასციებოდა ყავარჯენს. ნოდარი მოეხვია მამას და ცალი ხელი წელში ჩასკიდა.

— მამავ, წავიდეთ! წავიდეთ, მამავ!..

ჯარისკაცი წამოდგა, ყავარჯენს დაეხვინა და გაშტერებული თვალებით დაუწყუო ცქერა თავის შვილს.

როცა ბაქანზე გავიდნენ, სიმონმა სიბნელეში წაიჩურჩულა: „შვილო, სიზმარია თუ ცხადი.“

გარეთ ქარი მიწყნარებულყო, განთიადი იღვიძებდა. თბილისში მიმავალი მატარებელი წასასვლელად ქშინავდა.

ავთანდილის ახალი მემოზარი

იური ავსიანიკმა ჩაქინდრული თავი წამოწია, თვალები მოისრისა და მიმოიხედა. ვაგონი ახალი მგზავრებით ავსებულყო. ძველ მგზავრთაგან ვაგონს მხოლოდ ერთი ქალიღა შერჩენოდა. სხვები, დაღლილ-დაქანცულნი და გაწამებულნი, ღამით გზადაგზა სადგურებზე გადასულიყვნენ. აღარ ისმობ მგზავრობით მობეზრებული ბავშვების ტირილი. ახლად შემოსული დამშვიდებული მგზავრების ხილვამ და ვაგონის ფანჯრებში შემოქრილმა მზის შუქმა გაახალისა იური. ყმაწვილი ძლივს წამოდგა, კვლავ მოავლო თვალი ვაგონს და იკითხა:

— სადა ვართ?!

ფანჯარასთან მდგომი შავგერემანი ქალი მიუბრუნდა და ღიმილით უთხრა ყმაწვილს:

— თბილისს ვუახლოვდებით.

— თბილისს?—წამოიძახა იურიმ და სწრაფად გადაახტა ხურჯინებს, კალათებს, აბგებს და ვაგონის კარებისაკენ გაეშურა.

მატარებელი სადგურში ჩამოდგა. ახმაურებულმა ხალხმა იური მხარდა-მხარ გაიტანა სადგურიდან. იურიმ თავისუფლად ამოისუნთქა, მზეს შეხედა და მოზღვავებულ ხალხს გაჰყვა. მიდის ხალხი და მისდევს იური ავსიანიკი, არ იცის სად გაჩერდება, სად მოეღება ბოლო ხალხის დენას. აგერ ტრამ-ვაის ვაგონები ივსება ხალხით. იქ ავტომანქანები მიქრიან. იურის ტრამვაიში ჩაჯდომა მოუნდა, ჯიბეზე მოივლო ხელი, არც ერთი კაპიკი არ აღმოაჩნდა. ხელში პირადობის მოწმობა მოჰყვა, გადაფურცლა წიგნაკი და დააცქერდა: „მინსკის საავიაციო საშუალო სკოლის მერვე კლასის კურსანტი—იური ავსიანიკი“. თვალები ცრემლით ავესო, ყელში ბოლმა მოაწვა, ხალხს ჩამოშორდა და მალალ კედელს მიეყრდნო. ცრემლიანი თვალთ გახედა ქალაქს, ხალხი ირეოდა: ზოგს სანოვაგით სავსე კალათა მიჰქონდა, ზოგს თონის პურები.

პურის სუნი ეცა ყმაწვილს და შიმშილი იგრძნო. ხელები მოისრისა და გზა განაგრძო. მიდიოდა პლებანოვის განიერი ქუჩით. უცებ შეკრთა: რომელი-ღაც სკოლიდან ზარის ხმა მოესმა. ტანში თბილმა ერუანტელმა დაურბინა. რამდენი ხანია ეს ტკბილი ხმა არ სმენია. მარცხნივ მიიხედა, დიდი შენობი-დან ქრიაბულით გამოდიოდნენ მოსწავლე ყმაწვილები, ისეთივე ტანისამო-სით მორთულნი, როგორიც ამ ორი თვის წინათ იურის ეცვა. ორი თვე... ხანგრძლივი ერგენა ეს დრო. თითქო ორმა წელმა განვლო, ასე ეგონა სად-გურებში ხეტიალთ მობეზრებულ იურის.

მოსწავლე ვაჟებს ხუთქიმიანი ვარსკვლავები უბრწყინავდათ ქულებზე. გაფითრდა იური. მის წინ ამაყი და მხიარული კურსანტები მიდიოდნენ. იურიც ასე გამოდიოდა მინსკის საავიაციო სკოლიდან. ახლა? ქუდი სადღაც დაეკარგა, საყელოზე ფორმის ნიშნები დაექმუქნა და მაზუთისაგან გაუქუქკი-ანდა, ფეხსაცმელს ძირი გავარდა, ხელებისა და კისრის კანი გაუსქელდა და გაუუხეშდა, თმა გაბურძენული აქვს. ვის ერგენოს ასე?! სკოლაში ასე როგორ შევიდეს? რას იფიქრებენ. მაწანწალა ვეგონები ყველას. დაფიქრდა ყმაწვილი და გადაწყვიტა: ერთ-ერთ კურსანტს გაუმხილოს თავისი დარდი, უთხრას, რომ ისიც კურსანტია. ჯიბიდან ისევე ამოიღო პირადობის მოწმობა, რომელიც მინსკიდან გამოქცევის წინადღეს მისცა საავიაციო სკოლის უფროსმა. ავსიანიკი წინ გადაუდგა ერთ მალალ ბიქს და მორიდებით ჰკითხა:

— ამხანაგო, საავიაციო სასწავლებლის კურსანტი ხართ?

— დიახ.

— სასწავლებლის უფროსის ნახვა როდის შეიძლება?

— ყოველ დილით, —უპასუხა კურსანტმა და ფეხს აუჩქარა.

— მომისმინეთ! — წამოიძახა ავსიანიკმა და უცებ ხმას დაუდაბლა, —

მომისმინეთ, ამხანაგო. მეც კურსანტი ვარ, მინსკიდან ვარ... არ ვიცი, იქ ჩვენები ცოცხლები დარჩნენ თუ დაიხოცნენ...

მალალი კურსანტი შემობრუნდა, დაკვირვებით აათვალიერა-ჩაათვალიერა მოსაუბრე.

— აქ ნათესავი გყავს? ვისთან ჩამოხვედი?

იურიმ უეცარი სიტბო იგრძნო მოსაუბრის მიმართ.

— აქ ნაცნობიც არავენ მყავს.

— მაშ სად გაათვე ლამეს?

— არ ვიცი.

მალალი კურსანტი დაფიქრდა.

— წამოდი ჩემთან, —თქვა მან, —დედაჩემი მასწავლებელია, მოგაწყობს სადმე, ნუ გეშინია.

ავსიანიკს სახე გაუბრწყინდა, სიხარულით ათრთოლდა. უცხო ამხანაგს თვალეში შეხედა და მოკრძალებით უთხრა:

— როგორ შეგაწყუბოთ!

— არა უშავს, ნუ გერიდება... დედაჩემი კეთილი ქალია.

— თქვენი სახელი?—ჰკითხა იურიმ.

— ავთანდილი.

— რომელი კლასის კურსანტი ხარ?

— მეათესი.

— კომკავშირელი იქნები.

— მაშ, — უპასუხა ავთანდილმა.

— ეეხ, — ამოიკენესა ავსიანიკმა, — ამხანაგო ავთანდილ, შენ არ გინახავს ომი. იცი რა საშინელებია?! ბანაკად ვიყავით, მინსკიდან რამდენიმე კილომეტრით დაშორებული, როცა ვერაგულად თავს დაგვესხნენ გერმანელი ფაშისტები. ეს იყო მტრის ჩვენს მიწაზე შემოჭრის პირველი დღე. სკოლის უფროსმა გამოგვიცხადა, თავს უშველეთო, მე დედაჩემთან გავიქეცი. როცა ბანაკიდან სირბილით მინსკში ჩავედი მე და ჩემი ამხანაგი, მინსკი სრულიად დანგრეული და განადგურებული დაგვიხვდა. აღარ იცნობოდა ჩემი უბანი. ხალხი გარბოდა. მე შინისაკენ მივბოდი. გავირბინე ქუჩები, დედა არსად ჩანდა. ხალხის ტალღამ უკან შემომაბრუნა. მიბოდა ზღვა ხალხი უგზო-უკლოდ. გრიალებდნენ ზარბაზნები. ტყვია ქეიშასავით გვაცვიოდა თავზე. ჩემს გვერდით მიწაზე საცოდავად ეცემოდნენ დაპრილები, მკვდრები... არავინ რჩებოდა მათთან. ცოცხლები გავბოდი. სატვირთო მატარებელს მოვკარი თვალი. გავიქეცი, გზა გადავუქერი. დაეუხვდი მატარებელს. ძლივს მოვახერხე ვაგონზე შეხტომა, ფეხი დამიცდა, ჩამოვებლაუქე საფეხურს. ძალა გამომელია, ის იყო უნდა გადავჩხილიყავი ხრამში, ამ დროს ვილაც მადლიანი გადმომწედა, ჩამქიდა ხელი და ამათრია ვაგონში ცოცხალმკედარი. შემდეგ არ მახსოვს, როგორ მოვსულიერდი. როცა გონს მოვედი, ვილაცამ პური მომაწოდა. მიდამოს მოვაველე თვალი. ჩემი ვაგონი უცნობ ადგილებში მიქროდა.

— საით მივდივართ?—ვკითხე ვაგონის გამცილებელს.

— სმოლენსკისაკენ.

— ბევრი რამ გადამხდა თავს, ორი თვეა სადგურიდან სადგურში დავებეტები. მოხარული ვარ, რომ თბილისში მოვედი ცოცხალი. რა ბრწყინვალე მხეა, რა კრიალა ცა, მზიარული ქუჩები. ოცამდე წერილი დავწერე სადგურებში და დაეგზავნე სხვადასხვა ქალაქში. ვაზეთებს ვთხოვდი, მილიციას ვებგეწებოდი, იქნებ დედის პოვნაში დამხმარებოდნენ. ვერაფერი გავიგე.

ასლუკუნდა იური. ცხელმა ცრემლმა ერთხელ კიდეც ჩამორეცხა მური მისი სახიდან. ავთანდილს შეებრალა ავსიანიკი, ხელი მოჰხვია და მეგობრულად დაუყვავა:

— ნუ ტირი, ძამია, ცრემლი ვაეკაცისათვის რა საკადრისია!

იურიმ ჩქარა მოიწმინდა თვალები.

ავთანდილმა განაგრძო:

— სკოლის დამთავრების შემდეგ ჩვენც წავალთ ფრონტზე. ას მხეცს მაინც მოვკლავ და მერე მშვიდად გეტყვი: აბა, ამხანაგო ავსიანიკ, ახლა შენი ჯერია!

ავსიანიკი უცებ შედგა და მტკიცედ წარმოთქვა:

— თანახმა ვარ.

ავთანდილმა და იურიმ მაგრად ჩამოართვეს ხელი ერთმანეთს. გზა განაგრძეს.

ავთანდილი სახლის კარებს მიადგა. იურიმ უკან დაიხია.

— ვერ შემოვალ,— თქვა დარცხვენით,— რას იტყვის დედაშენი ასეთ მოთხუპნულს რომ დამინახავს?!

ავთანდილი მარტო შევიდა ოთახში. ცოტა ხნის შემდეგ კარი გაიღო, მალალი ქალი გამოვიდა და ალერსით უთხრა იურის:

— შემოდი, შევილო, შემოდი,— და მკლავში მოჰკიდა ხელი. ეს ქალი ავთანდილის დედა იყო.

იური გათამამდა და ქალს უხერხულად შეჰყვია ოთახში. შესვლისთანავე შეჰამანდის სუნი იგრძნო. მთელი დღე-ღამის უქმელს თავებრუ დაეხვია, მუხლე-ბი მოეყეცა. როცა გონს მოვიდა, ავთანდილის დედა, მარიამი, იდგა მის წინ, ეფერებოდა და თბილი წვენით ბაგეს უსველებდა.

ავთანდილის უმცროსი ძმა—ირაკლი დააცქერდა გაქუქუციანებულ ავსიანიკს და სიბრალულით წამოიძახა:

— დედა, დედილო, ჩემი ხალათი ჩავაცვათ!

— ჩავაცვათ, მაგრამ ჯერ დავბანოთ,— თქვა მარიამმა და სამზარეულოში გავიდა.

უკვე შეღამებული იყო. იჯდა ავსიანიკი და ათვალეირებდა მზრუნველ-ოჯახს. ავთანდილის დედას რომ უცქეროდა თვალებში, სახლის კედლებიც თბილი ეჩვენებოდა.

რამდენიმე დღის შემდეგ ავსიანიკი მარიამის მზრუნველობის შედეგად მოკეთდა, ადამიანს დაემსგავსა. ავთანდილს ახლა უფრო მოეწონა ძმობილი.

ერთ დღეს, როცა ავთანდილის დედა, მარიამი, სკოლიდან მოვიდა, იურის თავზე ხელი გადაუსვა და დაყვავებით უთხრა:

— იური, სკოლაში მოგაწუვე.

ყმაწვილს ფერი ეცვალა და მღუშარედ თქვა:

— სულ ერთია, ვერ ვისწავლი... არა, ჯერ ვერ ვისწავლი!

— რატომ?

— გადავწყვიტე, ფრონტზე წავიდე, დედის ლანდი არ მასვენებს, ყოველ ღამით ბელორუსიის მიწაზე დავბორიალობ. ჩემი სახლის ნანგრევებს ვთხრი. დედის საფლავს ვეძებ. ხან მესიზმრება, თითქოს დედა ცოცხალია, მეძახის, ხელს მიქნევს, ხან ნანგრევებზე დგას და ტირის.

მარიამს გული აუჩუყდა. ჩუმად მოიწმინდა ცრემლი.

— პატაკი უკვე მივართვი შტაბის უფროსს,— განაგრძო იურიმ,— პატაკში ასე დაეწერე: „სროლაში ფრიადოსანი ვარ, გულადი ვარ, ვაჟაკის

ძალა მაქვს, მინდა თავი შევწირო სამშობლოს...“

1942 წელს, იანერის ბოლოს, იური აესიანიკი ეშელონთან ერთად გამგზავრა დასავლეთის ფრონტზე; ქალაქ გომელიდან გამოუგზავნა უკანასკნელი წერილი აეთანდილს და დედამისს.

რამდენიმე ხნის შემდეგ აეთანდილიც წავიდა ფრონტზე, როცა ომგადახდელი აეთანდილი საქართველოში ბრუნდებოდა, ბელორუსიის მიწაზე მოუხდა გამოვლა. მოაგონდა იური აესიანიკი და გულში სურვილი აღეძრა გავგო მეგობრის და მისი ოჯახის ამბავი. მინსკში შეჩერდა. დაათვალიერა მტრის მიერ დანგრეული ქალაქი, ინახულა სკოლა და უბანი, სადაც იური სწავლობდა და ცხოვრობდა (არა ერთხელ აუწერია იურის მისი სკოლა და უბანი აეთანდილისათვის). გაიხსენა ყველაფერი.

იქ, სადაც წინათ აესიანიკის კოხტა სახლი იდგა, ახლა ამოთხრილი მიწა და დანგრეული საძირკვლის ქვები იყარა. ხალხი გაცხარებულ მუშაობდა. დანგრეული უბნის აღსადგენად და ახალი ცხოვრების მოსაწყობად. აეთანდილმა ერთ გოგონას ჰკითხა აესიანიკების ოჯახის ამბავი.

— კარგს ვერაფერს გეტყვით,—უპასუხა ახალგაზრდა გოგონამ, რომელსაც განვლილი ომის სიმწარე საკმაოდ დაჩენოდა სახეზე.—იურის დედამტრის ყუმბარამ ჩამარხა მიწაში. პატარა ემაწვილმა კი სასახელოდ შესწირა თავი სამშობლოს თავისუფლებას.

ათანდილი გულდაწყვეტილი გამოეთხოვა პატარა, მაგრამ გულადი მეგობრის სამშობლოს.

პირველი სვევილი

მთელი გოგოა ზარა. სამგორში ჩამოსახლდნენ მისი მშობლები. ზარას არ მოსწონს გვალვით გადამწვარი მინდვრები. „ერთი ჩრდილი არსად მოიპოვება... — ბუტბუტებს ზარა თავისთვის და გაპყურებს თვალუწვდენ ველს,— არც ერთი ყვავილი... არც ერთი ფოთოლი...“

ზარას მამამ—გიორგიმ მთელი სამი წელიწადი იმუშავა სამგორის არხის გათხრაზე.

„დაჰკარით, ბიჭებო, დაჰკარით, მთაც ჩვენი სამშობლოა და ბარიც,“— აქეზებდა გიორგი ამხანაგებს და არხეინად მოჰყვებოდა ლილინს. სიხარულით, სიყვარულით და სიმღერით გაითხარა არხი. როცა იორი ჩქრიალით გაემართა მლაშე ტბებისაკენ, გიორგიმ თვალი ვერ მოწყვიტა ვერცხლივით მოლაპლაპე წყალს. გულში ახალი სურვილი გაუჩნდა, ახალ მიწაზე დასახლება მოუნდა. გახედა მინდვრებს და წარმოიდგინა არხის ნაპირებზე ჩამწკრივებული კიპარისები და ალვის ხეები, შრიალა ფოთლები, ზღვასავით მღელვარე პურის თავთავეები, დახუნძლული ხეხილები, ბოსტნები და ვენახები. თვალები გაუნათდა. ტყუილად არ ჩაივლის გიორგის შრომა. „რაკი ამ გამოგვალულ მიწაზე იორის წყლის ჩქრიალს მოვესწარი, ბალებსაც მალე მოვესწრები. რა არის ხუთი-ექვსი წელი, ან ათი, დახუქე თვალი და გააღე,“— თქვა გიორგიმ და განზრახული აასრულა კიდევც.

გიორგი შეუდგა ახალ ცხოვრებას.

ოჯახს იორის წყალი მიეპყურა. ძროხა ზმულით მიადგა ანკარა წყალს. გოჭები აღრუტუნდნენ. ბატები და იხვები მთელი დღე ფრთას შლიდნენ და ცურაობდნენ.

პირველად გაისმა სამგორის მიწაზე დიასახლისის ხმა. გიორგის მეუღლე—ზარას დედა, ჯარასავით დატრიალდა ახალ მიწაზე. კობტა სახლი კობ-

ტად მორთო. ეზო დააწყკრიალა. მინდვრებს გახელა, სამუშაო ბევრია! — გაიფიქრა შვილების დედამ.

ძაღლებმა ლამის ლანდებს შეჰყეფეს.

გიორგი მხიარული დაბრუნდა სამუშაოდან. გაეგო, სამგორის მახლობელი სოფლები ნერგებს ამზადებენო სამგორელებისათვის საჩუქრად. ყველა მხიარულობდა ოჯახში. ცინდალიც კი სიამოვნებით იბანდა პირს დილის მზეზე. არ მხიარულობდა მხოლოდ ზარა. ის მუდამ გაბუტული გაიყურებოდა სადღაც. ისევ აგონდებოდა მთის ყვავილები, მთებში რომ იკეთებდა კონებს. მოწყენის დროს გადაიბრუნდა, გადადგებოდა არხზე და გასცქეროდა შორიდან მოლივლივე ანკარა წყალს. აგონდებოდა მთიელი გოგონები და მღეროდა იმ ბების სიმღერას, რომელიც მთებში დარჩა, — ერთი ბები აქ ჰყავს ზარას, მეორე ბები მთებში. ორივე უყვარდა გოგონას. როცა მდინარის პირას ჩამოჯდებოდა, მთებში რომ ბები ჰყავს, იმის საყვარელ სიმღერას წამოიწყებდა: „წყალსა ნაფოტი მოჰქონდა, ალვის ხის ჩამონათალი, დადექ, წყალო, და მიამბე მოყვრისა შემონათვალი...“ ო, როგორ ტკბილად ახსოვს ზარას ბების სიმღერა!

— დადექ, წყალო, დადექ, და მიამბე ჩემი ბების შემონათვალი!.. რაო? მოდიო? მომწყინდა უშენოდო?

გული ამოუჯდა გოგონას, წამოხტა და დედასთან გაიქცა.

ერთხელ დილით, როცა მზე მწვერვალიდან აბნევდა სხივებს სამგორის ველზე, ზარა წამოდგა ლოგინიდან, ჩვეულებრივად გადირბინა მდინარეზე და რა ნახა: არხის ნაპირზე მწვანე მოლი ამოსულიყო. მწვანე მოლში ერთი ყვითელი ხუჭუქა ყვავილი ოქროს თვალივით იჯდა. ზარამ თვალები დააქუცია, აღარ იცოდა რა ექნა. დაიკუნა და ფრთხილად აკოცა ყვავილს. გახარებული დაბრუნდა გოგონა სახლში, მაგრამ სიხარულის მიზეზი არ გაამხილა. პატარა ძმა გოჩა ნახავს და მოწყვეტსო, გაიფიქრა.

მეორე დილით ზარამ ჩქარა ისაუბრა და გაიქცა ყვავილის სანახავად. ზარას სიხარულს საზღვარი არ ჰქონდა, როდესაც ერთი ოქროს თვალის მაგიერ ორი ოქროს თვალი დახვდა დამჯდარი. დიდხანს უცქირა, დიდხანს ეალერსა. ბოლოს მიიხედ-მოიხედა, რაიმე უნდა დააფაროს თორემ... იქ, შორს თვალი მოჰქრა გაცრეცილ თუნუქს, მოარბენინა და დააფარა. დაბრუნდა შინ. ზარამ ამ დღესაც არ გაამხილა საიდუმლო.

მესამე დღეს ქალაქში წაიყვანა დედამ. მთელი დღე ყვავილებზე ფიქრობდა გოგონა. ყვავილებიანი საზაფხულო კაბა იყიდა. როცა დედამ ელექტრონის უთო გადმოალეობინა ნოქარს, ზარამ ვაზებს შეხედა თაროზე ჩამწყრივებულს.

— დედა, დედიკო, აი, ის ყვავილებიანი ვაზა მიყიდე! — სთხოვა დედას.

— რად გინდა, გოგოვ, ვაზა? სადაური ყვავილები გაქვს სამგორში? — ცოტა კიდევ გაწყრა დედა, ყველაფერი როგორ ვუყიდოო. მაგრამ ვერ გაუტეხა შვილს ხათრი.

შინ რომ დაბრუნდნენ, მზე ჩადიოდა. ზარას დედამ გახარებულმა შესძახა:
— გამარჯობა, ვანო! უთოს ჩასართს უკვე მიკეთებ?
— აკი დაგპირდი...
— იხაროს შენმა მარჯვენამ.

გოჩამ ახალი უთო რომ დაინახა, საკუქნაოდან ძველი უთო გამოათრია ნახშირით სავსე და შეჰყვირა დედას:

— ეს უთო ვის მივცეთ, დედიკო?

— ეს ხომ ბების სახსოვარია. ხელი გაუშვი!— დაუჩაჩხანა ძმას ზარამ, ვაზა მაგიდაზე დადგა, შეხედ-შემოხედა და შურდულივით გაფარდა გარეთ, აქოშინებული მიიბრინა მის ყვავილებთან, თვალები აუქაშქაშდა: ორი ყვავილის ნაცვლად მთელი კონები ამობურთულიყო. ამ სიხარულის დაფარვა აღარ შეეძლო ზარას. პეპელასავით გაფრინდა სახლისკენ. სამუშაოდან დაბრუნებული გიორგი სახლის წინ იჯდა, თამბაქოს ეწეოდა. მუხლებზე გოჩა იჯდა. ზარა მიექრა მამას და ხალათის სახელოში ხელი სტაცა:

— მამა, წამოდი, წამოდი, რაღაცას გაჩვენებ... ჩქარა წამოდი!..

— რას მაჩვენებ, გოგოვ!— იკენეულად გაიღიმა გიორგიმ.

— გაჩვენებ, გაჩვენებ,— ქეიოდა ზარა.

გიორგი დინჯად წამოდგა. გოჩაც მამას მიყვა. გაოცებული ზარას დედაც მათ აედევნა. მონტიორმა ვანომ ხელი უშვა სამუშაოს და მათ გაჰყვა. ზარას ბებიამ რომ დაინახა, ყველა სადღაც გარბოდა, ვერ მოითმინა და ჯონის ბიჯებით მიყვა შვილის კვალს, აგერ ცუგრიაც კულდაბზეკილი მისდევს ბებიას.

რა სიცილი, კისკისი და მხიარულება გაისმა არხის ნაპირზე. მთელმა ოჯახმა გაიხარა ყვავილებით. ზარამ ხელი გადაუსვა ამწვანებულ ბალახს და უეცრად შეჰკივლა. შეშინებული გოგონა მამას მიექრა. ბალახებში თურმე პაწია ბაყაყი იყო მიმალული. ბაყაყმა ისკუბა და ზარას ფეხებში ჩაუყარა.

— აი ეშმაკი... ამან შეგაშინა, გოგოვ?— სიცილით წარმოთქვა გიორგიმ,— ყვავილიც და ბაყაყიც ბედნიერების ნიშანია; იორის წყალს ჩვენთან მოაქვს სიცოცხლე და ბედნიერება.

ამის შემდეგ გავიდა ორიოდ წელი. გიორგის გვერდით გაჩნდნენ ახალი მეზობლები. ჩამწკრივდა კოხტა სახლები. ზარას დედასთან ერთად სხვა დიასახლისებიც გაფაციცებით შეუდგნენ კოლექტიური ცხოვრების მოწყობას, ოჯახის გალამაზებას.

გაიფურჩქნა ხეხილები, აშრიალდა ყანები. გაიშალნენ ყვავილები.

ზარას შემოუმრავლდნენ ამხანაგები.

ზარა ახლა მოზრდილი ქალიშვილია. აგერ სკოლიდან მოდის, შემოირბენს ეზოში, დაჰკრფის ვარდებს, აწყობს მის ვაზაში და აგონდება „პირველი ყვავილი.“

ბედნიერების ღიმილი ეფინება.

პატარა ამბავი

გუშინ დაასაფლავეს ჯაჯუს დედა. პატროსანი ხალხი აღმოჩნდა მეზობლებში. გარდაიცვალა თუ არა საცოდავი ფეფიკო, საჩქაროდ შეუკოწიწეს ფიცრის კუბო და წაასვენეს ეკლესიისაკენ. მღვდელი წარბშეკრული მიუძღოდა კუბოს. იცოდა დღეს გასამრჯელოს ვერ აიღებდა, რადგან მიცვალებულს არაფერი გააჩნდა. დიაკვანიც უგულოდ ბუტბუტებდა ლოცვანიდან გაზეპირებულ სიტყვებს. ასე მიაცილეს სასაფლაომდე ფეფიკოს ცხედარი გულშემატკივარმა მეზობლებმა და მიაბარეს მიწას.

— მადლობა ღმერთს, მოისვენა საცოდავმა ფეფიკომ, — ამბობდნენ მეზობლები; ხალხი რომ წავიდ-წამოვიდა, მღვდელი და დიაკვანი ჩეულებრივად ჩამოსხდნენ ეკლესიის კიბეზე. ვინ იცის, იქნებ ერთმანეთს უზიარებდნენ დღევანდელ უკმაყოფილებას.

ჯაჯუ ეზოს მიუახლოვდა. ჩამავალ მზეს ზღვის სარკეზე დაეყარა ცეცხლივით სხივები. მან დამნაშავესავეთ ჩაუარა ქუჩაზე მოთამაშე გოგო-ბიჭებს და დაღერემილმა შეაღო ქოხის კარი; ჩამქრალ კერას მიაპყრო თვალი. მიწაზე ამოყვანილ ქოხის თითოეულ ფიცრს ფეფიკოს ხელით დანაქედი ლურსმანი აჩნდა. შეშის ნაპობზე გადაქედლილი ფიცრის ტახტი, ფიცრის თარო, ოთხკუთხი სუფრა, — ყველაფერი ფეფიკოს ხელით ნაწვალები, მინჯღრეულ-მონჯღრეული, ნაოხარივით ეყარა კუთხეში. ფეფიკოს ხელით ამოყვანილი აგურის კერა ჩუმი სევდით გამოიყურებოდა. ვინ იცის, რამდენი ოფლი და ცრემლი დაუღვრია საცოდავ ფეფიკოს ამ კერასთან, რამდენი მთრთოლვარე გრძნობა ჩაუფერფლავს აქ.

დიდხანს უტკეროდა გარინდებული ჯაჯუ ჩაფერფლილ კერას; მერე ცრემლიანი თვალები ირგვლივ მიმოავლო. ღამის ბინდბუნდს უკვე გაეშალა თალხი კალთები. ათასი მოჩვენება აირია ჯაჯუს თავში. კუთხისაკენ მიიხედა, გაძარცულ ლოგინზე დედა მოჩვენება. აგერ კუბო... ჯაჯუს გულში ტყვიასავით შეიჭრა შიში; საჩქაროდ გატრიალდა უკან და ქოხის კარი მაგრად გაიკეტა.

იმ დღის შემდეგ ჯაჯუ ქალაქ ფოთში აღარავის უნახავს. ყველამ დაივიწყა ის. არ იფიქრებდა მხოლოდ მეზობელი ქვრივი ციბული მის შვილებთან გაზრდილ ჯაჯუს და როცა მიტოვებული ქონის წინ ჩაივლიდა, მწუხარედ ჩაირტყამდა გულში ხელს.



მგზავრები მთელი ღამე მოელოდნენ ნავსადგურიდან გემის გასვლას. რომანოვების საგვარეულოს ვეებერთელა გემი ბაქანთან იდგა. მოქანცული მგზავრები იატაკზე გაშხლართულიყვნენ. ზოგი მათგანი ნამძინარეგ თვალებს იფშენებდა. ზოგი თავმოებზრებული დადიოდა ბაქანზე და მეზღვაურების მოძრაობას თვალს ადევნებდა. ბაქანს ხალხი ემატებოდა. მოისმოდა დანჯღრეული ეტლებისა და თვლებზე შემდგარი კონკის რახრახი, რომელსაც ლურჯი ლაფშა მძიმედ მიათრევდა ლიანდაგზე. რამდენიმე წუთის შემდეგ ბაქანზე ტევა აღარ იყო. სადგური აივსო წელზე ქვაბებშიმბმული ჯარისკაცებით, თავშეხვეული სპარსელებით, კურტნიანი ქურთებით, ყაბალახწაკრული მეგრელებით, ლურჯხალათიანი გურული მუშებით და მოვაჭრე ბერძნებით.

განთიადმა მოატანა. ნავსადგურის დარაჯმა ფარნები ჩააქრო. გურიი-აჭარის მთებმა მზის ცეცხლის კალთა წამოიხურა, ნავსადგურს თეთრმა შუქმა დაათოვა. დილის სიო აფუსფუსდა და ზღვის კრიალა სარკე დატყდა, ტალღებმა ქოჩორი წამოშალეს და თოლიებდაფენილ ნაპირს მიაშურეს. თოლიები ვერცხლის ფარატინებივით აფრიალდნენ ლაფვარდ სივრცეში.

— ძინ... ძინ... ძინ...—მძიმედ გაისმა პირველი ზარი. გემზე მეზღვაურები ამოძრავდნენ. ბაქანზე ხალხი აწრიალდა.

— აქეთ, ბიჭუნო, აქეთ შემოდგი ფეხი!—აფრთხილებდა მოხუცი მეზღვაური ჯაჯუს. ჯაჯუ გულისფანცქალით აღიოდა გემზე და მთელი ღამის უძინარ თვალებს ირგვლივ აცეცებდა. არ უნდოდა, რომ მისთვის ვინმე ნაცნობს თვალი მოეკრა და მისი წასვლის ამბავი ღარიბთა უბანს მოჰყენოდა.

— მშვიდობით, ჩემო ძამია!..

— მშვიდობით მაჩვენოს ღმერთმა შენი თავი...

— იმეღია, არ დამივიწყებ...

— დედაშვილობას, წერილი მოიწერე...

ეთხოვებოდნენ მოკეთებები მგზავრებს და შინისკენ ბრუნდებოდნენ.

— ძინ... ძინ... ძინ...—მეორედ გაისმა ზარის ზუზუნო. გემი ზღაზენით მოშორდა ნაპირს და ნელი ზოზინით გაემართა შუაგულ ზღვისკენ.

მოხუცი მეზღვაური მშვიდად მოვიდა რაფაზე დაყრდნობილ ჯაჯუსთან და აღერსით ჰკითხა:

— ბიჭუნო, რას უცქერი ასე დაფიქრებულნი? ვინღა დაგრაჩა საფიქრებელი?

— თოვლიანი მთები!—ათრთოლებული ხმით მიუგო ჯაჯუმ კეთილ მეზღვაურს.

ჯაჯუს თვალებს იმწამს, მართლაც, ქალარა მთებში იზიდავდა, ხოლო მისი ფიქრი ისევ ქალაქ ფოთის ღარიბთა უბანში დაბორიანდებდა; ქვერემა ციბულიმ, ალბათ, მოიკითხა წუხელ ჯაჯუ. შინ რომ აღარ დაუბედა, მეზობლებს გადასძახა, მაგრამ ჯაჯუ მეზობლებშიც არ აღმოჩნდა... მისმა ბიჭმა ბესიამ, ალბათ, ფურნე და ღუქნები შემოიბრინა.

„ჯაჯუ, შეილო, ჯა-ჯუ-უ-უ...“—თითქოს მართლაც მოესმა ჯაჯუს ციბულის ძახილი.

ახლა ქალიშვილი ძიბაც მიბაძევს ციბულის, ისიც დაუწყებს ჯაჯუს ძახილს. ამ დილითაც რომ ვეღარ იპოვნინა, ალბათ, მთელი ფოთი შეიტყობს ჯაჯუს დაკარგვის ამბავს. ქებში დაუწყებენ ძებნას... აქ უნებლიეთ გაეცინა ჯაჯუს, მაგრამ წამსვე მოიღრუბლა. მოაგონდა ამ რამდენიმე წლის წინ ფურნის ღია დერეფანში შეგროვილი გოგო-ბიჭები მინდორში სათამაშოდ რომ აპირებდნენ წასვლას და საშინელი შეურაცხყოფა იგრძნო: მეფურნის ჩასუქებულმა შვილმა „ნაბუშარა“ დაუძახა ჯაჯუს და სხვა ბავშვებთან შეკრა წრე. ჯაჯუს ასე დამცირებისათვის ბესიაც გამოეთიშა წრეს და ჯაჯუსთან ერთად გულნატკენი დაბრუნდა შინ. „მადლობა ღმერთს,—გაიფიქრა ჯაჯუმ,—აწი ვეღარ დამცინებენ“. გაუხარდა, გაიღიმა.

მეზღვაურმა წელიდან ღურბინდი ჩამოიხსნა და ნახევრადმოხუჭული თვალებით გახედა თეთრად მოჩუქურთმებულ გურია-აქარის მთებს, საიდანაც მაისის მზეს უხვად გადმოებნია სხივები ვრცელ დაბლობზე. სამხრეთის მკერდზე მიღეული თეთრი მთვარე გაფითრებული უცქეროდა მოგუზგუზე მზეს და გურია-სამეგრელოს დაბეზსა და სოფლებს.

მოხუცი მეზღვაური მიხვდა, რად გააჟურებდა ჯაჯუ ასეთი ნალვით ნაცნობ ველ-მინდვრებს, მოაგონდა თავისი ბავშვობა, როცა პირველად მიემგზავრებოდა უცხოეთში სასწავლებლად და უკან ტოვებდა ახლობელსა და საყვარელ მიდამოს.

— არაფერია, ყველაფერი გაივლის,—მიუალერსა კეთილმა მეზღვაურმა ჯაჯუს. ჯაჯუ მანამ გასცქეროდა აღმოსავლეთს, სანამ გემი უზარმაზარ ქედს არ მოეფარა. საღამოთი გემი ჩქარა მიქროდა ჩრდილოეთისაკენ. ბუნების სურათებიც იცვლებოდა.

ჯაჯუ ისევ იდგა გემბანზე. ახლა წარსულზე აღარ ფიქრობდა; ფართოდ გაღებული თვალებით გასცქეროდა წყნარ ზღვას, ოდნავ ატეხილი ტალღებით ლასლასით რომ მოარხვედა კალთებს. არ ჩანდა ნაპირი. ჩამავალი მზე პეშვით ყრიდა სხივებს. ჯაჯუ თვალს არ აშორებდა ცის კიდურზე გამწკრივებული ღრუბლის ნაგლეჯებს, თეთრი ვარდებივით რომ გაფანტულიყვნენ ჩამავალი მზის ანთებულ ცეცხლში, ის ახლა უცნობ ქვეყანაზე ოცნებობდა. უცნობი ქალაქები ეხატებოდა თვალწინ. უცნობი ადამიანები ირეოდნენ ჯაჯუს თავში.

მოხუცი მეზღვაური თავის საქმიებს მორჩა და ისევ ჯაჯუსთან გამოვიდა, ნხრებზე ხელი მოჰხვია, მოეფერა და ჩვეულებრივად ჰკითხა:

— რაზე ოცნებობ, ბიქიკო, მოგწონს ზღვაზე მგზავრობა?

ჯაჯუმ თავი დახარა, სახე წამოუწითლდა და მორცხვად წარმოთქვა:

— ნეტა, იმ ღრუბლებს იქით რა ქვეყანაა?

მეზღვაურს გაელიმა.

— ჩვენ ხომ ერთად მოგვიხდება მგზავრობა... ნუ ჩქარობ, ყველაფერს გეტყვი... შეიძლება იმ ქვეყანაშიც მიგვიყვანოს ჩვენმა გემმა.

ჯაჯუმ უკმაყოფილოდ მიაპყრო მოხუცს თვალი, ეწყინა, „რატომ ახლა არ მეუბნებაო.“

სამი-ოთხი დღე მიტურადენენ, მაგრამ ნავსადგურში შესვლას კიდევ არ ფიქრობდნენ. მოხუცი მეზღვაური ყოველ თავისუფალ დროს ესაუბრებოდა ჯაჯუს მეტად საინტერესო ამბებზე, სხვადასხვა ქვეყნებზე, მშრომელი ხალხის სილატაკეზე და მდიდრების გაუმძღვრობაზე. ჯაჯუ გულმოდგინედ უსმენდა. მოხუცის თითოეული სიტყვა ბეჯითად იწერებოდა მის გულში.

— ქრელია ქვეყანა, ბევრი შრომობს და შიმშილით კვდება. ბევრი კი არ შრომობს და სუქდება. ხელმწიფე მაძლარს წყალობს და ლატაკებს ყვლფეს. ქვეყანა ბოროტებით არის სავსე, მაგრამ არიან კარგი ადამიანებიც, რომელნიც იბრძვიან სამართლიანობის დასამყარებლად. ადრე თუ გვიან შეიქმნება, ჩემო პატარავ, შრომისა და სოლიდარობის ქვეყანა, სადაც აღარ იქნებიან მდიდარნი და ღარიბნი... სადაც შეძლებისამებრ იშრომებს ყველა და იცხოვრებს კარგად, მაგრამ მანამ ასეთი ცხოვრება არ შეგვიქმნია, უნდა ვისწავლოთ და ვიბრძოლოთ მის შესაქმნელად.

ასე დააბოლოვა მოხუცმა ჯაჯუსთან საუბარი. ჯაჯუს თვალები გაუბრწყინდა.

— მერე რატომ თქვენსავით არ ხედავენ სხვებიც ასეთ მშვენიერ ქვეყანას? — გაკვირვებული მიაშტერდა ჯაჯუ მოხუცს.

— იმიტომ, ბიქუნი, რომ ხალხი სიბნელეში იხრჩობა.

ჯაჯუს ისევ მოაგონდა დედის გაკვირვებული მდგომარეობა და თვალებზე მსხვილი ცრემლები ჩამოუგორდა.

„აგერ, ზღვის ქათში ისევ გამოეხატა ჯაჯუს ავადმყოფი დედა, მისი ქოხი, ქაობიანი ეზო, ციბული, ბესია, ძიბა და ღარიბთა მთელი უბანი პატარა ქონებაებით, ბოძებზე შემდგარი ოდებით, ქაობიანი ეზოებით და აქა-იქ მბეტეცავი ფარნებით. მაგრამ ახლა ჯაჯუს თვალებს არ გამოეპარა ქალაქის მცხოვრებთა სხვა უბნებიც: თეთრად შეღებილი სასახლეები, ძვირფასფარდებიანი ფანჯრები, ბრწყინვალე ქალები და...“

ჯაჯუსთვის ახლა სავსებით გასაგები გახდა, რად მუშაობდა საცოდავი ფეფიკო მთელი დღე მდიდრების ოჯახში. „იმიტომ, რომ დედაჩემი ღარიბი იყო...“ — დაასკვნა ჯაჯუმ.

და... ჯაჯუს კიდევ მოაგონდა თევზის მრეწველი ივანე. აი, ივანეს ამალ-

ლებული, სუფთა ეზო, მწვანედ შეღებილი ოდა, წითელი ხავერდის სკამები, თეთრი ლოგინები, საკეები... აი კაქლის ხის ტოტებზე გაბზული საქანელა.

ფეფიკო კასთან დგას და თეთრეულს რეცხავს, ჯაჯუ ივანეს პატარა ქალს აქანავებს, უფრთხილდება, არ გადავარდეს, არ ატირდეს, ივანეს ცოლი აივანზე ზის და გულხელდაკრეფილი გასცქერის მზიან ეზოს, თითქოს მის სასიამოვნოდ გაშლილა ბაღის ვარდები და მინდვრის ყვითელი ბაიები... მუშაობის შემდეგ ფეფიკო და ჯაჯუ ივანეს სამხარეულოში სადილობენ. ივანეს ცოლი უქანა კარებში უთვლის ფეფიკოს გროშებს!

„არა, მე ისევ დავბრუნდები ჩემს ქოხში და ვეტყვი ყველას: ძიბას, ბესიას და მთელ ლარიბთა უბანს,—გაიფიქრა ჯაჯუმ,—რომ მდიდრები მათ ჩაგრავენ, რომ მდიდრები ქვეყნად ბოროტებასა ქმნიან“.

მაგრამ ჯერ უნდა ისწავლოს ჯაჯუმ. ჯერ კარგად უნდა შეიგნოს, დაინახოს, უნდა გამოიკითხოს ამბები...

ჯაჯუს უცებ რალაც მოაგონდა, ფიქრებში ჩათვლემილი მოხუცი გამოაფხიზლა და მოკრძალებით ჰკითხა:

— ნუთუ არ მოისპობიან მდიდრები!

— ეხ, შე თავგო, რას ჩამომეკიდდე? ხომ გითხარი, გეტყვი თავის დროზე-მეთქი. ყველაფერს თავისი დრო აქვს...

ჯაჯუ მოიღრუბლა... მოხუცმა შეატყო, რომ ჯაჯუს მისი პასუხი ეწყინა და მშვიდად გაიღიმა.— მოისპობიან, მოისპობიან.

— როდის?

— სოციალიზმის და კომუნიზმის ხანაში.

— სოციალიზმი, კომუნიზმი!!—დიდხანს იზებირებდა ჯაჯუ ახალ სიტყვებს, მაგრამ მოხუცმა დაარიგა, რომ ამ სიტყვების გახმაურება არ შეიძლებოდა, რომ ამისათვის დასჯილნენ ჯანდარმები.

გემი მიცურავდა. ჯერ კიდევ შორს იყო ნაპირი.

ჯაჯუს ახალ-ახალი ფიქრები უტრიალებდა თავში.

თბილი საღამო იყო, მგზავრები გემიდან ამოდიოდნენ, ახალამოსულ მთვარეს უცქეროდნენ, თავისუფლად სუნთქავდნენ და მასლათობდნენ.

* * *

რამდენიმე წელმა განვლო.

ფეფიკოს ქოხი ჩამოლპა, პესერშემორღვეულ ეზოს ლორები ჩიჩქნიდნენ და ქენკყოში ბატები ყიყინებდნენ. აღარავის აინტერესებდა ამ ოჯახზე საუბარი.

მხოლოდ ქერივი ციბული თუ მოიგონებდა ათასში ერთხელ ბესიასთან და ძიბასთან შეზრდილ ჯაჯუს.

ასე მიდიოდა დრო.

პოლიციელები წუნკალ ძალებივით დათარეშობდნენ, ცხრაას ხუთი წლის მოძრაობის მონაწილეებს იქვრდნენ და ქუთაისის საგუბერნიო ციხეში აგზავნიდნენ.

ქალაქს ვაკერები, მღვდლები და მოხელეები მეთაურობდნენ, ხალხი თავ-ჩაქინდრული დადიოდა. სიმათლის თქმას ვერავინ ბედავდა.

მხოლოდ ნავსადგურისა და ხე-ტყის ქარხნის მუშებში ისევ ღვიოდა რე-ვოლუციის ნაპერწკალი.

მუშები ელოდნენ მეფის ტახტის დანგრევას. კითხულობდნენ გაზეთებს, ღეჰეშებს და თვალყურს ადევნებდნენ პირველი ომის ამბებს. მოლოდინი ახდა, ტახტიდან ჩამოაგდეს ნიკოლოზ მეორე, მეფის ბატონობას ბოლო მოეღო. დღემდე თავჩაქინდრული ხალხი აგუგუნდა, ახმაურდა. ზღვის აგორებულ ტალღებს დაემსგავსა ჩვენი პატარა ქალაქი ფოთი.

საჩქაროდ შედგა რევოლუციური კომიტეტი, რომელმაც გადააყენა მთავ-რობის გენერლები, პოლიციის მოხელეები და ყველა ძველი მეთაური.

დაატყვევეს ჯაშუშები, შეიარაღდა მებრძოლი რაზმი.

მაგრამ ქალაქის ერთფეროვანი ცხოვრება არაფრით არ შეცვლილა. მხო-ლოდ ხალხის ერთიგული არღვევდა ნესტიან ჰაერს და სიცილის ნიაღვარი მზიურ კისკასით ეფინებოდა შავი ზღვის ნაპირებს.

ამ პატარა პროვინციის მცხოვრებთ ვერ შეეგნოთ, რომ რევოლუცია ჯერ კიდევ დიდ ბრძოლებს მოითხოვდა...

ქვრივი ციხულის ბესია მენშევიკების კომიტეტში იჯდა და მშვიდად ასრულებდა პარტიის წვრილმან დავალებებს.

* * *

სალამო ხანი იყო.

მზე თანდათან ტოვებდა ცის ჰორიზონტს და უცხო მხარეს სთავაზობდა საგანთიადო სხივებს.

ქალაქი ღამის ბინდბუნდში ეხვეოდა, ქუჩებში გაბნეული ფარნები საცო-დავად ბეუტავდა.

ზაფხულის შეხუთული ჰაერი მძიმედ აწვებოდა ზღვის პირის დაბლობს. არ იძვროდა ბორიო, ხალხი ოფლში იწურებოდა.

ღია ფანჯარასთან იჯდა ბესია და ადგილობრივ წვრილმან საქმეებზე ფიქრობდა. სამუშაო მაგიდაზე დაწეული ღამპა ოდნავ კრთოდა. სინათლეს აუარებელი კოლო ეხვეოდა, გულის შემზარავად ირეოდა და ბესიას სასტიკ ომს უცხადებდა.

შორიდან ისმოდა ზვირთების ნელი შრიალი.

— ნიკოლოზი ხომ ჩამოვაგდეთ, სხვა რაღა გვინდა? შინაურ საქმეებს მოვაწყობთ, ყველა ძმები ვართ.

ასე ლაპარაკობდნენ ხალხის ახალი მესვეურები, რომელნიც მაშინ განავებდნენ ქალაქს.

„რუსეთში ყველაფერი ძველი ინგრევა,—ფიქრობდა ბესია,—საქართველოში არაფერი შეცვლილა, რევოლუციური კომიტეტის წევრი ვარ მეც, საბახტარაშვილიც და ევანიაც... როდის ვიბრძოდით ერთად? რა გვაქვს საერთო ვაქარს, ხე-ტყის მწარმოებელს და მუშას?

ამას წინათ საკითხი იყო დასმული ღარიბთა უბანში ქუჩების გაშრობის შესახებ.

საბახტარაშვილი და ევანია თავგამოდებით ლაპარაკობდნენ, უსათუოდ საქიროა გავაშროთ ღარიბთა უბანიო, მაგრამ როცა გიორგიმ თქვა, ქალაქს თანხა არა აქვს და საკუთარი წარმოებიდან გაიღეთ ცოტა ხარჯებიო, ისინი შეშფოთდნენ: სად გაგონილა ამისთანა ამბავიო!

ყველაფერი ნათლად გაიშალა ბესიას თვალწინ: კაპარკინანზე გავლებული ჯებირები, იქვე დადგმული ხერხის ქარხნები, ციებით ჩაყვითლებული ქარხნის მუშები, ტომრებით ნაფოტებწამოკიდებული მუშების ცოლ-შვილი, და იქვე საბახტარაშვილის ორსართულიანი ქვის სახლი, სადაც უზრუნველ და ლალ ცხოვრებას მოეკალათებინა.

აქ ეი, ბაზრის თავში, ევანიების სავაჭროები.

დღეს ისინი ამხანაგს ეძახდნენ ბესიას! განახლებული ქალაქის თვით-მმართველობაში მუშაობდნენ...

„მოდი და ნუ გაგეცინება,—ფიქრობდა ბესია,—როდის იყვნენ ესენი ჩვენი ამხანაგები? რა რევოლუციაა ეს? რას მოუტანს ამისთანა რევოლუცია ხალხს? თითქოს ყველა სოციალისტია... მამა გიცხონდათ!..“—ბრაზით წამოიძახა ბესიამ. ცხვირზე დამჯდარი კოლო მოიცილა და ლამპას აუწია.

მენშევიკების კომიტეტში ამ საღამოს მის შეტვი არავინ იყო.

კარი გაიღო და ბესიას წინ მოულოდნელად გამოიქიმა ახალგაზრდა კაპიტანი.

„მეფის მოხელეები თუ შემოგვესიენ,“—გაუელვა ბესიას აზრმა, მაგრამ წამსვე გაუქრა უეცარი ეჭვი; უცხო სტუმარი მშვიდად იღიმებოდა და სიხარულით აღვზნებული თვალებით ჩასცქეროდა ბესიას.

— რისთვის გარჯილხართ?—მცირე პაუზის შემდეგ ჰკითხა ბესიამ.

— მე ორი თვეა ზღვაზე ვებრძოდი თეთრებს. წინ გზა გადამიკრეს და გემი საქართველოსაკენ შემოვაბრუნე, ერთი დღით ჩემი ქალაქის ნავსადგურში. დიდი ხანია, ძალიან დიდი, ბავშვობის აქეთ აღარ ვყოფილვარ აქ, მენატრება, მინდა დავათვალიერო ყოველი კუთხე, კუნძული. აქ ვარ დაბადებული. დედაც აქვეა დასაფლავებული... ჩემი ქობიც...

ბესია შეკრთა, გული აუჩუყდა, სტუმარში მონათესავე აღამიანი იცნო. სიმშვიდე მოიკრიბა და სტუმარს ჰკითხა:

— თქვენი გვარი?

— ფეფიკოს ბიკს მეძახოდნენ მეზობლები, მახსოვს ბესია, ძიბა...—ველარ მოასწრო სტუმარმა წინადადების დამთავრება.

— ჯაჯუ, ძმაო!—შეპყვირა ბესიამ და ბავშვობის ორი მეგობარი, 15 წლის შემდეგ, ისევ ბავშვური გატაცებით გადაეხვივნენ. ჰკოცნიდნენ, ანჯღრევდნენ ერთმანეთს და ბავშვებივით ქვითინებდნენ. დამშვიდების შემდეგ მოიგონეს თავიანთი ბავშვობა და ძველი ამბები.

— მაშ, ძიბა არ გათხოვილა, ციბული ცოცხალია?—იმეორებდა ჯაჯუ. მოაგონდა მას დედის დასაფლავება, წარსული მწუხარება.

საუბარი შეუმჩნევლად საერთო საქმეებზე გადავიდა. ჯაჯუ ბესიას რუსეთის ამბებს მოუყვა, თვალწინ გადაუშალა დენიკინელებთან ბრძოლის ეპიზოდები. მერე სევასტოპოლის მეზღვაურებზეც უამბო.

— ბიკოს! ფეკაცებიც თქვენ ყოფილხართ!—გაკვირვებით ამბობდა ბესია.

— საქართველოში რევოლუცია ჯერ არ დაწყებულა,—დინჯად თქვა ჯაჯუმ,—აქ მხოლოდ მზადებაა რევოლუციისათვის. ბესია, ჩემო ძმაო, ჩვენ უნდა დაეხმარათ რუსეთს თეთრებთან ბრძოლაში. შენ, მე და მილიონობით ჩვენისთანები—ძმები ვართ, რა გვაქვს ჩვენ საერთო ნაციონალისტებთან, კერძო შესაკუთრებებთან, ვაჭრებთან და მწარმოებლებთან?

ბესია ყურს უგდებდა ჯაჯუს ლაპარაკს და გულს ხედებოდა ჯაჯუს სიტყვები.

— ფიქრობ ამაზე... დღეს, ხვალ... ვიმსჯელოთ კიდევ... ვნახოთ, იქნებ შენ დარჩე ჩვენთან,—იხუმრა ბესიამ,—ახლა წავიდეთ შინ. დედაჩემი გადაირევა შენს დანახვაზე. ბიკო, ბავშვობის თვალები შეგარჩენია მხოლოდ, აბა ვნახოთ, თუ გიცნოს დედაჩემმა. აბა წავიდეთ! შენი ქოხი კი დიდი ხანია ჩამოლა, ჯაჯუ, გული არ გეტყინოს, ძმაო!

ჯაჯუმ გაიღიმა და ხელი ჩაიქნია.

— ახლა უფრო დიდი საკითხები გვაქვს გადასაწყვეტი, ბესია, ქოხზე ფიქრისათვის არ გვცალთა.

ციბული თვალებს არ უჯეროდა.

— ნანა, შენი კირიმე... ჯაჯუ რაღა იქნება ამხელა რაეკაცი! ნუ მატყუებთ!

არ იქნა ციბულის დაჯერება, სანამ თავიდან ფრჩხილებამდე არ შეაველო ხელი, არ გასინჯა...სანამ არ მოიგონა, როგორი თმა ჰქონდა, როგორი თვალები, ხელები.

— ნანა, შენი კირიმე,—ალარ ათაგებდა ციბული ქვითინს. ძიბა დატრიალდა. ვახშამი შეამზადა. ისხდნენ ლარიბულ ქოხში გაშლილ თეთრ სუფრასთან, ვახშამობდნენ, ხუმრობდნენ და იცინოდნენ.

ძიბა უკვე დაქალბუღიყო, კუნაპეტრევით შავი თვალები დინჯად გამოიყურებოდნენ ხშირი წამწამებიდან. გიშრისფრად მზინავი კულულები გრძელი საყურებივით ჩამოშლოდა თეთრ, ციებისაგან ჩაყვითლებულ ლაწვებზე, კაობის ციებისაგან ხელის თათებიც კი დაგრძელებოდა ძიბას.

სახესაც დამჩნეოდა მალარიის შხაში.

ხუტუ და სეფეც ჩაყვითლებული თვალებით იცქირებოდნენ. ესენიც ჯაჯუს გეზობლები იყვნენ.

მხოლოდ ჯაჯუ იჯდა სპირენძისფრად გატრუსული ამ ფერმკრთალ ხალხში და მის ძარღვებში ჯანსაღი სისხლი დღუღდა.

ძიბას ახარებდა ახალგაცნობილი სტუმრის თამაში და მეგობრული განწყობილგბა. მას ბავშვობის ჯაჯუ სრულიად არ ახსოვდა.

ციბულის ჯაჯუს დედა, ფეფიკო აგონდებოდა.

— ვაი, შენს დედას, ნანა!! — უნებლიეთ ამბობდა ის.

მთელი ღამე არ დაჟდინიათ ბესიას და ჯაჯუს. მილულავდნენ თუ არა თვალს, ისევე გამოფხიზლდებოდნენ და განაგრძობდნენ შეწყვეტილ საუბარს.

— ჰო, იმას ვამბობდით. რით შეიცვალა ხე-ტყის წარმოების მუშების მდგომარეობა? არაფრით. წარმოება ისევე საბახტარაშვილის ხელშია, მუშები იმავე მდგომარეობაში არიან, როგორშიაც იყვნენ წარსულ წლებში. მოგება კერძო მესაკუთრის ჯიბეში გროვდება. მითხარი, ბესია, რა მოუტანა მუშებს რევოლუციამ? ასეთია პალიასტომის ტბაზე მომუშავე მეთევზეების მდგომარეობაც: მოგება მოიჯარადრეს მიაქვს, მუშები კი წელამდე წყალში ცურავენ და ციებით იხრჩობიან. რით შეიცვალა მათი მდგომარეობა? აბა... მითხარი, ძმაო!

ბესია უსმენდა ჯაჯუს და ვერ მოეძებნა საწინააღმდეგო სიტყვა.

— აბა, ამხანაგებო! ერთხელ მაინც გავისიერნოთ პალიასტომზე, — უთხრა ჯაჯუმ მეორე დღეს ბესიას და ძიბას, — ვინ იცის, ცოცხალი დაგბრუნდები თუ არა ბრძოლიდან.

ძიბა გამოცოცხლდა. საჩქაროდ მოემზადა, თეთრი კაბა ჩაიცვა და ჩალისფერი შარფი კისერზე მოიხვია.

რამდენიმე წუთის შემდეგ ბესია, ჯაჯუ და ძიბა სარკესავით მოკრიალენ ბულ პალიასტომზე მიცურავდნენ.

შეე ჩასულიყო.

უზარმაზარ ქოლგასავით გაშლილ ლურჯ ჰორიზონტზე მკრთალი ვარსკვლავები ციმციმებდნენ, დღის სინათლე ჯერ კიდევ სავსებით არ ჩამქრალიყო.

გურიის მთებიდან პირვეთრი მთვარე ამოგორდა, საღამოს ნიავე მსუბუქად შლიდა ძიბას მბზინავ კულულებს და ჩალისფერი შარფის გრძელ ყურებს მიაფრიალებდა.

სამივე მეგობარს ხმა გაეკმინდა, თითქოს მათი გრძნობები ბუნების სილალეს და სილამაზეს შესტკებოდა.

შეტურეს შორს, მიუახლოდნენ მეორე ნაპირს, სადაც ხმელი ლაქაშები ყვითლად შრიალდებდა. ყველა საკუთარ ფიქრში გართულიყო.

ბესიას აგონდებოდა პალიასტომზე დაშლილი ტივი. მისი წარპოდგენით,

ნინოშვილის ივანე და ნიკო გაცოცხლებულიყვნენ და პალიასტომის ტალღებს ებრძოდნენ.

ჯაჯუ გაჰყურებდა სივრცეს და ფიქრობდა ტბის ყელის გაღრმავებაზე, რიონის კაპარკინასთან შეერთებაზე და პალიასტომში ხომალდების შემოსვლაზე.

როცა ნავე ლაქაშებს მიუახლოვდა, ბესია გამოფხიზლდა, წუმწუმა გაანათა, უბიდან გაზეთი ამოიღო, წაუკიდა და ნაპირზე გადააგდო.

ზენა ქარით გამხპარ ლაქაშებს ხელად მოედო ცეცხლი. ალი აბრიალდა, ფერფლი აფარფატდა და ჰაერში გაიფანტა.

— პა, ჯაჯუ, დიდი ხანია არ გინახავს პალიასტომის ტბაზე ცეცხლი.

ჯაჯუმ ნავე უკან შემოაბრუნა და გაბრწყინებული თვალებით ჩააშტერდა პალიასტომის ტბაზე გაჩენილ ცეცხლს.

* * *

ჯაჯუ ჩქარა დაბრუნდა ციბულისთან გამოსათხოვებლად.

ციბულის გული დაწყდა.

— ერთი შენი ამბავი მაინც გეტყვა, ნანა, — უსაყვედურა ციბულიმ ჯაჯუს. ჯაჯუს, მართლაც, ბევრი რამ დარჩა უთქმელი, რომელიც ყველაზე ძალიან ციბულის აინტერესებდა: მისი ფოთიდან გაპარვის ამბავი, მერე საღიზრდებოდა და როგორ გახდა მეზღვაური.

ჯაჯუ დაჰპირდა ციბულის, ჩქარა დაებრუნდები რუსეთიდან და მაშინ ყველაფერს დაწვრილებით გეტყვიო.

ძიბამ და ბესიამ ჯაჯუ ნავსადგურში გააცილეს.

გრილი ღამე იყო, ხალხი ბაქანზე ირეოდა.

მთვარის სხივებით გაბრწყინებული ზვირთები მარგალიტივით იბნეოდა ნაპირზე და შარიშურით არღვევდა მძიმე მყუდროებას.

მოსეირნე ხალხი უცხო გემს შორიდან ათვალიერებდა. რომანოვების გვარეულობის წაწერა ჯერ კიდევ შერჩენოდა.

ჯაჯუმ ნავსადგურის უფროსს აცნობა გემის გასვლის შესახებ.

— ახლა კი, მშვიდობით, ძმაო ბესია! — ჯაჯუმ გულწრფელად გადაკოცნა ბესია, — აბა შენ იცი, როგორ იბრძოლებ, იცოდე, სიმართლე გაიმარჯვებს!

— უსათუოდ, ჯაჯუ, უსათუოდ! — მეგობრულად დაუდასტურა ბესიამ. ჯაჯუ გამოეთხოვა მეგობრებს.

რამდენიმე წუთის შემდეგ ხალხი ბაქნიდან გაჰყურებდა ჯაჯუს გემს, რომელიც ფრთებშესხმული მიფრინავდა ჩრდილოეთისაკენ. გემზე ამაყად ფრიალებდა წითელი დროშა.

დედის საზღავნი

როდესაც ეკლესიის გალავანში შევედით, ლამდებოდა. მზის სხივი ძლიერ აშუქებდა მთის მწვერვალებს. მყუდროებით მოცული სასაფლაო იმქვეყნიურ ცხოვრებას გვაგონებდა. ის იყო ნაბიჯი გადავდგით, ჩემმა მეგობარმა მაგრად ჩამავლო მკლავში ხელი და თქვა:

— იცი, დაიკო?! მე მაშინ ძლიერ პატარა ვიყავი, მე ვიცნობდი დედას, მე მხოლოდ ის მიყვარდა. არ ვიცოდი რა იყო სიძულელი, ან რად უნდა სძულებოდათ ადამიანებს ერთმანეთი.

ერთხელ დედამ სააგარაკოდ წამიყვანა სურამში. გრილი, სასიამოვნო საღამო იყო. მზე ნალღლიანად ეფინებოდა სურამის ციხის ნანგრევებს; ნიავი წყნარად შრიალებდა და საამურად არხევდა ხის ტოტებს და ბუჩქებს.

ჩვენ ვისხედით მწვანით დაფენილ გორაზე, საიდანაც პირდაპირ გავეყურებდით გაღმა მხარეზე მდებარე ციხის ნანგრევებს. მე კი მეგონა, რომ იქ სახლს აშენებდნენ და დედას ვკითხე, თუ ვის უნდა ეცხოვრა ისეთ დიდ სახლში. დედამ ჩემკენ მოიხედა, მე შევკრთი: არასოდეს არ მენახა დედის სახე ასე დაღვრემილი. ლამაზი, მსხვილი ცისფერი თვალები ცრემლით ავსებოდა. თითქოს ღიღინებდა რალაცას, მაგრამ ის ღიღინი მოთქმას უფრო ჰგავდა. მე ვუტკეროდი და სიტყვას ვერ ვახერხებდი. ამ მდგომარეობაში რომ ვიყავი, დედამ მომხვია ხელი, მუხლზე დამისვა და აღგრსით მითხრა:

— იქ, შვილო, სახლს როდი აშენებენ, იქ ძველი ციხის ნანგრევებია. მე ახლავე წაგიკითხავ ერთ პატარა მოთხრობას, სადაც აღწერილია იმ ციხის ამბავი.

მან გამოიტანა სახლიდან დანიელ ჭონქაძის წიგნი—„სურამის ციხე“ და წამიკითხა. თანაც მიხსნიდა ყოველ წინადადებას და შესაუბრებოდა ბატონყმობის დროინდელი ცხოვრების ამბებს. მე გაოცებული ვუსმენდი დედას. მისი სიტ-

ყვები შიშს მგვრიდა. როდესაც საუბარი დაასრულა, დედამ მაკოცა და გრძნობით ჩამიკრა გულში.

— ჩემო ბიჭიკო, ჩემო კარგო, შენ ხომ ქეშმარიტი სიმართლის მაძიებელი კაცი იქნები? შენ ხომ ასახელებ შენს მშობლიურ მხარეს?—მეკითხებოდა დედა და ისე მომჩერებოდა, თითქოს ჩემს თვალებში უნდოდა ამოეკითხა პასუხი.

მე მხოლოდ პირველად მივხვდი, თუ როგორი იყო სიძულვილის გრძნობა ძალმომრეობის წინააღმდეგ.

მას აქეთ გავიდა ოცი წელი და ბედმა პირველად მარგუნა დღეს დედის საფლავის ხილვა.

აქ შეწყვიტა საუბარი ჩემმა მეგობარმა და თავდახრილი დაეშვა დედის საფლავზე.

— ფაქიზია დედის სიყვარული და მტკიცეა დედის სიტყვა... — ჩურჩულებდა ის და ცრემლები გადმოსდიოდა.

ეკლესიის გალავანში კვლავ მყუდროება სუფევდა.

ბუნების ბაღში

(გ ს კ ი ზ ი)

დედამიწა ჯერ კიდევ ძილით იყო მოცული, როცა აღმოსავლეთის კარი შემოქმედის უხილავმა ხელმა შეარხია, ქვეყანას შავი მანდილი შემოაძრო და ცის უხილავ სამრეკლოზე ცისკარის ზარი აამღერა.

ბუნება შეერთა...

განთიადის სიცილმა თეთრი კალთა გაშალა; მას უკან მოსდევდა სიციცხლის მზე, მზე, რომელსაც თან მოჰქონდა სიამე და სიხარული.

— მადლობა გამჩენს!..—წაიჩურჩულა ბუჩქის ძირას განაბულმა იამ და სატრფიალოდ გაღვლილი გული მზეს მიუშვირა.

— სსსსს...—ნელი რხევით დაჰქროლა მთაზე ნიავემა, ატოკდა ბუნება: სიციცხლის ძალა იგრძნო. ტყე ახმაურდა, ფოთლები აშრიალდნენ, ტოროლა წკრიალ-წკრიალით შესრიალდა აკამყამებულ ლაევარდ სიერცეში.

მორაკაკებს მთის ანკარა წყარო, კლდის ყვავილებს გულში იხუტებს და მიქრის, მიქრის გამალებული, ზვირთზე ზვირთს მიათამაშებს.

— მოიცა, დადექ, სად მიერქარები?!—მოსძახიან ქალები.

— რისთვის დავდგე, უფერული უძრაობა გულს დამიხავსებს... მე მინდა სულ წინ მივქროდე, — გაჯავრებით წაიბუტბუტა ანკარამ და უფრო მძლავრად გააქანა ტალღები.

ყვავილები მორცხვად შეირხნენ და შურის თვლით გადახედეს მჩქეფარე ზვირთებს.

— ბედნიერი ხართ!..—ერთხმად წარმოთქვეს ყვავილებმა.

— აბა რაა თქვენი ყოფა: სადაც დაბადებულხართ, იქვე უნდა მოკვდეთ. არ შეგიძლიათ იმოგზაუროთ, არ შეგიძლიათ იხილოთ დიადი ქვეყნის

სხვადანსხვა კუთხე. კიდევ კარგი, რომ დიდხანს არ ცოცხლობთ, თორემ მაგ თქვენს სურნელოვან გულში კია-ლუა დაიბუღებდა; მაგ თქვენს ცისფერ, მინაბულ თვალებში სიფაქიზის ნაცვლად სიბინძურე მოიკალათებდა,—თქვა ანკარამ და სწრაფად გაშალა მკერდი, სადაც მზის სახე გამოხატულიყო.

ყვავილები ატირდნენ...—ჩვენი სიცოცხლე ხანმოკლეა...—წასჩურჩულეს ერთმანეთს.

— უძრავი... მოწყენილი... ერთ ადგილას მიჯაკული... ანკარას რა უშავს მის გულში მზეც ბრწყინავს და მთვარეც. შეუძლია სულ წინ ირბინოს, სულ ილივლივოს და იმგზავროს. აახშაუროს მდუმარე ქალები, კლდეები და ველ-მინდვრები, გადალახოს მთელი ხმელეთი და ყველგან იმღეროს თავისუფლების სანეტარო სიმღერები.

ჩვენი ვიცით თავისუფლებაზე ზღაპრები, მაგრამ ვის ვუამბოთ? ფრენა ჩვენ არ შეგვიძლია და სირბილი. ჩვენთან თუ ვინმე მოვა, არც კი დავაუცლის სულის ამოთქმას, მოგვწყუვეტს... და ჩვენი სიცოცხლეც იქ თავდება.

ისევ ატირდნენ ყვავილები და ცრემლიანი თვალები მზეს მიაპყრეს, თითქოს განთიადში ეძიებდნენ მარადისობას...

მზე მაღლა-მაღლა აიწია და თმახუქუქ ბალს მოანათა მოელვარე სხივები. პატარა იამ სიამოვნებით გაიღიმა.

— არა!.. მზე რომ არ იყოს, ჩვენი სიცოცხლე ერთ ჩირადაც არ ელირებოდა. ნახე, როგორ ბრწყინავს, როგორ ციმციმებს.

— სსს... საბრალო, შენც მზისაქენ მიისწრაფვი!?!—დამცინავი ღიმილით შეუტია სიომ.

— მე მზე მიყვარს!..

— ხა, ხა, ხა!.. მიწას არ ასცილებიხარ და შენ ვინ მოგცა ამოდენა კეჟა, რომ მზე შეიყვარო?

— მზეს სინათლე მოაქვს და სინათლეს თავისუფლება. მე თავისუფლებაზე ზღაპარიც ვიცი.

— სტუი. აბა შენ ვინ გეტყოდა მზის ზღაპარს?!

— ყური მოგკარი, განთიადზე ბულბული ვარდს უგალობდა. ვიშ, რა კარგი ყოფილა მზის მოტანილი თავისუფლება, როდესაც ის მოეფინება დედამიწას, სიყვარული და სათნოება გამეფდება, ადამიანები სათნოებით აღივსებიან და ხელს აღარ მახლებენ.

— ნუ სულელობ, ტყუილია შენი ოცნება!..

ია შიშისგან მოიკრუნჩხა და თვალები დახუჭა, ბუნდოვანმა ფიქრებმა გაიტაცა.

— იას სიცოცხლე და თავისუფლება უნდოდა, მაგრამ...

დასავლეთისაქენ გადახრილი მზე ნაღვლიანად ესალმებოდა მთების მწვერვალებს, როდესაც ია გამოერკვა ფიქრებისაგან, თვალი გაახილა, მიმოიხედა

— ყველაფერი სიზმარია!..—მწუხარედ წარმოთქვა.

— მართალია, მართალი. აგერ მზე ჩადის, ქვეყანას ლამის წყვედიადი ჰოეფინება. ვინ იცის, დილას ვიხილავთ თუ არა...—ამოიკვნესა ვარდმა.

ცას' ლამის ბინდბუნდი გადაეფარა. ყვაეილებმა მოლლილი თვალები მოხუქეს და მწუხარედ ჩაჰკიდეს თავი.

მხოლოდ არ დაცხრა მთის ანკარა წყარო. ის' თითქოს დასცინოდა მო-
მაკედავთა კვნესას. ჩხრიალით მიქროდა. სიციცხლის ძალით აღგზნებული და
შორაკრაკე ზვირთებში მკაფიოდ გაისმოდა: წინსვლა, ბრძოლა და თავი-
სუფლება!

პატარა მემოზრამბი

მთელი დღე მოგზაურობით მოქანცული ციცინო ძლივსლა მიაბიჯებდა პაწაწინა ფეხებს და ფიქრებში გართული მიბუტბუტებდა:—არ ვიცი... ვერ მივმხვდარვარ, იქ მხეცების მეშინოდა, აქ კი ადამიანების... ასე მგონია, ყველანი ჩვენ მოგვდევენ... სინათლისაც მეშინია. აბა ერთი შეხედე, როგორ გამოიყურებიან; თითქოს ჩვენ გვიდარაჯებენ. რომ ბნელოდეს, ძამიკო, ხომ უკეთესი იქნებოდა? სადმე ერთ კუნჭულში მოვკალათდებოდით და არავინ შეგვნიშნავდა.

კოტიკოს თითქოს არ ესმოდა დის ლაპარაკი. ფიქრისაგან ვარინდებულ ზხმოდ მიდიოდა ქვაფენილზე. მთელი ქალაქი უდაბნოდ ერყვენებოდა. არც ერთი ნაცნობი სახე, არც ერთი ნაცნობი ხმა... ხალხი კი ბლომად ირეოდა მის გარშემო. ყველა გარბოდა, ყველას სადღაც მიეჩქარებოდა. ახალმოსულებს არავინ ამჩნევდა: არც ეკითხებოდნენ რასმეს და არც სახლისაკენ ეპატიებოდნენ, თუმცა ღამდებოდა და ვახშმობის დრო ღვებოდა.

— ეს უზარმაზარი სახლები... ამდენი მალაზიები...—ჩურჩულებდა კოტიკო თავისთვის.

— ამდენი ხალხი, ამდენი ეტლები... ოჰ, ღმერთო, დავიღალე! დავსხდეთ სადმე, ძამიკო: მუხლები მეკეცება,—ტირილის კილოთი განაგრძო ციცინომ.

— ახლავე, დაიკო, ახლავე, ცოტა კიდევ ვიაროთ: იქნებ ვინმე ნაცნობს ვადავეყაროთ. ჩვენი სოფლიდანაც ბევრნი არიან თურმე აქ. გაჰიგონია, ქუთაისში ღარიბების სადგომი არისო. ეგებ წავაფყდეთ სადმე ასეთ სადგომს. თვალი ადევნე, დაიკო. ღარიბების სადგომი უთუოდ ძველი შენობა იქნება,—ჩამონგრეული, ჩაბნელებული, ქუჩა ტალახიანი. ვიცქიროთ ყველა მხარეს, თუ ასეთი სახლი შევნიშნოთ სადმე, ჩვენც იქ შევიდეთ.

— კარგი, ძამიკო, შენ იქით იცქირო, მე კი აქეთ.

მიდიოდნენ ბავშვები ქვაფენილზე და გაფაციცებით გასცქეროდნენ ყო-

ველ მხარეს, მაგრამ ამოდ. მათ თვალწინ ერთი და იგივე სურათი იშლებოდა: გაჩირალდებული სახლები და მალაზიების ბრჭყვიალა ვიტრინები.

ისინი მიდიოდნენ სწრაფი ნაბიჯით. უკან არ იხედებოდნენ. შემოდგომის ქარი სისინებდა და აქა-იქ ისარივით ვარდებოდა წვრილი წვიმის წვეთები. სციოდათ ბავშვებს. შიმშილისაგან მიბნედილ თვალებში თანდათან ეკარგებოდათ სინათლე. მხოლოდ ერთადერთი იმედი ჰქონდათ: აი, ახლა გამოჩნდება ისეთი სახლი, სადაც გაგვიღებენ კარებს და მიგვიღებენო.

ამ ფიქრებში გართულნი თანდათან შორდებოდნენ ქალაქის ნათელ ქუჩებს და აი, მათი სანატრელი ტალახიანი ქუჩაც!—უთუოდ აქ იქნება, ძამიკო!—სიხარულით წამოიძახა ციცინომ და მარდად ჩადგა წუშპეში ფეხები. ერთ წუთსაც არ დაფიქრებულა იმაზე, რომ ფეხები გაეწმინდა, თითქოს თავის სახლში მიდიოდნენ, სადაც მათ გაასუფთაებდნენ და მოასვენებდნენ.

ციცინომ შვილივით ისკუპა და ალტაცებით მიადგა ერთს ნახევრად დანგრეულ ქიშკარს, მაგრამ ერთბაშად შეკრთა, მუხლები აუქანკალდა და უკან გამობრუნდა. „ამ!.. ამ!.. ამ!..“—მოესმა ქოფაკი ძაღლების ღრიალი, მათ ხმას მეზობლის ძაღლებიც აპყენენ და ირგვლივ მოისმა ყეფა. კოტიკო აჩრდილივით იდგა შუა ქუჩაზე და გაპყურებდა ყოველ მხარეს: არ იცოდა რომელ სახლს მიდგომოდა, ან რომელი სახლი უნდა ყოფილიყო მათ შორის ღარიბების სადგომი, რომელზედაც ფიქრი, სოფლიდან წამოსვლის შემდეგ განუწყვეტლად უტრიალებდა თავში.

გაგონილი ამბავი იმის შესახებ, რომ ქუთაისში არსებობს ღარიბების თავშესაფარი, რალაც საოცნებო სურათად ეხატებოდა კოტიკოს. იგი იდგა და ათვალეირებდა სახლებს. ციცინო დაჟინებით ევედრებოდა:—ძამიკო, შევიდეთ... იქ შევიდეთ! ძაღლების მეშინია, მეშინია...—ქვითინებდა გოგონა და დაჟინებით უთითებდა ერთ პატარა დაბალ ქოხზე, რომლის კუქრუტანებიდან ნათლად მოჩანდა ბუხარში ანთებული ცეცხლი.

— ჰა, რა ვქნა, შევიდეთ!—მღელვარე ხმით წამოიძახა კოტიკომ.

ბავშვები მიადგნენ ქოხის კარებს. მათ კარებში გამოეგებათ მოხუცი სტეფანე, რომელსაც მთელი ქალაქი იცნობდა მოქნილი ენითა და წაწყვეტილი ფეხით.

— მობრძანდით, გეთაყვა, მობრძანდით. საიდან მოფრენილხართ, პატარა მტრედებო, სადაურები ხართ?—კარებში ფეხის შედგმისთანავე დაუწყო სტეფანემ გამოკითხვა ბავშვებს და რალაც სიამოვნებით მორთო ხარხარი. ახალმოსულებმა მორცხვად დაუწყეს ქოხს თვალეირება. ერთ კუთხეში ვილაც დედაკაცი იწვა ძონძეულის ლოგინზე და ძალზე ხერინავდა. მეორე კუთხეში ღრმა მოხუცი ჩამომჯდარიყო და ჩიბუხით თუთუნს აბოლებდა. ცეცხლის პირას თავი მოეყარათ პატარა გოგო-ბიჭებს და ხითხითებდნენ, თანაც იკვეხნიდნენ, რომელმა მეტი ვიშოვეთ დღესაო. სტუმარი ბავშვები რომ დაინახეს,

მორთეს ჩურჩული და ცნობისმოყვარეობით დაუწყეს ცქერა. სტეფანემ ცეცხლს შეუკეთა და უბრძანა ბავშვებს დაწოლილიყვნენ თავიანთ ლოგინებში.

ბავშვებმა დაუყოვნებლივ აასრულეს სტეფანეს ბრძანება.

ცეცხლის პირას დარჩნენ სტუმრები და მათ შორის კიდევ ერთი ბავშვი—თიგრი. თიგრი შორიდან გადმოხვეწილი ობოლი იყო. მას არ ჰქონდა ქვეშაგები, მხოლოდ ძველი ფარაჯის ნაგლეჯს აგებდა ცეცხლის პირას და ზედ წვებოდა. თან ნაღვლიანად ლიღინებდა და თვალს არ ამორებდა ბუხრის სიღრმეში ოდნავ მოელვარე ცეცხლს, სანამ ის სრულიად არ ჩაქრებოდა. სტეფანემ თიგრი მას მეტსახელად დაარქვა, რადგან ის მეტად მოუსვენარი ბავშვი იყო. თიგრის ღრმა გრძნობით სავსე შავი თვალებიდან ნათლად მოჩანდა უკმაყოფილება. ისეთი წყრომით მისჩერებოდა ის ადამიანს, თითქოს ეუბნებოდა:—მეც ადამიანის შვილი ვარ, მეც მსურს ყველა ის, რაც აუცილებლად საჭიროა ყველა ადამიანისათვის: მომეცი... მომეციო...

თიგრი ახლაც ღრმა ფიქრით მოკული მისჩერებოდა სტუმარ ბავშვებს. და სტეფანეს თითოეულ სიტყვას ტუჩების ცმაკუნით იმეორებდა: „სადაურები ხართ, ღელ-მამა გყავთ, თუ არა,“ და სხვა.

— საწყალი ბავშვები!—თავისთვის ჩურჩულებდა სტეფანე,—მაშ ობლები ხართ? ნუ გეშინიათ!

თიგრმა ყურები აცქვიტა.

— ესენიც აქ იმათხოვრებენ?—ცნობისმოყვარეობით იკითხა მან, რომელიც ამ დროს ბუხრის ერთ მხარეს დაძონძილ ფარაჯაზე წამოწოლილიყო და თავი ფიცრის საჯდომზე დაეყრდნო.

— არა, არა, ჩვენ მათხოვრები არა ვართ!—ერთხმად წამოიძახეს ბავშვებმა.

კოტიკოს ერუანტელმა დაურბინა ტანში: მოაგონდა დღევანდელი დღის ხეტიალი და არ იცოდა ხეალ რა მოელოდა.

— ბარემ მეც არ მინდოდა მათხოვრობა,—ჩუმაღ წაიღუღუნა თიგრმა და ჰერისკენ ააპყრო თვალები. ქოხში მყუდროება გამეფდა. სტეფანემ ფრთხილად შემოიძრო ფეხზე დახვეული ჩერები და მკვდარივით გაიშხლართა ლოგინზე. თიგრი დიდხანს იცქირებოდა ზევით დაფიქრებული. შემდეგ დინჯად წამოსწია თავი, იდაყვზე დაეყრდნო და მტკიცედ წარმოთქვა:

— აღარ ვიმათხოვრებ... სიტყვას ვდებ, რომ აღარ ვიმათხოვრებ!

— განა შენ მათხოვრობ, ძამია?—შენიშნა კოტიკომ.

— ვაი სირცხვილო, მერე ამისთანა კაი ბიჭი,—დაუმატა ციციონომ.

თიგრი გაწითლდა, ხელები მოკრუნჩხა და გვერდზე გადაბრუნდა. ქოხში კვლავ სიჩუმე ჩამოვარდა. ციციონო და კოტიკო ისხდნენ ბუხრის წინ. ციციონო თვლემდა. კოტიკოს განუწყვეტლად უტრიალებდა თავში მომავალი დღის ფიქრი, მაგრამ მომავალი დღე რას მოუტანდა ობლებს?

გაზაფხულის დილა იყო. ამომავალი მზე ჯერ კიდევ მწვერვალიდან დაჰ-

ყურებდა ქალაქ ქუთაისს. წყნარი ნიაგი საამოდ არხევედა ყვავილნარს. მზე მალლა-მალლა იწვედა. მოწაუეები ერიამულით მიდიოდნენ ქუჩებში.

— გამარჯობა შენი, ამაინაგო, გამარჯობა! — ღიმილით შესძახა პატარა გოგონამ თივრს, როპელიც ბრპა ნათხოვარს მიუძღვოდა წინ. თივარი შეერთა, ასეთ ტკბილ სიტყვას არაეისგან არ მოელოდა. ათრთოლებული შედგა, როდესაც წიგნებით ხელში პატარა ციკინო დაუდგა წინ.

თივარი აირია, სახე წამოუწითლდა და თვალები გაუცეცხლდა. გზიდან გადადგა და მოულოდნელად გაუქია ხელი ბრპა მათხოვარს. ბრპა წაბარბაცდა, ხელჯოხზე დაბჯენილმა ძლივს შეიკავა თავი.

— არ ვიმათხოვრებ, არა... წადი, იარე სადაც გინდა.

თივარი გაიქცა. ნიაგეით მიქროდა, ქერის ბოლოზე ძლივსლა მოჩანდა. ასე გაიბრინა მან რამოდენიმე მოსახეევი. მდინარის პირას ჩაეიდა და ღონემიხდილი ქვებზე დაეცა. თივარი დიდხანს თრთოდა. თვალებს გეიეივით აბრიალებდა ყოველ ნხარეს, თითქოს ვილაცას დაეძებდა. გარშემო არაეინ იყო. მხოლოდ მდინარე რიონი ჩეეულებრივად მოედუნებდა.

თივარი დიდხანს იჯდა ჩაუიქრებული რიონის პირას. მდინარის დუდუნში მოსვენებახე, სამუდამო დადუეებახე ფიქრობდა. ქალაქი კი ეძახდა შრომა-მოდრაობისაეენ, მფეთქაე სიცოცხლისაეენ.

მაგრამ თივრს ეძნელებოდა ქალაქში დაბრუნება, რადგან იქ ისეე მათხოვრობა ელოდა, ისეე წაიძლოლებდა წინ ბრპა. ეს მას არ შეეძლო იმიტომ, რომ ისეე შეხედებოდა პატარა ციკინო და დასცინებდა: „ამისთანა კაი ბიქი რატომ მათხოვრობო“. თივრს ბაეშეურმა თავემწონებამ დასძლია და მდინარისაეენ გადაიხარა. კრიალა წუალში ნათლად დაინახა თავისი სახის ორეული: ლამაზი, მომხხო თვალები, ზომიერად მოეუნული ტუჩები, მალალ შუბლზე გადმოყრილი ხუქუქი თნა, და გაიფიქრა: „ზე რატომ უნდა ვიმათხოვრო, მახინჯი ხომ არა ვარ?“

თივრმა ცრემლი მოიწინდა და გაბრუებულმა, უახროდ დაუწყო ცქერა არემარეს. ამ დროს შემოესმა ვილაცის ნელი ღიღინი:

წავალ მინდერად, დავკრეფე ყვავილს,

იას ვნახავ მომღიმარეს,

და ზედ ვპოვებ სათუთ გრძნობის

მოცქრიალე ცრემლს მღულარეს.

თივრმა მოიხედა და დაინახა მისი ტოლი ქალი. მხარზე ცარიელი კოკა დაედგა და რიონს გასცქეროდა.

— ამომიღე, ძამია. ერთი კოკა წყალი!.. — ღიმილით სთხოვა პატარა ქალმა. თივრმა სწრაფად წამოავლო კოკას ხელი, აავსო და ისეე შეუდგა მხარზე. კოკა მეტად მძიმე გამოდგა. გოგონამ ფეხი ველარ მოიკვალა. მოუბრუნდა თივრს და ისეე გაუღინა.

— ჩემო ძამია, მომეხმარე. წაშალებინე, ბინა მანეც აქეთ გექნება.

ამ ტკბილმა თხოვნამ სრულიად გადაავიწყა თიგრს მწარე ფიქრები და კოკით ხელში გაჰყვა პატარა ქალს.

ამრიგად თიგრი დაუბრუნდა ქალაქს.

კოტიკო ქარხანაში მუშაობდა. ბევრს ამუშავებდნენ, ცოტას კი აძლევდნენ.

პატარა მკითხველებო, თქვენ აღბათ გსურთ შეიტყუოთ, როგორ მოხვდა ციციწო სკოლაში. ჰოდა, თუ გსურთ, ისიც გემახსოვრებათ, თუ სად გაათიეს მან და კოტიკომ პირველი ღამე ქალაქში.

მეორე დღეს სტეფანემ ტკბილად მიმართა მათ:

— ჩვენო პატარა სტუმრებო, ჩვენ ყველა მათხოვრები ვართ. ეს ქობი კი ამ ბრმა კაცის არის. ეს ბრმა კაცი, მართალია, არავის ხედავს, მაგრამ ყველა უყვარს. თქვენც აგრე შეგყვარებთ. ხან ერთი წაუძეხებით წინ და ხან მეორე. საპაგიეროდ, საქმელსაც გაქმევთ და ღამესაც გაგათევივებთ. ერთმა თქვენგანმა ცალკე უნდა იმათხოვროს. ქვეყანაზე ბევრი კეთილი ადამიანია. მოგცემენ მოწყალებას. ჩვენ ყველანი მათხოვრობით ვცხოვრობთ.

ამ სიტყვებით გამოისტუმრა ბავშვები სტეფანემ.

კოტიკო დაფიქრებული უსმენდა სტეფანეს და გული ზიზლით ევსებოდა.

— რაო, ძამია, იმ უფებო კაცმა რა გვითხრა:—იმათხოვრეთო?! ჰმ.. რა უსირცხვილო ყოფილა!..

გულაჩუყებულმა ციციწომ უთხრა ძმას:

— მართლა ხომ არ ვიმათხოვრებთ, ძამია?

— არა, დაიკო, მათხოვრობა რა პატიოსნებაა: ჩვენ ხომ მახინჯები არა ვართ. საქმის გაკეთებაც შეგვიძლია. მართლა, ციციწო, შენ რა საქმე შეგიძლია გააკეთო?

— მე ყველაფერი: სახლს გამოვგვი, ქურქელს დავრეცხავ, ბავშვს ვათამაშებ, ეზოს დავგვი, ცეცხლს ავანთებ... ერთი სიტყვით—ყველაფერს გავაკეთებ, ყველაფერს... ოღონდ...

— ოღონდ რა?

— მათხოვრობა არ შემიძლია.

— ჰმ, მეც ყველაფრის გაკეთება შემიძლია...—ცოტა სიჩუმის შემდეგ დინჯად წარმოთქვა კოტიკომ და ნაბიჯს უმატა. ორი წუთის შემდეგ ისინი ქვაფენილზე მიდიოდნენ და ყველა გამვლელს ეკითხებოდნენ:—მოსამსახურე ხომ არ გინდათ?

ისევ საღამოს ბინდი დაეცა ქალაქს. ქარი აღარ ქროდა. ნაწვიმარი ცა მოკრიალებულიყო. ციოდა. ყინვის სუსხი ძვლებს უწიწკნიდა ჩვენს პატარა მზაერებს.

— ძამიკო...—კანკალით ეკვროდა ციციწო ძმას.

კოტიკოს აღმური უტრიალებდა გულში. მას თითქოს არც სციოდა და

არც შიოდა. ერთადერთი საზრუნავი ის იყო, რომ ღისთვის ეშველა. თვითონ არაფრის აღარ ეშინოდა, რაც არ უნდა დამართოდა.

— ძამიკო, წავეიდეთ... იქ წავეიდეთ: ცეცხლთან მაინც ვავთბეთ.

— მხოლოდ ერთი პირობით: თუ ვიმათხოვრებთ.

— წავეიდეთ და ვუთხრათ, რომ ჩვენ მათხოვრები არა ვართ. როცა ფულს ვიშოვით გადავიხდით.

— ციციწო!— შესძახა ბრაზნორეულმა კოტიკომ, — არ გირჩევენია მოეკედეთ, ვიდრე ვიმათხოვროთ?!

ციცინომ არა უპასუხა რა... მხოლოდ ფეხი ააჩქარა, თითქოს აგვიანდებოდა შინ მისვლა.

III

მეორე დღეს მეხუთე უბნის სამმართველოში მოიყვანეს ორი ბავშვი: ერთი იქნებოდა თერთმეტი წლისა, მეორე — ცამეტის.

— აქ მოათრიეთ ეგ მაწანწალები! — მრისხანედ გამოსძახა ბოქაულმა ჩაფარს.

— რა გინდოდათ, საძაგლებო, გასაწყვეტებო, შუალამისას სხვისი სახლის კუნძულში?! მთელი დღე ქუჩებში დაწანწალებთ, მთელ ქალაქს თავს აბეზრებთ: კიდევ ქურდობთ, კიდევ მათხოვრობთ!.. გასწით, ჩაყარეთ ესენი სარდაფში, არც ასვათ და არც აქამოთ!

ბავშვები გაშეშებული შესტკეპროდნენ ერთმანეთს და ხმის ამოღებას ვერ ბედავდნენ.

— პური არ გინდათ, თქვე საცოდავებო? — ნელი ჩურჩულით ჩამოსძახა ვილაცამ ფანჯრიდან და დახლართულ რკინებში ძლივს შემოაცოცა ხელი, რომელშიაც საკმაოდ მოზრდილი პურის ნაქერი ექირა. ციცინომ ერთი თვალით იქით გაიხედა, მეორეთი ძმას შეხედა. კოტიკოს თავი დაელუნა და არ ინძრეოდა.

— ბავშვებო, გამომართვით პური!

ციცინო ძრწოლით მიუახლოვდა დედაკაცს და გამოართვა პური.

— რა დააშავეთ, შეილებო, თქვენ ხომ მათხოვრები ხართ?

— არა, არა, მათხოვრები არა ვართ.

— მაშ ქურდები ხართ?

— არა, არც ქურდები ვართ.

— მაშ რად შემოგყარეს აქ, შეილებო, რა დააშავეთ?

— ჩვენ ობლები ვართ. სამუშაოს საძებრად ჩამოვედით სოფლიდან: ნაცნობი ვერაფერ ვნახეთ და ქუჩაში შემოგვალამდა.

— მერე?

— ჩქარა მიუახლოვდით ერთ დიდ ქიშკარს. ქიშკარი გაღებული იყო და შიგ შევედით. ეზოში ერთი დიდი სახლი იდგა სინათლით გაბრწყინებულ-

ლი. სახლის უკან პატარა ქოხი იყო. მთვარე პირდაპირ შიგ ანათებდა. ერთ-
კუთხეში ბლომად თივა ეყარა...

— მერე, მერე? — მოუთმენლად ჩაეკითხა დედაკაცი.

— ჩვენ გვცოლდა და ჩავწეკით თივაში. ამ დროს ვილაც ახმახმა ქალმა
უშველებელი მურა შემოიყვანა. ამ ქოფაკის დანახვაზე ჩემმა დამ, — ციცინოზე
აჩვენა ხელით კოტიკომ, — შიშით შეჰყვირა.

— მერე?

— მერე და არ დაგვიჯერეს, რომ ჩვენ ქურდები არა ვართ და დაგვი-
წყო ქალმა ცემა. ჩვენ ყვირილი მოვრთეთ. მერე წაგვიყვანეს...

— ვინ წაგვიყვანათ?

— აი იმ კაცმა, აქ რომ მოგვიყვანა. არ დაგვიჯერეს, რომ ჩვენ ქურდები
არა ვართ.

— მათხოვრებიც არა ვართ! — მტიციელ დაუმატა ციცინომ და ძმას შე-
ხედა. კოტიკო მობუზული იჯდა. თვითონაც მოიბუზა და ძმას გვერდით
მიუჯდა.

— ნუ გეშინიათ, შვილებო, მე ახლავე გავაშვებინებ თქვენს თავს.

ცოტა ხნის შემდეგ დარაჯმა კარი გააღო და დაუყვირა ბავშვებს:

— წადით თქვენს გზაზე და ქურდობა არ გაბედოთ!

ბავშვები უსიტყვოდ გაუდგნენ გზას.

— ნოცადეთ, ბავშვებო!.. მიაბზეთ, პატრონი არავინა გყავთ?

— ჩვენ უპატრონონი ვართ. ნაცნობიც არავინა გვყავს აქ.

— მაშ სად მიდიხართ?

— სამუშაოს ვეძებთ. მოჯამაგირე ხომ არ გინდათ?

— მოიცადეთ, ჩემო პატარებო, — მე ერთ რამეს გირჩევთ: ეს პატარა
ქალი მე დამიტოვე, შენ წადი. რა გიშავს, ბიჭი ხარ და რამე სამუშაოს იშო-
ვი. ამას მე ვუპატრონებ და ეს მე მომეხმარება.

— ყველაჟერს გაგიგონებ, დეიდა, — გაბრწყინებული სახით წამოიძახა
ციცინომ.

— წამოდი, ნუ გეშინია, შენი ძმა მალ-მალე განახავს.

კოტიკო დიდხანს უცქეროდა სახლისკენ მიმავალ ციცინოს, თან უმძიმ-
და მისი მოშორება, თან მადლიერი იყო, რომ ასეთი კეთილი ადამიანი მოე-
ვლინა მისნელად.

„თურმე კეთილი ადამიანებიც მოიპოვებიან...“ — წაიჩურჩულა კოტიკომ
და ჩქარა მოეფარა მოსახვევს.

ამის შემდეგ კოტიკო კიდევ დიდხანს დადიოდა ქუჩა-ქუჩა. დილაადრიან
ბაზარში გაჩნდებოდა ხოლმე. ხან სანოვაგეს წაულებდა ვინმეს, ხან მდინა-
რიდან წყალს ამოუტანდა მცხოვრებთ, ხან ეზოებს დაუგვიდა. ასე მთელი
დღე შრომით ძლივს შოულობდა პურის ფასს. მაგრამ კოტიკო ბედს არ ემ-
დუროდა, რადგან მისი დაიკო კმაყოფილი ეგულებოდა.

გაეიდა დღეები და კოტიკომაც იშოვა სამუშაო ყინულის ქარხანაში, სადაც დღეში ორ აბაზს იღებდა. მუშაობა ქარხანაში დიდიდან საღამოს რვა საათამდე გრძელდებოდა. ხელის თითები ყინულის ზიდვისგან მუდამ გაციებული ჰქონდა და ტანისამოსი სველი. მთელი დღე წარბაუხსნილი მუშაობდა. მხოლოდ მაშინ გაიღიმებდა, როდესაც სკოლიდან მომავალი ციციწო ჩაურბენდა კარებთან და შესძახებდა:

— გამარჯობა, კოტიკო, როგორა ხარ?

კოტიკო იშვრობით ყინულიან ხელს ცხვირზე მოუსვამდა. ციციწო ასტეხდა კისკისს და შინისაკენ გაქუსლავდა.

ციციწოს მართლაც ბედმა გაუღიმა. ახალშეძენილმა დედამ—ნინომ ის ორკლასიან სამადლო სკოლაში მიიბარა. ნინო ბოქაულის ნზარეული ქალი იყო. სხვა მოხელეებსაც უკეთებდა სადილს, ურეცხავდა თეთრეულს. და ასე ცხოვრობდა საკუთარი შრომით.

ციციწო სკოლიდან დაბრუნების შემდეგ ხელად მოამზადებდა გაკვეთილებს და მოუჯდებოდა ნინოს, თან საქმეზე შეელოდა, თან მერცხალივით ჰიკიკებდა. მხოლოდ როცა ნინო სადმე საქმეზე წავიდოდა და ციციწო მართოდ დარჩებოდა, გოგონას დარდი მოაწევებოდა გულზე: იგონებდა ძმას და იცრემლდებოდა, იმიტომ, რომ კოტიკო ყინულს უმუშავებდა. თვითონ სკოლაში დადიოდა, ისეთ რამეებს სწავლობდა, რაც მისმა ძმამ არ იცოდა. „არა უშავს, — გაიფიქრა ერთ დღეს ციციწომ, — მე რომ სასწავლებელს დავმათვრებ, ვიმუშავებ და კოტიკოს ვასწავლი,“ — მაგრამ ისიც გაახსენდა, რომ მაშინ კოტიკო დიდი იქნება და სკოლაში აღარ მიიღებენ. მოიღრუბლა ციციწო... ამ დროს ნინოც მოვიდა და გააბეს თავისებური ბაასი.

სუფთად მილაგებულ პაწაწინა ოთახში, რომელიც ბოქაულის სამზარეულოს გვერდით იყო, ღამდამობით მკრთალად ანათებდა ოღნავ მბეუტავი ფარანი. მთელი დღე შრომით მოქანტული ნინო ადრე წეებოდა ღოგინში. ციციწო ახლოს მოუჯდებოდა და ტიკტიკებდა, რასაც სკოლაში ასწავლიდნენ, ყველაფერს მოუყვებოდა. ხან ლექსებს აწკრიოლებდა. კარგი გოგონა ნინომ შეიღივით შეიყვარა. სულ იპაზე ფიქრობდა ნინო, რით გაეხარებინა ობოლი ბავშვი. თუმცა დიდხანს არ გასტანა ციციწოს ასეთმა მდგომარეობამ, ერთ უბედურ დღეს ნინო გაცივდა თეთრეულის რეცხვის დროს და სამი დღის ავადმყოფობის შემდეგ გარდაიცვალა.

ციციწო მაშინ მეოთხე განყოფილებაში ირიცხებოდა.

IV

კოტიკო ხილის წყლების ქარხანაში გადავიდა ბოთლების მრეცხავად. თიგრიც იქ დაუხვდა.

— გამარჯობა, კოტიკო, გამარჯობა, ძამია! — შესძახა სიხარულით აღფრთოვანებულმა თიგრმა.

— ნუთუ ეს შენა ხარ?!

გაკვირვებული მიაშტერდა კოტიკო. უნდოდა რაღაც ეთქვა, მაგრამ თიგრ-
მა მოასწრო.

— მე ახლა აღარ ვმათხოვრობ, ძამია, ახლა თიგრს აღარ მეძახიან. მე ახ-
ლა თედო მქვია.: რამდენი თვეა ჩვენი ფეხმოწყვეტილი სტეფანე აღარ მი-
ნახავს.— ხარხარებდა თედო და თავმომწონედ ამბობდა:

— მე ახლა მუშა მქვია, გესმის, ძამიკო! მუშა...

— მერე როგორ მოხდა ეს?

— მერე გეტყვი, მერე... ახლა ბოთლები დაფრეცხოთ, თორემ პატრონი
გაჯავრდება, ჩქარა გამომყე!..

თედომ სწრაფად წამოაფეო ხელი ბოთლებით სავსე ყუთს და მარდად
შეიდგა მხარზე, თან შეელივით შეეკუნტრუშდა, თითქოს უნდოდა ახალ ამბა-
ნავს რაღაც მომხიზლავი სახით სჩვენებოდა, მაგრამ ეს მისი უადგილო თავ-
მოწონება ხელად გაუქრა. ამ ახირებული კუნტრუშის დროს ყუთი საგრძნობ-
ლად გაეკრა მანქანის რკინას, ბოთლები დაცვივდა და დაიმსხვრა იატაკზე,
აგერ უფროსიც წამოადგა თავზე და გაბრაზებულმა დაუყვირა:

— აი, შე ცუდლუტო, შენა: დათვალე ჩქარა რამდენი ბოთლი იყო!

თედომ აარჩია ნამტვრევებში ბოთლის თავები და დათვალა.

— ორმოცდაათი.

— ორმოცდაათი, ორმოცდაათი შაური, ხუთ დღეს ქირა აღარ გერგე-
ბა, გესმის?! ასე იცის ეშმაკობამ.

თედო დაღვრემილი დასცქეროდა ნამტვრევებს და გული ემღვრეოდა.
ხუთ დღეს ხელფასს ვერ მიიღებო... ამ სიტყვას იმეორებდა ვილაც მის ყურში.

— მაშ რა ვქნა, რა ვქამო?— უაზროდ წამოიყრანტალა თედომ. თითქოს
უწყრებოდა მის უხილავ მესაუბრეს. კოტიკო რაღაც ფიქრებს გაეტაცნა. მწუ-
ხარედ წარმოთქმულმა სიტყვებმა ის გამოარკვია და მხიარულად დაჰქრა თე-
დოს მხარზე ხელი:

— ნუ გეშინია, ბიკო, შენ თუ არ მოგცემენ ქირას, მე ხომ მომცემენ.
ყველას გვეყოფა. სამი შაური დღეში შენ, სამი მე, სამიც ჩემს დას. ერთი შა-
ური კიდევ დაგვრჩება საერთო ჯამში. მაშ ეგრე, ნუ დაღვრემილხარ! როცა
მე გამოიტყდება ბოთლები, მაშინ შენს ხარჯზე ვიცხოვროთ. მაშ რის ამბანა-
გებმ ვართ!..

ორთავე გამხიარულდა და შეუდგნენ საქმეს. სულ ერთი და იგივე საქ-
მე ჰქონდათ საკეთებელი: გაიტანდნენ ბოთლებს აუზთან, დარეცხავდნენ. კი-
დევ და კიდევ. დაღამდა ის დღე. კოტიკომ თედო თავისთან მიიპატიჟა. წა-
ვიდნენ ქუჩისაკენ. მეტი სიხარულისაგან თედოს თავბრუ ესხმოდა.

„ახლა ვნახავ ციციონს,— ფიქრობდა,— და ვეტყვი რომ ძე მათხოვარი
აღარ ვარ. მე ახლა პატროსანი მუშა მქვია. მუშა... ხა-ხა-ხა...“— გადაიხარხა-

რა თედომ და მედიდურად გადისვა შუბლზე ხელი, როდესაც კოტიკომ ფრთხილად შეიღო პაწაწინა გამოქვამბულის მსგავსი ოთახის კარი.

ციცინოს ის-ის იყო გაეთავებინა გაკვეთილების მოწმადება და წიგნებს ალაგებდა, სანათი ოდნავ ბეჭუტავდა.

— ძამიკო, მოხვედო!—კარებშივე შესძახა ციციონომ ძმას და აღტაცებით მივარდა მოსახვევად. თედო არც კი შეუნიშნავს, სანამ არ მიუთითა მასზე კოტიკომ.

— აი, კიდევ ერთი ამხანაგი, ჩემო დაიკო! შენ ხომ არ გეწყინება ეს რომ ჩვენთან დარჩეს?

ციციონომ ახლა შენიშნა თედო და განცვიფრებულმა წარმოთქვა:

— მათხოვარა თიგრი?!
თედო შეკრთა, კარებისკენ გაიწია, უნდოდა უხმოდ გავარდნილიყო გარეთ, მაგრამ კოტიკო მიეშველა.

— ეს ახლა მუშაა, ციციონო, გესმის? ჩემსავით მუშა, ჩემი ამხანაგი.

— უკაცრავად, მობრძანდი!

ციციონომ ღიმილით შეხედა და სკამი მიაწოდა, ამით გაასწორა თავისი შეცდომა. თან გაკვირვებით თქვა:

— მუშა?!

— დიახ, მუშა ვარ, პატროსანი მუშა... ახლა მე თედო მქვია.

— თედო!.. მუშა!. მაშ ჩვენ ახლა მეგობრები ვიქნებით. ჩემი ძმაც მუშაა.

— ჰო, მეგობრები ვიქნებით, მაგრამ შენ ხომ მუშა არა ხარ!..

ციციონო შეიშშშუნა, თავი გამონაკლისად იგრძნო მათგან და შერცხვა. ოთახში სიჩუმე ჩამოვარდა.

— ტყუილია, თედო, შენი შენიშვნა,—ცოტა სიჩუმის შემდეგ გაუბედავად წაიჩურჩულა ციციონომ,—მე გავხდები თქვენი ამხანაგი. მასწავლებელს ვკითხავ...

თედოს და კოტიკოს მართლაც შეუყვარდათ ერთმანეთი. ერთად ცხოვრობდნენ, ერთად შრომობდნენ და ერთად ატარებდნენ დროს. ციციონო კი მესამე პიროვნება იყო მათთვის, ორთავესაგან პატივისცემი და გასაზრდელი. ამას ციციონოც გრძნობდა. მიდიოდა დრო და თედო ხშირად გადაისვრიდა სიტყვას ციციონოსაკენ: „შენ ხომ მუშა არა ხარო,“ ისეთი თვალით გადახედავდა, თითქოს აგრძნობინებდა: ვინც მუშა არ არის, ის ვერც ამხანაგი გახდება მუშისაო. თედოს ასეთი დაცანვა ბრაზს გვრიდა ციციონოს, თან მათთან მეგობრობის სურვილს უღვიძებდა.

— მე ისეთი წიგნი მაქვს, თქვენ რომ იცოდეთ... მასწავლებელმა მომცა და მითხრა: „შენს ნაცნობ ყმაწვილებსაც წაუკითხო.“

— წაგვიკითხე, ციციონო!

— წაგვიკითხე!— დაეღრიჯნენ ბიჭები ერთ საღამოს.

— ხვალ ხომ კვირაა—თქვენც მოკლილი იქნებით და მეც.

მზე დასაველეთისკენ გადახრილიყო. მაისის თბილი და სურნელოვანი საღამო ბუნებისაკენ ეპატივებოდა ადამიანებს. მიდიოდა ხალხი ბალისაკენ, ფერმისკენ, რიონის პირად, გორაზედაც იყრიდნენ თავს, სწორედ იმ ადგილას, საიდანაც ძველი, ისტორიული ციხის ნანგრევები მედიდურად გადმოჰყურებს ქალაქს.

— ვიშ, რა კარგია, რა მშვენიერია!— რაღაც უსაზღვრო სიამოვნებით წარმოთქვა ციციანომ, როდესაც ამ ნანგრევებიდან გადმოხედა საოცნებოდ დაზინდულ ქუთაისს. მართლაც მშვენიერი იყო ამ ღროს ბუნება: ჰორიზონტზე მიწურულ მზეს გორების მწვევალიდან სირმის ქსელი გადაეფინა მთელი ქალაქისათვის. აო იძვროდა ნიაფი, არ ხმაურობდა ქუჩები, არ ისმოდა ეტლეზის რახრახი, თითქოს საიდუმლო სიამოვნებას მოუცავეს ყოველივე, რომ ამ ბუნების სიმშვენიერეს ადამიანთა გრძნობაც შეტსკობია და აღარ სურს დაარღვიოს ეს მყუდროება. ეს ტკბილი განცდაო. ასე იფიქრებდა შორიდან მომზირალი ადამიანი. ციციანო ხომ შორიდან დასცქეროდა ამ წარმატც სურათს და ალბათ ისიც ასე ფიქრობდა, რადგან ისე გაიტაცა ოცნებამ, რომ სრულიად დაავიწყდა მისი მგობრები, რომელნიც ნანგრევების მეორე მხარეს ქუჩაზე ჩამო სხდარი უცდიდნენ.

— ლოდინით გული გადაგველია, — უსაყვედურა თედომ, როდესაც ციციანო მათთან დაბრუნდა.

— მაინც მოვასწოებთ... უკანასკნელი ფურცელია დაგვრჩა.

ციციანო ჩაჯდა ამხანაგებში და განაგრძო კითხვა: „დიახ, როდესაც ბნელეთის მოციქულნი აღიგოებიან ამა ქვეყნიდან და მათთან ერთად გაქრება ინკვიზიციის დროიდან მოყოლებული ადამიანთა წამება, მაშინ მოისპობა ქვეყანაზე სიმდიდრე და სიღარიბე, ყველანი თანასწორები ვიქნებით...“

ამ სიტყვების შემდეგ თედომ და კოტკომ მაკრად დაუქირეს ციციანოს ხელი და აღტაცებით შესძახეს: — ციციანო, შენ ნამდვილი ამხანაგი ხარ ჩვენი, ნამდვილი ნეგობარი...

— მე კიდევ ვთხოვ მასწავლებელს და კიდევ მოვიტან ამისთანა კარგ წიგნებს.

ეს თქვა ციციანომ და კმაყოფილი ღიმილით გადახედა ყმაწვილებს, დარწმუნებული იმაში, რომ ამ ღლიდან ის თედოს და კოტიკოს ნამდვილი მეგობარი იყო.

მ წ ე ზ ა ბ უ კ ი

ხ ლ ა პ ა რ ი

ვარდისოფელში ცხოვრობდა ერთი მდიდარი კაცი, სახელად სარიდანი ერქვა. სოფელი საღსე იყო ვარდებით და ამიტომ ხალხი ვარდისოფელს ეძახდა. შუა ვარდისოფელში იდგა სარიდანის მალალი ბროლის კოშკი. ცამდე აწოწოლებულ კენწეროზე ვეებერთელა ბურთივით ოქროს თალი დაედგათ-ლალ-ზურმუხტით მოქედელი კარები და ფანჯრები თვალის წარმტაცად ბრჭყვინავდა. დღისით მზე ეხვია ბროლის კოშკს და ღამით მთვარის ვერცხლებრივი ნათელი.

ცხრაასი დღიური მიწა ჰქონდა სარიდანს, ცხრა უღელი ხარი ჰყავდა, ცხრა მეწველი ძროხა ება მის ბაგაში, ცხრა ბედაური ჭიხინებდა სარიდანის თავლაში, ეზოში დურაჯები და ფარშავანგები დაგოგავდნენ.

კოშკში ისეთი ლამაზი ცოლი ეჯდა სარიდანს, რომ მისი ღიმილი მზე-სავით მოგეუინებოდათ.

მთელი სოფლის ღარიბი მოსახლეობა სარიდანისათვის მუშაობდა. მის სუფრას ჩიტის რძეც არ აკლდა. სარიდანი მაინც უბედურად თვლიდა თავს. მთელი დღე უღიმღამოდ იჯდა კოშკის წინ. ხან ცოლს უსაყვედურებდა, ხან თავის უბედურებას დარდობდა, რატომ განგებამ შეილი არ მომცაო.

— რად მინდა ამდენი სამდიდრე? შეილი რომ მყავდეს, ფაცხაშიც ბედნიერი ვიქნებოდითო, — ეუბნებოდა ცოლს.

სარიდანის ცოლიც წუბდა კმრის დაღონებას და ქვეყანას შესჩიოდა მის უბედურებას, რომ შეილი არ ჰყავდა. აღრე თუ გვიან ამ ამბავმა გულთმისანს ყურამდე მიაღწია.

* * *

ერთხელ, როცა სარიდანი მოწყენილი იჯდა აივანზე და მოქნარებით გადასტკეროდა ვარდებით აყვავებულ ეზოს, მასთან მივიდა უცნობი ახალგაზრდა ქალი და მოკრძალებით ჰკითხა:

— ბატონო სარიდან, რად მოგიწყენიათ? გადახედეთ სოფელს, მთელი ხალხი თქვენთვის მუშაობს, ნეტავი რაღა გაქვთ სადარდებელი?

სარიდანს შეშფოთდა: თავის დღეში ასეთი სიტყვით არავის მიუმართავს მისთვის.

სოფელში მისი ტოლი არავინ ეგულებოდა. ეს ვინ თავხედიან!..

— შენი სახელი, დედაკაცო?—ჰკითხა სარიდანმა და ამაყად ჩახედა სტუმარს თვალებში.

— მე გულთმისანას მეძახიან,—თქვა ქალმა.

— სად ცხოვრობ?

გულთმისანა შექკომანდა და მერე ნოკლედ უპასუხა:

— ყველგან და არსად!!

სარიდანს რაღაც გამოურკვეველი შიში შეეპარა გულში; ვაითუ ეს უცნობი არსება რაიმე ცუდს მიქადდესო, გაიფიქრა, უნებლიეთ მოიძინარულა თავი და ლმობიერად უპასუხა:

— მომწყინდა, დედაკაცო, ველარ მახარებს ვარდისოფელი და ბროლის კოშკი. ვფიქრობ, შეილი რომ მყოლოდა, ფაცხაშიც ბედნიერი ვიქნებოდი..

გულთმისანამ გაიღიმა და თვალის ხამხამით ჰკითხა:

— რას დაარქმევდით თქვენს შვილს?

— ჩემ შვილს რას დავარქმევდი?—მზექაბუქს... უთუოდ მზექაბუქს..

ქალმა თვალები მოწყურა და დაღრეჯით თქვა:

— მებრალებით, ხი, ხი, ხი...—ჩაიცინა და მერე ზვიადად დაუმატა:—მე სიკეთისათვის დავალ ამქვეყნად. დახუკეთ, ბატონო, თვალები და სურვილი აგისრულდებათ.

სარიდანს ჯერ დამცინავი თვალით დააშტერდა გულთმისანას. მერე დახუკა თვალები და სიცილით წარმოთქვა:

— გამჩენი იყოს გულთამხილველი... როდის გავაღო თვალი?

პასუხი არავინ გასცა:

— დიდხანს უნდა მქონდეს დახუკული?

ახლაც არავინ უპასუხა.

სარიდანმა დუმილი ველარ მოითმინა და თვალი გააღო. გაოცდა. უცნაური სტუმარი გამქრალიყო, შუა ვარდისოფელში ბროლის კოშკის მაგიერ ისლიანი ფაცხა იდგა. არ ჩანდნენ მოსამსახურეები, არც ღურაჯები და ფარშავანგები დაგოგავდნენ ეზოში, არ ისმოდა ძროხების ბლავილი, არც ბედაურების ქიხინი, შუა ფაცხაში, კერაზე ცეცხლი გიზგიზებდა.

ცეცხლის პირას სარიდანის ლამაზი ცოლი იჯდა უბრალო კაბით, ღია მკერდზე შავი ნაწნავები გადმოეწყო, აკვანზე მკლავი გადაეკლო და ბავშვს ძუძუს აწოვებდა. მხიარულად დაჰყურებდა მშვენიერ ვაჟს, არასოდეს არ ენახა სარიდანს თავისი ცოლი ასეთი სავსე მთვარესავით მლიმარი და ბედნიერი, როგორც ახლა იყო ის. სარიდანს მშვილად შევიდა ფაცხაში და მოკრძალებ-

ბით დაჯდა აკვნის მეორე მხარეს, დააქკერდა ბავშვს და პირმცინარმა წარმოთქვა:

— მზეკაბუკი...

ცოლ-ქმარი ერთმანეთს გადაეხვია.

— როგორ გიხდება ეს კრელი კაბა, ხოხობი მგონიხარ!..

— შენ ვინ შეგიკერა ეგ ხალათი?

სარიდანმა ახლა დაიხედა ტანზე, გლეხის ტანისამოსი ეცვა. კიშკართან სოფლის შარახზე ურმები მიჰკრიალებდა. გაზაფხული ბრწყინავდა. უსიტყვოდ წამოდგა სარიდანი, ერთხელ კიდევ შეხედა მშვენიერ მზეკაბუკს ბედნიერის თვალთ და კუთხეში მიგდებული თოხი და წალდი გაიდო მხარზე. არასოდეს ასეთი ბედნიერება არ უგრძენია სარიდანს, მარღად იქნედა თოხს ყანაში და მშვენიერ ცოლ-შვილზე ფიქრობდა. საღამოს იჩქარებოდა სახლში დაბრუნება. შემოვიდოდა ეზოში თუ არა, ყურს მიუჯდებდა ცოლის მხიარულ სიმღერას, დაავიწყდებოდა დაღლილობა და თვითონაც ამღერდებოდა.

მშვენიერი გახდა მზეკაბუკი. თვალები მზესავით უბრწყინავდა, ტუჩები ბროწეულივით უელავდა, მაღალ შუბლზე ორი წარბი, ორი მშვილდივით ჩახლართოდა ერთმანეთს. თეთრ ლაწვებს შავი უღვაშები უმშვენიებდა, წელ-მკერდი და მხრებგაშლილი მზეკაბუკი ვეჟაკაური იერით ხიბლავდა მნახველს. ვარდისოფლის მცხოვრებნი შენატროდნენ სარიდანს, რომ მშვენიერი ვაჟი ჰყავდა. ბედნიერი მშობლები ვერ ძლებოდნენ შვილის ცქერით და აღერსით. მხოლოდ თვით მზეკაბუკი არ გრძნობდა თავს ბედნიერად. დღეს ერთი სურვილი გაუჩნდებოდა თავში სადარდელი, ხვალ — მეორე და ზეგ — სხვა. მაგრამ ყველაზე მეტად მზის ნახვის სურვილი სწევდა. დილით, მთის მწვერვალზე ამოწვერილ წითელ მზის რომ შეხედავდა, სიხარულის ცრემლები ჟონავდა.

ერთ დილას, როცა დედ-მამასთან ერთად საუბრობდა, მოულოდნელად მიმართა მშობლებს:

— საყვარელო მშობლებო, ხედავთ, უკვე ვაჟაკი ვარ, მეყოფა თქვენს თბილ კალთაში ნებიერობა. მომეცით ნება დროებით გამოგეთხოვოთ და გავემგზავრო ჩემი ბედის საძებნელად. ვარდისოფელი ვიწროა ჩემთვის, მგონია ისევ არტახებში ვარ ჩაკრული. ამდენი ვარდებიც სულს მიხუთავს, საყვარელო მშობლებო, მე მინდა მზე ვნახო, მზეს შევახო ხელი. მინდა გავიგო, რისგან არის გამოკვეთილი ასეთი ბრწყინვალე ბურთი, რომ მთელ ქვეყნიერებას ანათებს. უმზეოდ რა იქნებოდა სიცოცხლე?

დაღონდნენ მშობლები. უმძიმდათ შვილის მოშორება, მაგრამ რა ექნათ, უნებლიეთ დამორჩილდნენ კაბუკის ნებას.

მზეკაბუკი დაადგა არჩეულ გზას. მამამ სოფლის ბოლომდე გააცილა შვილი. სარიდანის ცოლი შეწუხებული ჩამოჯდა კიშკართან, ნიავი ამოიქრა, ვარდები აშრიალდა და საიდანღაც გულთმისანა გამოჩნდა.

— რად დაღონებულხარ, დე-ე-დი-ი? — ჰკითხა მშვიდად მზეკაბუკის დედას. მზეკაბუკის დედა შეკრთა, არ ელოდა არავის.

— შვილი გავამგზავრე, კეთილო ქალო, შორს და მეშინია ხიფათს არ შეემთხვეს.

— მე ერთ რამეს გეტყვი და თუ გულწრფელად მიპასუხებ...

— სრულიად გულწრფელად, — უპასუხა სარიდანის ცოლმა.

— შენი მარჯვენა უფრო გიყვარს, თუ შენი შვილი?

— ჩემი შვილი, — თქვა დედამ მტკიცედ.

— მაშ, დახუკე თვალი და რაც აქ ნახე და რასაც ნახავ, არავის უთხრა, დაიმარხე გულში, თუ გინდა შენი შვილი მშვიდობით დაგიბრუნდეს.

სარიდანის ცოლმა მაგრად დახუკა თვალი.

— როდის გავახილო? — იკითხა ცოტა ხნის შემდეგ. პასუხი არავინ გასცა. ველარ მოითმინა დუმილი და თვალი გააღო. სტუმარი იქ აღარ იყო. მარჯვენა მკლავზე დაიხედა, ხელი აღარ ჰქონდა.

— იყოს ნება განგების! — თქვა სარიდანის მეუღლემ და სიმღერით შევიდა ფაცხაში:

მზეკაბუკი მზეს ნახავს და
სარძლოდ მომგვირის მთვარეს,
სახლში მთვარე დამიჯდება,
ვიღებნთ, გავეიხარებთ.

მზეკაბუკი მზეს ნახავს და
მზეზე მოჰკრეფს სხივებს,
რძალს კაბაზე მოვუყოლებ
ოქროსფერად მძივებს.

ამ დროს სარიდანი დაბრუნდა შინ. ხედავს, ცოლს მარჯვენა ხელი არა აქვს. შეძრწუნდა სარიდანი, დაუწყო ცოლს გამოკითხვა, მაგრამ ცოლმა არაფერი უპასუხა. ქალი იცინოდა, კისკისებდა და მღეროდა. სარიდანმა უცქირა, უცქირა ცოლს და უკრად მოხუცდა კაცი, თმა და წვერი სულ გაუთეთრდა, თითქოს მხრებშიაც მოიხარა. სარიდანის მეუღლემ ქმარს შეხედა და შიშით აცახცახდა.

— რა მოგდის, ბატონო სარიდან? რად მოხუცდი ასე ჩქარა? — კანკალებდა ქალი.

— ევხ, საყვარელო მეუღლე, — ამოიოხრა სარიდანმა, — უკვე დროა მოხუცების. სამოცმა წელმა გადამიარა თავზე. — თქვა და სასთუმალთან დადგმული სკივრიდან პატარა სარკე ამოიღო.

— ჩაიხედე, ქალო, სარკეში, თვალი ხომ არ მატყუებს?

სარიდანის მეუღლემ ჩაიხედა სარკეში, თმები გათეთრებოდა, სახეზე ნაკვები გასჩენოდა.

— იყოს ნება განგებისა!—ჩვეულებრივად ნმვიდად წარმოთქვა ქალმა და ფაცხის კარზე მიდგა.



სამი თვე, სამი კვირა და სამი დღე იარა მზექაბუქმა და ერთ უზარმაზარ მდინარეს მიადგა. მდინარის გაღმა ნაპირას ის ბუმბერაზი მთები ამართულიყო, საიდანაც ყოველ დღით მზე ამოდებოდა. დაღონდა მზექაბუქი, მდინარის პირას მიწვა და ფიქრებს მიეცა: რა საშუალებით გასულიყო გაღმა. მზექაბუქს ჩასთვლიმა. ძილში საოცარი სიზმარი ნახა:

— მზექაბუქო,—მოესმა ვიღაცის ყრუ ხმა,—აღსდექ, გამხნედი, შენ წინ მიგიძღვის დედის მარჯვენა. მიჰყევ დედის ხელს და გადასცურავ მდინარეს. დედის სიყვარული იყოს შენი შემწე. ანას გეუბნება „გულთმისანა“.

მზექაბუქი მსწრაფლ წამოდგა, მიიხედ-მოიხედა, მის გარშემო არავინ იყო.

მდინარეს გახედა, გაოცდა: შარავანდელით მოსილი დედის მარჯვენა ამართულიყო მდინარის გაღმა ნაპირზე. მზექაბუქი წამსვე გადაეშვა მდინარეში და მძლავრი მკერდით გადალახა ტალღები. მარად აღვიდა ნაპირზე და აღტაცებით შესძახა:

— დედავ, საყვარელო!..—და წაეპოტინა დედის ხელს, უნდოდა დაეკონა, გულში ჩაეკრა, მაგრამ ხელი გაქრა.

მზექაბუქი პირქვე დაეცა.

მთის ქიმზე ფასკუნჯი გადნომჯდარიყო. დინახა თუ არა მიწაზე დაგდებული ადამიანი, გადმოფრინდა. დააელო მაგარი ბრკეალები და ფრთების მძიმე ფართხლით აიტანა ნწვერვალზე. მზექაბუქი გონს მოვიდა, ნახა. ფასკუნჯი უკაწრავდა მკერდს, მარდად იშიშვლა ხანჯალი და ფასკუნჯს თავი გააგდებინა. ცას გახედა. ერთი ნკრთალი ვარსკვლავი ცინციმებდა. ლაგვარდს ვარდები ეფინებოდა. მზექაბუქმა მძიმედ ამოიოხრა. მზე ახლა უფრო შორეული მთების ნწვერვალზე ამოდებოდა.

იმ მთებანდე საშიში გზები მოჩანდა, გაუვალი ტყეები, თვალუწვდენი ტრამალები და, რაც მთავარია, ქვეყნის კიდენდე გაშლილი ზღვები.

დაღონებული დაჯდა მზექაბუქი. ამონავალ მზეს უცქეროდა და გულის ვარამს სიმღერაში გამოთქვამდა, მზეს უმღეროდა, მზეს მიმართავდა:

მზეო, მზეო, ქვეყნის გულო,
მზევ, სინათლე თვალის,
მზევ, უცხოვ და შორეულო,
შენკენ მოვიჩქარო.

ვერ შემაერთობს გზის სიშორე,
ვერც გრიგალი ზღვისა,
მე თვით ზღვა ვარ და გრიგალი,
დედოფალო ცისა!

დიდი არის სიკაბუკის
გრძნობა კადნიერი...
ვინ ყოფილა ქვეყანაზე
ბედის მადლიერი...

როცა ვუტკეპრ მზეს, მთვარეს და
ამ მთებსა და კორღებს,
ფიქრობ, კაცი მიტომ მქვია,
ვიბრძოლო და მოვევდე...

დიდხანს მოუნდა მზექაბუკი უღრან ტყეში ბილიყის გაჭრას. ჩებდა ეკ-
ლებს, ჯაგებს და სიშწრით მიიკვლევდა გზას მზისაკენ.

გამოჩნდა ტრამალი, ტრამალზე ნისლი იდგა საშინელი. მზექაბუკი დაჯ-
და, საგზალი გადმოიღო მხრიდან, ნახა, სურსათი გამოლეოდა. ნახევარი
თასი ღვინო შესვა, პურის მცირე ნამუსრი შეატანა. სხვა არაფერი მოეპოვე-
ბოდა. თვალი მოაველო გარემოს—წინ დანისლული ტრამალი, უკან დაბურუ-
ლი ტყე. არ ჩანდა არც ცა, არც მიწა. თვალეებზე ნისლი ებლანდებოდა. ტუ-
ჩებზე ნისლი ელამუნებოდა.

უცებ მოაგონდა მზექაბუკს დედის ხელი, გულთმისანას ხმა, ძილში რომ
ჩაესმა მდინარის გაღმა. „იქნებ კიდევ დამესიზმროს... იქნებ კიდევ მითხრას
უხილავემა ქალმა საით მიმიძღვის დედის ხელი?“—გაიფიქრა მზექაბუკმა, თავი
მიღვა დასაძინებლად და სასოებით წარმოთქვა:

„დედავ, საყვარელო, ასწიე შენი მარჯვენა... ნისლმა დამიბურა თვალე-
ბი, ვერც ხანჯალი გასჭრის მას და ვერც მშვილდისარი.“

დიდი ხნის უძინარს უცებ ჩაეძინა. ძილში კვლავ ჩაესმა უხილავეი ხმა.

„მზექაბუკო, აღსდექ, დედის ხელი იყოს შენი შემწე... შეუბერე სული
ნისლს...“

მზექაბუკმა თვალი მოისრისა. მის გარშემო არავინ იყო, ძალ-ლონე მოი-
კრიბა და ვაგაკურად დაუბერა ნისლს. ნისლი გაიჩრღვა და სადღაც შორს
ჰორიზონტზე გამოჩნდა შარავანდელით განათებული დედის ხელი. იქ მზე ამო-
დიოდა.

— მზეო, მზეო, ქვეყნის გულო!—სიხარულით დაიყვირა მზექაბუკმა და
გაუღდა გზას. იარა, იარა, იმდენი, იარა, რომ დღისა და ღამის სათვალავი
აებნა. თვეები აერია. გზას ბოლო აღარ უჩანდა. მხოლოდ ერთი რამ ანუგე-
შებდა: მზის ყოველ ამოსვლას თან ამოჰყვებოდა დედის ხელი. აი, ახლაც

მზის ამოსვლას თან ამოჰყვა დედის ხელი. ზღვის ნიავეა დაუბერა. ნისლი მიმოიფანტა. მზეკაბუქმა შუბლი მოიჩრდილა. უკვე ზღვას მისდგომოდა. გახედლა მზეს და შემეძარწუნებლად დაიყვირა:

— ჩამოინგერი!.. იქვე ფხვნილად და ნაცარტუტად!—მზე ახლა ქვეყნის კიდემდე გამდგარი ზღვის გაღმა ამოდიოდა. დაიღრიჯა მზეკაბუქი. მაგრამ ამ დროს მზის სხივებში ამობრწყინდა დედის ხელი. სასოწარკვეთილება სიხარულად შეეცვალა. ისევ გაეხსნა იმედის კარები. მოიხსნა ხურჯინი, გაიხადა სამოსელი, იქვე დაყარა, დასკეივლა და თავდაფიწყებით გადაეარდა ტალღებში, იისფერი ზღვა წყნარად ირწეოდა. მზე ისევ ჰორიზონტიდან იცქირებოდა. მზეკაბუქი მარდად იქნევდა ხელებს და ფეხებს, მიცურავდა მზისკენ, მიქროდა ქარზე უსწრაფესი, ხომალდზე უჩქარესი. ვისლა ახსოვს რამდენჯერ ჩავიდა მზე და რამდენჯერ ამოვიდა... მზეკაბუქი ისევ მიცურავდა ქვეყნის კიდემდე გადაკიმულ ზღვაზე. მიცურავდა, სანამ გონება არ დაეკარგა, სანამ არ დაიქანცა. მერე ტალღები თავისთავად მიაქანებდნენ ნაპირისაკენ.

ღიღხანს ეძინა საღათას ძილით მზეკაბუქს, როცა გამოფხიზლდა და გონს მოვიდა, თბილ ქვიშაზე იწვა ზღვის პირას. მის ფეხებთან მეთევზეების ბადე ეგდო თევზებით. მზე საშუაღლოდან ათობდა მზეკაბუქის შიშველ სხეულს. ნელ-ნელა მოიკრიბა ძალა მზეკაბუქმა, თეთრეული მოიხსნა წელიდან, დააშრო და ჩაიცივა. დასვენების შემდეგ ძალზე მოშივდა, ზღვის პირას უმი თევზის მეტი არაფერი მოიპოვებოდა. გამოიღო ბადიდან ერთი თევზი და უმად შექამა. ისევ ძილი მოუნდა, იამა თბილი ქვიშა და ჩაეძინა. როცა გამოეღვიძა, მზე შორეული მთების მწვეკრვალზე ამოდიოდა, გზახმელეთით მიდიოდა მზისკენ. ბევრგან მოჩანდა სამტოტი შარა. გზის გადაღმა შორიდან იხედებოდა ქალაქები და სოფლები. მზეკაბუქი მშვიდად წამოღდა, თეთრეული გაისწორა, რაღაც გამოუთქმელი სიამე იგრძნო: აღამიანის სიახლოვე შეიქნო. გაახსენდა ვარდისოფელი, მისი ფაცხა და მშობლები. გახედა განვლილ გზას და შეუძლებლად ეჩვენა უკან დაბრუნება, „არა,—თქვა თავისთვის,—მე ვერასოდეს ველარ ვნახავ ჩემს კერას... საყვარელო მშობლებო, როგორ დაგტანჯეთ!“ გაახსენდა დედის აცახცახებული ხელები გამოთხოვების დროს და მამის დაღვრემილი თვალები. ატირდა.

აღგა, დაადგა სამტოტი გზის შუა შტოს. ეს შტო მიდიოდა მწვეანე კორდებზე, ბექობებზე და ხავერდოვან ველებზე. მიდიოდა პირდაპირ მზისკენ, იარა ასე მთელი დღე-ღამე. საღდაც ისმოდა ძაღლების ყეფა, მამლების ყივილი და საყვირის გუგუნო. ერთმანეთში ირეოდა ყველაფერი. მზეკაბუქს თავბრუ ეხვეოდა, გამოურკვეველი იყო მისთვის ყველაფერი ეს. სულ არ აგონდებოდა, რომ ის თეთრეულის ამარა იყო და უხერხულ მდგომარეობაში ვარდებოდა. მამლების ყივილი და ძაღლების ყეფა უფრო ახლოედებოდა, თენდებოდა, ცა ლაქვარდებოდა, მშვიდი და სასიამოვნო დღე იღვიძებდა. გახედა ცისკარს, მზე იმ ლურჯი მთების მწვეკრვალზე ამოდიოდა, ორი კენწერო რომ

თანაბრად მიბჯენოდა ცას. ეს ხომ ის მთებია, ბავშვობის წლებში რომ უცქეროდა მზექაბუკი? ეს ხომ ის მწვერვალია, ფასკუნჯი რომ მკერდს უკაწრავდა? ხომ არ გაგიცდა მზექაბუკი? ხომ არ ეჩვენება?!

თვალები მოისრისა, შუბლი მოიჩრდილა: სწორედ ის მთებია, ის...

კიდევ შემოესმა მამლების ყვილი.

გათენდა.

მზემ გააბრწყინა სოფელი.

შეღვა მზექაბუკი, აკანკალდა; ვარდები... ვარდები... თეთრი... წითელი... ყვითელი... მაისის ვარდები. რამდენი... რამდენი... ეს ხომ ვარდისოფელია! ნუთუ დედამიწა შემოვიარე?..

გათითრდა მზექაბუკი, მუხლები მოკვეთა. ყველაფერი თბილი და მონიბლაფი მოეჩვენა. ვარდებში გამოჩნდა სარიდანის ფაცხა.

მზექაბუკი აცახცახდა, ძლივს მიაბიჯებდა ფეხს. „დედა... მამა...—ჩურჩულებდა ათროლებული ბაგით. ვარდები იზნიქებოდნენ, ესალმებოდნენ შინდაბრუნებულს, ფეხქვეშ ეგებოდნენ. მზექაბუკი მიაღვა ფაცხას. ფაცხის კარში ურდული იყო გაყრილი. ურდული გამოაძრო და გამოალო ფაცხის კარი. ფაცხა უკაცრიელი დაუხედა, კერა ჩამქრალი. გამობრუნდა, გარეთ გაძოვიდა. ფაცხის წინ, ვარდებში ნახა ორი ამალლებული საფლაფი. წაიკითხა საფლაფის ქვაზე წარწერილი:

„აქ განისვენებს მზექაბუკის მამა.“

ახლა მეორე ქვას მისწვდა:

„აქ ტკბილად სძინავს მზექაბუკის დედას.“

ატირდა მზექაბუკი, მწარედ ატირდა... საფლაფებზე დაემხო და ფრჩხილებით დაუწყო მიწას ფხოვნა.

ამ დროს ფოთლები აშრიალდა და გულთმისანა გამოვიდა ვარდებიდან.

— მზექაბუკო, აღსდექ, ქვეყანა მოგელოდა შენ! — ყრუდ ჩასჩურჩულა საფლაფზე დანხობილს. მზექაბუკი შეერთა, ეკონა მიწის ქვეშეთიდან ელაპარაკებოდა ვილაც. მის წინ ქალი იღვა წარბშეკრული, სხივნაფრქვევი თვალებით და ამაყად მოკუმული ტუჩებით.

— საოცარო, — შინართა მზექაბუკმა ქალს, — ქვეყანა შემოვიარე და ვარდისოფელზე უშეშენიერესი მხარე არ მინახავს. ვერც სურვილი ავისრულე: მინდოდა მზისათვის შემეხო ხელი, მაგრამ ამაოდ... მზე ძალიან შორს ყოფილა ჩვენგან.— შუბლზე ხელი გადაისხა და მთებს გაჰხედა.— მე კი მეგონა იმ მთების გადაღმიდან ამოდიოდა. ეხ, გაქრა ოცნებები... ამაოდ ვეწამე...

მშობლების საფლაფს გაშორდა მზექაბუკი. ფაცხის წინ სკამლოგინზე ჩამოჯდა, სადაც ბავშვობისას უყვარდა თამაში და ნალელიანად წარმოთქვა: „დიდი არის სიქაბუკის გრძნობა კადნიერი...“

— ბატონო მზეკაბუკო, თქვენ უკვე მოიმკეთ რცნების ყვავილები, ახლა რაღა გაქვთ სადარდებელი?

მზეკაბუკი ქალს მიაშტერდა:

— საოცარო ქალო, თითქო სადღაც მსმენია შენი ხმა... სად ცხოვრობ?

— ყველგან და არსად.

— შენი სახელი?

— გულთმისანას მეძახიან.

— გულთმისანა?— შეკვივრა მზეკაბუკმა და ხელში სწვდა ქალს,— ახლა საით მიიმართება ჩემი გზა? საით მეძახის დედინაგის მარჯვენა? გულთმისანა, ერთხელ კიდევ ამოაბრწყინე დედის მარჯვენა.— გულთმისანამ სარკე ამოიღო ჯიბიდან.

— მე სიკეთისათვის დავალ ამქვეყნად. ჩაიხედე სარკეში, მზეკაბუკო!

მზეკაბუკმა სარკეში ჩაიხედა. ახლა მოაგონდა თეთრეულის აზარა იყო, წვერებმოშვებული, თმებბურტყული, კუკუიანი. ადამიანს არ ჰგავდა. შეწუხდა ვაჟკაცი და ვედრებით მიმართა ქალს:

— გათხოვთ, ნუ მიცქერით, დამტოვეთ მართო.

— მე თქვენს თხოვნას გისრულებთ: დახუკეთ თვალები და როცა გაახელთ, იხილავთ დედის მარჯვენას.

გახარებულმა მზეკაბუკმა ჩქარა დახუკა თვალები.

— როდის გავახილო?— იკითხა ცოტა ხნის შენდევ.

ხმა არავინ გასცა. მზეკაბუკმა თვალი გააღო. ის იჯდა მშვენიერ ბროლის კოშკში. თმები ლამაზად ჰქონდა გადავარცხნილი, წვერი შეკრტილი. ტანზე მაუდის სამოსელი ემოსა. წინ სამუშაო მაგიდა ედგა. მაგიდაზე გრძელი პერგამენტები ეწყო. ხელში კალმისტარი ეჭირა და მშვიდად წერდა ცისა და მიწის ამბავს. კედელზე მიკრულ ეტრატზე იხანებოდა ქვეყნიერების პირველი რუკა.

ქარი გაიღო და შემოვიდა მშვენიერი ქალი, თავზე მზეკაბუკის დედის მარჯვენა უბრწყინავდა. მზეკაბუკი სიხარულით აღფრთოვანებული სწვდა დედის ხელს დასაკოცნად, მაგრამ ის შუკი იყო უსხეულო. ვაგი დააკვირდა და გამოიცნო: დედის ხელი მზეკალს მფარველობდა, შორეული მზის სხივი ციმციმებდა მშვენიერი ქალის თვალებში. შუბლგახსნილი იდგა იგი საქორწილოდ მორთული.

— მშვიდობა შენს ხილვას,— თქვა მზეკაბუკმა და გადაეხვია მეუღლეს.

... იმ დღიდან მშვენიერ ქალს მზეკალა დაერქვა სახელად. გამართეს ქორწილი და იხარეს მზეკაბუკმა და მზეკალმა.

ფარციკუკუ და ფარცადინა

(ხალხური იგავი გურიაში თქმული)

სულ წინათ, ძველს დროში, ცხოვრობდა ორი ტყუპი ძმა. ერთს ერქვა ფარციკუკუ, მეორეს—ფარცადინა. ჯერ კიდევ ორი თვისა იყვნენ, როცა მამა გარდაეცვალათ.

ორი აკვანი ედგა დედას გვერდით. ერთ ძუძუს ფარცადინას აწოვებდა, მეორეს—ფარციკუკუს. მამის უდროოდ გარდაცვალებამ დედა დააფიქრა: ვინ უნდა ყოფილიყო ოჯახის უფროსი—ფარციკუკუ თუ ფარცადინა. რადგან ფარცადინა ორი საათით აღრე იყო დაბადებული, დედამ მას მიაკუთვნა უფროსის უფლება. იზრდებოდა ასე ორი ძმა, ერთი უფროსის უფლებით და მეორე უმცროსისა. როცა ფარცადინას ერთი გოჯი ემატებოდა სიმალლე, ფარციკუკუს—ორჯერ მეტი. მეტი მკერივი და მხარგაშლილი ხდებოდა ფარციკუკუ. ფარცადინა კი—ჩია, გამხდარი და კაფანდარა. მაგრამ ოჯახის უფროსის უფლებას კარგად ითვისებდა.

— მე თქვენთვის სად მცალია, ყველაფერი მე ხომ არ უნდა ვაკეთო! თოხის მოქნევაც მე გასწავლოთ? კიტრის დარგვაზედაც მე დაგადგეთ თავზე? სოფელს ვინდა მოხედოს? მტერ-მოყვარეს ვინ წაუძღვეს?—რიხით ამბობდა ფარცადინა, თან უმცროს ძმას მიუოთებდა:

— ახლა გაზაფხული იწყება, ხეებს შესხება უნდა, ვენახს—გაწმენდა, ყანას—დათესვა.

ფარციკუკუ გაიდებდა თოხს მხარზე და მთელი დღე თავჩაკიდული მუშაობდა. დედა ოჯახს დასტრიალებდა. ფარცადინა შეიკრავდა ჩოხის ლილებს მაგრად, წელზე პაპისეულ დაქანგულ სატევარს დაიკიდებდა, ხელებს ზურგზე დაიწყობდა და გაუდგებოდა გზას. ხან სოფლის სამმართველოსთან ჩამოჯდებოდა გზაზე და ლაუბობდა, ხან ვაქრებთან ლაზღანდარობდა, ხან მეთევზეებთან ჩავიდოდა, ერთხანს იოხუნჯებდა და ბოლოს ერთ ციდა თევზს წაართ-

ზეცდა მეთევზეებს და დაბრუნდებოდა შინ. ეზოში შევიდოდა თუ არა, ცხვირ სახოკით ოფლს მოიწქენდდა შუბლზე და დიდად ნაშრომი კაცივით ფართოდ მიუჯდებოდა სუფრას. ფარციკუკუ ჩამოიღებდა თოხს მხრიდან და უმცროსის წესით ჩამოჯდებოდა სუფრასთან.

— დღეს რა ამბავი გაიგე, შვილო, ქვეყნისა?—ჰკითხავდა დედა ფარცადინას.

— ქვეყნის ამბავიო? ჰმ... ქვეყანა ხან წალმა ტრიალებს და ხან უკულმა. ქვეყანა... რაში გეკითხებათ, თქვენ თქვენი საქმე აკეთეთ.

ზაფხული დადგებოდა, ყანები გაიფურჩქნებოდა, სიმინდს გამარგვლა უნდოდა. ფარციკუკუ მზრუნველი თვალით უტკეროდა მძიმე საშუშაოს. თუ დროზე არ გაიწმინდებოდა ყანა, წახდებოდა.

— ნალი გვინდა, ფარცადინა,—ამბობდა ფარციკუკუ.

— ნალიო? მერე მე რა? მოიწვიე, ვინ გიშლის, მე შენ გეტყვი არ მოგეხმარებიან! ფარცადინას სახელი ახსენე და კმარა.

ფარციკუკუ უღვაშებში ჩაიცინებდა. რად სჭიროდა ფარცადინას სახელი. ისედაც სოფლის ახალგაზრდობა სიამოვნებით ეწვეოდა ფარციკუკუს. ყველამ იცოდა ფარციკუკუ მათ ყანაში ორი ვაჟაკოსოდენას იმუშავენდა.

მზე რომ დააცხუნებდა, ფარცადინა ჩამოუვლიდა ნაღს, შეეხმინებოდა, შეაგულიანებდა ბიჭებს და გაუდგებოდა გზას, თითქოს დიდ საქმეზე მიეჩქარებოდა. ნამდვილად კი, სადმე მდინარის პირას იჩრდილებდა და საოცარ მზეთუნახავზე ოცნებობდა. თან მდინარეს ჩასტკეროდა. ტბის ფსკერზე ოქროს თევზი ელანდებოდა; ამაზე მეტი ბენდიერება შეიძლებოდა? ოქროს თევზს დაიპერდა ფარცადინა. ოქროს თევზი კუდს გააქნევდა და ოქროებს დაყრიდა და, მერე იცით რამდენს? რამდენიც ქვირითი აქვს თევზს... კიდევ მეტს, რამდენიც ქინკლი აქვს ქვირითში. რამდენი ქინკლი აქვს თევზს ქვირითში? უუუ... ვინ დასთვლის... ოქროს გორებს დადგანდა ფარცადინა. ქვეყანაზე პირველი კაცი გახდებოდა. მზეთუნახავები ძებნას დაუწყებდნენ ფარცადინას! — ოცნებობდა ფარცადინა.

* მაგრამ არ იქნა და არა, არ გამოჩნდა ოქროს თევზი. ღამდებოდა და ოცნებით გაბრუნებული ფარცადინა ძლივს მიბარბაცებდა შინ. შევიდოდა ეზოში თუ არა, ჩვეულებრივად მოიწქენდაედა შუბლზე ოფლს.

— ვაი, დამიდგეს თვალები, სად დაილაღე, შვილო, ასე?—მიუალერსებდა დედა ფარცადინას.

— ქვეყნის საქმეს ვაწვებსრიგებ, დედი!—ეტყოდა ფარცადინა.

— რა ამბავია, შვილო, ქვეყანაზე?

— ქვეყანაზეო?! შენ რაში გეკითხება ქვეყანა? ქვეყანა ხან წალმა ტრიალებს და ხან უკულმა.

ზაფხულის შემდეგ დოვლათიანი შემოდგომა დგებოდა.

ყვითელ ფარჩებში აშრიალდებოდა სოფელი. ასურნელდებოდა რთველი. დოვლათის აღება და მოვლა იყო საჭირო. ფარცადინა კი დილიდანვე გაქრებოდა სადღაც. საღამოს ხვნეშით დაბრუნდებოდა, იგახშმებდა და უსიტყვოდ მიდიოდა მინდვრად. გახზეოდა ნაბადში, ჩაწვებოდა ხმელ ჩალებში პირალმა და უტყვროდა ვარსკვლავებს. სიო ხმელ ჩალებს აშრიალდებდა, რუ საამოდ რაკრავებდა... ფარცადინა ისევ ოცნებობდა. „აი, ახლა გაალებს ცა პირს და ერთ ტომარა ოქროს ჩამოუგდებს ფარცადინას!“

კიაფობდნენ შემოდგომის ვარსკვლავები, მაგრამ ცა პირს არ აღებდა, არც ბედნიერების კარები იღებოდა.

შემოდგომას ზამთარი მოსდევდა. ტყეში შეშა იყო დასაქრელი, მოსახიდი. ფარცაკუქუ მთელი დღე ჩებდა შეშას. საღამოს მხარით მოქქონდა კუნძები. წელგაწვეტილი მოღჯდებოდა ბუხარს. ფარცადინა ფეხიფეხგადადებული იჯდა და ჩიბუხს აბოლებდა. ნაკვერცხლებს მისჩერებოდა, ცეცხლის ტკაცუნს აყოლებდა ფიქრებს.

ახლა დედა მოყვებოდა საყვედურს:

— შეილებო, მე დავილაღე, თქვენ უკვე ვაქვაცები ხართ, სოფელში ბევრი ლამაზი საპატარძლო ქალიშვილებია.

— ჰჰ... საპატარძლო ქალიშვილები?! რა დროს ქალიშვილებია, დედი, ჯერ ქვეყნის საქმე არ მომიწესრიგებია, — შეუტევდა ფარცადინა.

ფარცაკუქუ თავს წამოსწევდა:

— რა ამბავია მართლა, ძმაო, ქვეყანაზე? რა ისმის ახალი?

— რაო, რა ისმის ქვეყნის? ჰჰ... რაში გეკითხებათ ქვეყნის საქმე? ქვეყანა ხან წალმა ტრიალებს და ხან უკულმა.

და, აი. მართლაც, იმ ზამთარს ცუდად დატრიალდა ქვეყნის საქმე, სამშობლოს მტერი შემოესია. მთელი სოფლის ვაქვაცები ფეხზე დადგნენ საომრად, არც ფარცაკუქუ ჩამორჩა სხვებს. ვაქვაცურად აისხა მშვილდ-ისარი და ხმალ-კაპარკი. გამოეთხოვა დედას და გაენზადა სალაშქროდ. ძმას მორჩილის თვალთ შეხედა. დედამ საგზალი გადაჰკიდა უმცროს შვილს, გზაშარაზე გააცილა და დალოცა, თან დააბარა:

— შეილო, სამშობლოსთვის გამიზრდიხარ, არ შენირცხეინო დედის ლეჩაქიო.

სახლში რომ შებრუნდა დედა, ფარცადინას სატყვარი მოეხსნა წელიდან და სალესი კვით პირს უწყობდა. დედამ ვერ მოითმინა უფროსი შვილის უადგილო დუმილი და გადამწყვეტი ხმით უთხრა ფარცადინას:

— კარგად გალესე, შეილო, ძმას უნდა მიეშველო!

— რაო, ძმას მიეშველეო? ხა, ხა, ხა... რად უნდა მიშველება? განა ჩემს ძმას ვაქვაცობა აკლია? მე ჩემი გზა მაქვს, დედი, მოითმინე და მალე ნახავ, ქვეყანა შენი უფროსი შვილის დიდებზე ლაპარაკობდეს.

— აგრე, აგრე, შეილო, სამშობლოსათვის გამიზრდინარ! — თქვა დედამ და ახლა უფროს შეილს გამოუტანა საჯალო, მაგრამ გულში სულ იმაზე ფიქრობდა დედა, რატომ მოლაშქრებთან ერთად არ წავიდა ფარცადინა? ძმასთან არ აჯობებდა ომში წასვლა?

დიდხანს გაგრძელდა ომი. სოფელს კიდევ დასჯირდა ახალი მეომრების შეკრება. სამშობლოს მიწა-წყალს იცავდნენ ვაჟაკები. საყვარელ მამულს სწირავდნენ შეილებს დედები. ჩქარა მოეფინა სოფელს ფარცაკუქუს ვაჟაკობის ამბავი. არ ისმოდა არსად ფარცადინას სახელი. დედა მოუთმენლად მოელოდა ფარცადინას საგმირო ამბებს, მაგრამ იგი ამოდ გასცქეროდა შარას: ფარცადინა ტყე-ტყე დაძვრებოდა, მეჯოგეებთან იმალებოდა.

ომი გამარჯვებით დამთავრდა. ბრძოლაში ვაჟაკობით განთქმული ფარცაკუქუ ხელჩართულ ომში დაიჭრა. სოფელში კაცი მოვიდა, სამშობლოს გამარჯვება ახარა სოფელს. ხალხი საზეიმოდ შეიკრიბა. შორიდან გამოჩნდნენ ბრძოლებგადახდილი მეომრები. სარეცელით მოპყავდათ დაჭრილი ფარცაკუქუ. ფარცაკუქუს თავზე გამარჯვებული სამშობლოს დროშა უფრიალებდა. მეომრების მხარდამხარ, ჯორზე გადამჯდარი ფარცადინა მოიჩხეოდა. წელზე შემოკერილი ქამარ-ხანჯლით, ყურიდან სისხლი წვეთ-წვეთად ჩამოსდიოდა, თეთრ ჩოხაზე ეღვრებოდა. ჩვეულებრივად იწურავდა ცხვირსახოცით ოფლს. არავინ იცოდა ფარცადინას ასავალ-დასავალი, საიდან და როგორ გაჩნდა მეომრებთან. ყურზე აშქარად ემჩნეოდა ეკლების განაფხაჭნი.

სოფელში შესავალთან ერთმა მოხუცმა შეაჩერა ფარცადინა და ჩემად ჰკითხა:

— ფარცადინა, ფარცადინა, ყურსა სისხლი რამ გადინა?

ფარცადინამ მოხუცს შეუბღვირა და ბოხი ხმით უპასუხა:

— ლაშქარს ვიყავ, დავიქერი, ყურსა სისხლი მან მადინა.

მოხუცმა გაიღიმა და გრძელ წვერზე ხელი ჩამოსივა, თითქოს ბუჩი მოიშორაო. ეს ის მეჯოგე იყო, რომელიც ფარცადინას ხშირად ხედავდა მთებში და იცოდა, რომ ამ ცრუ ვაჟაკს არავითარი წილი არ ედო სამშობლოს განთავისუფლების საქმეში.

დღეს საზეიმოდ ჩამოსულიყო მოხუცი სოფელში.

ფარცაკუქუს დედა გამოეგება და ალერსით ჩაეკრა გულში სასახელო შეილს. ამ დროს ფარცადინა წაადგა თავზე მწოლიარე ძმას.

ფარცაკუქუმ თავი წამოსწია სარეცელიდან და გაკვირებულმა ჰკითხა დიდი ხნის უნახავ ძმას:

— ფარცადინა, ფარცადინა, ყურსა სისხლი რამ გადინა?


ფარცადინას ენა ჩაუვარდა. იჩქითად მიაბრუნა ძმას პირი და დედისაკენ წაიწია მოსახვევად, მაგრამ დედამ ის შეაჩერა და ამყად უთხრა:

— მე უველაფერი ვიცი, ვერ მომატყუებ. როცა შენი უმცროსი ძმა
ნტერს ებრძოდა, შენ ტყეში იმალებოდი. უსირცხვილოვ, შესდექ, ფარცადი-
ნა, შენ დედის ალერსს ვერ მიიღებ. დედა ვერ ასახელე. მამული ვერ დაიცავი.

ხალხი ზეიმობდა გამარჯვებას. ახალგაზრდები ცეკვავდნენ და მღერო-
დნენ. სიმღერებში აქებდნენ და სიყვარულით იხსენიებდნენ ფარციკუკუს. დას-
ცინოდნენ ფარცადინას: — ფარცადინა, ფარცადინა, ყურსა სისხლი რამ გადი-
ნა?... — მოსძახოდნენ ბიჭები, ფარცადინა კი თავჩაქინდრული, შერცხვენილი
იდგა.







ჩემი ცხოვრებიდან

არ მაიწყდება ის კარ-მიდამო, სადაც პირველად ავიდგი ფეხი, სადაც პირველად ავღეგნებთვარ გაზაფხულის ფრთაფრთა პეპლებს.

ახლაც თვალწინ მიდგას ჩენნი დიდი ეზო შქერით და თხილით შემო-
ლობილი. სასიამოვნო მოგონებებს მიღვიძებს ჩენნი ტყე ვეებერთელა წიფლის
ხეებით და რცხილებით, ბებერი მუხებით და პირდაპირი წაბლის ხეებით.
მახსოვს, პატარა ნადირივით რომ დავძვრებოდი ეკალბარდებში, ვაგროვებდი
წიწიბოს და წაბლს, ვივსებდი კალთას და მიერბოდი ჩემს საყვარელ დედას-
თან. თვალწინ მეშლება დიდი ბალი თუთებისა და ალუბლების ხეივნებით,
ხშირ ტოტებში სანეფო ვაშლი რომ დაიწითლებდა ლოყებს. მაღალ ხეებზე
ჩამოხუნძლული იზაბელას მტევნები და ხის კენწეროზე შემდგარი მამაჩემი.
თითქოს ახლაც ვხედავ, როგორ აფრიალებს ნიაჟ-ქარი მისი ახალუხის
კალთებს. ვდგავარ შემკრთალი ხის ძირას და ჩურჩულით ვეუბნები:

— არ ჩამოვარდე, მამაჩემო!

— შეილო, ხეზე ასულ კაცს დაბლიდან არ უნდა ელაპარაკო, — მარი-
გებს დედა, მაგრამ ორიოდ წუთის შემდეგ მამა თვითონ გვეძახის კენწე-
როდან:

— გიდელი გამომიცვალეთ!

მწვანედ შეფოთილ ტოტებს შორის მოშრიალებს გიდელი. მე ვასწ-
რებ დედას და ვეებერთელა გოდორში ვაპირქვავებ ყურძნით სავსე გიდელს,
მერე ისევ ვკიდებ თოკზე და რაც შემიძლია ხმამალა შევძახი:

— მამა, მშვიდობით ჩამოდი!..

აი, შემოდგომის ფარჩებში გახვეულა კარ-მიდამო. ყვითლად ბზინავენ
ფოჩებშემხმარი სიმინდის ტაროები. მწველი სხივებით დასცქერის მზე თავ-
დახრილ ყანებს. სიმინდის ყანების იქით იწყება ღომის ყანა. ქარვისფრად
ჩაღანძულან ღომის თავთავები. ვის არ გაახარებს მწიფე თაველის ხელის
შეხება, ღომის ჩალების მხიარული შარიშური. ამ ოქროსფრად ანთებულ ყა-

ნებში აქა-იქ მოჩანს ბრინჯაოსფერი გოგრები, ზედ ლერწები შეხმობიათ და განგებ დაყრილ კუნძებს გვანან.

მამა ხიდან ჩამოდის და საესე გოდრებს საწნახელში სცლის. საწნახელი გამოთლილია კოპიტის ხისაგან. კარგად მახსოვს ეს ძველთაძველი, დიდზე დიდი კოპიტი, რომელიც ჩახრამულში ზვიადად იდგა. ოცმა კაცმა ძლივს მოჰრა იგი და ხრამიდან „ელესას“ სიმღერით გამოიტანეს. ხარ-ურემს აჰკიდეს სათრიელი და ასე მოიტანეს შინ. ოსტატმა საწნახელი გამოთალა მისგან. ოთხმა კაცმა ოთხი კეტი დაუდო და სამზარეულოს დერეფანში „ოხო-ხო“ ძახილით, შემალღებულ მორებზე შედგა.

საწნახელი პირამდე აივსო ყურძნით. საამო სუნი დადგა. ფუტკრები ზუზუნებდნენ საწნახელის გარშემო. დედას ალვის ხის გრძელი ტოტი ეჭირა ხელში და ცდილობდა გაედევნა ფუტკრები, მამაჩემი მიჯაგრდება:

— წადი, გოგო, აქედან, თორემ დაგქამს ფუტკარი!

— შეილო, გაეცალე აქაურობას, ბზიკი გიკებნს, — მუუბნება დედა.

ჰმ... რა შეილი ვარ წავიდე?! ვარჩევი გიშერივით შავ მტევნებს და შევექცევი. მიხარია. ყურძნის წნეხას შეუღვინენ, შარბათის ტბა დადგა. დედა კოპით ტუბილს იღებს და ასხამს სპილენძის დიდ ქვაბში. ჯაკვზე მძიმედ ჰკიდია ეს ქვაბი. დედა ქვაბში ფქვილს ჰყრის და გრძელი ლაფერით ურევს. აკეთებს ტუბილსა და გემრიელ ფელამუსს. ჯოხზე მწკრივად ჰკიდია ნიგვზის, თხილის და ვაშლის ჩურჩხელები. უჰ, რამდენია!..

მამაჩემმა მუშაობა დააფარა ტუბილით საესე საწნახელს და ღიმილით თქვა:

— ჩქარა დადუღდი, ჩემო ღვინოვ, მტერ-მოყვარის გულის მომლხენო! ტოტებდახლართულ ვაშლის ძირშია ჩენი მარანი, ქურები მიწაშია ჩაფლული. მამა კოკით წყალს ასხამს ქურებში და ორჩხუშით რეცხავს. მე ორკოპეს წავეპოტინე, მინდა წყალი ამოვიღო ქურიდან და გადავღვარო, მაგრამ წყალი ფეხებზე დავისხი.

— ახია შენზე! — მიწყრება მამა, ორკოპე წამართვა და თვითონ ხელად ამოხაპა წყალი ქურიდან. მე ქვაზე ვიჯექი და სველ ფეხსაცმელებს ვიხდიდი.

— მოდი აქ, უჰჰუ! ჩასძახე ქურს! — ბრძანებით მითხრა მამამ. ედგები, პირს ვაღებ ქურის პირზე და ვყვირი: — უჰჰუ!..

— რა გიპასუხა ქურმა?

— ქურმაც „უჰჰო“, თქვა.

— ჰოო, ასეა ჩემო გოგოვ, ზოგიერთი ტლუ კაცი ქურსა ჰგავს, ყოველთვის სხვის ნათქვამს იმეორებს, თავისი არა იცის რა. ასეთ კაცზე იტყვიან: „ქურს, რასაც ჩასძახებენ, იმას ამოსძახებსო“. გაიგე? თუ გაიგე, დაიხსომე კიდევ.

დავისხომე შენი სიტყვა, მამაჩემო, ამიტომაც მთელი ჩემი სიცოცხლის მანძილზე სხვისი ჩაძახილით არ მიმოქმედნია.

როცა მამამ ხუთივე ქურში ღვინო დააბინავა, ნუხის ხისგან ხუთი როგო გამოთალა და ქურებს დაათარა, თეთრი თხით პირი მოუგლისა. ორჩხუში და ორკოპე დერეფანში დაჰკიდა და მთელი ოჯახის გასაგონად ვალმოხდილად თქვა:

— ისე გავაკეთე ჩვენი მარანი, რომ ცვარიც ვერ ჩავა შიგ!

— მე კი ისეთი ჩურჩხელები ამოვავლე, უცხო სტუმარს რომ მიერთმევა!—გაეხმაურა დედა კმაყოფილებით.

ახლა ღომის საკრეფად ვემზადებით. დედანთან ერთად მეც მივთრევე პატარა კალათს. ეს კალათი იობამ დაწნა ჩემთვის. ხელში მოკლე დანა მიქირავს. ჩამოვწეფ თაველს და ვჭრი დანით. მიხარია. ჩქარ-ჩქარა ვავსებ კალათს, მრვარბენინებ და ჩელტზე ვყრი თაველს. აივსება ჩელტები, ჩელტებს ზევით ასწევენ და აბოლდება ჯირკების ცეცხლი. ბოლი გაივლის ჩელტებზე დახევებულ ღომის თაველში. ამას ეძახიან სოფელში ღომის გაწყობას. ღომი ბელელში მოვათავსეთ. მეც ვფუსფუსებ, ვშრომობ. ჩემი პატარა კალათით მივარბენინებ ბელელში თაველს. დედა სახლის მერცხალს მეძახის. როდი დავდივარ, დაეფრინავ... განა ზარმაცი ვარ, ან საპყარი ვარ, რომ დავეგდო გატენილ ტომარასავით?..

სიმინდის ყანაში შევდივართ სატეხად. შუადღის სიცხე ჩამოწვა. მამაჩემი დასიცხული ჩამოჯდა ნაპირზე.

— ლილია, (ასე მეძახდნენ პატარას) ცივი წყალი დამალევინე, შვილო! წყარო შორს არის. ტყის ბილიკი უნდა ჩავიბინო. ცოტა მეშინია კიდეც, მაგრამ არ ვიმჩნევ. წამოვავლებ ჩემს პატარა სპილენძის თუნგს ხელს და მივრბივარ „ია-უას“ სიმღერით. ეს „ია-უა“ საუკეთესო საშუალებაა შიშის გასაფანტავად. მივჭრი ხშირი ტოტებით დაბურულ ბილიკზე და აი წყაროც. ვეებერთელა ბელტივით ამოქუხს ყინვასავით ცივი წყალი. ვსვამ პეშვით და სახეზეც ვისხამ. წყალი წურწურით ჩამოდის, მაგრამ მე ეს არ მაწუხებს, ისევე სიმღერით ვბრუნდები უკან.

სოფლის ცხოვრებაში ბევრი რამ არის სასიამოვნო. ერთი ასეთთაგანი სიმინდის სარჩიელში კალოზე შემოთენებაა.

მთავადა რთველი და ღომის დალაგება. დაიწყო კალოობა. ნალის ქვეშ კერამდე ამაღლდა ჩვენი კალო. დედა შეუდგა ვახშმის მხადებას. მამას ჩემს ჩუხად თხილნარში გოკი წაეყვანა და დაეკლა. მე ეს მაშინ ვნახე, როცა გრძელ შამფურზე აეგოთ და კერიის ცეცხლზე ატრიალებდნენ, სწევადნენ.

ოღის განიერ პარმალზე დედამ სუფრა გაშალა, კეცის მქადი დატეხა და შეწვარი გოკი და ტყემლის საწებელი ჩამოარიგა. ქყინტი სიმინდი და მოხარშული კვახები ჩამოდგა თაბახით. მომცრო დოქებით მაპარი ჩამწვრივა. სანათის ანთების დრო იყო. ჩვენი ნაღი ნელ-ნელა შემოუსხდა სუფრას. მო-

სავალი დალოცეს, მაღალი მრავალეამიერი დააღუღუნეს, იჯახშმეს და კალოს მიაშურეს. მხოლოდ მე ვიყავი იქ პატარა, დედის კალთასთან ჩუმიდ მიყუ-
ეული ნაქურჩალებში. კალოს მეორე მხარეს ახალგაზრდები ხმაურობდნენ,
იციინოდნენ, სატრფიალო შაირებს მღეროდნენ და წამდაუწუმ გარჩეულ ტა-
როებს ისროდნენ იქვე დაფენილ ქილობებზე. ჩემს გვერდით მოხუცები ისხ-
დნენ. ბიძია მევარი, გრძელწვერა სოლომონი და ხუმარა იობა... მე მათკენ
მაქვს ყური მიპყრობილი. სასიამოვნო მოსასმენი იყო ამ კალაროსნების გაპა-
ექრება. მთელი ღამე არ თავდებოდა ნაირ-ნაირი იგავ-არაკები, გამოცანები
და ფერადფერადი შაირები. ესენი იყვნენ ჩვენი მეზობლები, ღარიბი გლეხები,
წერა-კითხვის უცოდინარნი. ბევრი რამ კარგი მახსოვს მათგან. ამ მხიარუ-
ლებაში აიკრიფა ჩვენი კალო. უკანასკნელად „ეღესა“ დაამღერეს და წამოვ-
დექით ნაქურჩალებიდან. აღმოსავლეთს რიქრაეის ვარდი ეფინებოდა, სიო
ფრთებს იბერტყავდა, ფოთლები შრიალებდნენ, იღვიძებდა დილა... ოჰ, რა
კარგია სიცოცხლე!.. ბუნება... სიხარულის დილაა!

ასეთი იყო ჩემი ბავშვობის პირველი ნახევარი — უბრალო და ლალი...
ასეთი იყო ჩვენი კარ-მიდამო და ჩვენი ოჯახის თავშეუწუხებელი შრომა, რაც
ლხინს უფრო წაავადდა. მაგრამ... მე იმასაც ვხედავდი, თუ რა ხდებოდა
ჩვენი ქიშკრის იქით.

— დედიკო, რატომ ტიროდა დღეს თათია? ამ დღით ჩვენს ქიშკარ-
თან ჩამოიარა, ცრემლი დიოდა და რატომღაც იწყევლებოდა კიდეც? — შევე-
კითხე ერთ დღეს დედას.

— ერთი ფური ჰყავდა საწყალს, ჩაფრებმა გადასახადში წაართვეს, —
მიპასუხა დედამ.

— ნანობას რაღა აკვნესებდა?

— ნანობას ნამზითვი სპილენძის ქვაბი ხელიდან წააგლიჯეს!

ასე თარეშობდნენ სოფელში მეფის ჩაფრები და აწიოკებდნენ ხალხს.
გლეხის მოწვეულ ყანაში მებატონის მოურავი აწესრიგებდა მოსაუვალს. იობას
ნაოფლარ სიმინდს შუაზე ყოფდა და იობას ზურგითვე მიჰქონდა ბატონის
ბელელში. იობას ბავშვები უმქადოდ რჩებოდნენ. ასეთი იყო ბიძია მევარის
ოჯახის ბედი, გრძელწვერა სოლომონისა და ყველა იმ გლეხის ოჯახისა,
ვინც სხვის მიწაზე მუშაობდა.

მამაჩემი დიდი მემამულე არ იყო. ჩვენი მიწა და ტყე ჩვენს ოჯახს
სარჩენად ჰყოფნიდა. ეზოს გარეთ ზეგნის მამულიც გვქონდა. ამ მამულში
ბროწეულები ხარობდა. მშვენიერი სანახავი იყო სისხლისფრად დაწითლე-
ბული ბროწეულები.

ზეგანის მამულის ჩამონაქერ ნაკვეთზე ცხოვრობდა ბაბუაჩემის ნაყმევი
გლეხი შავარდენა მუჯირი. მას ჩვენს საზღვარზე ედგა მიწური სახლი. სახ-
ლის გვერდით ედგა ქალტა და სალორე. სხვა გასაქანი არ ჰქონდა ამ ოჯახს.
ძროხა მუდამ სარზე ჰყავდა მიბმული. ღორს დიდი უღელი ედო კისერზე,
236

რომ სხვის ეზოში არ შემძვრალიყო. შავარდენას ძალღიჯ დაუღლული ჰყავდა. არ გაგეცინოთ და მუჯირის ეზოში ქათმებიც კი შებოროკილი ფარფატებდნენ. შავარდენა მუჯირი ყოველ გაზაფხულზე ჩვენს საზღვარზე ახალ ღობეს ავლებდა. ზამთრამდე ჩაილევებოდა ხოლმე მისი თხმელის წვეკლების ღობე. ზამთარში მუჯირი ხმელ ნალობარს ცეცხლში ჰყრიდა. გაზაფხულზე ისევ გაავლებდა ახალ ღობეს. ერთხელ მას თავისი ღობე ერთი მტკაველით ვადმოეწია ჩვენს მამულში. ეს შეუშინეველი დარჩა მამაჩემს. მეორე გაზაფხულზე შემოვლებული ახალი ღობე მუჯირს კიდევ ერთი მტკაველით ვადმოეწია ჩვენს საზღვარზე. მამამ ოხედ-დახედა ღობეს, რაღაც არ ესიამოვნა, კვეს-აბედს გაუქნია და ყალიონი გააბოლა. ამ ჯერზედაც არაფერი თქვა.

ზევანის მამულში განსაკუთრებით ხარობდა ნესეი და საზამთრო. მარტის „ნასესებები“ გავიდა. ეს იყო ჩემი ბავშვობის უკანასკნელი გაზაფხული პატარა გურიანთაში. „ნასესებების“ შემდეგ წავედით ნესვისა და საზამთროს დასათესად. ჩვენს მამულში შესასვლელი ბილიკი მუჯირის კარებთან მიდიოდა. მუჯირს ამ გაზაფხულზეც ახალი ღობე გაველო ჩვენს საზღვარზე. წათამამებულ ბერიკაცს ჩვენი მიწის კიდევ ერთი მტკაველი ჩაელობა მისკენ. ღობის გასწვრივ თუთის ნერგებიც ჩაერგო. გაფურჩქენილიყო პატარა თუთები და სიმწვანის ლამაზი ფერი მოჰდენოდა საწყალი გლების ეზოს.

მამაჩემი მწყრალად ვაჩერდა ღობესთან, იუკადრისა: ყაზახმა როგორ გამიბედაო ეს? ყალიონი ქამარში გაიჩქო და ისე მაგრად მოჰკიდა ამ წვეკლის ღობეს ხელი, რომ თვალის დახამხამებაში მოგლიჯა. არც თუთები დაზოგა. ასე გაავებული მამა არასდროს არ მიჩახავს.

— შავარდენაჲ, შავარდენაჲ!—დაიძახა მან. ქალტიდან მუჯირის ქერივი რძალი გამოვიდა. უკან ბავშვები გამოჰყენენ. ქალმა ნახა, რაც მოხდა და იქვე გაშეშდა. აგერ დარცხვენილი შავარდენაც გამოჩნდა. ოთხმოცი წლის ბერიკაცი დაბალი, წვერებშეკრილი, გრძელი თეთრი უღვაშებით, ფეხზე მოკოპილი ქალამნებით იდგა ჩვენს წინ. ილაგ-ალაგ დაკერებულ ტილოს ხალათზე უბრალო ტყავის ქამარი ჰქონდა შემოკერილი, თავზე გახუნებული ყაბალახი ეკრა. მუნჯივით იდგა შავარდენა და საწყალობლად დაჰყურებდა გარღვეულ ღობეს, ამოგლეჯილ თუთებს!..

განვლო იმ დრომ, მაგრამ მთელი ჩემი ცხოვრების მანძილზე მხარდა-მხარ მომდევდნენ ჩემი მეზობლების დაბეჩავებული სახეები: ბიძია მევარი, ასე ვეძახდი მე, გრძელწვეკრა სოლომონი, იობა და ნანობა, თვალცრემლიანი თათია და განსაკუთრებით შავარდენა მუჯირი, ეს მორჩილი ტანის ბერიკაცი, მისი მოკოპილი ქალამნებით და შებოროკილი ქათმებით, სარზე მიბმული ძროხით და დაუღლული ძალღიჯით. ჩემს ბავშვურ პატარა გულში ბევრი კეთილშობილური გრძნობა შთანერგა ამ ხალხმა. ეგებ, საწყალო შავარდენა მუჯირო, ახლა არც შენ ხარ ამ მზიურ ქვეყანაზე და არც შენი მესასლერე...

ახლა თქვენს ნატერფე მიწაზე სხვა ცხოვრება იფურჩქნება, ადამიანური ცხოვრების ვარსკვლავებით მოხატული და გაბრწყინებული...

დიდება ოქტომბრის დიდ რევოლუციას!

* * *

შემოდგომის დღეებით დავიწყე ჩემი ბავშვობის გაზაფხული, რადგან ნანდვილ გაზაფხულზე დაიწყო ჩემი ბავშვობის შემოდგომა. მისის დღე იყო, დედაჩემი რატომღაც მოწყენილი გამოიყურებოდა. ისეთი სიხარულით აღარ დასტრიალებდა ბალ-ბოსტანს, როგორც წინათ. ამის მიზეზი თურმე ის იყო, რომ მამაჩემს სამაზრო ქალაქში გადასახლება გადაეწყვიტა.

თითოეული ადამიანის თავგადასავალი ნაწილია ხალხის ცხოვრებისა, ვინაიდან ის იწერება იმ ვითარებაში და გარემოცვაში, როგორშიაც თვით ხალხია.

პატარა გურიანთას ეძახდნენ ჩვენს სოფელს. ჩვენს სოფელში არ იყო სკოლა. ბიბლიოთეკა-სამკითხველოზე წარმოდგენა არ ჰქონდა ხალხს. ჟურნალ-გაზეთების ხსენებაც არ იყო. იშვიათად მოიპოვებოდა წერა-კითხვის მკოდნე კაცი. ამ მხრივ ერთი იშვიათთაგანი იყო დედაჩემი. დედაჩემი, ეკატერინე ჟორდანიას ასული, ლანჩხუთიდან იყო გამოთხოვილი და მშობლების ოჯახიდან აღბათ მზითვივით გამოჰყვა წერა-კითხვის ცოდნა. მამამ არ იცოდა ანბანი, არ იცოდა წიგნის სიტბო. ის დიდი გაქირავებით აწერდა ხელს რამე უწყებებზე ან თამასუქზე. „ისმანილ მამულიაშვილი“—მხოლოდ ამ ასოების დაწერა შეეძლო. მაგრამ საოცარი ის იყო, რომ მამაჩემმაც ისევე, როგორც სოფლის მოხუცმა გლეხებმა, ზეპირად იცოდა ლექსები, შაირები, იგავ არაკები, გამოცანები... მაო ჰქონდათ გემოვნება სილამაზისა, შნო და ლაზათი ოხუნჯობისა და, თუ გნებავთ, ჩბუბისაც.

ერთი რამ არ მახსოვს, მამაჩემის ოჯახში იყო რაიმე ქართული წიგნი თუ არა? შაბათ-კვირას ჩემი უფროსი ძმა ჩამოდიოდა ხოლმე სამაზრო ქალაქიდან. მის ჩანთაში მხოლოდ რუსული სახელმძღვანელოები ეწყო. ჩანთას კუთხეში მიაგდებდა; ორშაბათს ისევე აიღებდა და წავიდოდა.

ერთ დილას, როცა ცხოველყოფელი მზე მოეფინა ჩვენს კარ-მიდამოს, დედამ ხელი მომკიდა და წაჰიყვანა მდინარე სკურდიძეზე. ამ მდინარის ნაპირიდან იწყებოდა ჩვენი მამული.

— დღეს, ჩემო გოგოვ, წიგნი უნდა დაგაწეებინო, — მითხრა დედამ და ტიტველი ფეხებით ჩამაყენა მდინარეში. მისი ხელით ჩამოწერილი ანბანი მომცა ხელში: „ან-ბან-გან-ღონ“... სიხარულით ვიმეორებდი, ამ დროს კი მოჩხრიალებდა ფეხებქვეშ ანკარა წყალი.

ო, საყვარელო დედავ, შენ მასწავლე დედაენა, შენგან ნასწავლი ანა-

ბანით ვსუნთქავ მთელ ჩემს სიცოცხლეში. შენი ქართულით ავიდგი ენა. შენ მასწავლე პირველი ლექსი: „ნახტომსა შეგელსა ფერდსა ჰკრა, ისარი ორბის ფრთიანი!..“ (როცა შენ ბატის ფრთის კალამი მომეცი ხელში, ჩენს მიერ პირველად დაწერილის პირველი სიტყვა იყო: „მამაო ჩვენო“...—შენ მიკარხახებდი და მე ვწერდი: „რომელი ხარ ცათა შინა“)...

ჩემო დედა, რა ნაზი იყო და სათნოებით სავსე ეს ლოცვა მაშინ, როცა შენ სასოებით ზიანპრობდი თვალებს ცისკენ. დიდი ხანია ჩემთვის „ცათა შინა“ აღარ არსებობს. ყველაფერი ეს გაქრა ნსუბუქი ნისლივით... მაგრამ როცა სკურდამის თეთრი ზვირთები გაილილელებს და შენი ხმა გაიშრიალვებს ჩემს ფიქრებში, სინაზისა და სათნოების სისავსით აღივსება ხოლმე ჩემი გული.

შორს დარჩა ჩემი ბავშვობის გაზაფხული.

1991 წელს მამაჩემი გადასახლდა სამაზრო ქალაქ ოზურგეთში. ჩვენს ნასახლარში დარჩა მიწაში ჩაფლული ქუერები, საწნახელი, ორკოპე და ორჩხუში. ეს ქალაქში აღარ იყო საქირო. კოპე და დოქი კიდან წყლის ამოსაღებად ვედრომ შესცვალა. ცივი წყარო კის შეგუბებულმა უგემურმა წყალმა. ხეივნების მაგიერ ტიტველი მინდვრები იშლებოდა ჩემს გარშემო. ჩვენი ეზო ოც ათეულ საეენზე იყო გადაშლილი და მჯებარეობდა ნატანების გზატკეცილის მარჯვენა მხარეს. გზატკეცილის მარცხენა მხარეს ვგრეთ წოდებულ შევარდნაძის მინდორი იყო გადაკიმული. არც ერთი ხე არ მოიპოვებოდა ჩვენს ვეებერთელა ეზოში. ასეთ ტიტველ მინდორზე იდგა მალალ ბოძებზე შემდგარი მამაჩემის ექვსთვალისანი ოდა. ხან ზენა ქარი წიოდა ყავრით დახურულ სახურავში და ხან ქვენა ქარი, რაც მე ძალიან მაშინებდა. კარგი რომ ნუხის მაგარი ბასკით იყო ყავრები დაქედილი, თორემ სახურავი ქარს ვერ გადაურჩებოდა. ასე იყო ჩვენი ოზურგეთში დასახლების პირველ წელს, მეორე გაზაფხულზე ჩვენი ოდის გარშემო უკვე ყვავილნარი აბიბინდა. სოფლის ლალი მამული მაინც შორს დარჩა ჩემგან, ჩემი ბავშვობის პირველი გაზაფხულივით.

უკვე სკოლაში დავდივარ, „უნდა ვისწავლო და ადამიანი გაეხდე.“— ასე ჩანავონა დედაჩემმა. მძინავს დღის ტკბილი ძილით და უცებ მომესმის საყვირის ხმა. საჩქაროდ გადავწეე ფანჯარაზე ფარდას. შევარდნაძის მინდორზე უკვე ჩამწკრივებულან ჯარისკაცები და ვარჯიშობენ. ეს საყვირი ისე ტკბილად მღვიძებდა ყოველ დღით, რომ ახლაც, სამოცი წლის შემდეგ, სიამოვნების გრძნობით ვიმსკვალები თუ შემთხვევით ყური მოვკარი იმგვარ ხმას. მე მიერბოდი სკოლაში და სკოლიდან სახლში. ქალაქის ბაღში იდგა ჩვენი სკოლა—თეთრი დაბალი შენობა. ჩემი მასწავლებელი რუსის ქალი იყო, გვარად კალინინა. შაბათობით სამხედროების კლუბში ცეკვავდა ჩვენი მასწავლებელი. ღია ფანჯრებიდან ვხედავდი ბავშვები, თუ როგორ ნახალ მიმოარხებდა წელს. მოხდენილი ქალი იყო კალინინა, ლამაზი. ორმოცდაათი

წლის შემდეგ მე შემხვდა იგი თბილისში, პირველი მაისის ქუჩაზე. მან ვერ მიცნო, მე გავახსენე ოზურგეთი. გაუხარდა. მერე თვითონ მოიგონა, რომ ის „ვერცხლისწყალს“ მეძახდა სკოლაში. და არ ესამოგნა ახლა, როცა მთლად თეთრი თმით ვიდექი მის წინ. მეც ძალიან გამეხარდა მისი ნახვა. ამ ქალმა მასწავლა რუსული წერა-კითხვა და ის პატარა-პატარა ლექსები, რომლებიც ოქროს გასაღებივით მომცა ხელში რუსული კლასიკური ლიტერატურის შესასწავლად. კალინინა დიდხანს დარჩა მასწავლებლად ოზურგეთის საქალებო სკოლაში, მისი „ვერცხლისწყალი“ კი ჩქარა წაქეჩილდა სკოლიდან. ამის მიზეზი ის იყო, რომ დედაჩემი მოულოდნელად გარდაიცვალა. აქ დაბნელდა ჩემი წათელი გზა და მას შემდეგ არა ერთი და ორი ეკლიანი ბილიკი გამოვიღია ჩემს ბავშვობაში.

შვიდი და-ძმა დავრჩით დედაჩემს. დაიწყო მამაჩემის ოჯახის ნგრევა. ჩემი უფროსი ძმა ამერიკაში გაიქცა. ის ჩხარტიშვილის მომღერალთა და ცხენოსანთა გუნდს ვაჟყვა. მერე გურიაში აღარ დაბრუნებულა. მეორე ძმა სადღაც დაიკარგა და შინ მაშინ დაბრუნდა, როცა კვდებოდა. მესამე ძმა, ჯერ კიდევ პატარა ბიჭი, ბათუმში გაიპარა სახლიდან და მამაჩემის ოჯახში აღარ დაბრუნებულა. ჩემი უმცროსი და დედაჩემის გამზრდელმა ბიძამ წაიყვანა ლანჩხუთში, არც ის დაბრუნებულა მამაჩემის სახლში. სოფელ აკეთიდან ჩამოვიდა დედაჩემი, შემისვა ცხენზე და მეც წამიყვანა. ვშორდებოდი შინ დარჩენილ პატარა და-ძმას და გული მათთან მრჩებოდა. ასე განიტვირთა მამაჩემი მრავალრიცხოვანი შვილებისაგან და ჩვენი დიდი ოჯახი დაიშალა.

* * *

დედაჩემი არაფრით არ ჰგავდა დედაჩემს. მას არ სჩვეოდა ალერსიანი სიტყვა. არ მახსოვს ოდესმე ხელი მოეხვიოს ჩემთვის და მომფერებოდეს. დილით პირველ ყოვლისა პირისახეს შეიფაქიზებდა. ქართული კაბით და ლეჩაქით შორათული. დედოფალივით იჯდა თავის სამუშაო ოთახში. ის მხოლოდ თავის გასართობ საქმიანობას ეწეოდა. მაგიდაზე ედგა საეკრავი მანქანა. სჭრიდა და კერავდა კაბებს და ახალუხებს. ქსოვდა თავსაფრებს, აბრეშუმის ხელთათმანებს, აბრეშუმის წინდებს ქალისათვის და კაცისათვის. ძაფის სართავი მანქანაც ჰქონდა. ამ მანქანაზე ართავდა აბრეშუმის ქიდან შინ გამოყვანილ ძაფს. მერე ნაცრის წყალში მოხარშავდა, რასაც ის გამოგობას ეძახდა. ეს გამოგობარი ძაფი ისეთი კარგი გამოდიოდა, როგორსაც ახლა ქარხნებში აწხადებენ. ქსოვდა საკაბე და საახალუხე დარაიას. ოქრომკედით ქარგავდა ყაბალახებს, ქართული კაბის გულისპირს, ჩიხტაკაპებს და სხვას. ყველაფერ ამას აკეთებდა თავის ოჯახისათვის და კიდევ იმისათვის, რომ სოფლის ქალიშვილებს ესწავლათ ხელობა. მის სახლში მუდამ იყვნენ სოფლის გოგონები და სწავლობდნენ ხელსაქმეს.

დედაჩემის მეუღლე შეძლებული აზნაური იყო. მუდამ ჰყავდათ მო-

ახლე და მოჯამაგირე. მიუხედავად ამისა თვითონაც ეწეოდა სოფლის მეურნეობას. ოჯახს არაფერი არ აკლდა. როგორც დეიდაჩემს, აგრეთვე მის მეუღლეს, ჩემს ჯუმადიას, ასე უწოდებენ გურიაში დეიდას მეუღლეს, არ სჩუვდით ალერსიანი სიტყვა. წყნას ან სიამოვნებას ის გამობატედა ან მცირე ღიმილით, ან წარბის ოდნავი შეხრით. როცა მე ის გავიცანი, უკვე ხანში შესული კაცი იყო. თეთრი წვერები ჰქონდა. სახის მოხატულობა ქართული, კლასიკური; ზონიერი სიმაღლის ტანადობა. მუდამ ნაცრიფერი ჩოხა ეცვა. წელზე ერტყა სადა ქაზარი ყოველგვარი იარაღის გარეშე თეთრი ყაბალახი ეხურა. არასოდეს გლეხურად ყაბალახს არ შეიკრავდა. მას ოჯახში ღიდიდან პატარამდე ყველანი „ბატონს“ ეძახდნენ. ეს „ბატონი“ უაღრესად ღვთის მორწმუნე და მწიგნობარი კაცი იყო. ხშირად მიდიოდნენ მის ოჯახში გლეხის ქალები, ზოგს წერილის დაწერა უნდოდა, ზოგს მიღებული წერილის წაკითხვა და ზოგსაც რა... შაბათ-კვირას ლოცვის და წირვის შემდეგ ღიდახანა ისხდნენ ეკლესიის ეზოში ღიდი ცაცხვის ძირში სოფლის აზნაურები და გლეხები, მათ შორის ჩენი ჯუმადიაც. ისმოდა ხანამალალი მსჯელობა სოფლის საქმეებზე. ამ სოფელში აზნაურებიც ერგოდნენ სასოფლო საქმეებში, — ეკლესიის შეკეთება, სკოლის შენობის მოწესრიგება... უკვე კარგა ხანია არსებობდა აქ ორკლასიანი სკოლა. ჯუმადიამ სასოფლო შარავზის შეკეთებასაც არ თაკილობდა, თუმცა ის გლეხების ვალდებულებას შეადგენდა. სწორედ ამიტომ უგზოოზით იტანჯებოდა სოფელი. მისი ეზო და ბაღი სოფლის შარავზაზე მდებარეობდა. როცა გლეხები გაიწვიეს გზის საკეთებლად, ბატონმა ჯუმადიამ უბრძანა მოჯამაგირეს: — დავით, შეაბი ხარები! — და გაუყენა ურემი მდინარისაკენ ქვიშის ამოსაზიდად. მისი ბალისა და ეზოს გასწვრივ თვითონ გაიყვანა შარავზა. ამით მან ჩიხში ჩააყენა სხვა აზნაურები. „გზა ყველასია, ვაანძრით ხელი“, — ამბობდა ის. მაგრამ არავის ეპრიანებოდა სახელმწიფო გზის კეთება. როცა გლეხები გზის ნაპირებს თხრიდნენ, ასწორებდნენ, ქვიშას ყრიდნენ, ოფლს ღვრიდნენ, იქვე გზის პირას თავდგირიძის გორაზე. ღიდი მუხის ძირში, ეს მუქთახორა ხალხი კამათლებს აგორებდა. მათი ხანამალა შეძახილი — „ღუშუში“, გზის გაყვანაზე მომუშავე გლეხების სმენამდე აღწევდა.

ერთ დღეს ხმა დაირბა — ეკლესიასთან ერთკლასიან სამრევლო სკოლას ხსნიანო, სადაც ბავშვები ქართულად ისწავლიანო. „ეს კარგი საქმეა,“ — მცირე ფიქრის შემდეგ დინჯად წარმოთქვა ბატონმა ჯუმადიამ და ამ საქმეს სათავეში ჩაუდგა. შენობა გამონახეს, საქირო ნივთები შეიძინეს და ამრიგად გაიხსნა სოფელ აკეთის ეკლესიასთან სამრევლო ქართული სკოლა. მასწავლებლად დანიშნეს ვინმე ლლონტი, რომელიც დეიდაჩემის ოჯახში დაბინავდა. ბედნიერება მეწვია. აქ გადაფურცლე პირველად გოგებაშვილის დღეა. კითხვა კარგად ვიცოდი. წიგნი მუდამ ხელში მეჭირა. ამ წიგნის

სათაური „დედა ენა“ იყო. დიდბანს მქონდა შენახული ეს წიგნი. მასწავლებელი ლლონტი მესაუბრა, თუ რატომ იყო ჩვენთვის ძვირფასი დედა ენა და ქართული სკოლა.

ჯუმალია, როგორც ლეთისმორწმუნე კაცი, ყოველ დილა-სალამოს თითო საათი იდგა ხატის წინ სახარებით ხელში და ჩუმად, გულმოდგინედ ლოცულობდა. კარის ქუპრუტანიდან ვუქვერტდი, როგორ აღაპყრობდა ხოლმე იგი ხატისაკენ ხელებს, მერე პირჯვარს გამოისახავდა და მჯილს ჩაიციმდა გულში. ვუცქეროდი და ვფიქრობდი: რატომ მამაჩემი არ ლოცულობდა? არასოდეს არ მინახავს, რომ მამას პირჯვარი გამოესახოს. ახალ წელს სანთლებანთებულ თაბახს სამჯერ შემობარუნებდა წალბა, საკმევებს დააკმევდა ჯამზე გაღვივებულ ნაკვერჩხლებზე და ამით თავდებოდა მისთვის ახალწლის ლოცვა. ხშირად იტყოდა: „შვილებო, რომ მოგვედები არაფერი არ მინდა. სიცოცხლეში გამახარეთ, მოგვედე მიწა მომაყარითო.“ მიუხედავად ამისა, ის შვილებისაგან უსიხარულო აღმოჩნდა.

ჯუმალია სალამოს ლოცვას რომ მორჩებოდა, ჩაწვებოდა ლოგინში, სასთუმალთან პატარა მაგიდაზე ედო სქელტანიანი წიგნი „დაბადება“. მე ერთხელ ნაბრძანები უნდა შემესრულებინა ყოველ სალამოს. ვაი იმ სირცხვილს, თუ ნაბრძანების მეორედ ბრძანება დამჭირდებოდა. დაბადების ხუთი გვერდი უნდა წამეკითხა ხმამაღლა და მერე წავსულიყავი დასაძინებლად. ბატონ ჯუმადიასაგან სხვა არაფერი შევალეობოდა. ჩემი მეორე ვალდებულება იყო, იქვე ვმდგარიყავი, როცა დეიდა ქრასა და კერვას დაიწყებდა. ეს მე დიდად გამომადგა ცხოვრებაში. მადლობის გრძნობით უნდა ვთქვა, რომ ჯუმადიას ოჯახი ჩემთვის უაღრესად სასარგებლო სკოლა აღმოჩნდა. სახარებისა და დაბადების გარდა, მაგიდები საესე იყო სხვა ქართული წიგნებით, ამ ოჯახში წავიკითხე პირველად „ყაზბეგის ელგუჯა“, აკაკის „გამზრდელი“, ილიას „გლახის ნააზობი“ და ის ლექსები, რომლებიც იმხანად გამოქვეყნებული იყო. აქ გავეცანი ბარათაშვილის ლექსებს და ვისწავლე „მერანი“, რომელიც არა ერთხელ წარმომიტკვამს შემდეგ სტენაზე. ვისწავლე ლექსი „მკრთალი ნათელი საესე მთვარისა...“ უკვე განვვლე ჩემი ცხოვრების დიდი გზა და ამ ლექსს ჩემს გულში არ მიჰკარებია დავიწყების ჩრდილი. ახლაც, როცა შეღამების ეამს აივანზე ვზივარ და პირსაესე მთვარე ანათებს, თვალწინ წარმომიდგება ხოლმე ყვარლის მთები, და განმარტობით მდგარი ილია. საიდანღაც შემოიჭრება ჩემს სმენაში, „ოხ, ღმერთო ჩემო, სულ ძილი, ძილი, როსლა გვეღირსოს ჩვენ გაღვიძება?!“ მაგრამ მისმა სანატრელმა გაღვიძებულმა სანაზობლომ ვერ დაიხსნა ილია საზიზღარი ჯალათებისაგან. აქ შევიცანი ნინოშვილის ცრემლის მომგვრელი მოთხრობები. ამ ოჯახში ვნახე საბა სულხან-ორბელიანის წიგნი და შემდეგ სხვა საბავშვო მწერლების წიგნები, რომლებიც ახლა წინ მიდევს, დამთავრებული დუტუ მეგრელის ლექსებით.

„ქართლ-კახეთი, იმერეთი,
გურია და სამეგრელო,—
ყველა ჩემი სამშობლოა—
საყვარელი საქართველო...“

შემდეგ ეს ლექსი მე ჩემს შვილებს ვასწავლე.

ჯუმადიას რუსთაველის პორტრეტი ხატოვით ჰქონდა დაკიდებული სას-ტუმრო ოთახში. წიგნების მაგიდაზე განსაკუთრებული ადგილი ეკირა „ვეფ-ხისტყაოსანს“. იქვე იდო გუგუნავსეული გალექსილი თამარიანი. მე არ ვი-ცი, ეს ურყევი ლეთისმორწმუნე, წმინდანივით კაცი რას გრძნობდა, როცა დაბადებასთან და სახარებასთან ერთად ამ წიგნებს კითხულობდა. ეს კია, რომ ქართული კულტურის დიდი თავყანისმცემელი იყო.

მე აქ შევიგნე რას წარმოადგენდა გაზეთი „ივერია“, -კვალი“ და სხე. ეს ჟურნალები, გაზეთები და წიგნები მისით როდი მოფრინავდნენ თბილი-სიდან. ფოსტა არ იყო რიგიანად მოწესრიგებული მაშინ. ამ ოჯახს ჰყავდა რკინიგზელი სიძე, რომელიც მთავარ კონდუქტორად მსახურობდა მატარე-ბელზე. ეს კონდუქტორი ძალიან ხშირად „გაბერილი“ მოდიოდა ცოლ-შვილ-თან. ლანჩხუთიდან აკეთამდე ერთი საათის გზაა. მისი მოჯამაგირე დავითი სადგურზე ცხენს დაახვედრებდა და დატვირთული ცხენი მოგვადგებოდა კარზე. დიასახლისები საოჯახო ნივთებს სტაცებდნენ ხელს. ხოლო ბატონი ჯუმადია წიგნებით და ჟურნალ-გაზეთებით სავსე ჩემოდანს ხსნიდა. მეც მას-თან მივეტუქდებოდი, ვებმარებოდი, ვასუფთავებდი წიგნებს და ვაწყობდი მაგიდაზე.

— მოდი, ბოშო, აქ!—ასე იცოდა ჯუმადიამ დაძახება. — შეხედე ამ წიგ-ნებს, აიღე, წაიკითხე, რომელიც მოგწონს და ისე დაალაგე, როგორც არის.

— დიახ, ბატონო,— ვუპასუხებდი მოკრძალებით და ზუსტად ვასრულებ-დი მის მითითებას.

ამ დიდებულ ოჯახში მე მაინც ობლად ვგრძნობდი თავს, მაგონდებოდა მამის ოჯახი. არ ვიცოდი ჩემი გაფანტული ძმების ამბავი, მენატრებოდა სახლში დარჩენილი პატარა და-ძმა. ვდარლობდი ყველაზე. დედის საფლავ-თანაც ჩამოეჯდებოდი ოცნებით... ვნაღვლობდი. ჩემი გულის დარდი იცოდა მხოლოდ ჩემმა ბალიშმა, რომელიც ლამაზობით იწრობდა ჩემს ცრემლებს. აღარ მიზიდავდა ყვავილები, რაც ბლომად იყო დეიდაჩემის ეზოში. ჩემთვის ყველაფერს წარმავლობის მქნარი ფერი დაჰკრავდა. ჩამავალ მზეს მიყე-ბოდა ჩემი ბავშვური ოცნებები...

დეიდაჩემი მიშლიდა მოსამსახურეებთან დალაპარაკებას, მე კი საღამო-ობით ჩუმად ჩავიბრუნდი სამზარეულოში და ხანში შესულ მოჯამაგირესთან, დავითთან გავაბამდი საუბარს. კერაზე მუკუზლების ცეცხლი ბრიალებდა. ქვის დიდი კეცი ხურდებოდა. იქვე მოსამსახურე დედაკაცი ფუსფუსებდა, ვახშამს ამზადებდა. დავითი იჯდა გრძელ ჯირკზე ცეცხლისპირას და მოქან-

ცული, თნაშევერცხლილი კაცი ჩიბუხს აბოლებდა. თითქოს ჩიბუხიდან ამოსულ კვამლს მისი ფიქრები მიყვებოდა, ისე ნაღვლიანად მიაყოლებდა თვალს. მე გრძელი ჯირკის მეორე თავში ჩამოვეჯდებოდი. დავითი მოიხედავდა, დანიანხავდა და გამილინებდა. გვაბამდრთ საუბარს. ხან რას ეკითხავდი და ხან რას... ერთხელ რატონღაც ვკითხე:

- ბიძია დავით, შენ სახლი არ გაქვს?
- ჩემს სახლში, ბიძია, ტურები ჭყავიან.
- შეილი არა გყავს?

— რად მინდა შეილი, ბიძია, შეილს გაზრდა უნდა. მე კი მხოლოდ ცარციელი ხელები გამაჩნია.

ჩემს დიდ სიხარულს წარმოადგენდა, როდესაც დეიდაჩემი ნებავს მომცენდა სოფლის რომელიმე ქალიშვილს რამდენიმე ხნით სოფელში გავეყოლოდი. სოფელში ჩემდა უნებლიეთ ყველაფერი ჩენს ყურადღებას იქცევდა. სოფელ აკეთსა და აკეთიდან ოცდახუთი კილომეტრის სიშორეზე მდებარე პატარა გურიანთის მოსახლეთა შორის თვალსაჩინო განსხვავება იყო. აქ თითქოს ლარიბთა ქოხებასაც რაღაც ქალაქური იერი გადაჰკრავდა. ამის მიზეზი ალბათ ის იქნებოდა, რომ ოჯახში თუ ორი მამაკაცი იყო, ერთი მათგანი უთუოდ სადმე სამუშაოდ იყო წასული, მეტწილად შავი ზღვის სანაპირო ქალაქებში. საშოვრად წასულ გლეხებს ოჯახი როდი ავიწყდებოდათ, ხშირად მოდიოდნენ სოფელში და ქალაქური ნივთები მოჰქონდათ. ამიტომაც ქალაქური ელფერი აფერადებდა სოფელს. თუ გლეხები, ასე თუ ისე, მაინც მიდიოდნენ ქალაქებში, აქაური მრავალრიცხოვანი აზნაურები მაგრად იყვნენ მიკრული თავიანთ მიწაზე. ჯუმადიას მოგვარეები—დათუნაიშვილები, შემდეგ ჯაყელები, მგელაძეები, ბაქუნაიშვილები, შალიკაშვილები, აი, ვინ იყვნენ აქაური აზნაურები. ისინი პატარა მემამულეები იყვნენ, ხელმოკლედ ცხოვრობდნენ, მაგრამ საშოვარზე წასვლას მაინც არა კადრულობდნენ. ოთხოდე თავადი თავდგირიძე მიწის ისეთ სიმცირეს განიცდიდა, რომ გადაჰარბებულ იყო არ იქნება თუ ვიტყვი, წლის საკმარისი მქადი არ შემოდიოდა მათ ბელელში.

ჩვენი სოფლის სკოლაზე აზნაურებიც ზრუნავდნენ; ამ აზნაურებმა წერაკითხვა იცოდნენ. „ფეხბისტყაოსანი“, „თამარიანი“ და „ვისრამიანი“ მოიპოვებოდა იმათ ოჯახებში. ქვედა გურიის მცხოვრები მემამულეები კი—გურიელი და ნაკაშიძე, არა თუ გლეხებისაგან, აზნაურებისაგანაც შორს იდგნენ, მათ მამულს მოურავები განაგებდნენ, აკეთელ თავდგირიძეებს. კი საშოვარაო არაფერი გააჩნდათ.

ზაფხულში ქალაქებიდან დასასვენებლად დაბრუნებულ გლეხებს თან მოჰქონდათ ეურნალ-ვახეთები, რაც ხალხში ინტერესს იწვევდა. ისინი ჩაც-

შულობითაც განირჩეოდნენ სოფლელებისაგან. ფეხზე „სკოროხოლები“ * ეცვათ, თავზე ყაბალახის მაგიერ ჩალის ქუდი, ტანზე უბრალო, იაფუასიანი, მაგრამ ევროპული ტანსაცმელი. ასეთი ხალხის გამოჩენამ და ანავე დროს სკოლებისა და მასწავლებლების მომრავლებამ გამოიწვია ბიბლიოთეკა-სამკითხველოს გახსნის საჭიროება. მაგალითად, დიდი ზემოთ გაიხსნა აკეთის ბიბლიოთეკა-სამკითხველო. საზეიმო სადილზე მოწვეული იყვნენ სამაზრო ქალაქიდან და სხვა სოფლებიდან იმ დროის რჩეულნი. აკეთის ბიბლიოთეკა მერვე ბიბლიოთეკა არისო გურიაში, ამბობდნენ. პირველი ბიბლიოთეკა არ ვიცი რომელ სოფელში არსებობდა. მხოლოდ ეს ვიცი, სამაზრო ქალაქში—ოზურგეთში ჯერ კიდევ არ არსებობდა ასეთი საჯარო ბიბლიოთეკა-სამკითხველო.

ამ საზეიმო სადილზე გავიცანი კოწია ერისთავი. შემდეგ კარგახანს ვმღეროდი მის ლექსს—„ერთხელ ვიხილე ბალში ყვავილი...“ ამ ზეიმზე გავიცანი სიმონ გუგუნაევა. ერთხელ ბატონმა ჯუმადიამ ს. გუგუნავას უთხრა, ამ პატარა ქალიშვილმა თქვენი თამარიანი ზეპირად იცისო. გუგუნავამ ისეთი მზიური ღიმილით შემოიხედა, ასე ნეგონა მის გულზე დაფენილი თეთრი წვერები უხილავმა სიომ შეაშრიალა-მეთქი. მე არ ვიყავი ჩვეული ასეთ სათნო ღიმილს.

— ძალიან კარგი ქალიშვილი ყოფილხარ,—მიუთხრა გუგუნავამ,—მაგრამ „ვეფხისტყაოსანი“ თუ წაგიკითხავს?

— წამიკითხავს...

— ხომ არ გახსოვს რომელიმე ტაეპი?

— მახსოვს...

და მე სხაპასხუპით დავიწყე: „ნახეს უცხო მოყმე ვინმე, ჯდა მტირალი წყლისა პირსა, შავი ცხენი სადავითა ჰყვა ლომსა და...“ არც მაშინ და შემდეგ კიდევ კარგა ხანს არ ვიციოდი რას ნიშნავდა სიტყვა „სადავითა“...

აკეთის ბიბლიოთეკა-სამკითხველოს გამო განართულ საზეიმო სადილს გლეხები არ დასწრებიან. სადა მრავალკამიერით დამთავრდა ზეიმი. აქაურ თავადაზნაურობას ხალხური სიმღერები არ უყვარდა, ხალხური სიმღერისათვის თითქოს შეკრული ჰქონდათ ყბა. გიტარაზე კი აბარტყუნებდნენ „გულშიმჯანს...“ სამაგიეროდ აკეთში ცხოვრობდნენ სამი ძმანი თოხაძეები. ისინი ნამდვილი მეთოხე გლეხები იყვნენ. მათი კრიმანქული ქვეყანას გადაწვდებოდა, მალალი მრავალკამიერი და ხასანბეგურა აღამიანს აცოცხლებდა. საიდან სად არ გაისმოდა მათი ყანური. ოფლის ღვართან სიმღერის ნიაღვარიც ედებოდა გლეხების ყანებს. განა მარტო ყანებს?! გლეხის ქორწილი მათ

* სკოროხოლი—ფეხსაცმელების სახელწოდება.

გარეშე არ მოხდებოდა. დადგებოდა ზაფხული. დეიდაჩემის ოჯახში დაიწყებოდა განუწყვეტელი სტუმრობა. მოდიოდნენ ბათუმიდან სტუმრები, ლანჩხუთიდან ნათესავეები, თბილისიდან მთავარი კონსტუქტორი და მისი ნაცნობები. ამათთან შემოიკრიბებოდნენ ადგილობრივი თავად-აზნაურობა და გაჩაღდებოდა სადილები, გიტარა, ნარდი, და ფანდი. ეს იყო ზაფხულის მხიარულება. გარდა ამისა არაფერი არ აწუხებდა ამ ხალხს. ამას ემატებოდა მოკეიფე ახალგაზრდების ქართული ხელებგაშლილი ცეკვა, თუ ფრენა... ეს იყო ტრფიალი და წმინდა გულის მღელვარება.

თექვსმეტი წლის ძლივს ვიყავი, როდესაც დეიდაჩემმა კოპებამდე გრძელი კაბა შემიკერა. ახლა უკვე გასათხოვარი ქალი ხარო, ბრძანეს. ეს იყო 1898 წელი. ერთ დღეს ბატონ ჯუმალიასთან მოვიდა ნაცნობი მასწავლებელი კაცი და ჩოხაში გამოწვიპული ახალგაზრდა აზნაური—ვალერიან შალიკაშვილი. დეიდაჩემს სთხოვეს, რომ მე მონაწილეობა მიმეტო რომელიღაც წარმოდგენაში. რა პიესის დადგმას აპირებდნენ, არ მახსოვს. მე წარმოდგენა და თეატრი ჯერ არ მენახა. პიესები ცოტა მქონდა წაკითხული. დეიდაჩემმა ცივი უარით გაისტუმრა კულტურის მოყვარული ეს ორი ახალგაზრდა, მათ შორის ერთი შემდეგში ცნობილი მსახიობი და რეჟისორი, ვალერიან შალიკაშვილი. გამოთხოვების დროს ვალერიანმა ასე წამჩურჩულა: „ეცადეთ გახედეთ მსახიობი...“ მაშინ პირველად ვნახე ვალერიან შალიკაშვილი. კარგად მახსოვს მისი რჩევა. შემდეგში დიდი გულისყურით ვკითხულობდი ეურნალ-გაზეთებში დაბეჭდილ ვალერიანის წერილებსა და ეტიუდებს.

მთელი ღამე თვალი არ მომიხუტავს. ფიქრებმა შემიპყრეს. ვიგრძენი, რომ ამ ურყევ ტრადიციულ ოჯახში ჩემი ნება-სურვილი მუდამ შებოკილი იქნებოდა. ჩემი გული კი თხოულობდა შეუზღუდველ თავისუფალ ჰაერს. ვერ ვიტანდი კარჩაკეტილ ცხოვრებას. ისევ ოზურგეთი მაგონდებოდა, მამის ოჯახი. დღე-დღეზე ველოდი მამაჩემის გამოჩენას. გავიგე, მამას უნდოდა ჩემს სანახავად მოსვლა.

სალამოს ბინდი ეკიდებოდა სოფელს. ქათმები უკვე სხდებოდნენ ხეებზე. დავითთან ჩავიბრინე სამზარეულოში. მოხუცმა შემამჩნია, რომ მოწყენილი ვიყავი. ჯორჯოზე ჩამოვეჯექი. ამ დროს მომესმა ძაღლების ყეფა. რალაც გულმა მიგრძნო, გარეთ გავვარდი. ქიშკართან მამაჩემი იდგა. სიხარულით ენა დამება. ძაღლები ჩავაჩუმე და ოდაში შევეძებე მამას. მეორე დილით ცრემლებით დავალწიე თავი დეიდაჩემის იმდროისათვის დიდებულ ოჯახს, რომელმაც მე ბევრი სიკეთე შემძინა. გამოვცილდი თავდგირაძეების გორას, მოვიხედე უკან და გავფიქრე: მშვიდობით, აკეთო, მშვიდობით!.. მაგრამ ამ ოჯახიდანაც განომწყუა ერთი გულსაკლავი სახსოვარი—მოჯანბარი დავითის დაღვრემილი სახე. ეს სახე დიდიხნის შემდეგ გამოვხატე ლექსში „იმ დროს გიხილე?“ ეს ლექსი დაბეჭდა გაზ. „თემში“ 1914 წ.

ლექის ასე ბოლოვდებოდა:

„შენი ყვავილნიც გაიშლებიან,
ჩემი ოცნებაც შეებით ფრთებს გაშლის,
მაგრამ მაგ სახეს ტანჯვით აღსაესეს
ამ ჩემს ხსოვნაში ვერა რა წაშლის.“

და მართლაც ჩემი ხსოვნიდან ჯერ აღმოშალა ამ დაბეჭადებულად აღნიშნების სახეები: შვებარდენა მუჯირი, ბიძია მეუარე, გრძელწვერა სოლონონი, თვალცრემლიანი თათია, იობა და ნანობა. ამით მიემატა მოჯამაგირე დავითი და ყოველ შეღამების ეამს, როცა ფიქრები მოყვებიან თვალთა ბინდს, ეს სახეებიც შემოკრებიან ჩემს გარშემო.

* * *

დავბრუნდი მამაჩემის სახლში. ქუჩებში ფარნები ბეუტავდა. ოზურგეთი მიღუმებულნიყო. არ ისმოდა ქალაქის თავში ჩამწყკრივებული სამკედლოების ქახაქუხი. ვაქრებს მალაზიები დაეკეტათ. გვიან იყო. ნიავი ძილისპირულევით აშრიალებდა ფოთლებს. აივანზე მოგვეგება სახეშეცვლილი შუახნის ქალი. მომესალმა, გადამკოცნა და სახლში შემძღვა. მე ბავშვებთან გავიბრინე მეორე ოთახში. ბავშვები უკვე ჩაწოლილიყვნენ ღოგინში. თავი წაწოყვეს, გადამეხვივნენ და ჩუმიად ჩამჩურჩულეს:

— ჩენი დედინაცვალი ნახე?

— ვინა, ის ქალი?

— ჰო, ის ჩენი დედინაცვალია.

თავზარი დამეცა. მხოლოდ იმ წამს გავიგე, რომ მე დედინაცვალი მყოლია. ახლა მივხვდი ამ სიშორე გზაზე რატომ მოდიოდა მამაჩემი მუნჯივით. ასე ყოფილა ჩემი ბედი. აქაც განმარტოებულად უნდა ვიცხოვრო.

ისევე მე და ჩემი ბალიში... ჩუმი, გამოუთქმელი წუხილი...

დილით თვალი მოვაღლე ყველაფერს. ახალი ოთახები უკვე სულ სხვა წესრიგზე იყო დალაგებული. გარეთ გავიხედე, ჩვენს დიდ ეზოში ხუთი ოჯახი ჩამოსახლებულიყო. ახალი მეზობლის ღობე ჩენი ოდის გვერდში აღმართულა. გზატკეცილის პირას აკაციები აწვდილან და შუადღის მცხუნვარე მზეს გვიჩრდილავს. ბალ-ბოსტანში ნორჩ ხეხილებს ტოტები გაუშლია. ოდის წინ დედაჩემის ხელით დარგული ვაშლის ხე ჩემი ფიქრებივით გადაშლილა, ცისკენ აღუმართავს თავისი მალალი კენწერო. ფანჯრის მინაში ჩემი ლანდი დავინახე. მეც გავზრდილვარ. მაგრამ ჩემი ფიქრები ჩემზე მაღალია. ჩემი ოცნება ჩემს ზევით ბრწყინავს მზის შუქივით. ქუჩაში გავედი. ახალ მეზობლებს მინდა გავეცნო. ვინ უნდა იყოს ეს ხალხი? ხუთი ოდის წინ ჩავიარე. ყველას თავ-თავისთვის პატარ-პატარა ეზო ვადეულობდავს. არც ერთს ერთმანეთთან საერთო არაფერი აქვს. ეტყობა მამაჩემს ნაწილ-ნაწილად გაუ-

ყიღია მიწა. აწ რაღას გაყიდის? რა აქვს კიდევ გასაყიდი? გურიანთისკენ გაშაქანა ფიქრებმა. იქნებ იქაური მამულიც გაყიდა? იქ რომ პატარა ფაცხა დავტოვეთ, ღამის გასათევი, იქნებ ისიც გაყიდა? საწნახელი? ორკოპე? ახლა სხვა ოცნებამ გამიელვა თავში და მდინარე სკურდიმის პირას ჩავიქროლე. მიყვარს ეს ღელე, ქვიდან-ქვაზე მსტუნავი თეთრი ზვირთები. მის ნაპირზე გაფურჩქნული მღელო და მისი შხეფებით ნაპკურები ყვავილები. მიყვარდა მის ნაპირას ბორცვზე ჩამოჯდომა. დიდხანს, დიდხანს ჩაცქეროდი ხოლმე ამ მდინარეს გულში ჯერ კიდევ ბავშვი. ერთხელ აკეთში ყოფნის დროს ისე გამიტაცა ოცნებამ, რომ ასე მეგონა სკურდიმის პირას ვიჯექი. პაწაწინა ლექსიც კი დამცდა:

მიყვარს, სკურდიმო, როს შენს ნაპირას
ვზივარ ფიქრებით გარემოცული,
მე გულში ჩაგცქერ და შენ კი, ცელქო,
ჩხრიალით მიჰქრი გამალბული.

ქარგა ხნის შემდეგ ამ ტაეპს მეორე ტაეპი მოემატა და ერთ-ერთ ეურნალში დაიბეჭდა.

თვალი მოეავლე ახალ მოსახლეებს. ბოძებზე შემდგარ მათ ოდებს ზოგს ფანჯარა აკლდა და ზოგს კარი. ქალები აივანზე ქილობებს და ძველ საბნებს ფენჯნენ. ეზოში ფეხშიშველა ბავშვები დატანტალებდნენ. ესენი ხომ სოფლის ღარიბი გლეხები არიან? რად ჩამოსახლებულან აქ? გამახსენდა: ალბათ, ჩაფრებს და კაზაკებს გამოექცნენ სოფლიდან და ამ პატარა ქალაქს შემოათარეს თავი. მაგრამ, აი ეზოებიდან ურმებით და თოხებით გამოვიდნენ გლეხები და სოფლისაკენ გაეშურნენ მიწის დასამუშავებლად. ზოგს ლაითურში აქვს ყანა, ზოგს ჩაჩიაზე. მე გამახსენდა იობას ნათქვამი შაირი: „ანაკლიას ყანა მქონდა, ჩანაკლიას ნალიაო...“ ასე გამხდარა ამ ხალხის საქმე. მივბრუნდი კიშკართან, გაჩერდი, ვუცქერი მამაჩემის სახლ-კარს. დედაჩემის ხელით დარგული ვენახი გაზრდილა, გაყოლია პარმალის სვეტებს და გაუშლია ფათალო. ვაშლების ძირში გუნდ-გუნდად გაბადრულან ვარდები. მომაგონდა დედა, ვჩურჩულებ: „ჩემო დედა, როგორ გიყვარდა მწვანე მღელო, როგორ გიყვარდა ყვავილები, როგორ გიყვარდა ლაქვარდი ცა, გიყვარდა გურიის ნთებიდან ამოკაშკაშებული დილის მზე, რომელსაც ერთ დროს შენთვისაც მოჰქონდა სიცოცხლე, მაგრამ ახლა!..“

— რას უყურებ, შეილო? — მომესმა მამაჩემის ხმა.

მივიხედე. ის თურმე ჩემზე აღრე ამდგარა და პურის საყიდლად გასულა.

— სოფლის მამულიც გაყიდე, მამა? თირის წყაროც?

მამა ამ შეკითხვას არ მოელოდა, ცალი ხელი კიშკარს დააბჯინა და ნალელიანად თქვა:

— გაეყიდე, შეილო. ბალნები სწავლობენ... ასი გასაქირი მადგა!

ხმა აღარ ამოძლია: პური გამოვართვი და ოთახში შევედი, თავს ისე ვგრძნობდი, თითქოს ჩამიქრა ლამაზი ოცნებები, რომელიც ბავშვობიდან ნათელ შუქად მევლინებოდა.

იმ დღეს პირველად ვნახე მამის დაღვრემილი სახე.

* * *

რა გამაჩერებს სახლში. ქალაქი მინდა დავათვალიერო. ნაცნობი ქუჩები მინდა შემოვირბინო. იქნებ სკოლის ამხანაგებმა მიცნონ. ისინიც ჩემოდენა ქალიშვილები იქნებიან ახლა. ნეტა რას აკეთებენ?— ჩემი ახალი თეთრი კაბა გადავიცვი და გავდივარ სახლიდან. დედის მაგიერმა ამხედ-დანხედა, არ მოეწონა, რომ ნებართვა არ ავიღე მისგან. ესლა მაკლია, მაგისაგანაც ნებართვა ავიღო.—გავიფიქრე,—არა, ნუ გგონიათ!

მამაჩემი პარმალის კიბეზე ჩამომჯდარიყო. წყნარად ჩავედი საფეხურებზე და მორიდებით მივმართე:

— მამა, ცოტას გავისერიანებ!..

მამამ ყალიონი ორ თითში დაიჭირა და ღიმილით მითხრა:

— თუ გინდა ბევრიც გაისერიანე, ვინ გიშლის. დღეს კვირაა და მოედანზე ხალხი იქნება.—მერე ღიმილით დაუმატა,—გაიხედ-გამოიხედე, იქნებ ვინმეს მოეწონო!

მამაჩემი ყოველთვის ამაყობდა ჩემი გარეგნობით და როგორც მაშინ შევნიშნე, თეთრ კაბაში უფრო მოეწონე. ალბათ დედინაცვალმაც ამიტომ გადმომხედა ფანჯრიდან.

ჩვენს ქუჩაზე წითლად შეღებილი ყაზარმები იყო. მასში ჯარისკაცები იყვნენ დაბანაკებულნი. შორიდანვე დავინახე—ჯარისკაცების სამზარეულოს კარებთან, ხელში ტომსიკებით და ხელქვაბებით პატარა ბიჭები იდგნენ.

— რას ელოდებიან ის ბიჭები?—ვკითხე ჩემს გვერდით მიმავალ მეზობლის ქალს.

— ამ სიშორეზე ხედავ, ქალიშვილო? რას ელოდებიან და ჯარისკაცის ნასუფრალს... ჩემი ბიჭიც იქ არის,—რალაც მკვახედ მიბასუხა ქალმა და განაგრძო,—სიღარიბეში ვართ. სოფელი დავტოვეთ და ქალაქში კენჭების მეტი არაფერი ყრია, იქ ჩაფრებს ვერ გავუძეოთ, სახელმწიფო და ბატონის ბეგარას გამოვექეცით. ღმერთმა დასწყევლოს ამისთანა ცხოვრება. მთელი დღე რომ იარო ქუჩაში, გროშს ვერ იშოვი!

ჩქარი ნაბიჯით შემოვიარე ნაცნობი ქუჩები. თითქმის ყველა ქუჩაზე ახალი ოჯახი ჩამოსახლებულა. უკარ-ფანჯრო სახლებიდან ისმის ბავშვების ტირილი. ფუსფუსებენ ქალები პაწაწინა ეზოებში, რომლებშიც ხელის წისკვილიც ძლივს მობრუნდება: აგერ აივანზე წამოწოლილა ზორბა ქალი და აკაციის ტოტით ბუზებს იგერიებს. იქ, სხვა ოდის პარმალზე გოგოს გიტარა

უჭირავს ხელში, აწყობს და ვერ აუწყვია. გიტარა კი უყვია. უფრო იქით ბიჭებს ქალღმერთი ნარდი დაუხატავთ და პურისაგან დარგვალეზულ კამათლებს აგორებენ. ოჯახის მამები არ ჩანან. ვილაღ დედაკაცებს თავსაფარი მოუხვევიათ და ეკლესიისაკენ მიიჩქარიან, ჯიბეში ორ კაპიკს ეძებენ თათლის სანთლის საყიდლად. მოისმის ეკლესიის ზარების ზუზუნი.

საფაქრო მალაზიების წინ ჩავიარე. ვაქრები გულხელდაკრეფილი სხედან დახლში. „მობრძანდი, ქალიშვილო!..“ მეძახის ვილაღ გაბერილი კაცი. ბრაზი მომივიდა, ფეხი ავიჩქარე. შუა ბაზარში შევედი. სოფელ დედაკაცებს ცოცხები დაუწყვიათ წინ. „ნანობა!“ — დავიყვირე მე და ქალაქი ქალს გადავეხვიე. მოხუცებულა ნანობა. მიცქირა, მიცქირა და უცებ მითხრა: — დედას დამსგავსებია, რა თავმდაბალი და კეთილი ყოფილხარ, იხარე. შვილო!..

ეკლესიიდან ისევ შემომესმა ზარების რეკვა. შუა წირვაა. სობოროსკენ გავწიე. წინ ორი ქალიშვილი შემეჩეხა. — ლიდია მამულაიშვილი ხარ?! — მომძახხეს. ჩემი სკოლის ამხანაგები იყვნენ — ცაცა და პელო. აღტაცებით გადაგკოცნეთ ერთმანეთი.

— კარგ დროს შეგხვდით, — მეუბნებიან, — ჩვენთან უნდა წამოხვიდე!

— საით?

— ფილიპონ ქორიძე ხომ იცი?

— გამიგონია.

— კონცერტი უნდა გამართოს. ქალიშვილებს დავეძებთ. ჯერჯერობით ხუთნი ვართ. შეექვს შენ იქნები.

არ დავფიქრებულვარ. ფილიპონთან შევედით. ფილიპონი ზორბა კაცი იყო. „ოო, შეექვს!..“ გაუხარდა ფილიპონს. პატარა, დაბალ ფისგარმონიას მოუჯდა და პირი გააღო:

— ააა... დიახ, დიახ, ძალიან სასიამოვნოა, — ფანქარს დაავლო ხელი, — ერთი მოგვემატა. მაგრამ რას გვიშველის ერთი? მართლაც ვერ ვუშველეთ ფილიპონს. საკმაო რაოდენობით არ შეიკრიბნენ მომღერლები და განზრახული კონცერტი ჩაიშალა.

ამხანაგებს დაეშორდი. მოედანი გავიარე. ხალხი ზანტად მიმოდის. ზოგნი ფიცრის სკამლოგინზე ჩამომსხდარან. ესენი უდარდელი მცხოვრებნი არიან, საღდაც მოკალათებულან, ლუკმაპურს ქამენ და უდარდელად ატარებენ დროს. კიდევ ორი ნაბიჯი და კლუბის კარებზე ახალი განცხადება შევნიშნე: — „ბიბლიოთეკა-სამკითხველო ღიაა ამა და ამ საათებში.“ ეს მოულოდნელი იყო ჩემთვის. ახლახან გაეხსნათ ბიბლიოთეკა. მაშ შემიძლია წიგნებით ვისარგებლო. მაგრამ მანეთი რომ არის საჭირო საწევრო გადასახადი? სად ვიშოვნო მანეთი? მამის ოჯახისკენ მივიხედე, უიმედობამ მოიცვა ჩემი გული. მანეთის პური ერთ კვირას ეყოფა ბავშვებს სახლში, მე ვინ მომცემს მანეთს? დედა რომ მყავდეს... (დედას უყვარდა ლექსები, ზღაპრები, სოფლის ამბები, ტკბილი ლილინი. ეს ვინ არის? დედინაცვალი ამეჩხირა წინ.)

სამკითხველოში შევედი. შიგ სამი ევროპულად ჩაცმული კაცი გაზეთს ათვალეირებდა. ყველამ გაკვირვებით შემომხედა. თურნე იმიტომ, რომ ქალიშვილები არ დადიან სამკითხველოში. მაგიდაზე თავისუფალი გაზეთი არ იყო.

— წიგნი მინდა!—ვეუბნები გაძვეს.

— აი, წიგნები,—მიმართითა თაროსკენ, — ილია, აკაკი, ყაზბეგი, ნინო-შვილი, აირჩიე, ქალიშვილო!

ბიბლიოთეკა მეტად ლარიბი იყო წიგნებით.

— ეს წიგნები წაკითხული მაქვს,—ვუპასუხე მე.

ბიბლიოთეკის გამგემ წიგნების სია ამოიღო ყუთიდან და მომაწოდა.

— მაშ თქვენ თვითონ ამოირჩიეთ, გადასინჯეთ, რომელი წიგნი არ წაგიკითხავთ.

ვათვალეირებ სიას. ორი წიგნი აღმოჩნდა ჩემთვის უცნობი: „ქილილა და დამანა“ და „ნემესიოს ემესელი“. მე ავიღე „ნემესიოს ემესელი“. ვჯდები გრძელი მაგიდის კუთხეში და ვკითხულობ თავჩალუნული. ხან ფარულად შევავლებ ხოლმე თვალს იმ მამაკაცებს. ისინი კვლავ გაკვირვებით მიცქერიან. რალაც გადაუჩურჩულეს ერთმანეთს. ერთი მათგანი მიახლოვდება და ხმადაბლა მეუბნება:

— ძალიან მსიამოვნებს, რომ წიგნის მოყვარული ქალიშვილი ყოფილხარ, მაგრამ ეს წიგნი,—ხელი დაადო ჩემს წიგნს,—ძნელი წასაკითხია.

თვლები მივაშტერე მოსაუბრეს. მეტად სიმპათიურ ადამიანად მეჩვენა. მე მორცხვად მივმართე:

— თქვენ ვინ ბრძანდებით?

მან გამიცინა.

— მე ვარ კოწია თავართქილაძე. საკუთარი სტამბა მაქვს. წიგნებს ვებეჭადე. წიგნის მალაზიაც მაქვს.

— ძალიან სასიამოვნოა თქვენი გაცნობა. მე მინდა გავიგო რას წარმოადგენს ეს „ნემესიოს ემესელი...“

მესამე დღეს თავართქილაძე მოვიდა ჩემთან სახლში და ახალი წიგნები მომიტანა საჩუქრად. ამ წიგნებში იყო თედო სახოკიას პატარა ლექსიკონი, სადაც ახსნილი და განმარტებული იყო ზოგიერთი უცხო სიტყვა ქართულად. მეორე წიგნი იყო „თავადის ქალი“ ავლიშვილის მიერ თარგმნილი და სხვა...

სამკითხველოს დაკეტვის დრო მოვიდა. წიგნი ჩავაბარე. გამგემ მომაგონა, ერთი მანეთი მოიტანე და წიგნებს სახლში გაატანო. მანეთის გახსენებაზე ისევ სევდა მეცა. ვარეთ გავედი. ბიბლიოთეკის ეზოში ვიღაც ახალგაზრდები შეკრებილიყვნენ და რალაცაზე გაცხარებული მსჯელობდნენ. მათ შორის ჩემი ნათესავი დათიკო დავინახე. მე ის პეტერბურგში მეგულებოდა.

მინდა დავუძახო, ვაი რომ ვერ მიცნოს? ველარ მოვითმინე და ახლოს რომ ჩავუარე, ბავშვურად შევეცინე:

— დათიკო!..

ყველამ ჩემკენ მოიხედა. დათიკო გაკვირვებული მომიახლოვდა. თურმე მასაც არ ვეგონე ოზურგეთში.

— რანხელა გაზრდილხარ, გოგოვ, უკვე ქალიშვილი გამხდარხარ!— ხელი მომხვია და ახალგაზრდებთან მიმიყვანა. ხარხარით წამოიძახა: „ეძებდე და ჰპოებდე...“ სათითაოდ გამაცნო ყველა.— ეს ვასო ურუშაძეა, არტისტობას აპირებს. ეს ალიოშა წუწუნავა, ესეც არტისტობს. ეს ახალგაზრდები ჩვენი სკოლის მასწავლებლებია— ლადიკო და სილოვანი, ესენიც თეატრს ეპოტინებიან. ეგ კი გერასიმეა, თბილისის სემინარიელი, ჩვენი თანამგრძობი. ეს თეთრჩოხიანი კოლია ბებურიშვილია. ეს კი უუკველად მომავალი არტისტი. თბილისის პანსიონიდან არის. აგერ ცაგარელის პიესები ჩამოუტანია. წარმოდგენა გვინდა დავდგათ. თალიკოს როლის მოთამაშეს ვეძებდით და გნახეთ კიდევაც.

— მე პიესები წამიკითხავს, ვიცი როგორ იწერება, მაგრამ თეატრი არ მინახავს, არ ვიცი თამაში, აბა საიდან უნდა მცოდნოდა?..

— თქვენ მხოლოდ წრეში მუშაობის თანხმობა მოგვეცით, სხვას ნუ დარდობთ. ისე მოგამზადებთ რომ...— არ აცლიდნენ ერთმანეთს, ყველა მთხოვდა. ცოტა თავშეკავების შემდეგ დავეთანხმე.

აღფრთოვანებული დავბრუნდი შინ. აი ის, რასაც გული მთხოვდა. აი, ის აღტაცება, რაც ოცნებად მეხატებოდა. ქიშკართან რომ მივედი, ოდნავ შევეკრთი. არ ვიცოდი რას მეტყოდნენ შინ?! დედის მაგიერ დედინაცვალი ავიჩხირა წინ. დაე, რაც უნდათ ისა თქვან, ამ გზიდან ველარ დამაბრუნებენ.

პირველი წარმოდგენის რეპეტიციები ექიმ ბესარიონ კალანდაძის ოჯახში ჩავატარეთ, რადგან ბებურიშვილი სტუმრად მასთან იყო ჩამოსული. მასპინძელი დიდი თანაგრძობით გვეპყრობოდა. რეპეტიციების შემდეგ გვიმასპინძლდებოდა კიდევ. სულ მალე მოვამზადეთ ცაგარელის კომედია „ბაიყუში“. წარმოდგენა დავდგით ქალთა სასწავლებელში, სადაც ჯერ კიდევ პატარა სკოლის მერხზე ვიჯექი. ახლა იმ მერხებიდან საზოგადოება ტაშით გვხვდებოდა. მართლაც ბებურიშვილმა თავისი მოხდენილი თამაშით ბევრი აცინა ხალხი. ამის შემდეგ ეს ნიჭიერი ახალგაზრდა დაიღუპა გიმნაზიის პანსიონის შეზღუდული ცხოვრებისა და წესების წყალობით.

თეატრისათვის შენობა არა გვქონდა. სადაც ვიშოვიდით კუთხეს, იქ იყო ჩვენი ბედნიერება. მეორე წარმოდგენისათვის სამხედროების კლუბში ვიშოვეთ ასეთი კუთხე. დარბაზი პატარა იყო და სცენაც პაწაწინა. მე დამაკისრეს გამესახიერებინა ნადირაძის მონოლოგი „მარო“. სხვები ლექსებითა და სცენებით გამოვიდნენ. ამ ახალგაზრდობის საღამოზე სიმონ გუგუნიავა დაგვესწრო. თეთრწვერა მოხუცი პარტერში იჯდა და ღიმილით შემოგვეცქე-

როდა ახალგაზრდებს—ჯერ კიდევ ბავშვებს. მე ეს მახარებდა და მაშინებდა კიდევ, ვაითუ ჩემი თამაში არ მოეწონოს-მეთქი, ვფიქრობდი, ჩემი თვალები პარტერში სხვას არაყის აღარ ხედავდა. მაგრამ ერთი კვირის შემდეგ გუგუნავას შეიღები დავითი და გრიგოლი მოვიდნენ ჩემთან და მთხოვეს, ვალერიან ჭუნიას პიესა— „და-ძმაში“ შექმსრულებინა მარინეს როლი. მარინეს როლისათვის მე პატარა ვიყავი. ბევრი ყოყანის შემდეგ მაინც დამიყოლიეს. ამისათვის ლანჩხუთში წასასვლელად მოვემზადეთ. „და-ძმა“ ლანჩხუთში უნდა დაგვედგა. საღამო ვილაც ლარინი სტუდენტის გრიგოლ მახარაძის სასარგებლოდ იმართებოდა. დავით გუგუნავა თავისი გარეგნობით ნამდვილი ოტია ჯოლიას ტიპი იყო. მისი ძმა გრიგოლი ნამდვილი გაიოზ ფალავა. ეს ორი ძმა ისე ჰგავდა ამ ორ გმირს, რომ მათთვის გრიმიც კი არ იყო საჭირო. ლანჩხუთის სკოლის დარბაზი ხალხით აივსო. მაგრამ ისეთი მიწონგრეული სცენა იყო, რომ ყოველ ნაბიჯის გადადგმაზე ყველაფერს ბრახუნი ვაჰქონდა. ან წარმოდგენის დასასრულს ერთი მეტად კურიოზული შემთხვევა მოხდა. პიესის ბოლოს ოტია ჰკლავს მარინეს. სათეატრო ხნლის მიერ გუგუნავას ნამდვილი კრიალა მახვილი ერთყა წელზე, რომელსაც ცხოვრებაშიც ატარებდა. ფარდის დახურვის წინ ხმალი ჩემთვის უნდა დაეკრა. რალაც განგებით მე მოვასწარი იატაკზე დავარდნა. მხოლოდ უკან გაძრუნებულნი ხმალი თვითონ მას ლოყაზე მოხვდა. მერე მთელ მის სიცოცხლეში აჩნდა ეს კრილობა. ამის შესახებ ვაზ. „სნობის ფურცელშიც“ კი დაწერეს: „საშიშია, ამ ფეატრალურმა ახალგაზრდობამ სცენაზე ერთმანეთი არ დახოცოსო.“

მეორე დღეს ოზურგეთში დავბრუნდი. სემინარიელ გერასიმეს ჩენს დაბადების დღეს ჩემთვის საჩუქრად აღბონი მოეტანა. შიგ ლექსი ჩაეწერა: „ცხოვრებაში გმირი იყავ, როგორც იყო ენა დარკი, ქველმოქმედებით გაქებდნენ, არეინ გყავდეს შესაფარდი!..“ იმ ლექსიდან ეს ტაეპი ჩამრჩა გულში. მრავალი წლის განმავლობაში იატაკქვეშ მუშაობის დროს არასოდეს უკან არ დამიხვეია. „ცხოვრებაში გმირი იყავ!“—ეს სიტყვა მუდამ გზას მინათებდა, მივყავდი.

ზაფხულის ბოლოს სტუდენტები პეტერბურგს გაემგზავრნენ. მაინც საკმარისად დავრჩით ახალგაზრდები ადგილზე. ალიოშა წუწუნავა ჩვენთან დარჩა. შევემზადეთ ახალი წარმოდგენისათვის. შესაფერისი პიესა ვერ ვიშოვეთ. გადავწყვიტეთ დაგვედგა უფასო საღამო და ჩამოსახლებული გლეხებისათვის შესაფერისი წარმოდგენა გვეჩვენებინა. არ ვიც, როგორ ვაგებდენ, ავიღე ნინოშვილის „გოგია უიშვილი“ და პიესად გადავაკეთე. ალიოშას მოეწონა. იმ საღამოს ალიოშა რეეისორობდა. ალიოშამ თავის მხრივ რალაც ვოდვეილი დაუმატა. არ მახსოვს, რა პიესა იყო. როცა ჩვენ გოგია უიშვილი დავდგით, ალიოშა წუწუნავა ახალგაზრდა იყო. ცოცხალი, გონიერი, ამავე დროს თავშეკავებული. დიდ ენერგიას იჩენდა თეატრის საქმისადმი. ჩვენს როლებს ჯერ თვითონ გაითამაშებდა, მერე ჩვენ მიგვითითებდა ნაკლზე. სცენას საუკეთე-

სოდ და მოხერხებულად მოაწყობდა. ამხანაგების გამტანი და კარგი სამეგობრო კაცი იყო. იმ უქართანჯრო სახლში მთელი დღე იმუშავა. სკედდა ფიცრებს და ჰკიდებდა ნოხებს. ამ დაუბეჭდავი პიესის დადგმის ნება არა გვექონდა, მაგრამ ამას არ დავეძებდით.

ზადა ვართ... ნებართვას არ ვეძებთ, ან ვინ მოგვეცემს დაუბეჭდავი პიესის დადგმის ნებას? ეს ისე, ფარულად უნდა ჩავატაროთ. ნატანების ქუჩაზე არც ერთი პოლიციელი არა ცხოვრობდა. ვნახეთ ერთი ახლად აშენებული ოდა, ფარალალა, უქართანჯრო. ოდა აშენების პროცესში იყო. დაგვეთანხმა პატრონი და გვათხოვა დარბაზი. პიესის დადგმის ნებართვა თუ არა გვექონდა, არავინ იცოდა. დავტრიადლით, გადავზიდეთ მეზობლებისაგან ნოხები, ქილობები, ტახტები, სკამები და მოვაწყეთ წარმოდგენა. ეს უფასო „თეატრი“ ჩამოსახლებული ლარიბი ხალხით აივსო. ეს ხალხი პირველად ხედავდა თეატრს და „გოგია უიშვილის“ ცეცხლი იმათაც მოეკიდა. ხალხმა ყვავილებით და პატრისცემით აგვავსო. წარმატებით დავამთავრეთ წარმოდგენა. მაყურებელნი დაიშალნენ. დავიწყეთ ნივთების პატრონებთან მიტანა. ნივთების გადაზიდვაში დავგათენდა. ვხედავთ, ქალაქის ბოქაული—გოგორგი ნაკაშიძე პოლიციელების თანხლებით დავადგა თავს. დაიწყო ყვირილი:

— ამას რას ჩადიხართ!.. ვინ მოგცათ ამის ნება!.. არამზადებო! როგორ გაბედეთ!.. ახლავე ციხეში ჩავყრით!—ეს ბოქაული არც ისე ცუდი კაცი აღმოჩნდა. გამახსენდა: „გველსა ხერგლით გამოიყვანს ენა ტკბილად მოჟბარი...“ მიუხაზლოვდი და თავაზიანად ვეუბნები:—ბატონო, თქვენ ხომ მართო ბოქაული არ ბრძანდებით. თქვენ ქართველი კაცი ბრძანდებით... გამოიჩინეთ სულგრძელობა და გვაპატრეთ ახალგაზრდებს ეს ერთი შეცდომა. შემდეგ აღარ ჩავიდნეთ ამის მსგავს რაიმეს.

ბოქაული გაბრუნდა. ჩემი სახლის წინ რომ ჩაიარა, მამაჩემი ქიშკართან იდგა.

— ისმაილ მამულაიშვილო,—შესძახა ბოქაულმა,—შენ გოგოს ვერ მოუვლი, ასე რომ აგიშვია?!

ვაი ჩემს დღეს, როგორ მივიღე ახლა შინ?.. მუხლები მეკეცება. ერთი ხელით ნივთებს მივათრევ, მეორე ხელით ყვავილებს. გადავყარო? არ მემეტება. ამხანაგები წავიდნენ. მივდივარ გაფითრებული, უძინარი, მშვიერი. მამამ შორიდან დამინახა. მიბრუნდა და ბოსტანში შეიშალა. შევამჩნიე, არ უნდოდა ჩემი წყენა. მამა ყოველთვის ერიდებოდა ჩემს წყენას (აღმათ ასეა, დედით ობოლი შვილი ებრალება მამას). ახლა უფრო შემრცხვა, მომეხატრა მანისა. შევდივარ ოდაში. დედინაცვალი მხედება გაკაპასებული. ვითომ არ მესმის, ყრუ ვარ, მუნჯი ვარ... შევდივარ ჩემს ოთახში და ვიკეტავ კარს. სანამდე ვიცხოვრო ასე? სიხარულით აღსავსე საღამოს შემდეგ ცრემლები მცვივა თვალთაგან.

დადგა 1899 წელი. მეცხრამეტე საუკუნის მიწურულია. მთელი ზამთარი დანალვლიანებული ვიჯექი ბუხართან. ჩვიდმეტი წლისა ვარ. გული მღვლე-არელ მიცემს.

არა მაქვს პალტო, არა მაქვს კალოში. ცივა, ჰყინავს. ჩემი და-ძმანი თოვლქყაპში ამოგანგლული ფეხებით მოდიან სკოლიდან. ვფუსფუსებ, მინდა რამენაირად მოვეხმარო ოჯახს. მამაჩემს მოაქვს ჯირკვები, ბუხარში ყრის, მაგრამ მაინც ვერ ვთბებით. ჩემთან ხანდახან მასწავლებელი სილოვანი მოდის. მისგან გავიგე ამხანაგების ამბები. ზოგი წასულა ოზურგეთიდან. ჩამოვიდა ახალი მასწავლებელი—აექსენტი მეგრელიძე. ის მომღერალაია. „ნუ მოიწყენ, წრეს შევექნით,“—მაიმედებს სილოვან მასწავლებელი.

„ჩქარა წადი, გაგეშორდი, სუსხიანო ზამთარო, ამობრწყინდი, მზეო გა-ხათხულისავ!..“

აპრილმა ამოანათა. აყვავილდა ტყემალი, ალუჩა, ატამი, ბალი და ალუ-ბალი. ოდები და „ოდოხირები“ ყვავილებში ჩაიმალა. ყვავილნარად იქცა პატარა ქალაქი. ჩემმა მეზობლებმა გახრკეილი ნახამთრი პირუტყვი ზვანისა-კენ გარეკეს. მეთოხე გლეხები ისევ გაუდგნენ ლაითურის გზას. აგრონომმა მიხამ აბრეშუმის ქიის მური გამოოყვანა. ამ აპრილის სითბოში მეც მურივით გამოვედი სახლიდან. ისევ შევხვდით ერთმანეთს ახალგაზრდები. სადაცაა მაისიც მოგვადგება კარზე. რამე უნდა გავაკეთოთ... მაგრამ პიესები არა გვაქვს.

ალიოშა წავიდა ოზურგეთიდან. სხვა ახალგაზრდები შემოსულან ჩვენს წრეში.

— ვინ გვიხელმძღვანელებს?

— ხელმძღვანელების მეტი რა ვართ,—წაიხუმრა ვილაცამ.

— ეს აექსენტი მეგრელიძე გახლავთ,—გამაცნო სილოვანმა,—სიმღერა-გალობის მასწავლებელი.

მეგრელიძე გარეგნული შესახედობით განიარჩეოდა უბრალოების მოყვა-რული ჩვენი წრის ახალგაზრდებისაგან: მას ეცვა შავი მაულის ფრაკი, მუდამ გახამებული გულისპირით, საყელოთი და სამაჯურებით. ეკეთა შავი, ბაფთად შეკრული ჰალსტუხი, ჰქონდა ზევით აჩეჩილი მუქი წაბლისფერი ხუჭუჭი თმები, რაც ძალიან უხდებოდა მას. ვილეტის ჯიბეში მოუშორებლად ატარებდა კამერტონს. რომ შეხედავდით, პორტრეტებში ნახული ევროპელი კომპოზიტორი მოგაგონდებოდათ.

უცხოთან არა მჩვევოდა სითამამე და განმარტოებით ჩამოეჯექი. იმ დღის შეკრება ვილაც ვაპარ კინეპარაძის სახლში მოვაწყეთ. იქვე გავიცანი კინეპარაძის ტანმალალი ვაჟი. ისიც თეატრში მუშაობისათვის ემზადებოდა. სადარბაზო ოთახის მოწყობილობის მიხედვით კინეპარაძის ოჯახი საშუალო

შედლებისა იყო. მეშხანური იერი დაჰკრავდა ყველაფერს, რაც გვამცნობდა დიასახლისის გემოვნებას. პირველ რიგში ნარდი და გიტარა მოგხედებოდათ თვალში. ამხანად გურიაში გავრცელებული იყო გიტარა. ჩონგურის ქაჰანება არსად ჩანდა. იშვიათად ვინმეს თუ მოგპოვებოდა ძველისძველი ჩონგური. ისიც მხოლოდ იმისათვის, რომ „ბატონებიან“ ავადმყოფისათვის ემღერათ: „ბატონებო, მოუოხე!“

სილოვანმა გიტარა შესთავაზა მეგრელიძეს და ყველამ ვთხოვეთ ემღერა რაზე. მან ამ საღამოს პირველად მოგვასმენინა გიტარაზე სიმღერა—„ვერა, ბედო, ვერ მძლევ, იგრძენ, იწაბე...“ მას სასიამოვნო და ძლიერი ბარიტონი ჰქონდა.

მომღერალი უცებ წამოდგა, გულის ჯიბიდან კამერტონი ამოიღო და ჩემს ყურთან ზოიტანა.

— რომელი ხმაა?—მკითხა დაურიდებლად. მე გიტარის სიმზე ვუჩვენე რომელი ხმაც იყო. „მართალია, ლირიკული სოპრანოა...“ ეს სიტყვა პირველად გავიგონე. კამერტონიც პირველად ვნახე, მიუხედავად იმისა, რომ გიტარა ნიჟვარდა, მრავალ სიმღერასაც ვმღეროდი, არ ვიცოდი ეს მუსიკალური ტერმინი. იგი მე მეგრელიძისაგან გავიგე.

მეგრელიძემ გიტარა გადმომაწოდა და მოუჩივრებლად მითხრა:

— თუ შეიძლება იმღერეთ—ტურფავ, ტურფავ!“

ტურფავ, ტურფავ, რას უყურებ,
მოაცურე ჩემსკენ ნავი,
ერთად დავსხდეთ და ვუყუროთ,
როგორ არხევს წყალს ნიავი...“

ეს იყო ჰაინრიხ ჰაინეს ლექსი. ეს ლექსი იმ ხანებში ძალიან გავრცელებული იყო გურიაში. ნახევარ საუკუნეზე მეტი გაუძლო ამ ლექსმა გიტარაზე მომღერალ ხალხს და დარჩა იგი ისევ უქნობი.

გამოირკვა, რომ ჩვენ პატარ-პატარა სიმღერებითაც შეგვეძლო ჩვენი სამოღვაწეო რეპერტუარის შექმნა.

ანხანაგებს ვთხოვე მდინარე სკურდიმის ნაპირის მოსახლე გლეხებისათვის ერთ კვირადღეს ლიტერატურული დილა მოგვეწყო. სოფლის გზა-ჯვარედინზე იდგა ერთი ძველი დუქანი, რომელსაც გზის პირას გრძელი ღია პარმალი ჰქონდა. სილოვანი წინასწარ წავიდა და ის პარმალი სცენად მოაწყო. სოფელში კი ხმა გავრცელდა, ჯამბაზები მოდიანო.

მაისია, თბილი მზიანი დილა გათენდა. ამხანაგებმა თავი შევიყარეთ და ერთად გავეშურეთ იმ დუქნისაკენ. დიდი მანძილი გავიარეთ ფეხით. ექვსნი ვიყავით. მხოლოდ მე ვარ მათ შორის ქალი. მეგრელიძეს გიტარა მოაქვს. სკურდიმის ხიდზე გავედით, მამაჩემის ნამოსახლ მამულს გვერდში ჩავუარეთ, ისევ დამეთალხა გული. დამინახეს ძველმა მეზობლებმა. ყველა მომესალმა, მეც გულთბილ

სალამით ვუპასუხე მათ. მასწავლებელმა, ჩვენი წრის ერთ-ერთმა წევრმა, ლადიკო ჭანტურიშვილმა მოკლე სიტყვით აუხსნა ხალხს ნწერლობისა და ლიტერატურის მნიშვნელობა. ყველამ წაიკითხეთ ლექსები. მანია გუჩუაშვილის „ადამიანი“, ნ. ბარათაშვილის „მერანი“, ნაწყვეტები ილია ქავთაძის, ნინოშვილის და სხვა ქართველი ნწერლების მოთხრობებიდან. მე წაიკითხე აკაკის „დღეა“, ნეგრელიძემ იმღერა სამი სიმღერა. ბოლოს ყველამ ერთად ვიმღერეთ „საიდუმლო ბარათო“ და ჩამოვეშვიტეთ ფარდა.

ამ ხალხმა პირველად ნახა ლიტერატურული დილა. პირველად მოიხმინა, თუ შეიძლება ასე ვთქვათ, სცენიდან მხატვრული ნაწარმოები. ხალხი არ იშლებოდა, გროვდებოდნენ ჯგუფ-ჯგუფად და შინ გვეპატიჟებოდნენ, ნაკრამ ჩვენ მათი თხოვნის შესრულება არ შეგვეძლო, რადგან საჩქაროდ უნდა ნიემალულისყავით. არც ახლა ევქონდა ნებართვა. აქაც უნებართვოდ მოვაწყეთ ეს ლიტერატურული დილა. გზაზე დამეწია მოხუცი ქალი ნანობა, ჩემი ძველი მეზობელი და ვაზის ფოთოლში შეხვეული ცხელი, ყველიანი მქადი ჩამიდო ხელში—საესე მთვარესავით მრგვალი, თან მომაძახა: „იხარე, შვილო, იხარე...“ მქადი იქვე დაეტყუე ექვს ნაწილად და ამხანაგებს გაუუნაწილე.

„ძვირფასი ხარ, სკურდიმის პირო, საყვარელი ხარ, ჩემო სოფელო!“—სიხარულით ათრთოლებულმა წამოვიძახე.



განვიხარებთ ზაფხულისათვის მოგვეზადებინა ცაგარელის პიესა „ბიუუში“. ეს წარმოდგენა ლანჩხუთში უნდა გაგვემართა. რეპერტიციებს ვატარებდით. ამ დროს ოზურგეთში პირველად ჩამოვიდა ქუთაისის დასი შალვა დადიანისა და ნუცა ჩხეიძის მეთაურობით. მათ დადგეს „თამარისანი“. ჩვენი წარმოდგენის რეპერტიციის დროს, ერთ დღეს, შალვა დადიანს ვთხოვეთ რეპერტიციაზე დაგვსწრებოდა. შალვა მართლაც მოვიდა თეთრ ჩოსხაში გამოწყობილი, ლამაზი, ქართული თავადური იერით.

მე ისევ თალიკოს როლს ვასრულებდი. ისე შემრცხვა, რომ სიტყვის წარმოთქმის უნარი დავკარგე, როლიც დამავიწყდა.

— ქალიშვილო, — მუთუნება შალვა ალერსიანი ხმით, — თქვენ ბუნებით ნხიარული ხართ, ცოცხალი და ცქრიალაც, რატომ იბერებთ თავს?

შალვა დადიანი და ნუცა ჩხეიძე პირველად მაშინ გავიცანი. ზაფხული იყო, თბილოდა და ქუთაისის დასმა „როტონდაში“ ღია დარბაზში დადგა წარმოდგენა. ძლივს შეივსო „როტონდა“ მაყურებლებით.

ქუთაისის დასი მალე გაბრუნდა უკან, მათ მეორე წარმოდგენა აღარ დაუდგამთ. ჩვენი წარმოდგენაც ჩაიშალა. სულ მალე სამოსწავლო წელიც დამთავრდა და წრის წევრებიც დავიშალენით. იმ ზაფხულში ა. მეგრელიძეზე ვავთხოვდი.

მშვიდობით, ოზურგეთო, ჩემო ლამაზო და საყვარელო ყვავილნარო,

ჩემო მეგობრებო, კეთილშობილო ახალგაზრდებო... მშვიდობით, უწყინარო მამაე!.. დედის საფლავი ვინახულე და თვალცრემლიანი გამოვბრუნდი უკან. კარებთან ეტლი იდგა. ბავშვებს დავემშვიდობე. მეზობლები გზას მილოცავენ, ბედნიერებას მისურვებენ. მიქრის ეტლი, გავცილდი ნატანების ხიდს, ჩაეუ-არე პატარა გურიანთას, უკან მოვიტოვე ბავშვობა და ახალგაზრდობა. მიმა-ქროლებს ეტლი ბედნიერსა და მხიარულს. გულში კი რალაც მომტირის, ეს ჩემი მამის მიტოვებული ოჯახია, მამაჩემი ქიშკართან იდგა მოღრუბლული. პატარა და-ძმანი ხელს მიქნევდნენ. ეტლი მიქრის. ყველაფერი, რაც მე მტან-ჯავდა და მახარებდა, თვალს მოეფარა. მაგრამ გულს რა დაემალება? ჩემი გული ზღვავა... ჩემს გულში რაც ჩასახულა, ვიდრე ცოცხალი ვარ არ ამოიშ-ლება.

* * *

1901 წელია. ქალაქ ფოთში ვარ. უკვე შვილი მყავს, პატარა გოგონა. ის მუდამ ხელში მიჭირავს. ასე მგონია, არც ერთ დედას ჩემსავით არ უყვარს თავისი შვილი. ვერც ერთი დედა ჩემსავით ვერ მოუვლის შვილს. ასე ვფიქ-რობ... ასე მეჩვენება... მეორე ოთახში ცხოვრობს ბავშვიანი ქალი. მთელი ღამე ტირის და ტირის მისი ბავშვი აკვანში. თვითონ კი სძინავს... ხვრინავს... არიან ასეთი დედებიც... თხელი კედელია ჩვენს შორის და ყველაფერი მეს-მის. ოჰ, როგორ მინდა კედელს ხელი ვკრა, გავანგრიო იგი და ვუსაყვედურო ასეთ დედას. ჩემი ბავშვი აკვანში თავს რომ გაანძრევს, მე უკვე მღვიძავს. მე ახლა დედა ვარ და დიასახლისი!..

მე ხომ ილიას კალამმა აღმზარდა, აკაკის ლექსებმა ამამღერა. „ჩემი ხატია სამშობლო, სახატე მთელი ქვეყანა“. მაშასადამე, სადაც ხატია, სახა-ტეც მშვენიერი უნდა იყოს. მთელი ქვეყანა უნდა იყოს სადიდებელი...

ფიქრებს მივყვები. „აყვავებულია მდელი, აყვავებულია მთები, მამული, საყვარელი, შენ როდის აყვავდები“.

მე არ ვიცი ის საწყისები, რითაც უნდა აყვავდეს ჩემი მამული. ბავშვი ძუძუს წოვს და თვალეზში მომჩერებია. განუზომელია დედის სიყვარული. ჩემს პატარას ვეჩურჩულები:—სიყვარული გზრდის, ჩემო გოგონავ, სიყვარულია ადამიანის ცხოვრების აზრი, ადამიანის სიხარულის და მოწყენის მიზეზი. დეე, სიყვარულმა ააყვავოს ჩემი სამშობლო! სიყვარულმა გაუხსნას ჩემს სამ-შობლოს ბრწყინვალე გზა მთელი ქვეყნის კიდით კიდემდე...

* * *

სექტემბრის ბოლოა. კვირა დღეა. ჩემი მეუღლე—ავქსენტი მეგრელიძე ფანჯრიდან იხედება.

— სტუმრები მოდიან,—მეუბნება ის.

ბავშვს საჩქაროდ ჩაეაცვი და სტუმრებს შეეგებე.

— ეს მასწავლებელი ვანო ყანჩელია, ეს მისი მეუღლე ნინო!—ორი ახალგაზრდა თვითონ გამეცნო:

— თეოფილე გოგიტიძე გახლავართ.

— მე კი ალექსანდრე მგელაძე.

— აგქსენტი, ერთი ფრიად საპირო საქმე გვაქვს თქვენთან,—დაიწყო ყანჩელმა,—არა, უფრო თქვენს მეუღლესთან.

— არა, ორივესთან, — შეუსწორა გოგიტიძემ. — ჩვენ გვინდა თეატრალური ძალები შეგკრიბოთ. გადავწყვიტეთ მუდმივი მუშათა თეატრი დაე-არსოთ.

— დიახ,—განაგრძო მგელაძემ,—ამ საქმის შესრულებას საკმაოდ დიდი დრო მოუნდება.

— ჩვენ გვინდა,—დაიწყო ისევ ყანჩელმა,—ახლავე დადგათ რამე იაფფასიანი წარმოდგენა. ყაზბეგის „არსენა“ გვინდა ვუჩვენოთ მუშებს. ვნახოთ, როგორ მივიზიდავთ მშრომელ ხალხს. გავიგეთ თქვენი მეუღლისთვის უცხო არ არის თეატრი. ვთხოვთ, ითამაშოს ნინოს როლი.

მართლაც ჩამოვყალიბეთ თეატრალური ახალგაზრდობის წრე. მიუხედავად იმისა, რომ ნიკო ნიკოლაძე ფოთში მოღვაწეობდა, ქალაქის საბჭოში ჯერაც არ იყო დასმული საკითხი თეატრის აშენების შესახებ. აქვე მოღვაწეობდა იონა მეუნარგიაძე, მაგრამ ფოთის ქალაქის საბჭოში იაკობ თანცხავას მოსვლამდე ქალაქს თეატრი არ გააჩნდა. ბულგარის წინ, ორსართულიან კერძო სახლში ქალაქის კლუბად გამოყოფილი იყო ერთი დიდი ოთახი. ამ კლუბში მოწყობილი იყო პატარა სცენა, სადაც კრებებს მართავდნენ ქიათურის მარგანეცის მწარმოებელი. ხშირად ბანქოსაც თამაშობდნენ იქ. იშვიათად თუ ჩამოვიდოდა ქუთაისის დასი, დადგანდა რომელიმე უბრალო ვოდვეილს და გაბრუნდებოდა უკან. კლუბს მუშები არ ეკარებოდნენ. სხვა საკრებულო არსად იყო. ძალიან იშვიათად იმართებოდა რაიმე საქველმოქმედო საღამო, რომელსაც დაბალი ფენის ხალხი არ ესწრებოდა. სწორედ ამ კლუბში დავადგით პირველი მუშათა წარმოდგენა „არსენა“.

დაპარცხდა ცხრაას ხუთი წლის რევოლუცია. მე და ჩემს მეუღლეს ფოთში აღარ გვედგომებოდა. დროებით მაინც უნდა გავცლოდით აქაურობას, ვიდრე არ შენელებოდა ჟანდარმერიის საშინელი რეპრესიები.

პორტში გაჩნდა რეაქციის შავბნელი ცეცხლი. სხვა გზა არ იყო. დავკედეთ ბინის კარი და მე და ჩემი მეუღლე წავედით სოფელ ხრიალეთში, ახლანდელ შრომის თემში. ეს კი თურმე იმას ნიშნავდა, რომ ნაკლები ცეცხლიდან უფრო დიდ ცეცხლში გადავარდნილიყავი. ჩემს მეუღლეს დედა იქ ჰყავდა. იქ უნდა შეგვეფარებინა თავი. მოხერხებულ ადგილზე იყო სოფელი. ზღვის მხრიდან ტყეები და ყანები ეკვროდა. ადვილად შეიძლებოდა მიმალვა. ამავდ დროს სახიფათო გზების გამო ქვედა გურიის ზოგიერთ სოფელში ვერ

შედიოდნენ დანსჯელი ჯარის ნაწილები. 1906 წლ-ის სანი იანვარია. სადგურ-
რი სუფსა უნდა გავიაროთ. ყოველ საათში მოგრიანლებს თბილისიდან ჯარით
და ზარბაზნებით სავსე ნატარებლები. ისინი სადგურ ნატანებში უნდა ჩამოს-
ხან. სუფსიდან ნატანები მეორე სადგურია. მშვიდობიანად გადავედით რკი-
ნიგზის ხიდზე და შევუდექით სოფლის აღმართს. დაღამდა. თოვს. თოვლი
მუხლებამდე გეწვდება. ძლივს მივიკვლევთ გზას. ოღორ-ოღორად ადგილებია.
ვიფლობით თოვლში. ბავშვები მამაკაცებმა შეისვეს მხარზე, მე ცხენი მომყავს.
ფეხებში თოვლი და სიცივე ჩამიდგა. ვფიქრობ: ოღონდ ბავშვები შინ ცოც-
ხალი მივიყვანო, ჩენს დედამთილს ჩავაბარო და სხვა არაფერი მინდა. ის
მოუუღლის, არას გაგვიჭირვებს. ყოჩალი ქალია, იმის იმედით ვარ. დიდი გზა
გვაქვს კიდევ გასავლელი, ვაი-ვაგლახით მივალწიეთ სოფელს. ჩვენი სახლიდან
მოჩანს სინათლე. ეს ისეთი სიხარულია, როგორც განწირული ხომალდისათვის
შუქურას გამოჩენა.

სოფელში სიწყნარია. ზედა გურიას ცეცხლი ეკიდება. სადგურ ნატანე-
ბიდან მიდიან და მიდიან ჯარები ოზურგეთისაკენ. გზაზე არ ინდობენ არა-
ფერს. ალბათ გაზაფხულზე ჩვენს სოფელსაც ეწვევიან კაზაკები.

ასეთ მღელვარებაში დამთავრდა სუსხიანი და სისხლიანი ზამთარი. ჩვე-
ნი სოფელი გადარჩა გადაწვას.

დადგა აპრილი. მზიანი დღეები დაიწყო. ისევ გაიშალა მინდვრად ყვა-
ვილები. ისევ გაიფურჩქნა ხეხილი. ისევ ამწვანდა ტყეები. ჩემი გულიც სხვა-
ნაირად აჩქროლდა. სოფლის მეთაურები აღარ ჩანან. ხალხი უღიმღამოდ შეუდ-
გა ოჯახის საქმეებს. ვებდავ, ღრმად მოხუცებული გაბილა ჩხაიძე დამჯდარა
ფაცხის წინ, მზის ყურზე, კვეს-აბედი დაუპერია ხელში და ცდილობს ცეც-
ხლი გააჩინოს. ჩემს გულში მწუხარედ დაირხა გრძნობის სიმები... მინდა
რალაც ვთქვა... რალაც ამოვიღო გულიდან... და ვიწყებ ლექსის გამოთქმას:

„ჩამოჰკარ კვესი, ბაბუა, კიდევ,
მეც აბედივით დავიწვე იქნებ.
იქნებ ეს გული ცეცხლმონაკიდი
გადავატანო დღეებზე ფიქრებს...
არ მენანება, თუ შენს ახოში
გული ფერფლივით დაიფურცლება,
ოღონდ თუ შემდეგ ჩემს სამშობლოში
თავისუფლება გაიფურჩქნება.
ჩამოჰკარ კვესი და სიყრმე მიქე,
მეც აბედივით დავიწვე იქნებ...“

სექტემბერი მოახლოვდა. ფოთის ქალაქის ადმინისტრაციას განცხადე-
ბა განოუკრავს: „ფოთიდან გასული მასწავლებლები სასწრაფოდ დაუბრუნ-
260

დნენ სკოლას“. სკოლიდან სწერენ ჩემს მეუღლეს, ჩამოდით. თქვენს გარდა ყველანი დაბრუნდნენო.

ხვალ პირველი სექტემბერია. მასწავლებელი სკოლაში უნდა იყოს. ვინც არ გამოცხადდება, მოხსნიან სამსახურიდან, მიედივართ ისევ ფოთისკენ. ალარ ისმის მცხოვრებლების ჩვეულებრივი მხიარული ქრიალული. სახლის პატრონს ჩვენი ბინა გაუღია. ოთახების გაქირავებას აპირებდა. „მადლობა ღმერთს, კარგ დროს ჩამოხვედით.“ — მოგვამახა დიასახლისმა.

წინა დღეს წვიმა მოსულა.

ქალაქში ქაობი დგას. ოხშივარი ასდის მიწას მხურვალე მზეზე. სუფთა ჰაერი არ იგრძნობა (ასე იყო ძველად. ფოთის ღარიბთა უბნები ქაობში იყო ჩაფლული. ახლა სულ სხვაა კოლხეთი. რევოლუციამ შეცვალა კოლხეთის მიწა. პალიასტომის ტბას რიონისკენ გაეხსნა კარი. აპოშრა ქაობები და გალამაზდა ჩვენი მანული. ყველგან სიმწვანე ბიბინებს).

პორტის მოწინავე მუშები ფოთიდან გადაეცახლებინათ. რიონის ხიდიდან გულსაკლავად გამოიყურებოდა დამსჯელი ექსპედიციის მიერ გადამწვარი სახლ-კარი. ბურუსში თვლემდა ქალაქი. ტაძრიდან ყოველდღე ისმოდა ზარების ზუზუნი. ეკლესიაში გალობდნენ „ბოჟე ცარია ხრანი“-ს. იცხოვრე ამ პირობებში. გაზეთები საიბედლოს ვერაფერს გვაუწყებდნენ.

ვზივარ, შეგვტყერი გაპარტახებულ გარემოს. დავედვ ბავშვებს, ვაკეთებ საოჯახო საქმეს. სულ ეს არის ცხოვრება? ჩემს მეუღლესთან მოჰყავთ მშობლებს მოსაზრებულად მოწაფეები. ა. მეგრელიძე ქალთა გიმნაზიაში ასწავლიდა ქართულ ენას და სიმღერა-გალობას. ის კარგი მასწავლებელი იყო, მის გაკვეთილზე ყოველთვის იგრძნობოდა მასწავლებლისადმი სიყვარული და პატივისცემა.

რუსულ გიმნაზიაში 1905 წელს რევოლუციის შემდეგ შემოიღეს ქართული ენის სწავლება. პროგრამით გათვალისწინებული იყო რუსული სიმღერები, მაგრამ მეგრელიძე ქართულ სიმღერებსაც ასწავლიდა ბავშვებს.

ავქსენტრი მეგრელიძე ძალიან უყვარდათ გიმნაზიაში მოსწავლე გოგონებს. მეცადინეობის შემდეგ ჯგუფჯ-გუფად მოჰყვებოდნენ და სახლამდე მოაცილებდნენ.

გადაწვევით, რადაც არ უნდა დამჯდომოდა, საშუალო განათლება მიმეღო. ვინ იცის ცხოვრებაში როდის რა დამქირდება?!. ხომ არ დავბერებულვარ? ჯერ ცხოვრება არც კი დამეწყო რიგიანად. მაგრამ საღმრთო სჯულს ვეღარ ვისწავლი. ღმერთი ამოფარდნილია ჩემი გულიდან და გონებიდან. ტაძარში მხოლოდ იმიტომ მივდივარ, რომ ტყბილი გალობა მოვიცმინო, ნაცნობები ვნახო.

ერთხელ, აღდგომა დღეს, ლეონიდ ეპისკოპოსს გადაეწყვიტა წირვის შემდეგ ყველა მასწავლებლის ოჯახს სწვეოდა.

— უთუოდ ჩვენთანაც მოვა,—მარიგებს ჩემი მეუღლე:—როცა ჯვარს გადაგსახავს, ხელზე უნდა ეამბორო. სხენაირად არ გაბედო!

როგორ ვწუხდი, სანამ ამ ცერემონიას მოვრჩებოდი. მე ძალიან მაინტერესებს ისტორია, რომლის ცოდნაც აუცილებელია ყოველი კულტურული ადამიანისათვის. უცხოეთის ლიტერატურა და დედამიწის გარშემო შემოვლა. მინდა ვავეცნო მსოფლიოში მცხოვრები ხალხების ყოფა-ცხოვრებას. ის უკვე ნასწავლი მაქვს, რომ დედამიწა მზის სისტემაში შედის და გველემუაპის ზურგზე არა დვას, როგორც ეს დედაჩემს და მამაჩემს ეგონათ. „მიწა იძრა, გველემუაპი გაიძვრა...“—იტყოდნენ ჩვენი წინაპრები.

— მერე მცირეწლოვან ნოწაფეებთან დაჯდები და ისწავლი, არ შეგარცხვება?...—მეკითხება ჩემი მეუღლე,—ჩქარა ჩვენი ბავშვები წავლენ სკოლაში,—დაუბრატა ესეც სიცილით,—ბარემ მათთან ერთად ისწავლე!..

— შეიძლება ასეც მოხდეს. მერე რა არის აქ სათაჯილო? სირცხვილი ის არის, რომ არაფერი არ ვიცი.

ამრიგად, ცხრაას ექვსი წლის შემოდგომიდან დავიწყე ნეცადინეობა საშუალო სკოლის პროგრამის მიხედვით და ვიპეცადინე 1910 წლის ბოლომდე. ცხრაას ხუთი წლის შემდეგ და უფრო აღრეც ვწერდი ლექსებს, მაგრამ დასაბეჭდად არსად ვგზავნიდი. ამ ლექსებიდან რამდენიმე უფრო მოგვიანებით დავბეჭდე—1914 წელს ვაზ. „თემში“. 1910 წლის არდადეგების დროს ცოტა მოვისვენე. სააგარაკოდ გურიისში, ვაკიჯვარში წავედი, სადაც მშვენიერი ბუნებაა და ყოველი მხრიდან ნაკადულები მოლივლივებენ. ბავშვების აღერსმა კვლავ დამიგროვა გულში პოეზიის სითბო. დავიწყე საბავშვო ლექსების წერა. ოჯახურ საქმიანობაში გართული, ბავშვების აღერსში ლექსებს აღვილად ვიგონებდი, როცა გონებაში დაიწერებოდა, მაშინვე ჩაეწერდი რვეულში და დავმალავდი, რომ არავის ენახა. ვფიქრობ, იმიტომ არის ჩემი ლექსები სადა, უბრალო, ამავე დროს სასიმღეროდ განწყობილი.

* *

1912 წელია. ისევ ფოთში ვარ. მე ახლა შემიძლია ჩემი აზრი საზოგადოებას გაეუზიარო და, თუ საჭირო იქნება, დავიცვა კიდევ.

ჩემი ბინის უკანა კარებიდან ჩუმჩუმად იწყეს პორტის მუშებმა სიარული. ამხანაგები დაბრუნებულან გადასახლებიდან.

გამოცოცხლდა პორტის მუშების ორგანიზაცია. ქალაქს სიცოცხლე დაეტყო. ფოთში გამართულმა აკაკი წერეთლის იუბილემ ცხადჰყო, რომ ქალაქის მოსახლეობა სულით არ დაცემულიყო. არსდება საგანმანათლებლო წრეები, თეატრი და სხვა... მეც მათთან ვარ. გაზეთში წავიკითხე, რომ თბილისში დაარსდა „ქავეკასიელ ქალთა საზოგადოება.“ უცებ გულში ჩამექრა

სურვილი ასეთივე საზოგადოება ფოთშიაც დამეარსებინა. გავემგზავრე თბილისში. მაშინ პირველად ვნახე ნინო ნაკაშიძე, მიუხედავად იმისა, რომ ცხრაას ათი წლიდან ჩვენ ერთმანეთთან მიწერ-მოწერა გვექონდა. ნინოს გაუხარდა ჩემი გაცნობა და მომიწონა განზრახვა. გამაცნო ქალთა საზოგადოების მუშაობა და ერთი ცალი დაბეჭდილი წესდებაც მაჩუქა. ილია ნაკაშიძე დამპირდა: ჩამოვიდოდა ფოთში და წაიკითხავდა ლექციებს ქალთა საკითხზე. დაებრუნდი ფოთში, მოვიწვიე მასწავლებელი ქალები და გავაცანი ჩემი განზრახვა. ქალები აღფრთოვანებით შეხვდნენ ასეთ სასიქადულო საქმეს. ახლა საკირო იყო გუბერნატორის ნებართვა. ანხანაგ ქალებთან წესდება დავაძუშავე, თხოვნა დაეწერე და გუბერნატორთან დასამტკიცებლად გავგზავნე. ერთი კვირის შემდეგ განოძეცხადა ჯანდარმი ანტიპოვი და გამომეკითხა, თუ რა მიზანი ჰქონდა ქალთა საზოგადოებას, თუცა ყველაფერი ეს წესდებაში მოხსენებული იყო. ჯანდარმი ანტიპოვი დავარწმუნე, რომ ეს მხოლოდ ქალთა საქველმოქმედო საზოგადოება იქნებოდა.

როგორც იქნა ნივილეთ დამტკიცებული წესდება. მოვიწვიე კრება. პირველ დღესვე შეიდასი ქალი ჩაეწერა. ესენი იყვნენ მასწავლებლები, მუშების ცოლები და სხვ. პირველ კრებაზე მოვიდა ორიოდ „ბობოლა“ ქალიც. მათ გადახედეს მდაბიო ქალებს, არ მოეწონათ, ცხვირი აიწიეს და წავიდნენ.

ქალთა საზოგადოებამ თავმჯდომარედ ჩე ამირჩია. დავაარსე წესდებით გათვალისწინებული ორი სკოლა. ერთი—საკვირაო—წერა-კითხვის უკოდინართათვის, მეორე—სალამოს კურსები—მცირეწლოვან ნოქრებისათვის. საკვირაო სკოლა მოვათავსეთ იმ სკოლის შენობაში, რომლის გამგეც იყო მასწავლებელი პეტრე ქუთათელაძე, სალამოს კურსები მოვათავსეთ ლიალინის ქუჩაზე ნინო პარკიას რწმუნებულ სკოლის შენობაში.

საკვირაო სკოლაში თავისთავად გროვდებოდა ხალხი და სიამოვნებით სწავლობდნენ წერა-კითხვას, როგორც ქალები, ისევე მამაკაცები. მაგრამ მცირეწლოვანი ნოქრების განთავისუფლების საქმე სავაჭროების პატრონებისაგან ძალიან გაძნელდა. ამისათვის დიდი ბრძოლა დაეჭირდა ქალაქის მმართველობაში. ნიკო ნიკოლაძესთანაც მომიხდა მისვლა, ვთხოვე დამხმარებოდა. როგორც იქნა, მოვიპოვე აზის უფლება. სალამოს ექვს საათზე ანთავისუფლებდნენ მცირეწლოვან ნოქრებს. საკირო გახდა ყოველ სალამოს სავაჭროების ჩამოვლა. ფოთში მალაზიები ერთ მწკრივად იყო ჩამდგარი ბულვარიდან რიონის პირამდე. სხვა გამოსავალი არ იყო. ყოველ სალამოს ექვს საათზე დავიწყებდი რიონის პირიდან და ჩამოყვებოდი ყველა მალაზიის კარებს, გამოვივადებდი წინ პატარა ბიჭებს, რომელნიც მთელი დღე იდგნენ მალაზიის კარებთან და „მობრძანდი, მიბრძანდის“ უძახდნენ გამვლელებს. ცოტა არ იყოს მერიდებოდნენ ვაჭრები და, როგორც კი დამეჩანხავდნენ, მაშინვე უშვებდნენ ბავშვებს. ჩემს წინ მორბოდნენ პატარა ბიჭები

ქრიაშულით. ეს მე ისე მახარებდა და მალფრთოვანებდა, რომ სულ არ ვგრძნობდი დაღლას. მჯეროდა, კარგ საქმეს ვაკეთებდი. დაიზრდებოდნენ ეს ბავშვები და სასარგებლო ადამიანები გახდებოდნენ.

მასწავლებლები, რომლებიც შემოკრებილი იყვნენ ჩემს გარშემო (საშა ბებია, ნინო პარკია, ქსენია თურქია, ნინო გოგავა, ნადია კასრაძე, პეტრე ქუთათელაძე და ალექსანდრე ცანავა), გულწრფელად ჰუშაობდნენ ბავშვებთან. არ ზოგავდნენ ენერჯიას ბავშვების საკეთილდღეოდ. ყველანი გრძნობდნენ რომ კარგ საქმეს ემსახურებოდნენ.

ქალთა საზოგადოების სახელით გავხსენით იაფფასიანი სასადილო, რომლითაც მუშები და ხელმოკლე ინტელიგენცია სარგებლობდა. იმ პატარა შემოსავლით ვანთავისუფლებდით სწავლის გადასახადისაგან გიმნაზიის ორ ღარიბ მოწაფე ქალს.

წესდების ძალით ჩვენ საღამოებისა და წარმოდგენების მოწყობის უფლება გვექონდა. ამ შემოსავლიდან ვფარავდით ზოგიერთ სხვა ხარჯს. გადასახლებულ ამხანაგებსაც ვუწევდით მცირეოდენ დახმარებას. ვაწყობდით ლექციებს საგანმანათლებლო თემებზე. ილია ნაკაშიძე ორჯერ ჩამოვიდა ფოთში და სრულიად უსასყიდლოდ ორჯერ წაიკითხა ლექცია ქალთა ემანსიპაციის საკითხებზე. ქუთაისიდან მოდიოდნენ იმ დროის საუკეთესო ლექტორები. კითხულობდნენ ლექციებს უსასყიდლოდ, გზის ფულსაც კი არ იღებდნენ. ერთხელ პორტის მუშებმა მთხოვეს დამეწერა წერილი გაზეთში ფოთის ქალაქის უმოქმედობის შესახებ. დავწერე და დავბეჭდე კიდევ „ნამკეცას“ ფსევდონიმით. მე აგრეთვე პალიასტომის ტბაზე მომუშავე მეთევზეებმა მთხოვეს დამებეჭდა გაზეთში წერილი მოიჯარადრებთან შექმნილ უხეშ დამოკიდებულებაზე. დავწერე და დავბეჭდე გაზეთში „დასელი ქალის“ ფსევდონიმით. 1915 წელს დავწერე ოთხი დიდი წერილი მშრომელ ქალთა მდგომარეობის შესახებ დასავლეთ საქართველოში, სადაც მოეუწოდებდი ქალებს მხარი დაეჭირათ მუშათა ორგანიზაციისათვის, ეასაბუთებდი, რომ ამ გზით შეიძლებოდა ქალთა თავისუფლებისა და თანასწორობის მოპოვება... ეს წერილები დაიბეჭდა გაზ. „ახალ კვალში“.

1917 წლის რევოლუციის შემდეგ ერთი წელიწადი კიდევ ვიმუშავე განათლების დარგში. პირველად მოვაწყვე საბავშვო წარმოდგენა მსახიობ ხარაზიშვილის დახმარებით. ფოთის ქალაქის ცხოვრებაში ეს პირველი საბავშვო წარმოდგენა იყო. ამ წარმოდგენაში მონაწილეობას იღებდა ჩემი ორი ბავშვი. მსახიობმა სტეფანე ხარაზიშვილმა დიდი შრომა გასწია ბავშვების მოსამზადებლად.

1918 წელს ზაფხულში გამოვეთხოვე ფოთს და ჩემი მრავალრიცხოვანი ოჯახით თბილისში ჩამოვედი.

იმდენი ამბები გადამხდა თავს, მეგონა ცხოვრება დავამთავრე-მეთქი, მაგრამ სულ რაღაც ოცდათექვსმეტი წლისა ვიყავი. კიდევ უნდა ვიშრომო, —

გადაწყვიტე და ახლა ახალი სურვილი დამებადა. უნივერსიტეტში უნდა შევდგა ფეხი. „ესლა გაკლია“,—მეუბნება აექსენტი მეგრელიძე და იცინის.

— რატომაც არა, რატომ არ უნდა ვისწავლო დღეს, თუ ხვალ მეტი მეცოდინება?—ასეთ აზრს ვადექი მუდამ და ვადგევიარ დღემდე! ყოველდღე შეიძლება ახალი რაიმე შეიძინოს ადამიანმა.

ვეწვიე ივანე ჯავახიშვილს, ვუცდი ხელსაყრელ მომენტს, როდესაც მარტო დარჩება კაბინეტში, რომ შევიდე მასთან. გული მიფანცქალებს. ვერ ვახერხებ, საიდან დავიწყო სათქმელი. პირველად ვხედავ ამ კაცს. ის მასწრებს და მეკითხება:

— რა გნებავთ?

— მე მინდა უნივერსიტეტში შემოვიდე ისტორიის ფაკულტეტზე, მაგრამ გიმნაზიის დამთავრების ატესტატი არა მაქვს. ზოგიერთი საგანი საფუძვლიანად მაქვს შესწავლილი; ზოგიერთზე კი მხოლოდ წარმოდგენა მაქვს.

ჯავახიშვილმა პირველად გაკვირვებით ამხედ-დამხედა, მერე დინჯად გამომკითხა ვინაობა. სიამოვნებით მისმენდა და იღიმებოდა. ახლაც აღბეჭდილია ჩემს ხსოვნაში მისი სათნო სახე.

— არა უშავს, თქვენისთანა დაგვიანებული სტუდენტი მე სხვაც მყავს. ნუ გეშინიათ, დაგებნარებით, ყველაფერში ხელს შეგიწყობთ...

გახარებული გამოვედი კაბინეტიდან.

რანდენიმი დღის შემდეგ რვეულით და ფანქრით ხელში მივდივიარ უნივერსიტეტისაკენ. მოკრძალებით შევდივიარ აუდიტორიაში და უკანა მერხზე ვჯდები. ი. ჯავახიშვილის ლექციაა. ვუმზერ ლექტორის მშვიდ სახეს, ვისმენ მის წმინდა ქართულს და რალაც შორეული სიამტკბილობით ივსება გული.

ივანე ჯავახიშვილის ყოველი სიტყვა გონების თვალით იყო მიმოხილული, რაც თავისთავად ქმნიდა მამენელში სიმშვიდეს. მე ვიჯექი განვლილი დღეების ანბებით გარემოცული...

თვალწინ მეხატებოდა ჩემი ბავშვობა და ვუიქრობდი:

საიდან სად მოვედი...

ასე დამთავრდა ჩემი ცხოვრების პირველი ნახევაირი.

* * *

ჩემი პირველი საბავშვო ლექსი დაიბეჭდა *ქურნალ „ნაკადულში“* (№ 11), 1910 წელს.

სანიმუშოდ მომყავს ეს და სხვა რამდენიმე ლექსი, რომელიც დაიბეჭდა *ქურნალ „ნაკადულში“* 1910—1913 წლებში.

სიმღერა

მიყვარს, მიყვარს გაზაფხული,
ვილი ტურფად მოქარგული,
რა ნაზია,

. ლამაზია
 ყვავილების თაიგული.
 ნწვანე ველზე მიყვარს რბენა,
 იქ პეპელამ იცის ფრენა,
 როს ვიქერ მათ
 ხტუნვით, ლალად
 ფრთას შლის გულის აღმაფრენა.
 მიყვარს მდელი, ბურთი, ლელი,
 რბილი მოლი მინდა ვქელო...
 ეხ, სადა ხარ,
 რად განქრალხარ,
 გაზაფხულო, საყვარელო!
 აღარ ყვავის, ვხედავ, ია,
 მკენარ ვარდს თავი დაუხრია,
 დაქრის ქარი,
 შესაზარი,
 გული ფიქრებს წაუღია.

ქურ. „ნაკადული“, № 11, 1910 წ.

ზამთრის მოლოდინში

ცა მოღრუბლული
 დაჰყურებს არეს;
 კისკასი დილა
 აღარ გვახარებს.
 არ აცისკროვნებს
 მზის სხივი ველსა,
 არ ამშვენებენ
 ფოთლები ხესა.
 და ვიცი მალე დაიგრიალებს
 ქარი საზარი, ქარი ზამთრისა,
 ამ ჩემს ბალს სრულად გაატიალებს,
 შორს გაიტაცებს ფერფლებს ვარდისას,
 და მეც მას ფიქრით ავედევნები,
 იმ გულის მზარავ უდაბურ მხარეს,
 სადაც მეც მისებრ ღრიალ-ხარხარით
 ვინმე გამითხრის შავბნელ სამარეს.

ქურნალი „ნაკადული“, № 11, 1911 წ.

მაგრამ ეს ხმები

დახტის პატარა
და ვით ანკარა
ცისა კამარა
უბრწყინავს თვალი
ეუთუნა, მკრთალი.

ტუჩზე ღიმილი.
ნაზი და ფრთხილი:
ეს მეტად ტკბილი
გრძნობათა ნება
ეთამაშება.

კეთილი არის გრძნობანი მისი,
სპეტაკი ვითა სიცილი ზნისა...
მასში ცინციკებებს სახე მომავლის,
შუქი უჩრდილო ნათელი დღისა.
მასში ცინციკებებს თვით სიყვარული
ნზიური სული და სათნოება;
თვით შავ ცხოვრების თეთრი ნისლია
და ხორცშესხმული უმანკოება.

ვუცქერ მიხარის... ვუცქერ და ვტკბები...
მაგრამ ეს ხმები არ მშორდებიან:
„წავლენ დღეები და ამ სახეზე
სივედის ღრუბლები გამოჩნდებიან.“

ქურ. „ნაკადული“, № 12, 1912 წ.

ჩ ი ტ უ ნ ი ა ვ

ვინ დაგატყვევია, ჩიტუნიავე, მალხაზფრთიანო,
შენ ხომ მზის სხივზე დაიბადე ბუნების ბალში,
ან რასა მღერი ასე ტკბილად, ხმამაღლიანო,
გამომწყვდეული ამ დახლართულ ბნელ გაღიაში?..
ვინ იცის, იქნებ შენც შენატრი თავისუფლებას,
ვინ იცის, იქნებ შენც გულს გიკლავს კაცთა სიავე?
მაშ იქიკიკიე, უგალობე ისევ ოცნებას,—
ჩემო მალხაზო, და მეც სევდა გამინიავე.

„ნაკადული“, 1913 წ.

ნაზო ბუნებაჲ

ნაზო ბუნებაჲ, რა ლამაზი ხარ—
როს განთიადი შეფერავს ცისკარს,
ამომავალ მზის ნათელი სხივი
მყინვარს ჩაჰკოცნის, შეაკრთობს სისხამს.
მაშინ ვარსკვლავი ცის დასავალზე
თვალის წარმტაცად ციმციმებს, ქრება...
გონება ფიქრს შობს გრძნობათ ამშლელსა,
გულის ყვაელი ნელ-ნელ იშლება.
ნაზო ბუნებაჲ, შენი მშვენებით
რად ვერ სტკბებიან შენი მხილველნი?
შენს კალთებს შორის რად იღვრის ცრემლი,
რად არის მწარე სიცოცხლის დღენი?

ეურ. „ნაკადული“, 1914 წ.

ცა მოიწმინდა

ჩენს დიდ სამშობლოში რევოლუციამ გაიმარჯვა. პირველ დღესვე იბეჭდება ჩემი ლექსი „ნაკადულში“:

„...გამოიღვიძეთ, გენაცვათ,
ჩანგი ჟღერს, ჩანგი წყრიალებს...
თავისუფლების სიმბოლო
სამშობლოს ცისქვეშ ფრიალებს...“

მე ალტაცებით შევხვდი დიდი ოქტომბრის რევოლუციას, რომელმაც ყველაფერი შეცვალა ჩენს ცხოვრებაში. საქართველოში საბჭოთა ხელისუფლების დამყარების დღიდანვე ჩემი გულიდან განიდევნა სევდა. აღარ ვხედავდი უპატრონო ბავშვებს ხელგაწვდილს ლუკმა პურისათვის. მე ვნახე, როგორ აგროვებდნენ ქუჩებში უმწეო ბავშვებს და მიჰყავდათ საბავშვო სახლებში. ვნახე, როგორ უფლიდნენ და ასწავლიდნენ მათ. მე მაშინვე დავბეჭდე მოთხრობა „საბავშვო სახლში“.

რევოლუციამდეც ვწერდი პატარა მოთხრობებს. ჩემი პირველი მოთხრობა „დედის საფლავი“ დაიბეჭდა 1915 წელს „ნაკადულში“. მოთხრობა „პატარა მეგობრები“ დაიბეჭდა აგრეთვე „ნაკადულში“ 1916 წ. ორივე მოთხრობა იმდროინდელ ცხოვრებიდან მაქვს აღებული.

* * *

ჩემო პატარა მეგობარო, შენ უკვე გესმის, რა არის კარგი და რა არის ცუდი. სწავლა, შრომა, სიხარული და სილამაზე არის დღეს ჩვენი ცხოვრების დედააზრი. მე თავს ვხრი სილამაზის წინაშე, რადგან სილამაზის სახით მე-

ჩვენება ზაფხულის ნზით მოოქროვილი და აყვავებული ჩემი სამშობლო. მე მინდა შენც ჩემსავით განიცდიდე სამშობლოს სიყვარულს. ამიტომაც ჩემი ლექსები უმთავრესად გამოხატავს გაზაფხულს, ყვავილებს, ჩიტებს, ნერცხლებს, ყანებს და ბუნების სილამაზესთან ერთად შრომას და სამშობლოს სიყვარულს. „ჩვენი დიდი სამშობლოა საბჭოეთის ფართო კალთა...“ მე ასე გინდობდი შენ. „სადაც მზე ყველასათვის თანაბარია... სადაც შრომა სხივდამნათვე დროშად იქცა...“

ჩემო პატარა მნგობრებო, გისურვებთ, იყოთ კეთილშობილნი და ერთგულნი თქვენი მამულისა და თქვენი ბრწყინვალე სამშობლოსი. ეს წიგნი კი მიიღეთ ჩემგან, როგორც გულითადი „სახსოვარი“.



ს ა რ ჩ ვ ი

ლიქსები და პოემები

ჩვენი დროშა	5	ზამთარი სოფელში	47
ია	6	თ ო ვ ლ ი	48
გაზაფხული	7	თეთრად ბრწყინავს ყველაფერი	49
ია და ბავშვი	8	ნაძვის ხე	51
განთიადი	9	რა ლამაზი ხარ ნაძვის ხევ	52
მერცხალი	10	სალამი ნაძვის ხეს	53
განთიადზე	11	ვიგუნდაოთ	54
ნოციმციმდა გაზაფხული	12	საჩხერის საბავშვო სახლის ბავშვებს	55
ჭიკ-ჭიკ, ჩემო მერცხლებო	13	ჯერ პატარაა	56
გივის ჩიტი	14	თავისუფალი ბავშვი	57
დილა მტკვრის სანაპიროზე	16	ნანა, ლამაზო ნანა	58
რა ყვავილებია	17	ჭართლის ველი	59
გაზაფხული სოფლად	18	თინას ტურფა	60
დღეს ესტუმრა სამშობლოს	19	ჩემი სუმბული	61
მ მარტი	21	უქმად ხეტიალში	62
ჩემო პატარავ	22	ბავშვები მთვარიან ღამეში	63
დ რ ო შ ე ბ ი	23	გოგონა კოლხიდის ბაღში	64
მაისის დილა	24	ცაცას წერილი სვანის გოგო ლამარასთან	65
მაისი	25	შოთას ხევიანში	66
სიმღერა პირველ მაისზე	26	ძია შიო	68
გამარჯვების მაისი	27	გურამიშვილის საფლავზე	70
თეთრო პეპელა	28	გონას ლურჯა	71
შავი ზღვა	29	ფისოს თათზე ბრჭყალები აქვს	73
ჩამოდი ჩვენთან	30	ლულუ მქეია	74
ციცო პირველად ხედავს ზღვას	31	კურდღელი და ბავშვები	75
ქვიშეთს	32	ხტუნია და პაწია	76
სალამი ჩემს დედიკოს	33	ჩვენი ნანა	77
ჭვიშეთი	35	ალერსი	78
სიმღერა ყანაზე	36	ჩემო ციციწა	79
ჩემო ყანავ	37	ცუცას ძაღლი	80
ლომის საკრეფად	38	ბრიყვი ყურწყაპუნა	81
რა კარგია შემოდგომა	39	თვითმფრინავი	83
შემოდგომა	40	ჩემი ბურთი	84
ოქტომბრის სიმღერა	41	ნუნუს სათამაშოები	85
პატარა პიონერები	42	გამოიცანი	87
ჭეთოს მერცხალი	43	ნ ა ნ ა	88
ბავშვი და ბილილა	44	მზია და ფისო (პოემა)	90
საღამო ციტრუსებში	45	უმამოდ (პოემა)	94
		გაზაფხულის სიხარული (სცენარი)	89

მოდულები და ზღაპრები

გიგა და შერცხალი	103	ვარდისფერი სახლი	164
შემოდგომა ჩემს სოფელში	105	სიხარული დაუბრუნდა	168
მოულოდნელი შეხვედრა	107	საბავშვო სახლში	175
მაშინ არაეინ არ დამიშლის	110	შორეულ სადგურზე	177
ზახული	112	ავთანდილის ახალი მეგობარი	183
სახსოვარი	115	პირველი ყვავილი	188
ძვირფასი სახელი	117	პატარა ამბავი	191
კარგი ამხანაგი	118	დედის საფლავი	201
პეპლები და დედოფლები	121	ბუნების ბაღში	203
ჩემი კლასის დამრიგებელი	125	პატარა მეგობრები	206
ჩინუო ფანჯარი	129	მზექაბუკი	217
ხარატის შვილი	132	ფარციკუჭ და ფარცადანა (იგავი)	226
ბუბა და ლელა	136	ჩემი ცხოვრებიდან	233
